

Ch.

Don C.

Propriété à l'usage de Paris

1842 & 1843

B. H. 2. A. 36

27



Col. XVI . Tav. 7. Num. 24.

8.42.A.36

14

8. H2. A. 36

IDEA

THEOLOGIÆ

SPECVLATIVÆ,

PAVCIS MVLTA COMPLECTENS

de Deo, de Christo, de Angelis,
& de Gratia.


EDITIO VIII.

A mendis quamplurimis accuratissimè expurgata.

Authore,

D. PETRO A S. IOSEPH,

FVLIENSI.



LVGDVNI,

ANTONII BEAVIOLLIN

ET

MICHAELIS GOY.

Sumpt.

M. D. C. LXVI.


Cum Approbat. & Permiss.

1870

1871

1872

1873



EMINENTISSIMO,
REVERENDISSIMOQUE
ALPHONSO LVDOVICO
PLESSIACO
DE RICHELIEV,
CARDINALI,
ARCHIEPISCOPO,
& Comiti Lugdunensi,
GALLIARVM PRIMATI,
magnoque Franciæ Eleemosynario.



*VM primùm de edenda
hac Idea cogitavi, CAR-
DINALIS EMINEN-
TISSIME, non mihi diu delibe-
randum fuit, quem ei patronum
deligerem; cuius auspiciis in pù-
blicum esset proditura. In te enim
statim intellexi conspire ratio-
nes illas omnes, quas scriptores in
Mæcenatibus suis desiderant, an-*

ti

EPISTOLA.

tiquam generis nobilitatem, Cardinalitia purpura splendorem, Archiepiscopalis dignitatis infulas, rerum Theologicarum peritiam; quodque apud me maius momentum habet, egregium earum virtutum, quae pastorem decent, concentum. Maximè verò suspexi, & publico hoc elogio commendandam duxi charitatem illam eximiam, quae te nuper impulit, ut in gratiam Lugdunensium tuorum pestilentia laborantium, animam si non poneres, saltem exponeres.

Qua in re ostendisti, non te martyrio, sed tibi martyrium defuisse; habet quippe charitas, non secus atque fides, martyres suos, eoque titulo Ecclesia eos colit, qui inter ministeria correptis peste exhibita, diem olim suum obiere. Fecisti quoque ut tibi, non qua Cardinali modo, sed etiã qua Archiepiscopo Eminentissi

EPISTOLA.

nentissimi titulus meritò debeatur: quòd adeò illustria eminentissima charitatis argumenta populo curæ tuæ credito exhibueris. Hæc certè virtus quò infrequentior apud homines in alto dignitatum gradu constitutos, eò maiorem à me exigebat commendationem: neque æquum erat, ut intra unius Urbis ambitum concluderetur charitas illa, quæ totius orbis applausū merebatur; quæque uniuersis animarum pastoribus in exemplum proponenda erat. Est & alia ratio, Cardinalis Eminentissime, quæ id genus obsequij erga Te, à tenuitate mea postulabat. Duæ sunt sorores ex eodem parente, quarū alteri nomen est Concordia, alteri Idea; ambæ Richeliorum fratrum amore captæ, nihil frequentius quàm sacrum hoc Cardinalium par in oculis, & in ore habent. Non

EPISTOLA.

aliam germana ista ambiunt lucem, quàm quæ ex vestra purpura micat, rata optabilius esse hocce tempore in tenebris iacere, quàm extra splendidissimum hunc solem versari. Non etiam illud Christi à plerisque usurpatum, ignorant, qui non est mecum, contra me est; quare ne earum benevolentia, aut fides in suspicionem veniat, ad genua vestra supplices deuoluuntur, indiuiduam vitæ societatem, cum Eminentissimis vestris, nisi per vos steterit, inituræ. Summi quoque honoris habebunt loco, si earum alteri, Armandum Gallia Administrum, alteri, Alphonsum Galliarum Primatem, tanquam fidei suæ signaculum, non acui in brachialibus pictum, vel in plumbi lamina stylo ferreo exaratum, aut certe sculptum in silice; sed fronti typis nunquam morituris.

EPISTOLA.

ris infixum gestare liceat. Vnde timendum non erit, ne Virgines istæ ab Eminentiss Vestris ullo se unquam casu diuelli patiantur; cum seiungi ab iis nequaquam possint, quin eo ipso in proximum, prorsusque indeclinabile capitis discrimen se coniiciant. Sanè, cùm authore Augustino, nulla sit maior inuitatio ad amandum, quàm prauenerè amando, nimisque durus sit animus qui amorem non vult impendere, & rependere renuit; dubium mihi non est. Cardinalis Eminentissime, quin à benignitate tua sim impetraturus, vt soror hæc paruula tui amantissima, adoptatum tuæ Purpure osculum admittatur, tuoque foveatur sinu, vel vt minimum ius domicilij intra ædes tuas obtineat, Quidni verò: Cùm nuper Eminentissimus Cardinalis frater tuus illius germanæ oculis, ma-

EPISTOLA.

*nibusque perhumaniter excepta
non infimum in Palatio suo locum
concesserit. Ita futurum sperat
Idea, sperat &*

EMINENTIÆ TVÆ,

Additissimus

Fr. PETRVS A S. IOSEPH
Fulienfis.

AD



AD LECTOREM.

QUAE NAM consilij nostri ratio fuerit
in hac summula edenda, vel ex illius
titulo intelligi potest. Ideam Theologiae pro-
ponimus, quae passim alij fusissimè, & ple-
rumque vsque ad nauseam, de Deo rebus-
que diuinis tractare solent, breuissimè com-
plectentem. Opus quidem mole exiguum
fateor, labore tamen, vt ingenuè dicam, mi-
nimè exiguo concinnatum. Vtiam quò plus
operæ & otij in eo expoliendo posui, eò
elegantiori cultu ornatum in appertum pro-
deat, nec mihi exprobrent Catones, quòd
instar parientis Vrsæ, informem fœtum, vel
cæcum, canum more profuderim. Certè ne
membris mutilam, aut oculis carentem pro-
lem ederem, ita breuitatem sectatus sum, vt
nihil scitu dignum, quòd sciam, omnino in-
tractum prætermiserim, & vbique quantum
res patitur rebus obscurioribus perspicuita-
tem affundere quàm maximè conatus sim.
An autem quem mihi proposui scopum, ve-
rè & ex animi sententia attigerim, aliorum
erit iudicium. Dedi quoque operam vt quæ-
libet resolutio, vna aut altera ratione eaque
selectiore probetur, præcipuaque sententiæ
oppositæ fundamenta conuellantur. Dimissis
interim authorum allegationibus, quæ inu-
tilem & parum gratam lectori properanti
moram

AD LECTOREM.

moram iniicerent.

quamvis autem Doctoribus Scholasticis, suus cuique debeat honor, ac præsertim S. Thomæ Aquinati Theologorum doctissimo & sanctissimo, à cuius sententia ægrè discedimus; in diligendis tamen opinionibus, eorum libertatem & ingenuitatem imitatur, qui non iurant in verba Magistri, quique rationibus magis, quam autoritatibus hominum ducuntur. Quò fit ut non tantum in eodem libro, sed etiam non rarò in eodem capite, modò pugnem pro aliquo auctore, modò contra illum arma vertam. Scilicet amicus Plato, amicus S. Thom. amicus Scotus, amici omnes alij Scholastici; sed magis amica veritas. Hanc solam inquirò, in eam mentis meæ, quantulacunque est, aciem totam intendo, & ubicunque occurrere visa fuerit, strictissimè complector. Vnde in spem venio, tenuem hunc laborem nostrum veritatis amatoribus, ingratum minimè futurum, iis maximè quos vel negotia à studiis diuturnioribus auocant, vel fastidium à laciniosarum tractationum lectione deterret, cum breuem, satisque ni fallor accuratam Theologiæ delineationem in hac summula, velut in tabella depictam habeant.

Ad methodum quòd attinet, Theologiam quæ in Scholis doceri solet, triplicem facimus, speculatiuam, sacramentalem & moralem. Speculatiua quatuor libris absolvitur, in quorum 1. agitur de Deo, & attributis communibus. In 2. Trinitatem cum

Incar

AD LECTOREM.

Incarnatione coniungimus, propter magnam connexionem quæ inter duo hæc profundissima fidei nostræ mysteria reperitur. Cumque Christus sit longè nobilior Angelis, non immeritò tractatio de Christo, secundum dignitatis locum, in Theologia speculatiua sibi vendicat. In 3. lib. tota disputatio circa Angelos versatur; & tandem in 4. de auxiliis diuinis, & gratia sanctificante, illiusque effectibus disseritur. Sacramentalis Theologia agit in primis de Sacramentis in genere: tum verò speciatim de Baptismo, Confirmatione; Eucharistia, Pœnitentia, Extrema unctione, Ordine, & Matrimonio. Tandem Moralis tractationem & de virtutibus & vitiis complectetur.

Cæterum quæ in Idea speculatiua leuiter attinguntur de physica prædeterminatione, aliisque eò spectantibus, lucem accipere poterunt ex suaui Concordia nuper edita, in qua quicquid ad grauissimam illam controuersiam spectat, fusissimè expendimus, communem sententiam, primaria illius fundamenta, contra plerasque nouas obiectiones, quibus nondum responsum erat, quæque studiosis Theologiæ difficultatem non exiguam ingerebant, defendendo: variisque Patrum testimoniis minimè vulgaribus, pro tenuitate nostra illustrando. Quare Concordia illa, post varias & accuratas aliorum de eadem re lucubrationes ad conciliandam libertatem cum prædestinatione & gratia, necessaria fortè non fuerit, multorum tamen iudicium vetat

AD LECTOREM.

vetat, ne eam ad id omnino inutilem fore existimemus. Maximè quia vt monet August. i. de Trinitate 3. *Non omnia quæ ab omnibus scribuntur, in omnium manus veniunt, & fieri potest vt nonnulli, qui etiam hæc nostra intelligere valent, illos planiores non inueniant libros, & in istos saltem incidant, ideoque utile est p. ures à pluribus fieri diuerso stilo non diuersa fide, etiam de questionibus iisdem, vt ad plurimos res ipsa perueniat, ad alios sic, ad alios autem sic. Vt vt sit, illud mihi assumendum puto ex Hieronymo circa finem commentarij in Ionam, Cum venia audienda sunt quæ dicturi sumus, & conatus nostri fauore p. iis, & orationibus fouendi & adiuuandi, quàm spernandi, aure maleuola; quia carpere & detrabere vel imperiti possunt: Doctorum autem est, & qui laborantium nouere sudorem, vel lassos manum torrigere, vel errantibus iter ostendere. Quòd si adhuc fastidiosus occurrat, cuius palato nostra hæc cibaria minùs arrideant, aut qui ex Iudæorum imitatione, & animam suam nauseare dicat super cibo isto leuissimo, ille certè nihil aliud audiet ex me, quam illud eiusdem Hieronymi epist. 50. seu Apologia ad Pammachium cap. 8. *Aut profer meliores epulas, & me conuiuia utere; aut qualicumque nostra cœnula contentus esto.**

MONITIO ALTERA.

DVo priores libri, in quibus
agitur de materia omnium
grauissima, scituque dignissima, vi-
delicet de Deo vno & trino, ac de
Verbo Incarnato, in tantam breui-
uitatem contracti erant, vt lucem
plerisque in locis desiderare viderentur. Quare, ne meo hac in parte deessem officio prædictos libros denuo recognoui, & quæ in iis breuius, quàm rei dignitas postulabat, tractata erant, partim additione locorum Scripturæ, vel Patrum nonnullarum rationum vberiori confirmatione, & obiectionum solutione, illustraui. Ea porro additamēta, saltem præcipua, hoc asterisco * margini affixo, indicantur, vt statim in Lectorem oculos incurrant,

FACH.

*Facultas admodum Reuerendi
Patris Generalis.*

EGo infra scriptus Abbas Fulienſis, & totius Congregationis Superior Generalis, facultatem concedo Dilectiſſimo nobis in Chriſto Domino Petro à Sancto Ioseph, eiufdem Congregationis Sacerdoti, edendi in lucem duos tractatus, quos elucubrauit, quorum vni titulus est, *Suavis concordia humana libertatis*, cum immobili certitudine *Praedestinationis*, & *efficacia auxiliorum gratia*, alteri verò *Idea Theologiae speculatiuae*, dummodo praeuia Doctorum censura fuerint probati. Datum apud nostrum Fulienſe Monasterium, die vigeſima ſeptima menſis Septembris, anno Domini 1638.

F. CAROLVS A. S. PAVLO.

Appro

Approbatio Doctorum.

EGO Doctor Sorbonicus & Ecclesiæ Lugdunensis Theologus infra scriptus visis Tomis sub titulo *Idea, & Duobus de Casibus Conscientiæ*, impressis & à Doctoribus nostræ facultatis approbatis à D. Petro à Sancto Ioseph Fuliensi, compositis veram Doctrinam continentibus, ipsos denuò typis demandari posse iudicaui. Lugduni die 22. Septembris 1665.

A R R O Y.

IDæam tum Thologiæ Speculatiuæ, cum Sacramentalis atque etiam moralis, nec non Summam Casuum Conscientiæ à D. Petro à Sancto Ioseph Fuliensi elaboratam, facillimâ atque compendiosâ methodo multa paucis complectentem iteratò mandari typis nedum nihil vêtat, imò iuvat & confert plurimum ad vtilitatem tyronum in Theologia. Sic ego infra scriptus Doctor Theologus Parisiensis censeo. Datum Lugduni hac die 10. Septembris an. Dom. 1665.

F. IOANNES ROBE.

Per

Permission de Monsieur le Procureur du Roy.

VEu l'Approbation cy-dessus, & celle du Sieur Arroy, Prestre Docteur en Sorbone du 27. du present Mois. Je n'empêche pour le Roy qu'il soit permis à Michel Goy, Maître Imprimeur à Lyon, d'imprimer le susdit Liure, intitulé *Idea Theologiae Moralis & Sacramentalis, & Summula Casuum Conscientiae, Authore D. Petro à Sancto Ioseph Fulien- si in tribus Tomis cum aliis, &c.* cy-deuant imprimé en cette Ville, Auec les deffenses à tous autres en tel cas requises & accoustumées. Fait à Lyon ce 23. Septembre 1665.

VIDAV.

SOit fait suivant les Conclusions du Procureur du Roy. Fait à Lyon ce 24. Septembre 1665.

DESEVE.

IDEA



IDEA
THEOLOGICÆ
SPECVLATIVÆ,

PAUCIS MVLTÀ COMPLECTENS
*de Deo, de Christo, de Angelis,
& de Gratia.*

PROOEMIUM.

De ipsa Theologia secundum se.

RESOLVTIO I. Theologia est necessaria
ad salutem.] Probatur, quia illud est
necessarium ad salutem, quod est necessarium
ad gignendam, fouendam, & roborandam fi-
dem: Theologia ad hoc est necessaria, ergo est
necessaria ad salutem. Maior patet, quia fi-
des adeò est necessaria ad salutem, vt Paulus
Hebræ. 11. Affirmet, sine illa impossibile esse
placere Deo. Minor verò sumi solet ex Augu-
stino lib. 14. de Trinit. c. 1. & facillè ostenditur,
quia cum res fidei captum humanum longè
excedant, debent illustrari, & defendi ope
Theologiæ, vt intellectus iis firmiter assentia-
tur; Eo vel maximè, quia assensus fidei debet
esse prudens, qualis non esset si homo rebus

A

2 PROOEMIUM.

obscurissimis, & difficillimis assensū præberet, antequam ipsi sufficienter essent explicatæ & variis rationibus confirmatæ.

Nota 1. Theologiam scolasticam non extitisse ante Magistri tēpora, quoad methodum, & ordinem quo traditur in scholis; qua ratione non est necessaria ad salutem, licet sit valde utilis: extitisse tamen quoad suam substantiam, seu quatenus est habitus scientificus varias conclusiones ex reuelatis deducens, quo sensu dicimus eam ad salutem esse necessariā.

Nota 2. Non omnes qui saluātur esse Theologos, eos tamen non saluari sine ope Theologiæ; quæ proinde etsi non sit necessaria in singulis, est tamen necessaria pro singulis, saltem ut plurimum, & spectata via ordinaria qua fides in adultis gigni, & augeri solet.

Dico ut plurimum, nam interdum contingere potest, ut quis extraordinariè, viso, verbi causa, aliquo insigni miraculo, tam efficaciter à Deo moueatur tantaque luce perfundatur, ut sine alia declaratione, aut probatione Mysteriorum fidei, iis propositis statim assentiatur.

Resolutio II. Theologia non incongruè dici potest scientia propria] Ratio est, tum quia Theologia non potest commodè reduci ad vllum alium habitum intellectiuium, quàm ad scientiam, ut consideranti patebit; tum quia cognitio discursiua habens omnimodam certitudinem, meritò scientia vera, & propria dici potest, etsi non habeat euidentiā: idcò enim Philosophi requirunt euidentiā in scientiis naturalibus, quia nulla cognitio naturalis potest

P R O O E M I V M. 3

test esse certa, nisi sit euidens; atqui Theologia est cognitio discursiua, eaque certissima, vtpote innixa principiis fidei: ergo est verè, & propriè scientia, esto non sit euidens.

Nota. Theologiam defectu euidentiæ, non habere quidquid Philosophi communiter exigunt ad veram rationem scientiæ. Quod enim dicunt aliqui eam habere euidentiā consequentiæ, non sufficit, quia Philosophi præterea exigunt euidentiā consequentis, quæ hîc deest; neque etiam placet quod alij dicunt, veritates Theologicas clarè percipi per lumen aliquod medium inter lumen gloriæ, & lumen fidei: hoc enim repugnat manifestæ experientiæ, qua docemur, veritates illas semper in hoc vitæ statu inanere obscuras. Nego tamen hinc sequi, Theologiam absolute loquendo non esse propriè scientiam; quia sufficit, quod non minus certa sit, quàm si esset euidentissima; nisi tota quæstio ad voces reducatur.

Neque dicas, certitudinem non sufficere in hæreticis, ad rationem scientiæ Theologicæ, ideòque nec sufficere in nostra Theologia: Nô enim est par ratio, quia certitudo hæreticorum est tantùm subiectiua, seu tenens se ex parte affectus; cùm eorum Theologia innitatur principiis fidei humana, quæ ex se fallibilis est, creditis. Nostra verò certitudo est obiectiua, quia fundatur in principiis à Deo reuelatis, & fidei diuina creditis. Vnde Theologia hæreticorum non est propriè scientia, cùm ex modo assentiendi, non repugnet, eam esse falsam: At Theologia nostra, ob rationem

4 PROOEMIUM.

positam, non potest non esse vera:& hoc sufficit, vt propriè dicatur scientia.

Nam quod Præterea obijciunt aliqui, Theologiam agere de singularibus, & contingentibus, quæ certa non sunt, facilè refellitur: quia agit, de illis vt cadunt sub lumine diuinæ reuelationis, quomodo sunt certissima.

Resolutio III. Obiectum materiale primarium Theologiæ est Deus, ratio formalis quæ, Deitas; ratio verò formalis sub qua, discursus ex reuelatis.] Prima pars probatur, quia Deus principaliter consideratur à Theologia, & gratia sui, cùm ad alia non referatur.

Nota non opus esse quod scientia consideret omnes veritates sui obiecti absolute, sed illas tantùm quæ cùm ipsius lumine proportionem habent. Nulla tamen est veritas diuina quæ sub reuelationis lumine cadere non possit, & ex qua per legitimum discursum conclusio aliqua deduci nequeat.

Secunda pars ostenditur, quia quæcunque per se tractantur in Theologia reducuntur ad Deum qua Deus est: vel enim agitur de ipsa Deitate aliisque ad eam intrinsecè spectantibus, vel de rebus quæ ad Deum vt sic, tanquam ad suum principium & finem referuntur.

Neque dicas Theologiam agere de peccatis, quæ tamen ad Deū vt ad suum principium vel finem reduci nequeunt: agit enim de illis tantùm per accidens, quatenus cum per se agat de mediis quæ ad Deum ducunt, consequenter tractat de iis quæ ab illo auertunt.

Tertia

PROOEMIUM.

Tertia pars suaderetur, quia cum variæ scientiæ considerent Deum ut Deus est, oportet ut quælibet feratur in tale obiectum sub speciali quadam ratione formali quæ aliis non competat, aliàs inter se non distinguerentur, sicut ergo Theologia beatorum considerat veritates diuinas sub claro lumine gloriæ, ac proinde sine ullo discursu: Theologia verò naturalis discurret de Deo ex principiis naturali lumine notis. Ita Theologia Christiana, de qua agimus, varia demonstrat de Deo prout per legitimum discursum oriuntur ex reuelatis.

Resolutio IV. Theologia vno modo spectata est vna specie scientia, alio minimè.] Et quidem si agatur de Theologia adæquatè spectata, quatenus complectitur varias conclusiones, quarum aliæ ex duabus præmissis de fide, aliæ ex vna præmissa de fide, & altera naturali eruuntur, sic non est vna specie scientia, sed multiplex. Siquidem assensus deductus ex duobus principiis fidei, specie distinguitur ab assensu deducto ex duabus præmissis quarum alia est de fide, alia naturalis; habet enim diuersa specie motiua, & vnus est essentialiter certior alio, quare generant habitus specie distinctos.

Si verò agatur de Theologia strictiùs, ut procedit duntaxat ex duobus principiis fidei sic est vna specie scientia; illa enim scientia est specie vna, quæ habet vnum specie motiuium, siue rationem assentiendi: At Theologia eo modo spectata, hoc habet, quia suū obiectum considerat, quatenus per legitimum discurs-

6 PROOEMIUM.

sum deducitur ex reuelatis, & fide diuina creditis. Et hoc est quod ait S. Tho. 1. p. q. 1. art. 3. Theologiam esse vnā, quia considerat omnia vt sunt diuinitus reuelata; scilicet mediātē quatenus deducuntur ex reuelatis.

Nota, quòd etsi scientiæ naturales Adæ collatæ quoad generationem penderent à reuelatione diuina, vt à causa efficiente: tamen quoad vsum nullo modo innitebantur reuelationi, vt motiui assentiendi, sed aliis motiuiis particularibus, per quæ inter se distinguebantur specie.

Resolutio V. Theologia nostra non est propriè subalternata sciētīæ beatorum.] Rātio est, quia ex communi sententia Philosophorum, quam hic supponimus, ad scientiam propriè subalternatam requiritur primò, vt habeat pro objecto materiali, partem objecti scientiæ subalternantis, at idem est objectū materiale Theologiæ nostræ, & beatorum, nempe Deus.

Secundò, vt consideret in objecto suo formalem aliquam rationem particularem, quæ non competat objecto subalternantis; atqui non modò Theologia nostra, sed etiam beatorum, habet pro objecto formali Deum, vt Deus est.

Tertiò, vt principia subalternatæ sint conclusiones subalternantis; at eadem sunt principia in Theologia nostra, ac in scientia beatorum, nempe articuli fidei, cum eo tamen discrimine, quòd à beatis clarè videantur, à viatoribus autem obscurè: quod sanè ad propriam subalternationem non sufficit.

Quartò

P R O O E M I V M. 7

Quartò, vt scientia subalternata coniungi possit in eodem intellectu, cum subalternante, at Theologia nostra, cùm essentialiter sit obscura, non potest, saltem de lege ordinaria, coniungi cum scientia beatifica. Neque refert illud Hieronymi epist. ad Paulinum. Discamus in terris, quorum scientia perseuerat in cœlis; non enim est sensus, mansuram in cœlo Theologiam nostram, sed tantum nos ibi habituros claram, & perfectam cognitionem eorum, quæ hîc obscure percipimus.

Resolutio VI. Theologia est simul speculatiua, & practica, idque formaliter, magis tamen est speculatiua quam practica. In primis quod sit speculatiua, patet, quia agit de obiecto non operabili, nempe de Deo, de Christo. de Angelis, aliisque rebus circa quas non nisi cognitio speculatiua versari potest.

Secundò, quòd etiam sit practica, probatur, quia illa scientia est practica, quæ agit de obiecto operabili, modo operabili: at Theologia agit ex parte de tali obiecto: cùm enim consideret Deum vt finem vltimum, consequenter agit de mediis quibus eiusmodi finem assequi possumus, nempe de virtutibus, & de modo quo earum actus fieri debent, vt sint boni, & meritorij in ordine, ad vitam æternam.

Tertiò, quòd Theologia sit formaliter speculatiua, & practica probatur, quia produci-
tur per actus, quorum alij sunt formaliter speculatiui, nimirum illi qui consistunt in mera alicuius veritatis contemplatione: alij formaliter practici, ij videlicet qui aliquid fa-

8 PROOEMIUM.

ciendum præscribunt, ipsamque operationem dirigunt.

Quartò, quòd sit magis speculatiua quàm practica, ea ratione ostenditur, quia præstantiores habet veritates speculatiuas quàm practicas: siquidem veritates de Deo Vno & Trino, de Christo, de Angelis, de creatione, de prædestinatione, & similes longè excedunt veritates practicas, quæ traduntur de actibus virtutum.

Nota, quòd sicut intellectus, etsi vnicus sit, distingui solet in speculatiuum & practicum; ita Theologia, etsi vnica sit, potest esse simul speculatiua, & practica. Mitto quòd Theologia adæquatè sumpta, complectitur varios habitus speciei distinctos, vt patet ex supradictis.

Resolutio VII. Theologia quoad dignitatem præstat scientiis naturalibus, iisque est certior.] Prior pars probatur ex triplici capite, primò ex præstantia materiæ quam tractat: agit enim de Deo Vno, & Trino, de Christo, de vltimo fine supernaturali creaturæ rationalis, & de mediis eiusdem ordinis, quibus potest comparari: quæ & similia à scientiis naturalibus non tractantur. Secundò, ex principiis supernaturalibus quibus innititur: argumentatur enim ex articulis fidei à Deo reuelatis; aliæ verò scientiæ fundantur in principiis naturalibus. Tertiò, ex lumine supernaturali, & infuso quo acquiritur; cum tamen scientiæ philosophicæ per solum lumen naturæ comparentur.

Poste

PROOEMIUM. 9

Posterior pars facile ab omnibus conceditur de Theologia quoad conclusiones, quæ euidenter eruantur ex duabus præmissis de fide: cum enim conclusio sit certa propter præmissas, ea sanè est certior, quæ habet præmissas certiores. Idem etiam probabilius existimant aliqui, quoad conclusiones quæ vni propositioni de fide, & alteri naturali innituntur: illa siquidem conclusio videtur certior, ad cuius certitudinem plura concurrunt, ut hîc contingit.

Confirmatur, nam supposita veritate naturali, illius propositionis philosophicæ, omnis homo est risibilis, cum fides doceat, Christum esse hominem, neque id doceat de Paulo profectò certius videtur, Christum esse risibilem, quàm Paulum. Verùm ad solucendas objectiones

Nota 1. Lumen naturale esse à Deo ut à prima causa, & generatim dari ut cognoscamus verum: lumen autem fidei esse etiam à Deo ut à prima veritate, nempe ut eius testimonio assensum præbeamus; quare hoc debet esse certissimum, cum prima veritas nec falli, nec fallere possit.

Nota 2. quod vulgò dicitur, effectum sequi debiliorem partem suæ causæ, non ita intelligendum esse, ut effectus sit semper imperfectior, debiliori parte suæ causæ; experientia quippe oppositum satis ostendit, cum mares nascantur ex mare, & fœmina; mulique ex equo & asina procreentur: sed sensus est, si quis defectus reperitur in effectu, cum in cau-

ſam debiliorem referendum eſſe ; & ſic quod conſuſio orta ex vna de fide, & alia naturali, non ſit tam certa,quàm quæ præcedit ex vtraque de fide,id habet ex præmiſſa naturali,quæ quoad certitudinem, eſt pars cauſæ debiliior.

Reſolutio VIII. Theologia noſtra meretur propriè nomen ſapientiæ] Ratio eſt, quia conditiones veræ ſapientiæ illi competunt , agit enim de rebus propè infinitis, quæ ſub reuelationem cadunt;conſiderat res difficillimas,& à ſenſu remotiſſimas,multò maiorem habet certitudinem quàm ſcientiæ naturales ; verſatur circa cauſas vniuerſaliſſimas rerum omnium, & per illas iudicat de inferioribus ſcientiis, eaſque dirigit ad veritatem : ac denique ipſa non ordinatur ad alias , quin potiùs aliæ debent ad eam ordinari,vt illi famulentur, & ab ea corrigantur.

Neque refert, quòd in vulgari diuiſione habituum intellectualium , ſapientia ponatur vt habitus à ſcientia diſtinctus:nam duobus modis poteſt aliquid diſtingui ab alio, nempe per excluſionem aut per maiorem incluſionem. At ſapientia diſtinguitur à ſcientia hoc poſteriori modo , quatenus illam includit , & aliquid aliud:vel dic in illa enumeratione habituum ſapientiam diſtingui à ſcientia , prout hæc ſumitur pro habitu conſuſionum ſpectantium ad ſcientias inferiores.

Neque etiam refert,quòd Theologia varias propoſitiones mutuetur à ſciētiis naturalibus; id enim non impedit , quin vera ſit ſapientia, quia ei(ſi) modi propoſitiones non ſumit ab illis

P R O O E M I V M. I I

lis vt à superioribus , sed ^potius tanquam ab inferioribus, & ancillis, quibus vtitur propter defectum intellectus nostri, vt scilicet per ea quæ sunt nota lumine naturali, faciliùs euehatur ad cognitionem supernaturalium, quæ in hac scientia traduntur , vt S. Doctor obseruat 1. p. q. 1. art. 3. ad 2.

Accedit quod Theologia ita vtitur propositionibus philosophicis , vt de iis iudicet, neque eas admittat , nisi quatenus nouit suis principiis esse consentaneas. Vnde respuit illud, Accidentis esse est inesse; quia ex eo sequeretur, in Eucharistia, post consecrationem , accidenti panis, & vini non esse sine subiecto; quod repugnat fidei, & sic de aliis.

Resolutio IX. Theologia aliquo sensu est argumentatiua , alio nequaquam.] Explico. In primis Theologia dici potest argumentatiua triplici titulo. 1. quia cum sit scientia, adeoque discursiua, procedit ex suis principiis ad varias conclusiones probandas. 2. quatenus etiam sua principia aliquo modo probare potest , nempe vel argumentando ad hominem, vt cum ex veteri testamento contra Iudæos ostendit , incarnationis mysterium peractum esse; vel si aduersarius nullum fidei principium admittat , proponendo varia motiua quibus sufficienter probatur , articulos fidei nostræ credendos esse. 3. quatenus euidenter negatiue, vt aiunt , soluit argumenta suis principiis opposita; proponendo videlicet rationem aliquam, qua ostendit se non adeò iis conuinci, quin meritò dubitet de eorum veritate.

Non tamen potest Theologia ita dici argumentatiua, vt sua principia clarè demonstret esse vera : quia non argumentatur nisi vel ex vtraque præmissa de fide, vel saltem ex altera; quouis autem ex his modis procedat, semper conclusio erit ineuidens. At neque sic Theologia est argumentatiua, vt possit soluere euidenter positiuè argumenta, suis principiis opposita: quia hoc modo ea argumenta soluere, est ostendere eorum falsitatem, non potest autem Theologia euidenter eiusmodi argumentorum falsitatem ostendere, quin euidenter demonstret ipsos fidei articulos, quibus repugnat, esse veros : quod impossibile est ex iam dictis.

Atque ita, vt res exemplo fiat illustrior, si quis contra mysterium Trinitatis, obiiciat; vbicunque est personarum distinctio, ibi quoque esse naturarum distinctionem : non poterit quidem Theologus euidenter positiuè ostendere falsitatem illius propositionis; quia vt hoc posset, deberet euidenter ostendere veritatem istius : non semper ibi est distinctio naturarum, vbi est personarum distinctio : & consequenter, cum hæc non habeat locum, nisi in Trinitate, deberet euidenter demonstrare, hoc mysterium esse verum, quod impossibile est. Poterit tamen refellere propositionem prædictam, euidenter negatiuè : si quidem ea fundatur in quadam inductione rerum creaturarum, quæ quot habent hypostases, tot habent naturas numero distinctas; unde concluditur, idem dicendum de Deo, At talis

lis consequentia ea ratione negari potest, quia etsi quælibet natura finita & limitata vnico supposito sufficienter terminari possit, non sequitur idem dicendum esse de natura diuina; quia cum sit infinita, & illimitata, potest exigere plura supposita, in quibus subsistat: sicut plura alia, omnium consensu, exigit, quæ nulli creaturæ quantumuis perfectæ, possunt competere.

Nota, Theologiam non probare quidem euidenter, mysteria fidei nostræ esse vera; cum illius argumenta non necessitent intellectum nostrum ad assentiendum eiusmodi mysteriis, vt experientia satis ostendit. Probare tamen euidenter, ea esse credibilia; siquidem ex rationibus, seu motiuis fidei, de quibus agetur in Idea Theologiæ Moralis, prudens quisque iudicare debet, illa esse vera, & à Deo reuelata.

Resolutio X. Varij sunt loci Theologici, qui omnes ad sex capita facillè reduci possunt.] Primus locus sumitur ab auctoritate Scripturæ Sacræ, quo nomine intelligi solet doctrina in nostris Bibliis contenta, quæque ab Ecclesia proponitur vt canonica. Vt autem intelligas qua ratione Theologus ex hoc loco argumentetur.

Nota 1. Sacram Scripturam duplicem sensum habere, nempe historicum seu litteralem & spirituale. Litteralis est quem verba siue propriè, siue metaphoricè accepta immediate significant; spiritualis qui significatur per res ipsas verbis significatas. Vnde oritur

tur vulgaris diuīſio ſenſus ſpiritualis in allegoricum, tropologicum ſeu moralem, & anagogicum: quorum primus ſpectat ad inſtructionem fidei, ſecundus ad inſtitutionem morum, tertius ad ſtatum futuræ viræ.

Nota 2. quòd etſi Theologus poſſit efficaciter argumentari, tam ex ſenſu literali, quam ex ſpirituali, quando de iis conſtat: interdum tamen contingit vt firmitus petatur argumentum à literalī, eò quòd facilius apprehendi poſſit.

Secundus locus eſt ex Traditionibus, ſeu dōgmatibus, quæ non habentur formaliter in Scriptura, ſed à Chriſto, vel eius Apoſtoliſ profluxerunt; huius autem loci non minor eſt vis quàm præcedentis, ſiquidem doctrina ſacra non ideo eſt certa & infallibilis, quia literis conſignata eſt, ſed quia eſt à Deo inſpirata; ſiue alioqui ſcriptis exaretur, ſiue viua voce tātum declaretur. Vt autem intelligatur quænam ſit traditio diuina ad fidem ſpectans, hæc regula obſeruanda. Quando Eccleſia recipit tanquam ex fide certam veritatem aliquam in Scriptura minimè contentam, credendum eſt Apoſtolos diuinitus inſpiratos talem veritatem Eccleſiæ tradidiſſe.

Tertius locus eſt ex decretis Conciliorum Generalium, quæ à ſummo Pontifice ſunt approbata: talia enim Concilia errare non poſſunt in rebus ſiue ad fidem, ſiue ad vniuerſalos Eccleſiæ mores ſpectantibus, vt vel ex eo patet; quòd nulla fidelium congregatio melius repræ

PROOEMIUM. 15

repræsentat Ecclesiam, quàm Concilium Generale à summo Pontifice approbatum. Ecclesia autem cùm sit columna & firmamentum veritatis, ita regitur à Spiritu sancto ut errare non possit, in iis quæ vel credenda, vel, facienda tanquam ad salutem necessaria, proponit.

Quartus locus est ex decretis summorum Pontificum, qui in decidendis fidei quæstionibus errare non possunt. Cum enim Romanus Pontifex sit Petri successor, quoad primum Ecclesiæ, sequitur eum non posse errare in determinandis fidei quæstionibus, quia aliàs tota Ecclesia posset in errorem induci contra expressam, & certissimam Christi promissionem. Pontifex tamen ut persona privata in fide errare potest: sic enim non dirigit Ecclesiam, sed tantum ut illius Pastor, & Vicarius Christi, qua tantum ratione Deus infallibiliter ei assistit, ne in fide errans, alios in errorem inducat.

Quintus locus est ex communi Sanctorum Patrum consensu: quod enim illi universaliter circa fidem tradunt, infallibiliter verum esse censendum est. Quia cum oves suorum Pastorum vocem teneantur audire, si omnes Patres possent errare in fide, posset & tota Ecclesia. Ad hunc autem locum potest reduci consensus omnium Theologorum, quia cùm in munere docendi fideles succedant antiquis doctoribus, si omnes in fide errare possent, sequeretur totam Ecclesiam in errorem labi posse. Vnde non immerito
teme

temeritatis arguantur , qui in re aliqua grauioris momenti , à communi Scolasticorum sententia recedunt.

Neque dicas ex Augustino , relato à S. Doctore 1. p. quæst. 1. art. 8. ad 2. exceptis authoribus sacræ Scripturæ , alios omnes ita legendos esse , vt quatumuis doctrina , & sanctitate polleant , nō propterea existimetur verum esse quod ipsi scripserunt. Id enim intelligi debet , de hoc , vel illo Doctore sigillatim , non de omnibus coniunctim ; præsertim quando in re aliqua ad fidem , aut bonos mores spectante , vnanimiter consentiunt.

Sextus locus constat ex ratione naturali , qui vsui esse potest , tum ad ostendendum veritates fidei non aduersari rationi naturali ; etsi sint supra illam ; tum etiam ad diluenda argumenta quibus fides Catholica ab infidelibus impugnari solet. Ad hunc autem locum reducuntur Philosophorum placita , & historia humana ; ex quibus interdum Theologia argumenta depromit.





LIBER I.

DE DEO

CAPUT I.

De existentia Dei.

Resolutio I. Deum esse est per se notum secundum se, non quoad nos.] Prima pars probatur, quia cum esse notum per se, idē sit ac non esse notum per aliud, illa propositio meritō dicitur per se nota secundum se, cuius prædicatum est de intrinseca ratione subiecti; siue hoc ad talem propositionē necessariō requiratur, siue non: ea enim secundum se non indiget ullo assensu priori cuius vi intellectus ducatur in assensum connexionis prædicati cum subiecto per illā significato. Atqui esse est de intrinseca ratione Dei, ita scilicet ut Deus essentialiter existat, vñ infra dicemus. Ergo Deū esse, seu existere, est per se notū, secundum se.

Secundā pars ostenditur, quia illa propositiō dicitur per se nota quoad nos, quæ perspectis terminis à nemine negari potest: At nonnulli negāt existere id quod Dei nomine significare solemus, nimirū ens quoddā præstātissimū, à se necessariō existens & alia omnia producens: id inquā negant Athei, qualis erat insipiens ille qui, ut ait Propheta, Psalm. 13. Dixit in corde suo,

suo, non est Deus. Ergo propositio illa Deus est, non est per se nota, quoad nos.

Nota 1. eo sensu Patres affirmare notitiam Dei nobis à natura congenitam esse, siue quia illam à pueritia ex parentū instructione comparare solemus; siue quia sine multo labore ex rerum creaturarum cognitione deduci potest.

Nota 2. ut quis assentiatur illi propositioni, Deus est colendus, nō opus esse quod putet Deū esse, sed tātūm illi deberi cultū ex hypothese quod sit. Quemadmodū et si probè sciā parentes esse honorandos, non tamen propterea intelligo, an parentes de facto existant, vel non.

Resolutio II. Deū esse demonstrari non potest à priori, sed à posteriori potest.] Prima pars probatur, quia id non potest demonstrari à priori, quod nō habet causā; atqui existentia Dei nullā habet causā, siue extrinsecam, cum Deus sit primū ens, & à quouis alio independens; siue intrinsecam, eò quod intra Deū non potest esse distinctio causæ & effectus, propter varias imperfectiones inde resultantes.

Dices, ex eo quod Deus sit actus purus, bene sequitur eum existere: at hæc videtur demonstratio à priori, saltē quoad nos. Respōd. negando minorem, nam esse actū purū, est habere existentiam, omnemque aliam perfectionem sine admixtione ullius potentialitatis. Unde dicta argumentatio non est à causa siue reali, siue virtuali, sed à toto ad partem ac proinde non est demonstratio: sicut neque illa, Petrus est homo, ergo est animal.

Secun

Secunda pars ostenditur, Nam Paulus Romanorum 1. aperte docet inuisibilia Dei per res visibiles cognosci. Patres vno ore testatur, nos ex creaturis in cognitionem Dei posse assurgere: Theologi communiter affirmant, contra Aliacensem, & quosdam alios, existentiam Dei posse demonstrari à posteriori. Denique Philosophi solius rationis naturalis ductu, ex consideratione rerum creaturarum ad cognitionem Dei peruenierunt, variisq; demonstrationibus de quibus infra, illius existentiam comprobarunt.

Dices 1. Essentia Dei demonstrari non potest etiam à posteriori, seu per effectus: ergo neque illius existentia. Sequela patet, quia existentia, & essentia in Deo idem sunt. Antecedens ostenditur, quia cum Trinitas spectet ad essentiam Dei, sequeretur nos posse naturaliter cognoscere Trinitatem. Respondeo essentiam diuinam non posse euidenter demonstrari per effectus, quoad quid est, posse tamen quoad quod est. Quemadmodum ex cognitione lucis certò colligo solem existere, etsi hinc nequeam distinctè penetrare quidditatem illius, & modum quo existit.

Dices 2. ex fide supernaturali constat, Deum esse; ergo idem per demonstrationem cognosci non potest: quia cum illa cognitio sit obscura, & hæc euidenter videtur repugnare quod vtraque simul habeatur de eadem re. Respondeo non sequi, potest enim haberi cognitio clara, & obscura de eadem re, per diuersa media: vt patet si discas ex relatione alterius, quod propria experientia didici. Ita ergo possum ex
in

supernaturali reuelatione credere, Deū esse; et si eadē veritas mihi constet, ex naturali lumine.

Resolutio III. Existētia Dei triplici argumēto euidenter probari posse videtur.] Primū ita habet: vel res omnes quæ sunt in vniuerso, siue eæ sint finitæ, siue infinitæ sūt productæ, vel aliqua saltem earū est improducta: si in iis est aliqua improducta, illa est Deus, quod intendimus: si verò tota rerū collectio producta est, vel producta est ab aliquo existente extra numerū eorum quæ producta sunt, vel ab aliquo existente intra illorum numerū hoc posterius dici nequit, quia si id quod est pars collectionis, totam collectionem produxisset, sequeretur rem aliquā seipsam produxisse, quod fieri non posse perspicuum est, ergo affirmādum est totam productarum rerum seriem productam esse, ab aliqua re quæ sit extra numerum rerum productarum, adeoque quæ sit ipsa improducta, & illa est Deus.

Secundò sic argumentor. Vel res omnes quæ sunt in vniuerso sunt possibiles & contingentes, vel inter eas est ens aliquod absolute necessarium, quodque repugnet non esse. Si posterius dicatur, habemus intentum, quia tale ens est Deus, si autē prius affirmaueris, contrā arguo, vel earum rerum aliquando nulla extitit, vel secus, si dicas aliquando nullam extitisse quæro qua vi postea de non esse ad esse transierint; certè cū non potuerint esse à seipsis, eò quòd à nihilo nihil fieri potest, sequitur eas productas esse à causa aliqua ab iis distincta, quæque non sit cōtingens, sed planè necessaria,
&

& hanc vocamus Deum. Si verò dicas aliquā ex rebus illis contingentibus de facto semper extitisse, cū nulla earum sit absolutè necessaria, sed omnes ex se possint esse, & nō esse, supponamus nullā earum modo existere, sane ea hypothefi possibili data omnes possent existere & transire à non esse ad esse : At qua ratione? non propria facultate, vt patet ex dictis, ergo virtutē alicuius causæ quæ illas omnes antecedit, quæq; necessitatem essendi habeat, & hæc est Deus.

Dices, hinc non sequi Deum esse de facto, sed tantū fore si casus ille contingeret. Verū hoc gratis dicitur, quia cū casus ille sit possibilis, cōsequēter possibile est, Deū esse; ergo de facto Deus existit: si enim nō esset actu, nequaquā posset existere, siue à se ipso, cū nihil se ipsū producat, siue per aliquā causam priorē, quia repugnat dari aliquid prius Deo.

Tertiò, argumētari possumus ab elegāti rerū creaturarum cōstitutione & ordine, ab vniformi earum agendi modo, à perpetua elementorum, quamuis inter se pugnantiū, consistentiæ ac denique, vt cætera præteream, à constanti cælorum motu, solisq; accessu & recessu tempestates annuas conficiente. Ista enim satis ostēdūt, esse in rerum natura supremam aliquam mentem, quæ hæc inferiora regit, ac moderatur; quamque, cum sit sapientissima, & potentissima, Deum esse meritò negari non potest. Vnde Chrysost. homi. 9. ad populum Antioch. ait creaturas tam clarè suū conditorē prædicare, vt neque Scythæ, neque Barbarus, neque Indus
neque

neque vlla alia gens sit quæ hanc vocem, omni tuba clariorem, intelligere non possit. Et Cicero li. 2. de natura Deorum: Quid potest esse inquit, tam apertum, tamque perspicuum, cum cælum suspeximus, cœlestiaque contemplati sumus, quàm esse aliquod numen præstantissimæ mentis, quo hæc regantur? Similia scribunt alij passim.

Resolutio I V. Existencia Dei non tantùm identificatur cum essentia diuina, sed etiam est de conceptu formali, & intrinseco illius.] Prior pars probatur, tum quia essentia diuina est infinitè perfectæ, ergo debet includere omnes perfectiones possibiles, ita saltem vt cum iis realiter identificetur; at existere magna est perfectio; tum quia de fide est substantiam diuinam esse omnino simplicem: at non esset omnino simplex, si existencia realiter distingueretur ab essentia illius.

Posterior pars ostenditur. Tum quia Deus, Exodi 3 Nomen sibi imposuit ab ipsa existencia, cum dixit, Ego sum qui sum: Solent autem imponi nomina ad declarandam rei essentiam: vnde cum Deus seipsum perfectè comprehenderet, eo nomine suam essentiam exprimere voluit. Tum quia aut debet concipi existencia Dei ipsius essentiæ intrinseca, aut velut ab illa fluens, saltem secundum rationem: at hoc non, quia sic deberet essentia Dei prius secundum rationem existere, vt existencia ab ea fluere. Tum denique, quia si existencia non est de conceptu essentiæ diuinæ, oportet vt maneat proprius & quidditarius conceptus essen

essentiæ diuinæ, etiam si eam non concipias actu existentem; quod tamen falsum est, cum sic essentia diuina sit ens merè potentiale, & ab alio ad actualitatem reducibile.

Nota, Patres quando dicunt Deum esse sibi causam essendi, intelligendos esse in sensu negatiuo, vt tantum velint, Deum non esse ab alio, sed ex se habere existentiam. Nequẽ inde colligi debet, existentiam Dei esse veluti proprietatem ab illius essentia aut realiter, aut virtualiter fluentem.

Dices, illud non est de essentia alterius, quod ab eo per intellectum præscindi potest, at possumus per intellectum præscindere existentiam ab essentia Dei quatenus illa se habet per modum abstracti: hæc per modum concreti. Respondeo, maiorem esse tantum veram, quando præcisio fit ab intellectu, cum fundamento in re: at nullum est fundamentum, in ipsa essentia diuina, ab ea præscindendi existentiam; cum posita tali præcisione nihil remaneat, cui ratio essentiæ diuinæ competere possit, vt ostensum est.

Neque refert quòd nomine abstracto significemus existentiam Dei, nomine verò concreto illius essentiam: isti enim modi loquendi sumuntur ex nostro imperfecto concipiendi modo, non autem ex re ipsa: cum in Deo nulla sit concretio, seu compositio, sed vnica forma simplicissima, & actus purus nominibus, tam concretis, quàm abstractis, respondens.

De Attributis diuinis in genere.

Resolutio I. Attributa diuina non distinguuntur realiter, aut ex natura rei ab essentia Dei, vel inter se.] Prima pars probatur, tum ex summa simplicitate diuinæ essentiæ, tum ex infinita illius perfectione ; non enim esset summè simplex, si attributa realiter ab illa distinguerentur, aut inter se: quia iam plures res ad illius compositionem confluerebant ; neque etiam infinitè perfecta, quia ad cōplendam suā omnimodam perfectionem, indigeret variis entitatibus à se realiter distinctis, essetque impotentia ad illas recipiendas. Et de hoc non est difficultas apud Catholicos.

Dices, iuxta mōdum loquendi Patrum, attributa diuina non dicere ipsam substantiam, & naturam Dei, sed quæ naturæ insunt. Respondeo, non esse sensum attributa in Deo esse accidentia, aut distinguui realiter ab essentia diuina. Patres enim non rarò oppositum affirmant, sed ea à nobis concipi per modum quarundam proprietatum, quæ naturam diuinam circumstant, eamque afficiunt.

Secunda pars est contra Scotistas & iisdem rationibus ostenditur. Nam essentia diuina neque esset omnino simplex, neque infinitè perfecta, si attributa ex natura rei ab illa distinguerentur: non quidem omnino simplex, quia componeretur ex pluribus entitatibus à parte rei, & citra mentis operationem distinctis, non etiam infinitè perfecta, siquidem in
sua

DE DEO CAP. II. 25

sua entitate non includeret formaliter perfectiones attributales, quin potius eas excluderet.

Dices 1. attributa diuina non constituere vnum per vnionem, sed per identitatem: adeoque non componere. Verum hæc euasio gratis conficta est, cum nequeat intelligi, plura à parte rei distincta non constituere vnum, per vnionem, sed per identitatem: Neque hîc exemplum relationum diuinarum est ad propositum, nam quamvis cum natura diuina vnum constituant per identitatem, non tamen ab ea distinguuntur ex natura rei: contra verò vna relatio distinguitur realiter ab alia non tamen cum ea identificatur. At per te attributa diuina distinguuntur inter se, & ab essentia ex natura rei: quî ergo fieri potest, vt ex illis, & ex essentia constituatur vnû, non per vnionem, sed per identitatem?

Dices 2. vt essentia diuina sit infinitè perfecta: satis esse quod formaliter sit infinita in ratione essentiae, & identicè in omni genere. Sed contra, nam iuxta illam responsionem essentia diuina formaliter spectata, non est simpliciter infinitè perfecta, sed tantum secundum quid: quia, vt sic, non continet perfectiones attributorum, quæ sunt simpliciter simplices. Vnde cum Deus, vt Deus, non dicat nisi essentialia Deitatis; quemadmodum homo, vt homo, non dicit nisi essentialia hominis, sequitur Deum, vt Deum, non esse simpliciter infinitè perfectum, quod certè admitti non debet. Iam ad soluendas varias obiectiones,

Nota 1. quòd Deus verè generat per entitatem

Liber 1.

B

titatem

titatem simplissimam quæ simul est intellectus, & voluntas; dicitur tamen generare per intellectum, non per voluntatem, quia generat per illam entitatem, non ut habet rationem voluntatis, sed intellectus.

Nota 2. vnum attributum esse magis idem cum seipso, quàm cum aliis, non quidem actu, sed virtute, & ratione: quatenus etsi eadem sit actualis omnium entitas, vnum tamen ab alio distinguitur virtualiter, & ratione ratiocinata; à se autem ratione ratiocinante duntaxat.

Nota 3. non bene colligi distinctionem ex natura rei, inter attributa, eo quod similes perfectiones in creatis eo modo distinguuntur: quia quæ sunt dispersa in inferioribus, sunt vnita in superioribus Neque ex eo quod aliter miserationes, aliter iustitia diuina describi solet, tales enim descriptiones formantur ab intellectu nostro, qui ut cōcipit res, ita eas describit Quare cum nequeat in hoc statu Deum clarè cognoscere, varios de illius essentia, & attributis conceptus format: & consentaneè ad hos conceptus inadæquatos, aliter Dei essentiam, aliter singula illius attributa describit.

Resolutio II. Attributa diuina non distinguuntur tantùm nomine ab essentia vel inter se, sed etiam virtualiter, seu ratione ratiocinata.] Prima pars probatur; quia si inter prædicta sola esset nominum distinctio, sequeretur omnia nomina diuina esse synonyma, quod tamen falsum est; quia etsi eandem rem significant, non tamen sub eadem ratione, neque possumus iis indifferenter vri, ad quamlibet Dei perfectionem significandam. Se

Secunda pars sufficienter colligi potest ex dictis, ac præterea probatur, quia ex vna parte essentia diuina in sua simplicissima entitate vnitissime continet varias perfectiones in creaturis realiter distinctas, iisque æquiuales, vnde existit distinctio virtualis: ex alia verò intellectus noster in hoc statu, cum nequeat totum illud obiectum vnico conceptu adæquare, in varios conceptus inadæquatos illud partitur, alio concipiens iustitiam, alio misericordiam; quo ipso censetur constitui inter attributa diuina distinctio rationis, cum fundamento in re.

Nota 1. prædicta intelligi de intellectu viatorum qui Deum non cognoscunt nisi ex creaturis: si autem sermo sit de beatis, ij attributa diuina non distinguunt per rationem; quia cum clarè cognoscant diuinitatem sicuti est, adeoque vt planè indistinctam ab attributis non possunt vnā illius perfectionem ab alia cogitatione præscindere; etsi cognoscant distinctionem rationis quam nos de diuinis attributis effingimus.

Nota 2. quòd sicut inter diuina attributa non est distinctio realis, sed virtualis duntaxat: ita inter illa reperiri non potest nisi ordo virtualis: quò fit vt idem ordo virtualis concipi debeat inter ipsas perfectiones diuinas, qui reperiretur inter illas, si distinguerentur realiter; vnde intellectus in Deo ratione præcedit voluntatem, immutabilitas æternitatem, & sic de aliis.

Resolutio III. Attributa sunt à parte rei de conceptu essentiae diuinæ, & vice versa, non tamen respectu intellectus nostri inadæquate.

quatè, & explicitè ea concipientis.] Prima pars probatur, quia Deus est id quo nihil maius, aut perfectius cogitari potest; ac proinde ut sic, est illimitatus in omni genere perfectionis possibilis. Hoc autem falsum esset, si non contineret essentialiter omnes perfectiones attributabiles, sed tantùm identicè; sic enim non esset essentialiter summè, & infinitè perfectus.

Secunda pars suaderetur: nam attributum divinum est ens vel essentialiter finitum, vel essentialiter infinitum: non finitum, quia Deus cùm sit infinitus, non constat ex finitis; ergo infinitum, adeoque includens essentialiter omnes perfectiones possibiles, & consequenter essentiam divinam, & reliqua attributa divina. Confirmatur, nam non ex alio capite Deus est essentialiter Deus, quàm quia est essentialiter ens à se: atqui quodlibet attributum divinum est essentialiter ens à se non ab alio; ergo essentialiter est Deus.

Tertia pars ostenditur, quia illud tantùm est de cōceptu explicito alicuius rei, quod primario & explicitè obiicitur intellectui eam concipienti: at dum concipis essentiam divinam, non illico occurrit distincta cognitio bonitatis, iustitiæ, aliorumque omnium attributorum ipsius, & vice versa cùm cogitas de bonitate, aut iustitia divina, non statim directà, & explicita cogitatione attingis ipsam substantiam Dei, cui talia attributa competunt.

Nota, propositiones in quibus vnum attributum prædicatur de alio, esse veras in sensu formali, formalitate se tenente ex parte obiecti,

iecti, non autē formalitate se tenente ex parte intellectus inadæquatè concipientis, quia sic vnū distinguitur ab alio, vnde non potest dici, quòd intellectus qua intellectus, sit voluntas, aut vt sic, velit: quia iam concipiuntur vt virtualiter, & secundum nostrā rationē condistincta, quomodo vnū nō potest prædicari de alio.

Resolutio IV. Quamuis actualis intellectio à parte rei sit de formali constitutiuo diuinæ essentia, non tamen iuxta conceptum nostrum explicitum.] Patet ex dictis: Nam in primis cum attributa omnia communia sint à parte rei de essentia diuinitatis, non magis dubitari potest intellectiōem actualem ad illius essentiam, & constitutionem intrinsecam spectare, quàm illam inter attributa Dei communia esse annumerandam.

Eò vel maximè quia pro adæquato constitutiuo alicuius rei, assignari debet id quod præsertim naturā illius explicat: hoc autem præstat respectu Dei, ratio entis à se, seu vndique perfecti & illimitati in omni genere perfectionis possibilis: siquidē illa non tantum ponit in Deo infinitam perfectionem, sed etiam perfectiori modo possibili: quare cū intellectio includatur in tali ente, dubitari non potest, quin à parte rei ad formale Dei constitutiuum pertineat.

Deinde cum aliqua attributa communia; iuxta explicitum nostrum conceptum non sint de ratione diuinæ essentia, idem de actuali intellectiōe affirmandum est, cum par sit ratio: præsertim quia cum à nobis concipiatur per modum actus secundi, ab intellectu diuino

eliciti, multò minùs esse potest de conceptu explicito diuinitatis, quàm ipse intellectus, aliaque attributa quæ à nobis concipiuntur per modum potentiaë, & actus primi.

Accedit quod intellectio supponit obiectum in quod fertur, quare cùm diuinæ intellectio-
nis obiectum sit, ipsa essentia diuina, conse-
quenter illa hanc supponit, atque adeò nequit spectare ad intrinsecam constitutionem illius, saltem respectu nostri.

Neque Deo fit iniuria, quòd eum concipia-
mus per modum substantiaë intellectiuaë à se
existenti: hæc enim est imperfectio nostri in-
tellectus, non ipsius Dei; sicut & quòd alia at-
tributa concipiamus per modum proprietatum
ab essentia Dei distinctarum.

CAPVT III.

De Simplicitate Dei.

Resolutio I. Deus non est corporeus, nec
compositus ex materia & forma.] Prima
pars est de fide cõtra Audianos, seu Antropo-
morphitas, probaturque primò ex Scriptura,
quæ docet simpliciter Deum esse spiritũ, & in-
diuisibilem, lucemq; habitare inaccessibilem, ex
quibus Patres colligunt, Deum esse formaliter
incorporeum, vt etiam statutum est in Conci-
lio Lateranensi sub Innoc. III. referturq; in cap.
firmiter de sũma Trinitate, & fide Catholica.

Probatur 2 quia nullum corpus excogitari
potest, quod variis defectibus non subiaceat,
siue quoad conditionem propriaë naturæ &
entitatis,

entitatis, quæ est multò imperfectior substantiis spiritualibus siue quoad modum existendi, nimirum quætitatiuè, & in loco determinato; siue quoad vim agendi limitatam ad effectus corporeos, & ad certum spatium: atqui eiusmodi defectus longè alieni sunt à Deo, qui est ens perfectissimum, quo nihil melius; siue quoad naturæ cōditionem, siue quoad modum existendi, siue quoad agendi virtutē excogitari potest.

Secunda pars probatur ex iā dictis: materia enim nō habet locum nisi in rebus corporeis & quātis: quòd si quis Deo gratis affingat materiam aliquam quætitatis expertem, adeoque indiuisibilem, quoad partes integrantes, certè talis materia se habebit vt potentia passiuæ respectu formæ, aliàs quo ritu lo diceretur materia? sicque Deus erit quid compositum ex actu & potentia: adeoque non primum erit ens, quia compositum est posterius partibus componentibus, & ab iis dependet: nec ens absolute necessarium, quia non repugnat dissolui compositum quod ex partibus distinctis coalescit: hinc autem colligè fieri non posse quod Deus in compositionem aliorum veniat, siue tanquam materia, siue tanquam forma; vnde facile refelli possunt varij errores quorum meminit S. Doct. 1. p. q. 3. art. 8.

Nota, Scripturam sacram quando membra humana, & nomina aliarum rerum corporarum Deo tribuit, metaphoricè intelligendam esse, vt per rerum materialium similitudinem varias Dei perfectiones exprimat, per oculos vim intelligendi, per brachia potentiam exequendi.

quendi, per leonē fortitudinem, per agum mansuetudinem, &c. Quare autem scriptura porius tradat nobis diuina sub figuris viliū rerum, quā nobilium, vide apud S. Th. 1. p. q. 1. art. 9 ad 3.

Resolutio II. Non est in Deo compositio siue ex natura & supposito, siue ex essentia & existentia.] Nō prior, vt patet tum ex Scriptura & Patribus qui docent Deum esse deitatem, veritatem, bonitatem, &c. adeoque abstracta in Deo prædicari de concretis: quod falsum esset, si illa distinguerentur inter se. Tum ex Concilio Rhemenfi sub Eugenio III. vbi teste Bernardo serm. 80. in Cant. damnatus est Gilbertus Porretanus Episcopus Pictauiensis, quod negaret propositiones illas, Deus est Deitas, Deus est veritas &c.

Tum quia non est ponenda in Deo substantia aliqua absoluta, sed tantum tres. relatiuæ, vt suppono ex l. 2 de Trinitate; quod autem illæ non distinguantur ab essentia, ac proinde cum ea nō componāt, patet, quia aliàs in Deo admitti deberet quaternitas rerum ante mentis operationem distinctarum; quod dici non potest.

Non posterior, vt patet ex dictis cap. 11 vbi ostendimus existentiam Dei perfectè identificari cum essentia illius, imò esse de conceptu illius quidditatiuo. Hinc enim sequitur, vnam non posse realiter componere cum alia: siquidem compositio aliud nihil est quā distinctiō vnio, nullaq; assignari potest vera compositio, quando vnum extremum perfectè identificatur cum alio, aut est de conceptu essentiali illius.

Resolu

DE DEO CAP. III.

33

Resolutio III. Non est ponenda in Deo compositio siue ex genere & differentiâ, siue ex subiecto & accidente.] Non quidem prior, nam genus vniuocè prædicatur de pluribus speciebus, Deus autem non potest esse species, quia cum sit ens summè & infinitè perfectum, repugnat esse plures Deos numero distinctos : sic enim vnus differret ab alio, adeoque careret perfectione illius, & consequenter non esset summè perfectus, vt rectè argumentatur S. Doctor 1. p. q. 1. art. 3. Nihil etiam datur commune vniuocum Deo & creaturis, cum Deus sit essentialiter ens independens & illimitatum, creaturæ verò essentialiter dependentes & limitatæ. Cum ergo Deus non sit sub genere, non potest componi ex genere & differentia.

Non enim posterior, tum quia Deus si cõstaret ex accidentibus, non esset essentialiter infinitè perfectus : iam enim ipsius substantia per aliquid aduentitium perficeretur, neque etiam esset immutabilis, quia accidens de se aptum est adesse, vel abesse à subiecto; tum quia si non debet admitti in Deo compositio substantialis, vt visum est, multò minùs accidentalis, vt pote maiorem imperf. ctionem includens.

Ex dictis collige, Deum esse omnino simplicem, cum omni genere realis compositionis careat, vt hætenus ostensum est, potestque efficaciter confirmari ex capite firmiter de summa Trinitate, vbi id definitum fuit,

Dices, etsi in Deo, vt vno, non sit compositio, est tamen in Deo, vt trino; tum quia quælibet persona cum aliis in aliquo conuenit.

B 5

82

& in aliquo ab iis distinguitur: tum quia cum tres personæ sint inter se realiter distinctæ, non potest ex iis non oriri realis compositio. Respondeo, ex neutro capite sequi compositionem in Deo, non ex primo, cum sit summa idéitas inter naturā, in qua quælibet persona cū aliis convenit, & personalitatē per quam ab iis distinguitur. Non etiam ex secūdo, nam vel personæ considerātur ut sunt vnū in essentia, & sic non sunt vnum per compositionem, sed per identitatem: vel ut sunt inter se realiter distinctæ, & sic non coalescunt ut vnum quid componant, sed sunt tantum plures simplices, sicut numerus est plures unitates.

CAPVT IV.

De Perfectione & Bonitate Dei.

Resolutio I. Deus non est tantum perfectus, sed etiam summè perfectus.] Prior pars probatur: nam perfectum illud dicitur cui nihil deest ad suum complementum naturale. At Deus eadem necessitate qua est ens à se, habet omnem perfectionem sibi connaturaliter debitam, neque ea vi alicuius agentis extrinseci priuari potest, siue ex toto, siue ex parte.

Ybi aduerte quòd etsi creaturæ dici possint perfectæ, quatenus habent perfectiones ad suū statum connaturalem requisitas, siue eæ ad entitatem spectent, siue ad operationem, siue ad assentionem finis; Deus tamen in eo genere multò est perfectior, cum prædicta habeat lōgè nobiliori modo quàm creaturæ, ut docet S. Doct. 1. p. q. 6. art. 3. In primis enim Deus

Deus essentialiter & à se est ens actuale, creaturæ verò sunt dependēter ab agēte extrinseco; essentia Dei per seipsam operatur, res autem creatæ per varias potentias & accidentia: Deus tandem per seipsum beatus est, alia verò beatitudinis obiectum extra se habent.

Secunda pars ostenditur, quia illud dicitur summè perfectū cui absolute nulla deest perfectio: at Deo absolute nulla deest perfectio; cū enim ipse sit fons rerum omnium existentium, nihilque sit possibile nisi per ordinē ad potentiam illius, necesse est ut omnem omnino perfectionem aliquo modo in se præhabeat.

* Confirmatur, nam Deus est id quo nihil maius aut perfectius excogitari potest; quare non tantum debet habere omnē perfectionem sibi debitam, sicut pleræque res habent, iuxta statum suum; sed etiam omnis perfectio, in tota latitudine entis, concipi debet ut illi debita, ei que necessariò, & essentialiter competens: aliàs posset aliquid cogitari melius, & perfectius Deo, quod repugnat. Vnde Dion. cap. 5. de divinis nomin. ait Deum non modò esse existentem, sed simpliciter, & incircumscriptè totum in seipso esse uniformiter accipere.

Resolutio II. Aliquæ perfectiones sunt in Deo formaliter, aliæ eminenter dumtaxat.] Ut hoc intelligas, nota perfectiones esse duplicis generis, aliæ enim dicuntur simpliciter simplices, aliæ simplices secundum quid; perfectio simpliciter simplex dicitur illa quæ in quolibet ente, ut ens est, melior est ipsa quàm non ipsa. Simplex verò secundum

B 6 quid,

quid, quæ non ita se habet ; quo posito.

Dico primo perfectiones prioris generis esse formaliter in Deo, quæ parte in suo conceptu formali dicunt perfectionem : sic enim Deus dicitur formaliter viuens, intelligens, sapiens, &c. Imò Deus non tantum identice, sed etiam essentialiter est vita, intelligentia, & sapientia ex supradictis: quia tamen istæ perfectiones in creatis dicunt imperfectionem, cum sint finitæ, & in genere accidentis, hoc modo non possunt esse in Deo formaliter, sed tantum eminenter, iuxta iam dicenda.

Dico secundo, perfectiones posterioris generis esse tantum eminenter in Deo : cum enim dicant imperfectionem, non potest spectare ad consummatam Dei perfectionem, quod eas formaliter contineat: sufficit ergo quod illas contineat eminenter, eo videlicet sensu, ut possit Deus sua virtute perfectiones illas producere in creaturis, & per seipsum efficere, quicquid illæ præstant in genere causæ efficientis.

Ex iis autem colligi potest 1. creaturas esse Deo similes secundum similitudinem quædam analogicam, eo quod illarum perfectiones sunt in Deo longè nobiliori modo quam in ipsis : quamvis admittendum non sit, quod Deus sit similis creaturæ, ut notat S. Th. q. citata art. 3. ad 4. multò minùs quod Deus sit aliqua res creata, aut quod res aliqua creata, sit Deus.

Collige 2. Nomina cõmunia Deo & creaturis non dici de illis vniuocè, neque etiã æquiuocè, sed analogicè; quatenus perfectiones iis significatæ, sunt quidem in creaturis, non æqualiter
non

DE DEO CAP. IV. — 37

ac in Deo , sed modo inferiori, & cum ordine ad illum; qua de re vide S. Th. 1. p. q. 13. art. 3.

Resolutio III. Deus est summè bonus.] Pro-
batur: nam tripliciter aliquid potest dici bonū.
1. quatenus bene seu consentaneè ad rectam
rationem operatur. 2. quatenus est conueniens
vel sibi, vel etiā alteri , & ab eo appetibile. 3.
quatenus bonū idem est ac perfectum. At deus
his omnibus modis est summè bonus, cum ipse
sit rectus & sanctus in omnibus operibus suis,
habeat statū sibi maximè conuenientem , & à
creaturis omnibus, tanquā summum earum bo-
nū, pro cuiusque modulo appetatur; perfectio-
nesque omnes possibiles essetialiter possideat.

Dices , summum bonum debere excludere
omne malum: ergo, &c. Respondeo, summum
bonum debere excludere omne malum, à sub-
iecto in quod est, non autem ab aliis quorum
respectu se habet extrinsecè.

Quo loco aduerte 1. esse bonum per essen-
tiam esse proprium solius Dei, vt notat S. Do-
ctor art. 3. & satis intelligi potest ex dictis re-
sol. 1. quæ enim ibi de perfectione Dei allata
sunt, ad illius bonitatem æquè pertinent , cum
bonum & perfectum idem sint.

Aduerte 2. ex art. 4. quòd etsi Deus com-
municet bonitatem suam creaturis in genere
causæ efficientis, exemplaris, & finalis ; res ta-
men quælibet dicitur bona formaliter, à boni-
tate sibi inhzrente , quæ non est ipsa bonitas
diuina, sed quædam exigua illius similitudo, &
participatio.

Neque refert quòd Deus dicatur bonum
omnis

omnis boni, non enim sensus est, quòd creaturæ sint tantum bonæ extrinsecè, idque à bonitate diuina, habent enim propriam & internam bonitatem; aut quod bonitas diuina singulis rebus inhæreat, siquidem Deus in nullius rei compositionem venire potest, ex supradictis: Deus ergo dicitur bonum omnis boni, quia causat omnem bonitatem creaturarum modis prædictis. Hinc intelligis præclarum illud Augustini 8. de Trin. 3. Bonum hoc & bonum illud, tolle hoc & illud, & vide ipsum bonum si potes, ita Deum videbis, non alio bono bonum, sed bonum omnis boni.

CAPUT V.

De Infinitate, & Immensitate Dei.

RESOLVTIO I. Deus isque solus est essentialiter infinitus.] Prior pars est de fide, & probatur primò ex scriptura Baruch. 3. Magnus & nō habet finem, excelsus, & immensus: & Psal. 144. ! Magnitudinis eius non est finis. Quæ verba de magnitudine virtutis, seu perfectionis intelligi debent: id ipsum traditur à Patribus, fuitque definitum in Concilio Lateran. ut refertur in cap. firmiter, de summa Trinit.

Probat 2. ex eo quòd Deus sit ens à se, & independens à quouis alio, hinc enim colligi solet, cum non possit habere ullam limitationem in sua entitate, cum limitatio effectuum à voluntate, aut impotentia causarum à quibus procedunt oriatur. Confirmatur: quia ut
suprà

suprà diximus, Deus est essentialiter ens primū , non modò in essendo, sed etiam in causando; ac proinde debet continere perfectiones omnes possibiles, quæ in infinitū multiplicari possunt.

Dices, quod ita est hîc, ut non sit alibi, nō est infinitum secundum locum, ergo quod ita est hoc ut non sit aliud, non est infinitum secundū essentiam, sed Deus ita est hoc, ut nō sit aliud, nō enim est lapis, aut lignum : ergo Deus non est infinitus secundum essentiam. Respondeo negando consequentiam , nam de ratione corporis infiniti, quoad extensionem, est ut formaliter loca omnia repleat ; quare si est in vno loco, & non in alio, non est eo modo infinitum. At verò non est de ratione entis, quoad essentiam infiniti , ut sit formaliter infinita entitas quoad multitudinem, sed ut perfectiones infiniras, aut formaliter, aut eminenter contineat. Vnde etsi Deus non sit formaliter lapis, aut signum, id non impedit , quin sit infinitè perfectus quoad entitatem.

Posterior pars suadetur , quia quicquid est præter Deum , essentialiter pendet à Deo , ac proinde caret summa illa perfectione , quæ est , esse ens à se; nihil tamen vetat, quin res aliqua simpliciter finita, dicatur infinita secundum quid , quatenus res illi inferiores quantumvis perficiantur, ad ipsius dignitatem specificam nunquam perungere possunt.

Nota quòd cum creaturæ sint bonæ & perfectæ, per bonitatem & perfectionem intrinsecam quam à Deo participant , ut supra dictum est : magna autem sit inæqualitas in tali

tali participatione,consequens est eas non esse inter se æqualiter perfectas,esto omnes à Dei perfectione infinite distent.

Resolutio II. Non potest dari infinitum actu siue secundum multitudinem , siue secundum magnitudinem , siue secundum intensionem.] Prima pars probatur in primis, quia sequeretur partem esse æqualem toti , contra principium illud notissimum , totum est maius sua parte. Sequela patet,nam vnitas est pars binarij, & consequenter infinita multitudo vnitatum,est pars infinitæ multitudinis binariorum, cum singulis binariis duæ vnitates respõdeant: At infinita multitudo vnitatum non potest resultare ex finita multitudine binariorum, sed tantum ex infinita,cuius tamen est pars, vt dixi;quare pars est æqualis toti.

Deinde ea multitudo quæ, detracto aliquo numero finito,manet finita,nō potest esse infinita,vt notū est;at si ex quantacunque lapidum multitudine,vel vnus tollatur, qui remanet nō sunt infiniti;cum illud non sit infinitum in aliquo genere,quod non continet omnem perfectionem illius generis, sicut neque illud est absolute,& in omni genere infinitum, quod non cōtinet omnes perfectiones absolute possibiles.

Secunda, & tertia pars possunt eodem modo probari. Nam in primis quantitas pedalis est pars bipedalis ; & vnus gradus qualitatis est pars duorum , vnde prior ratio instaurari potest. Rursus si à quacunque magnitudine duos pedes , vel à qualitate quantumvis intensa duos gradus auferas , quod remanebit

nebit non poterit esse infinitum in eodem genere, ob secundam rationem.

Dices, Deus potuit creare mundum ab æterno, & singulis diebus producere vnum Angelum; quod si præstitisset, iam essent de facto infiniti Angeli, ergo tale infinitum est possibile. Resp. 1. gratis in hoc argumento supponi tempus potuisse esse ab æterno: tempus enim sequitur motum alicuius substantiæ, & prius est rem esse productam, quàm moueri, quia producit in instanti, & non mouetur nisi successiue.

*Resp. 2. ea suppositione gratis admissa, negandam esse consequentiam: quia etsi Deus quolibet die vnū Angelum creasset, eorū multitudo non esset actu, & simpliciter infinita; quia creatione nouorū Angelorū quotidie augeri posset. Circulationes etiam oranes, vsque ad hodiernam, transactæ essent, cum tamen id quod propriè infinitum est, non possit petransiri: Quæ ratio est cur ex 5. Th. i. p. quæst. 7. art. 3. corpus infinitæ magnitudinis, si daretur, non posset moueri circulariter: quia vna pars numquam posset peruenire ad locum alterius, eò quòd infinitè inter se distarent. Verùm de hac quæstione plura apud Philosophos.

Resolutio III. Deus est vbique in hoc mundo, & etiam extra hunc mundum] Prior pars satis constat ex Scriptura: Ierem. 23. Cælum, & terram ego impleo P'sal. 138. Quò ibo à spiritu tuo, &c. Et ex Patribus, vt à fortiori ex probatione posterioris patris intelligetur. Fuit etiam definita in capite firmiter, vbi statuitur, Deum esse immensum: idemque habetur

betur in Symbolo Athanasij: vnde vt minimum colligitur. Deum esse in hoc mundo rebus omnibus præsentem. Ratio autem sumi potest primò ex infinitate Dei, cum enim Deus sit summè perfectus; sequitur eum esse realiter præsentem rebus omnibus: siquidem res creatæ eò perfectiores. cæteris paribus iudicantur, quò maius spatium secundùm realem præsentiam occupare possunt.

Secundò idem ostenditur ex immutabilitate Dei: nam vel Deus potest esse in aliqua creatura, vel non; hoc posterius dici nequit, cum nequidem id denegetur Angelo: si prius, ergo de facto est in illa, aliàs posset mutari, & cum non sit potior ratio de vna quàm de alia fatendum est eum esse in omnibus.

Quo loco aduerte, Deum generatim esse tribus modis in rebus omnibus, nempe per essentiam, per præsentiam, & per potentiam, speciatim verò esse in iustis per gratiam sanctificantem, in Ecclesia, per specialem assistentiam & directionem, in sanctis per gloriam, in Christo per vnionem hypostaticam, &c.

Posterior pars non est adeò certa, & à nonnullis negatur. Viderur tamè sine dubio cõformior Scripturæ, docenti Deum à cælis nō capi, & Patribus passim affirmantibus, Deum non tantum esse in mundo, sed etià extra mundum eum implere, & superexcedere omnia, supra omnem magnitudinem fundi, & expandi, aliaque id genus quæ non debent ad sensum valde improprium & hyperbolicum trahi. qualis esset, si Deus hoc modo concluderetur.

Accedit ratio, nam nulla est perfectio in

Deo quæ actu non sit infinita & illimitata, ac immensitas est quædam Dei perfectio, ergo ea debet esse actu infinita & illimitata, ac proinde in infinitum supra cælos actu extendi debet, & non tantum potentia.

Deinde si Deus crearet alium mundum, esset realiter in illo, atque adeo esset realiter extra hunc mundum. Hoc autem fieri non posset absque mutatione, si Deus iam tantum esset in hoc mundo; cum nequeat concipi rem aliquam modo non esse realiter extra certum spatium, modo esse realiter extra illud, sine sui mutatione.

* Dices, extra cælum nulla sunt spatia, nisi per imaginationem, ergo Deus ibi non est, quia alias esset in nihilo. Respondedo negando antecedens, nam verè, & citra ullam imaginationem, sunt extra mundum vasta quædam & infinita spatia, quæ res omnes creabiles recipere possunt: sicut & in hoc mundo sunt similia spatia, quæ de facto occupantur à rebus creatis. Nec dicas ipsa corpora facere spatia seipsis; nam etsi hoc verum sit, de spatiis physicis & positiuis, non tamen simpliciter de quocumque spatio: cum res omnes, antequam existant, supponant spatium aliquod in quo recipiantur, quodque suo modo existat, independenter ab illis. Quare prædicta spatia non dicuntur imaginaria, quod à sola hominum imaginatione pendeat, sed quia imaginamur illa, tanquam spatia quædam physica & positiua: cum tamen nihil sint positiuum, sed tantum quædam negatio adiunctam habens capacitatem, seu nono repugnantiam, ut repleatur. Neque absurdum

est eo sensu concedere, aliquid esse in nihilo, ut patet si corpus poneretur in vacuo: nisi dicere malis, iuxta modum loquendi Patrum, Deum extra cælos esse in seipso.

Nota 1. ubiuitatem Dei non tantum dicere existentiam illius, sed etiam connotare existentiam aliarum rerum, in quibus Deus existere dicitur. Immenfitatem verò Dei dicere tantum illius existentiam infinite diffusam, siue aliud existat, siue non. Vnde illa non competit Deo necessario, & ab æterno, sed libere, & in tempore? Hæc verò illi conuenit necessario, & ab æterno, cum nullam creaturam connotet, sed dicat solam præsentiam Dei ab illius substantia minimè distinctam.

Nota 2. immenfitatē absolute nulli creaturæ posse competere; ubiuitatem verò aliquatenus posse; quia potest Deus creare Angelum, qui totam mundum occupet. Qui tamen non erit necessario in rebus omnibus, quantumcumque augentur, aut etiā in tota latitudine spatij, quod occupare potest, cum ad quandam partem, vel punctum illius possit præsentiam suam restringere. Vnde ubiuitatem participabit diuinæ longè inferiorem: cum Deus ita sit ubique, ut repugnet aliquid produci, in quo ipsa non sit, aut quod præsentiam suam ad spatium aliquod finitum contrahat.

CAPVT VI.

De Immutabilitate, & Æternitate Dei.

RESOLVTIO I. Deus, isque solus est immutabilis. Prior pars est certa ex fide, ut

ut

DE DEO CAP. VI. 45

ut satis potest colligi, tum ex Scriptura sacra Malach. 3. Ego enim Dominus, & non mutor. Iacobi. 1. Apud quem non est transmutatio, nec vicissitudinis obumbratio, &c. tum ex definitione Concilij Lateranensis relata in capite firmiter. Ratio autem est, quia si Deus est mutabilis, hoc est vel secundum substantiam, vel secundum accidentia: non primum, quia cum sit ens à se, ab alio generari, aut corrumpi non potest: non secundum, quia Deus non est capax illius accidentis ex dictis cap. 3. Confirmatur, nam Deus non potest mutari mutatione perfectiva, cum habeat in se plenitudinem essendi; neque amissiva, cum habeat omnia eadem necessitate & independentia qua est.

Posterior pars est etiam de fide, ut colligitur ex verbis illis 1. ad Timoth. 6. qui solus habet immortalitatem, id est, immutabilitatem, ut explicant Patres, & præclare inter alios noster Bernardus sermone 81. in Cant. Ratio verò est, quia quidquid est præter Deum, est creatura: at omnis creatura pender à Deo quoad sui productionem, & conservationem, potestque ab eo in nihilum redigi, & ita quoad substantiam mutari: cumque non sit omnino simplex, & infinitè perfecta, potest novas qualitates recipere, & aliis priuari, potest etiam ab uno in alium locum transferri, cum non sit immensa: & tandem si est intellectualis, in suis electionibus aliisque operationibus internis varias mutationes subire potest.

Resolutio II. Deus est verè & propriè æternus.] Est de fide ut potest colligi ex Scriptura

ptura, Deuteronomij 32. Vivo ego in æternum, dicit Dominus, Ps. 101. Tu autem idem ipse es, & anni tui non deficient, tum ex Symbolo Arhanasij, vbi ita habetur: Æternus Pater, æternus Filius, æternus Spiritus sanctus. Tum denique ex capite sumitur, vbi idem statuitur.

Ratio autem à priori sumitur ab immutabilitate Dei, siquidem illud est æternum, quod habet necessariam & immutabilem permanentiam in esse: Deus hoc habet, cum sit ens à se, & ab alio independens; quare verè & propriè est æternus. Confirmatur, nam ens absolute necessarium non potest habere initium vel finem essendi: at hoc est habere durationem infinitam, adeoque esse æternum.

*Nota 1. æternitatem cõmuniter à Theologis, ex Boëtio sic describi, Æternitas est interminabilis vitæ, tota simul, & perfectæ possessio. Dicitur perfectæ possessio, quia res essentialiter æterna tam perfectè possidet vitæ, vt per nullâ potentiam ab ea vnquam excidere possit. Dicitur, tota, ad denotandum bonum illud non possideri per partes, & successivè sed totum simul quoad integram suam perfectionem, & latitudinem. Ibi, inquit Aug. in Ps. 101. nihil est præteritum, quasi iam non sit, nihil est futurum, quasi nondum sit; non est ibi nisi est, non est ibi furt, & erit. Vnde Pater æternus quotidie dicere potest ad Filium. Ego hodie genui te, quia eum genuit in æternitate, quæ non habet præteritum, aut futurum, sed est tota semper simul.

Dicitur tandem, interminabilis vitæ, quia æternitas est duratio vitæ perfectissimæ, qualis ea est quæ principio ac fine caret. Nota

Nota 2. Prædictam descriptionem æternitatis durationi Dei perfecte competere; ea enim non distinguitur à substantia Dei, quæ principio & fine caret, adeoque est interminabilis: caret etiam partibus sibi inuicem succedentibus, ac proinde totum suum esse simul habet. Deus tandem est perfectissimè viuens, vitamq; modo perfectissimo, nempe à se possidet. Nec refert quod Scriptura Deo interdum tribuat varias temporum differentias: ita enim loquitur, ut ostendat durationem Dei etsi in se indiuisibilem, complecti omnia tempora, iisque coexistere, sicut anima rationalis coexistit corpori quanto, & punctum in medio circuli positum toti circumferentiæ. Hinc autem collige, nihil propriè esse æternum præter Deum, etsi nonnulla illius æternitatem impropriè participare dicantur, siue quia diu durant, siue quia nunquam desinunt, &c.

* Quæres, quomodo se habeat æternitas diuina, cum coexistentia prædicta. Respondeo 1. æternitatem ab ea aliquo modo distingui, quatenus æternitas dicit præcisè durationem Dei, coexistentia verò connotat simultaneam aliorum durationem, 2. talem coexistentiam necessario oriri ex æternitate durationis diuinæ, supposita quarundam rerum creatione: eo ipso enim quod Deus æternus est, sequitur nihil vnquam existere cuius ipse durationi non coexistat. 3. licet æternitas Dei sit prorsus immutabilis, variationem aliquam in dicta coexistentia reperiri, propterea ipsum tempus in se variatur. Dicimus enim Deum hodie non coexistere dici hester.

næ, aut crastinæ, nec cras coexisturum hodiernæ &c.

Resolutio III. *Æuum* est duratio indiuisibilis & tota simul.] Est communis contra Bonauenturam, eaque ratione probatur: nam cum duratio nihil aliud sit, quàm ipsum esse rei ut permanens: non potest esse in duratione successio, nisi res ipsa quæ durat habeat in se successionem aliquam, ut patet in tēpore, quod nō alia de causa est successiuum, nisi quia motus cuius est duratio habet in se partes priores; & posteriores atqui æterna, ut Angeli, non habent in se ullam successionem, sed sunt entia indiuisibilia & tota simul: ergo neque æuum, quod est eorum duratio, talem successionem ferre potest. Confirmatur: nam si in permanentia Angeli in suo esse contingeret successio, similiter dici posset, in æterna Verbi generatione successionem reperiri, cum ea semper dureret, iuxta illud Psal. 2. Ego hodie genui te.

Neque tamen propterea æuum adæquandum est æternitati: hoc enim neque in se, neque in sibi adiunctis successionem patitur: & ex intrinseca necessitate est indeficiens, seu continens actu vim coexistendi durationi infinitæ. At duratio Angeli in sibi adiunctis successionem aliquam pati potest, habetque duntaxat infinitatem quandam negatiuam, & secundum quid, quatenus non finitur tempore.

CAPVT VII.

*De Possibilitate visionis Dei, & de lumine ad
eam requisito.*

Resolutio I. Deus potest in seipso clarè vi-
deri ab intellectu creato, non tamen natu-
ræ viribus.] Prior pars est de fide potestque
probari ex scriptura Matth. 5. Beati mundo
corde, quoniam ipsi Deum videbunt. 1. Ioan. 3.
Videbimus eum sicuti est, quæ & similia ab Ec-
clesia, & Patribus intelliguntur de visione clara,
qua Deus videtur in se, non autem in obiecto
aliquo prius cognito.

* Deinde ab actu ad potentiam valet conse-
quentia; at de fide est, beatos de facto clarè
Deum videre, vt in se est, neque talem visionem
deferri vsque ad diem iudicij, vt definitum est à
Concilio Florentino, decreto de Purgatorio, & à
Benedicto XI. in Extrauag. Benedictus Deus, à
recentioribus relata.

* Tandem vt arguit S. Doctor 1. p. q. 12. art.
1. cum vltima hominis beatitudo in altissima
eius operatione, quæ est operatio intellectus
consistat; si intellectus creatus Deum videre ne-
quit; vel ille nunquam beatitudinem obtinebit,
vel in alio quam in Deo eius beatitudo consi-
stet; quod à se ille alienum est, quia perfectio vlti-
ma creaturæ consistit in coniunctione ad suum
principium.

Addunt nonnulli varias rationes ex solo
lumine naturæ sumptas quibus idem demon-
strari putant, sed frustra: nam lumen naturale
non potest aliquid demonstrare, nisi ex cau-

lis aut effectibus naturalibus : visio autem Dei cum sit ordinis supernaturalis, non habet causas vel effectus naturales, per quos illius possibilitas demonstrari possit.

* Dices, nonne cognoscimus naturaliter, quamlibet potentiam, scilicet eleuatam, posse attingere suum obiectum, Deumque, cum sit ens, contineri sub obiecto intellectus? Respondeo nona satis constare ex solo naturæ lumine, utrum ens in genere, prout complectitur naturale, & supernaturale, sit obiectum intellectus creati. Neque, etsi hoc detur, inde colligi, stando præcisè in lumine naturali, Deum posse ab intellectu creato perfectè, & quidditatiuè, ut in se est, cognosci: quia dici poterit, minorem cognitionem sufficere.

Posterior etiam pars est de fide, ut statutum est in Concilio Viennensi sub Clem. V. contra Begardos & Beguinas Probatum autem 1. quia homo non potest naturaliter assequi media necessaria ad obtinendam visionem Dei, ut suppono ex aliis dicendis, ergo multo minus sibi relictus ipsam Dei visionem assequi poterit. 2. quia modus cognoscendi sequitur modum essendi: cum cognitio fiat secundum quod cognitum est in cognoscente, & cognitum sit in cognoscente, secundum modum cognoscentis, ut arguit S. Th. art. 4. atqui esse Dei est altioris ordinis quam esse creaturarum intellectualium, ergo hæc non possunt Deum naturaliter videre, ut in se est.

* Dices, si hæc ratio valeret, non posset Angelus inferior naturaliter videre superiorem, ut in se est; cum non habeat tam perfectum

DE DEO CAP. VII. 51

Etiam essendi modum. Respondeo id non sequi, quia Angelus inferior cum superiori conuenit, in ratione quadam essendi eiusdem ordinis, quatenus uterque est substantia creata, intellectua-
lis, immaterialis, participans eandem compo-
sitionem metaphysicam. &c.

Nota 1. Chrysostomum quando interdum ait Deum à nulla creatura videri posse, loqui de cognitione comprehensiuâ, qualem sibi arroga-
bant Anomæi, contra quos disputat. 2. ex eo quòd Deus est obiectum nostri intellectus, non sequi nos posse naturaliter Deum videre, quia Deus clarè visus est tantùm obiectum nostri intellectus, vt eleuati per auxilium supernatu-
rale.

Resolutio II. Beati de facto vident Deum per lumen gloriæ] Est de fide sub iis terminis, vt constat ex Clementina, Ad nostrum, de hæreti-
cis, vbi damnantur Begardi & Beguinæ quòd dicerent, animam non indigere lumine gloriæ ipsa eleuante ad videndum Deum. Per lumen autem gloriæ communiter intelligitur qualitas aliqua supernaturalis & habitualis, qua intel-
lectus creatus roboratur, & eleuatur vt essentiam diuinam clarè & intuitiue videat. Congruum enim est vt creatura eleuetur per habitum quē-
dam supernaturalem ad visionem Dei, vt nimi-
rum talis actus fiat connaturali modo, nempe à principio intrinseco & proportionato.

Vnde refelluntur qui putant prædictam definitionem intelligi siue de lumine increato intellectus diuini, siue de lumine aliquo actuali, siue de specie intelligibili diuinæ essen-
tiæ.

riæ: non enim potest intellectus creatus formaliter intelligere per ipsum lumen diuinum, & ad visionem permanentem requiritur lumen permanens, idque distinctum à specie impressa diuinæ essentiæ: tum quia hæc de facto non datur in beatis; tum quia quamuis daretur, necessariū esset lumen distinctum ex parte potentiæ.

Refelluntur etiā qui dicunt, lumen gloriæ deferuire ad solum ornatum potentiæ, vel tantum ut obiecto clarè proposito, possit intellectus propriis viribus in illud tendere: siquidem potentia naturalis est nimis improporcionata, ut assurgat ad claram Dei visionem, nisi ad hoc eleuetur & iuuetur per principiū aliquod eiusdem ordinis.

Nota, quòd cū essentia diuina sit intimè præsens intellectui beatorum, frustra in eodem poneretur species illius impressa; at lumen gloriæ se tenet ex parte intellectus, eumque eleuat ad visionem Dei, modo connaturali & proportionato eliciendam: quare illius defectus non ita congruè suppleri potest.

Resolutio III. De potentia absoluta Beati possunt Deum videre sine lumine gloriæ.] Est cōmunis extra scholam Thomistarū, probaturque hac ratione. Nam adeò certum est Deum posse per se supplere quemcumque influxum effectuum causæ secundæ, dummodo non sit vitalis, ut S. Thomas 1. p. q. 105. art. 2. dicat oppositum esse erroneum: atqui influxus luminis gloriæ non est vitalis, cum non sit à principio vitæ intrinseco, sed potius à principio quodam extrinsecus adueniente: ergo poterit Deus per seipsum talem influxum supplere.

Confirmatur, nam Deus continet totam

DE DEO CAP. VII. § 3

perfectionem & vim agendi luminis gloriæ , & aliunde non minùs coniunctus est intellectui , quàm lumen ipsum ei inhærens ; quidni ergo poterit speciali concursu illius defectum supplere , sicut & supplet defectum speciei intelligibilis ?

Nota eleuationem prædictam non consistere in nuda præsentia Dei , Deus enim intimè præsens est rebus omnibus , cùm tamen non omnes eleuentur ad actus supernaturales : sed in peculiari assistentia , qua Deus paratus esset concurrere cum intellectu ad visionem beatificam , ex hypothesi quòd defectum luminis supplere vellet.

Resolutio IV. Nullus potest creari intellectus cui lumen gloriæ sit naturale.] Probatur 1. quia sequeretur creaturam , cui talis intellectus conueniret , naturaliter videre Deum clarè & intuitiue atque adeò naturaliter esse beatam , & impeccabilem , Deumque non posse sine violentia illi denegare visionem suæ essentia , quæ & similia nō satis cohærere videntur cum Scripturâ , & Patribus docentibus Deum esse inuisibilem respectu creaturæ , eum solum esse impeccabilem , creaturas verò omnes , quia sunt ex nihilo , peccare posse , & non posse obtinere beatitudinem nisi ex dono Dei , aliaque id genus , quæ planè videntur intelligenda , etiam de creaturis possibili- bus : præsertim cùm hoc spectet ad maiorem Dei perfectionem , & eminentiam supra omnia creabilia.

Probatur 2. Nam si lumen gloriæ alicui substantiæ esset connaturale , talis substantia deberet esse supernaturalis , quod repugnat :

tum qui supernaturale dicitur quod est supra exigentiam naturæ qua ratione gratia, & lumen gloriæ dicuntur habitus supernaturales omnino absolutum, & prædicto respectu carere, qualis est quælibet substantia completa, siue creata, siue creabilis: tum quia explicari non potest, quo titulo aliqua substantia possit dici supernaturalis, nisi enim ei tribuantur perfectiones diuinæ, certè quantūvis perfecta fingatur, ea variis defectibus subiacebit; cūque Deus possit creare alios, & alios Angelos in infinitum perfectiores, tandem deueniendum erit ad aliquem Angelum qui eiusmodi substantiæ perfectionem adæquet, etsi nequeat dari Angelus qui sit ordinis supernaturalis.

* Dices 1. si supernaturalitas potest reperiri in genere minus perfecto, nempe in actione, & qualitate, cur non & in substantia, quæ est genus perfectius? Nonne vnio humanitatis cum Verbo, est supernaturalis, simulque substantialis? Respondeo rationem discriminis inter substantiam, & accidentia, quoad supernaturalitatem, iam ante assignatam esse. Neque mirum videri debet, quod non omne quod competit generi minus perfecto, conueniat perfectiori; aliàs dicendum esset, proprietates omnes quantitatis, qualitatis, aliorumque accidentium competere substantiæ, quod absurdum est. Sicut autem non repugnat qualitas supernaturalis, ita nec substantialis modus supernaturalis: quia sicut illa, ita & iste potest superuenire substantiæ creatæ, & esse supra exigentiam illius: qua

DE DEO CAP. VII. 55

qua ratione vnio ad Verbum, erat supra conditionem naturæ humanæ. At non est eadem ratio de substantia perfecta, & ad se existente, vt dictum est.

* Dices 2. si substantia supernaturalis nõ est possibilis, hoc est: vel quia est substantia, vel quia est creata: non primum, quia alias substantia diuina non esset supernaturalis: non secundum, quia sic nulla qualitas creata esset supernaturalis. Respondeo repugnare substantiæ, vt substantia est, esse supernaturalem, cum supernaturale dicat intrinsecè respectum aliquem, qui substantiæ competere nequit. Vnde nec ipsa Dei substantia est propriè supernaturalis; quamvis talis dicatur, quia infinite superat omnem substantiam creatam, & creabilem.

CAPVT VIII.

De his que spectant ad obiectum visionis Dei

Resolutio I. Non datur de facto in beatis species aliqua impressa Dei, sed ipsa diuina essentia se habet instar speciei impressæ, quoad visionem beatificam. Ratio est, quia non requiritur species impressa quando obiectum est per se præsens inte lectui, & non minus est immateriale quam ipsa species: Deus autem est per se præsentissimus intellectui beatorum, & immaterialissimus, ergo nulla species impressa concurret de facto ad visionem Dei, sed essentia diuina se habet instar speciei, seipsam immediate representando intellectu beatorum.

C 4

Nota

Nota 1. Visionem beatificam vt est à Deo, posse dupliciter considerari 1. vt est ab illo specialiter concurrente per modū obiecti. 2. vt etiam est ab illo concurrente per modū causæ primæ & vniuersalis: ac priori modo esse necessariam, quia essentia diuina, etiam vt ratione antecedit liberum decretum Dei, potest gerere vices speciei, seipsam immediatè repræsentando intellectui, cui intimè coniuncta est: posteriori autem adeoque simpliciter esse liberam, cum possit Deus denegare generalem concursum ad eam planè necessarium. Quare ad saluandam libertatem visionis beatificæ, ex parte Dei, non opus est recurrere ad speciem aliquam expressam, libere à Deo productam.

Nota 2. quòd etsi relatio diuina per se loquendo, habeat vim seipsam repræsentandi intellectui creato, sine vlla specie media: impossibile tamen est quod intellectus creatus eam actu videat, nisi Deus per concursum generalem liberè exhibitum: adeoque tota Trinitas ad talem visionem concurrat. Vnde ex præmissa resolutione nihil sequitur, contra vulgatum illud, Opera Trinitatis ad extra sunt indiuisa.

* Nota 3. etsi, vt visio beatifica fiat modo connaturali, requiratur lumen gloriæ, non tamen speciem impressam ad hoc necessariam esse: quia cum obiectum visionis non sit ratio agendi ipsius potentiae, sed potius principium illius, ad eandem operationem tendens, satis est quod secundum se, sit coniunctum potentiae, & ab ea indistans. Nec refert, quòd obiecta corporea non

DE DEO CAP. VIII. 57

non videantur, nisi per species; hoc enim est per accidens, eò quòd non possunt per se vniri potentia visiva.

Resolutio II. Non repugnat de potentia absoluta dari speciem aliquam impressam Dei.] Est communis contra Thomistas, probaturque hac ratione, quia datur in beatis species expressa dei ergo & impressa dari potest. Antecedens ostenditur, quia cuiuslibet intellectiois terminus intrinsecus est verbum mentis, seu species expressa rei intellectæ; at visio est vera intellectio: sequela patet, quia si repugnat dari speciem impressam Dei, hoc est maxime quia repugnat dari finitam aliquam & perfectam similitudinem essentia Dei infinitæ. At hæc ratio nullius est momenti, siquidem species expressa melius obiectum repræsentat, cum sit formalis expressio & veluti imago illius, quàm impressa, quæ tantum est quædam qualitas tribuens intellectui vim effingendi prædictam similitudinem obiecti.

* Dicunt aliqui, parem esse rationem utrobique: quare in beatis negant tam speciem expressam, quàm impressam. Sed frustra, nam communi Philosophorum sensu, intellectio nihil est aliud quàm actualis quædam assimilatio inter intellectum & rem intellectam; quæ non fit secundum esse reale, vt constat, intellectus enim non fit re ipsa lapis, dum concipit lapidem; sed per expressionem rei intellectæ, quæ nihil aliud est quàm verbum mentis, seu species expressa: de qua loquimur: & propter quam Aristoteles interdum ait, intellectum in actu esse rem ipsam quæ intelligitur. Itaque:

C 5 cum

cum visio beatifica sit vera intellectio, negari non potest, quin per illam species expressa producat. Eo vel maxime, quia eiusmodi species est terminus intrinsecus intellectiois, sicut calor calefactionis, quare sicut repugnat reperiri calefactionem, sine calore, ita intellectioem sine verbo mentis, seu specie expressa.

Nota 1. quod etsi Filius, & Spiritus sanctus nullum producant Verbum, non sequitur esse aliquam intellectioem sine verbo mentis: quia eorum intellectio eadem est cum intellectioe Patris, quæ non est sine Verbo.

Nota 2. repugnare quidem, quod Deus à forma aliqua creata accipiat vim illam intrinsecam & substantialem quam habet, concurrēdi ad sui visionem instar speciei; nihil tamen obesse, quominus possit Deus producere speciem aliquam impressam, per quam habeat intelligibilitatem quandam extrinsecam, & accidentariam.

Resolutio III. Beati vident de facto quidquid est formaliter in Deo, neque de potēti absoluta Deum aliter videre possunt.] Prior pars probatur, tum ex verbis illis 1. Ioan. 3. Videbimus cum sicuti est: tum ex Concilio Florentino in litteris vnionis, vbi id definitum fuit: tum ratione, nam visio beatifica, omnium consensu est clara & distincta Dei notitia, qualis non esset, si non videretur quicquid est formaliter in Deo. Deus etiam non esset simplicissimus, si eo modo, non videretur. Vnde colligi potest videri in Deo ea attributa quæ dicunt quendam respectum rationis ad creaturas, secundum intrinsecam & absolutam perfectionem quam habent,

DE DEO CAP. VIII. 59

bent, etsi nō videantur distinctè omnia objecta ad quæ terminantur, sed tantum in confuso.

Posterior pars suadetur, nam essentia diuina est vna entitas simplicissima cum attributis, & cum tribus personis: ergo illa clarè videri nequit, quin reliqua videantur. Confirmatur, nam attributa sunt de conceptu quidditatiuo diuinæ essentiæ, relationes verò vel sunt de intrinseco illius conceptu, vel ab ea essentialiter postulatur, tanquam sibi perfectè identificatæ; at nihil potest clarè vt in se est videri, quin videatur id quod est de ipsius essentia, aut cum quo essentialiter identificatur.

* Dices rationem istam nō concludere, quia potest videri color, vt in se est, etsi non videatur ratio qualitatis, dependentiæ à Deo, & similia quæ cum eo identificantur. Poterit ergo diuina essentia, vt in se est, videri, etsi attributa non videantur. Respondeo negando consequentiam, & ratio discriminis est, quia colorem ab oculo corporeo videri, vt in se est, nihil est aliud quàm, eum videri vt visibilis est: non est autem visibilis in ratione qualitatis, &c. At verò rem aliquam ab intellectu videri, vt in se est, idem est ac eam cognosci, quatenus intelligibilis est: essentia autem diuina est intelligibilis, non modo secundum rationem essentiæ, sed etiam secundum rationes attributales. Quare potest oculus corporeus videre colorem, vt in se est, etsi non cognoscat in illo rationem qualitatis, vel dependentiæ à Deo: nisi tamen attributa cognoscantur, dici nequit, essentiam diuinam cognosci, vt in se est.

Nota 1. quod communicabilitas ad intra est proprietas naturæ. non paternitatis, cum hæc repugnet. Si io, non illa. At communicabilitas ad extra in ordine ad visionem, seu intelligibilitas, cum sequatur ens, est proprietas totius entis diuini: quare si videtur essentia, nulla ratio est cur visio ad eam solam terminari debeat.

Nota 2. vñionem hypostaticam respicere personam Verbi vt subsistentem: quare cum Verbum habeat subsistentiam realiter distinctam à subsistentiis aliarum personarum, non est necesse quòd omnes simul incarnentur; at visio beatifica fertur in Deum provt est intelligibilis, quod habet secundum omnes perfectiones suas, tam absolutas quàm relatiuas; quare non est ratio cur vna possit videri sine alia.

* Nota 3. essentiam diuinam vno modo esse speculum necessariū, alio liberum. Dicitur speculum necessarium, quatenus suam essentiam ostendens, non potest occultare attributa essentialia, aut relationes personales. Liberum verò quatenus ex futuris contingentibus, potest hæc, vel illa beatis manifestare, vt libuerit.

Resolutio IV. Possunt Beati formaliter visionis Dei videre in ipso aliquas creaturas, non tamen omnia possibilia.] Prior pars probatur. 1. ex August. qui 11. de Ciuitate Dei cap 7. & 29. duplicem agnoscit in sanctis Angelis creaturarum cognitionem, aliam matutinam seu in Verbo, aliam vespertinam, seu extra Verbum per proprias rerum species. 2. ratione, nam essentia diuina ex se est repræsentatiua creaturarum, vt ex eo manifestum est, quod Deus in seipso videt creaturas ex infra

DE DEO CAP. VIII. 61

dicendis, quidni ergo poterit adeò intendi lumen beatificum, ut vi illius beatus cognoscat in Deo creaturas aliquas ?

Posterior pars suadetur, nam solus ille intellectus qui causam comprehendit, potest in ea cognoscere omnes illius effectus. hoc enim est totam virtutem causæ cognoscere, adeoque eam comprehendere. At nullus intellectus creatus potest Deum comprehendere ex dicendis capite sequenti, ergo neque potest in illo omnia possibilitia videre.

* Dices, ex cognitione omnium possibilium, non benè colligi intensiuam Dei comprehensivem, sed tantum extensiuam, quam non est certum, intellectui creato esse impossibilem. Respondeo intensiuam etiam colligi, quia etsi ex cognitione omnium effectuum in seipsis cognoscatur virtus causæ extensivè dumtaxat, ex cognitione tamen omnium effectuum in causa, rectè deducitur à posteriori, comprehensio intensiva ipsius causæ. Cum eo modo non cognoscantur alij, & alij effectus, nisi quia causa magis ac magis in se penetratur, ac proinde tota virtus causæ perfectè penetranda sit ut per illam cognoscatur, quidquid ab ea oriri potest.

Nota 1. illud videri confuse, quod videtur in alio ut in imagine, vel tanquam in causa in qua perfectè non continetur; at creaturæ omnes in Deo continentur perfecte, & usque ad ultimas differentias individuales, non autem in causis secundis à quibus dependent.

Nota 2. etsi maius sit videre Deum, quàm
videre

videre omnia possibilis extra Deū, minus tamen esse videre Deum solum, quàm simul videre Deū & in eo creaturas aliquas; hoc enim posterius nō fit, nisi magis penetrādo diuinā essentiā.

* Ex dictis collige, tam exiguam esse posse Dei visionem, ut nulla creatura particularis distinctè in eo videatur: cum necesse non sit omnes videri, nec sit ratio, cur magis una possit occultari; quàm alia. Probabile tamen est, quemlibet beatum cognoscere creaturas aliquas possibiles, plures, aut pauciores iuxta gradum beatitudinis quem quisque possidet: cum hoc valde congruum videatur statui beatifico, & ad maiorem illius perfectionem spectet.

Resolutio V. Non repugnat res omnes futuras videri à beatis in essentia Dei, quamvis non sit necesse ut omnes videantur.] Prima, pars probatur, tum quia nulla afferri potest causa repugnantiae, tum quia omnes Theologi communiter docent cum S. Th. 3. p. q. 10. animam Christi videre in Verbo omnia quæ Deus nouit scientia visionis.

Secūda pars ostenditur, tum quia Theologi cognitionem omnium futurorum soli animæ Christi inter creaturas tribuunt, tum quia ex communi eorum doctrina Angeli inferiores à superioribus illuminantur, tum quia varias assignant regulas quibus dignoscatur quidnam ex rebus creatis Beati in Verbo videant, aut non videant.

Quæres quasnam ex rebus creatis Beati de facto videant in Deo. Respondeo 1. eos videre species omnes, & genera rerum creatarum,

rum, totumque ordinem vniuersi ex S. Thom.
p. q. 12. art. 8. ad 4. Item mysteria gratiæ quæ
hic Deo obscurè reuelante crediderunt, vt ex 2.
2. q. 1. art. 5. colligi potest. 3. quæ pertinent ad
eorum statum vt sumitur ex 3. p. q. 10. art. 2.
Quorum ratio est, quia æquum videtur vt in
beatitudine omne desiderium honestum expleatur.

Nota 1. visionem beatificam esse omnino in-
uariabilem, sicut & merita propter quæ datur,
& lumen per quod elicitur: vnde beati ab in-
stanti beatitudinis vident quidquid vnquam vi
illius visuri sunt; quod si successu temporis ali-
qua cognoscunt quæ prius non nouerant, ea
cognitio fit per reuelationes particulares extra
visionem beatificam.

* Hinc autem intelligis: cur dicat S. Thom.
1. p. q. 10. art. 5. ad 1. creaturas spirituales, quan-
tum ad visionem gloriæ, participare æternita-
tem; quia nimirum, vt sic, sunt prorsus immura-
biles.

* Dices. essentia diuina est speculum. volun-
tarium: ergo potest modo vnā, modo aliā crea-
turam repræsentare. Respondeo, id quidem pos-
se absolute, sed non per eandem visionem: quia ef-
fectus formalis ita est commensuratus suæ for-
mæ vt quamdiu hæc in subiecto manet, totalis
& adæquatus illius effectus impediri nequeat.
Quare eo ipso quod ille augetur, aut minuitur,
necesse est variationem aliquam in ipsa forma
intercedere.

Nota 2. rationem quare vnus beatus cum
tanto lumine videat, verbi causa, has decem
creaturas, & non alias decem proximè sumen-
dam

dam esse, vel ex ratione indiuiduali talis luminis, vel potius ex determinato Dei influxu, remotè verò ex eo quòd res quæ videntur, spectant ad statum beati, non aliæ.

CAPVT IX.

De Perfectione visionis beatifica, ac de ineffabilitate Dei.

Resolutio I. Inter visiones beatorum nulla est inæqualitas specifica, non tamen omnes beati sunt æquales in perfectione beatitudinis essentialis.] Prima pars probatur contra Maiorem, tum quia gloria respondet gratiæ, at hæc est eiusdem speciei in omnibus beatis, ergo & illa: tum quia tunc actus sunt eiusdem speciei, quando concurrunt principia eiusdem speciei idemque modus tēdendi in obiectum primariū, quod hic cōtingit; cū omnes beati eleuētur ad visionem beatificam per lumē eiusdem rationis, tēdātq; ad videndum Deum clarè vt in se est, tum deniq; quia quācumvis visio aliqua creata perfecta sit postest alia lōgè inferior adeò intēdi, vt ad eius perfectionem pertingat; quòd tamen fieri non posset si distinguerentur specie.

Vnde intelligis nō tantū visiones hominum beatorum esse eiusdem speciei inter se, sed etiam collatas cū visionis Angelorum. Siquidem non obstante differentia specifica, quæ ex communiori sententia reperitur inter intellectum humanum & Angelicum, vterque per lumen gloriæ, eodem modo eleuatur ad videndum Deum vt in se est; & præterea

DE DEO CAP. IX. 65

fieri potest vt homo æquè perfectè videat Deum ac Angelus, imò perfectiùs, constat de facto in Christo, atque etiam in beata Virgine, quæ exaltata est super choros Angelorum ad cœlestia regna.

* Dices, quod visiones beatificæ ferantur in Deum, vt in se est, id non sufficit, vt omnes sint eiusmodi speciei, quia aliàs sequeretur, ipsam visionem increatam, qua Deus seipsum, vt in se est, contemplatur, esse eiusdem speciei cum nostra. Respondeo negando id sequi, quia visiones beatorum tendunt ad videndum Deum, vt in se est, modo essentialiter finito, & non comprehensiuo: at Deus seipsum videt, modo essentialiter infinito, & comprehensiuo, qui duo modi plusquam specie differunt.

Secunda pars certa est ex fide, & probatur 1. ex verbis illis Ioan. 14. In domo Patris mei mansiones multæ sunt, quæ communiter à Patribus intelliguntur de inæquali participatione gloriæ, vt & illa 1. Corinth. 15. Sicut stella differt à stella in claritate, sic erit resurrectio mortuorū. 2. ex Concil. Florentino in litteris vnionis vbi id definitum fuit. 3. ratione, nam in sanctis sunt merita valdè inæqualia vt perspicuum est, ergo & gloria inæqualis, iuxta illud Apost. 1. Corinth. 13. vnusquisque mercedem propriam accipiet secundum suum laborem.

* Dices 1. cum Iouiniano, omnibus etsi inæqualiter in vinea laborantibus, redditam esse Matth. 20. æqualem mercedem, nempe singulis vnum denarium, per quem intelligitur beatitudo. Respondeo ex S. Thoma 1. 2. quæst. 5.

quæst. 5. art. 2. ad 1. per denarium intelligi beatitudinem obiectiuam, quæ vna est omnium, non formalem, in qua inæqualitas contingit.

* Dices 2. beatitudo est summum bonum cuiusque beati, at non potest aliquid esse maius summo bono, ergo repugnat quod vnus sit beatior alio. Respondeo, beatitudinem formalem non tam esse summum bonum, quam participationem summi boni, qua non repugnat aliquid dari maius, vel intensius.

Resolutio II. Visio beatifica omnino commensuratur cum lumine gloriæ, ita vt duo habentes æquale lumen æqualiter Deum videant, etsi quoad intellectum sint inæquales.]
 Probat 1. à posteriori, quia si visio Dei non commensuraretur cum solo lumine gloriæ, sequeretur eam non tribui iuxta proportionem meritorum, quod fidei repugnat: sequela ostenditur, quia si duo quoad intellectum inæquales habeant merita æqualia, vterque recipiet æquale lumen: vnde si cum æquali lumine potest perfectior melius intellectus Deum videre, qui perfectiorem habet intellectum erit beatior, etsi non habeat maius lumen, aut maiora merita.

Probat 2. à priori, nam intellectus creatus quantumvis perfectus nihil ex se potest ad visionem beatificam sine lumine gloriæ: quare quod magis aut minus Deum videat, hoc non potest oriri nisi ex maiori vel minori lumine gloriæ: sequela patet, quia vt se habet simpliciter ad simpliciter, ita magis, ad magis, vt inquit Philosophi. Confirmatur, nam tota visio

visio Dei est supernaturalis, quod falsum esset, si pars tantum illius aliqua responderet lumini gloriæ, alia verò perfectioni naturali ipsius intellectus.

* Nota 1. quantitatem actionis sumi à quantitate causæ totalis & completæ, quando vtraque causa ex se aliquid potest ad effectum; non autem si vna nihil possit, nisi quatenus eleuatur ab alia. Vnde cum intellectus creatus nullo modo possit Deum videre, sine lumine gloriæ, sequitur quantitatem, seu perfectionem visionis beatificæ non esse desumendam à nobiliori intellectu, sed à maiori lumine.

* Nota 2. non mirum esse quod visus acutior melius videat colorem, cum æquali lumine, siquidem lumen corporeum non se tenet ex parte potentia, sed ex parte obiecti. At verò lumen gloriæ se tenet ex parte potentia, eamque eleuat ad actum superantem vim eius naturalem: quare nequit illa agere, nisi iuxta proportionem talis eleuationis.

Resolutio III. Etsi Deus aliquatenus à beatis comprehendatur, propriè tamen est incomprehensibilis.] Prima pars probatur, nam comprehendere latè spectatum opponitur insecuritati: ita vt qui iam attingit aliquid quod antea insequabatur, dicatur illud comprehendere: at beati mente tenent Deum, quem in via insequuti sunt: ergo eo sensu eum comprehendunt, vnde & vulgò comprehensores dicuntur.

Item iuxta August. epist. 112. Illud comprehenditur quod ita videtur, vt nihil illius lateat videntem: at nihil Dei lateat beatos cum videant

videant omnes illius perfectiones intrinsecas, siue absolutas, siue respectivas; ergo carenus Deum comprehendunt.

*Secunda pars suadetur tum ex Scriptura quæ docet Ier 32. Deum esse incomprehensibilem cogitatu, quod intellige passivè seu respectu cogitationis in alio existentis, Deus enim non est sibi incomprehensibilis: tum ex capite firmiter, ubi idem statuitur, tum ratione S. Th. 1. p. quæst. 12. art. 7. quæ hoc modo proponi potest. Tum res aliqua propriè ab intellectu dicitur comprehendere, quâdo tam perfectè cognoscitur, quantum ex parte sua cognoscibilis est, licet adhuc per cognitionem ex se perfectiorem cognosci possit: sic enim intellectus ita intimè eam pervadit & penetrat, ut sic adæquatio inter cognitionem & obiectum cognoscibile secundum totam cognoscibilitatē quàm habet: quod proinde omni ex parte veluti cōcluditur & cōprehēditur unde qui novit propositionē demonstrabilem, per mediū tantum probabi e, illam propriè nō comprehendit, ut monet S. Doctor suprà ad 2. quia licet cognoscat quidquid est in illa propositione, nimirum subiectum, prædicatum, & copulam; non tamen eam cognoscit, eo modo perfectissimo, quo ipsa petit cognosci ex natura sua; videlicet per medium demonstrativum. Atqui nullus intellectus creatus potest Deum tam perfectè cognoscere, quantum ex se cognoscibilis est: quia res quælibet ita se habet ad cognoscibilitatem, seu intelligibilitatem, sicut ad entitatem: Deus autem habet entitatem essentialiter infinitam ex supradictis,

prædictis, ergo & infinitam intelligibilitatem, cui proinde nulla vis intelligendi creata, ut pote essentialiter finita, æquari potest.

Resolutio IV. Etsi Deus pleraque nomina propria habeat, propriè tamen est ineffabilis, & innominabilis respectu nostri, quatenus nullum nomen possumus illi imponere quod ipsius qui dicitatem perfectè repræsentet.] Prior pars ostenditur, nam quædam perfectiones, nempe simpliciter simplices sunt in Deo propriè, ergo & nomina tales perfectiones significantia ei propriè competunt, quod intellige rem ipsam spectando per nomina significatam, non autem modum significandi, qui varias imperfectiones inuoluit, ut postea dicemus.

Intellige etiam Deum habere nomina propria, quatenus proprium opponitur non tantum metaphorico, sed etiam communi: ita ut quædam sint nomina ipsi soli competentia, qualia sunt nomina Deus, Qui est, Iehoua, de quorum significatione agit S. Thomas I. p. q. 13. variis articulis.

* Hic solum nota, ex artic. 11. nomen, Qui est, triplici de causa esse maximè proprium nomen Dei. 1. propter eius significationem, vnumquodque enim denominatur à sua forma, at nomen, Qui est, significat ipsum esse, quod soli Deo conuenit. per essentiam. 2. propter eius vniuersalitatem, nullum enim essendi modum determinat, sicut alia nomina, sed generatim omnes complectitur, & significat ipsum pelagus infinitum diuinæ substantiæ. 3. propter eius consignificationem, significat enim, esse in præ-senti

senti, quod maximè propriè de Deo dicitur, quia eius esse non nouit præteritum, vel futurum, vt docet Augustinus 5. Trinit. 2.

Posterior pars probatur 1. ex Script. Nam Paulus ad Eph. 1. ait Deum esse super omne nomen quod nominatur, siue in hoc sæculo, siue in futuro. Item ex Patribus qui vno ore ineffabilitatem Dei inculcant, passimque celebrant dictum illud Platonis, Deum intelligere difficile est, loqui autem impossibile: vnde in Concil. Later. sub Innoc. III. statutum est Deum esse ineffabilem, vt refertur in cap. firmiter.

Tandem accedit ratio, quia cum res nomine. mus prout illas concipimus, nequeamus autem Deum in hac vita concipere, vt in se est, sequitur non posse à nobis excogitari aliquod nomen, quod illius quidditatem & essentiam, prout in se est exprimat, vt concludit s. Thomas eiusdem quæst. art. 2. eò vel maximè quòd nulum nomen Deo à nobis imponi potest, quod non includat imperfectionem aliquam in modo significandi; nam verbi causa, nomen, Deus significat per modum compositi substantialis ex natura & supposito: nomen bonus, sapiens, & iustus, &c. per modum compositi ex subiecto, & accidenti; nomen verò bonitas, sapientia, iustitia, per modum entis incompleti.

CAPVT X.

De Scientia Dei, illiusque obiecto.

RESOLVTIO I. In Deo ponenda est. vera aliqua scientia quæ sit per modum actus

actus secundi, eaq; vnica seu simplicissima.] Ac
 1. quòd in Deo sit vera aliqua scientia, certum
 est ex fide, vt satis patet ex Scripturis Hester. 14.
 Domine qui habes omnem scientiam. Roman.
 11. O altitudo diuitiarum sapientiæ, & scientiæ
 Dei: aliisque locis. Ratio autem est, quia cum
 Deus sit ens perfectissimum, in perfectissimo
 gradu entis constitui debet, nempe in gradu
 substantiæ, & vitæ intellectualis. Confirmatur,
 nam cognitio intellectualis, est quædam perfe-
 ctio simpliciter simplex, imò inter rerum perfe-
 ctiones potissima, cum per illam cognoscens fiat
 quodammodo omnia; ergo non potest denegari
 Deo entium perfectio.

Secundò, quòd scientia diuina sit per modum
 actus secundi, facile probatur, quia si esset per
 modum actus primi, esset potentia elicitiua
 actus secundi, illiusque receptiua, quod repugnat
 puritati, & simplicitati diuinæ.

Neque dicas actum secundum dicere ordi-
 nem ad primum: hoc enim verum est de actu se-
 cundo qui se habet per modum actionis elici-
 tæ, & receptæ; at intellectio diuina, non ita se ha-
 bet à parte rei, sed per modum per se subsisten-
 tis, & identificatæ cum substantia diuina: quam-
 quam iuxta conceptum nostrum, intellectio di-
 stinguatur in Deo ab intellectu, & hic à sub-
 stantia, vt patet ex alijs dictis.

Tertiò, quòd sit vnica ac simplicissima ro-
 boratur, quia licet ratione obiectorum va-
 riæ à nobis scientiæ distinguantur in Deo, ta-
 men à parte rei est vnica, eò quòd identifi-
 catur cum essentia diuina, quæ vnica & sim-
 plicissima

plicissima est. Deinde ut attingit deū simplicissimū est simplicissima. Item ut fertur in res possibiles, quia illas videt in Deo: ac deniq; ut versatur circa futura, quia ad hoc non indiget aliqua entitate superaddita, sed tantum quod res sint futuræ: vnde adæquatè, spectata vnica est & simplicissima.

Resolutio II. Scientia Dei est perfectissima & vniuersalissima.] Quòd sit perfectissima multipliciter ostenditur, nā Deus vitam intellectiuam possidet modo perfectissimo, ipse est obiectum suæ scientiæ ab ea cōprehensum, cūmq; infinito lumine præditus sit, eius scientia continet euidentiā, certitudinē, omnesq; perfectiones sciētiæ creatæ; deniq; modus quo res cognoscit est perfectissimus, tum quia est sine discursu, siue secundum successionem, siue secundum causalitatem, quia omnia videt in seipso: tum quia est sine cōpositione, eò quòd essentia diuina potest simul repræsentare subiectum, & quidquid subiecto cōpetit: tum quia est planè inuariabilis, nō tantum entitatiuè seu quatenus identificatur cum essentia diuina, sed etiam formaliter in ratione scientiæ: quia cū Deus sit infinitè intelligens, repugnat quòd aliquid ignoret, aut quòd in cognitione rei antea perceptæ proficiat.

Quòd etiam sit vniuersalissima hinc perspicuum est, quia ad consummatam Dei perfectionem attinet, quòd illius scientia se extendat ad omnia scibilia, eaque comprehendat. Confirmatur, nam quidquid est intelligibile, vel est Deus, vel est creatura aliqua, siue possibilis, siue existens. Ad hæc omnia à Deo cognosci ex dicendis manifestum fiet:

DE DEO CAP. X. 73

quando autem S. Th. 1. p. q. 14. art. 1. ad 3. negat scientiā Dei esse vniuersalē aut particulārē, vult dicere eam nō respicere rationes tantū vniuersales, aut particulares dū taxat quod non impedit, quā alio cōsu sit vniuersalis. quatenus nēpe rationes tā vniuersales, quā particulares cōtēplatur.

Resolutio III. Deus seipsum cognoscit, imō & comprehendit, cognoscit etiam possibilia, per scientiam quam vocant simplicis intelligentiæ.] Prima pars probatur, quia scientia Dei cū sit infinita, se extendit ad omnia intelligibilia, & aliunde Deus est maximē intelligibilis, sibi que summē vnitus, ergo seipsum intelligit. Confirmatur, nam nullum est obiectum magis proportionatum scientiæ Dei, quā ipsemet Deus; ergo vel nihil, vel seipsum intelligit.

Secunda pars ostenditur, tum quia 1. Cor. 2. dicitur Spiritum, scilicet sanctum, omnia scrutari etiam profunda Dei: tum quia sicut Deus, quia est infinitē perfectus, est infinitē cognoscibilis, ita ob eandem rationem est infinitē cognoscitiuus; ac proinde cū sit adæquatio inter cognitionem, & cognoscibilitatem illius, se cognoscit quantum cognoscibilis est, quod est seipsum comprehendere ex supradictis.

* Dices, S. Thom. 1. p. q. 12. art. 3. ait tunc aliquid comprehendi quando peruenitur ad finem cognitionis ipsius, Deus autem non habet finem cognoscibilitatis suæ: ergo non potest à seipso comprehendi. Confirmatur, quia Augustinus ibidem relatus, ait, id quod comprehendit se, finitum esse sibi. Respondeo prædicta non esse intelligenda positiuē, sed negatiuē

gatiuè: non enim est sensus, id quod comprehenditur, debere esse finitum positiuè, sed nihil esse in illo, quod non cognoscatur: ita ut cognoscibilitas rei non excedat cognitionem, quam intellectus de illa habet. Vnde cum Deus seipsum perfectè cognoscat, potest dici, eo sensu, finitus sibi, licet simpliciter sit infinitus.

Tertia pars suadetur 1. quia Deus Rom. 4. vocat ea quæ non sunt, tanquam ea quæ sunt. 2. quia scientia Dei non minùs latè patet quàm illius potentia: hæc autem se extendit ad omnia possibilia, ergo & illa. Confirmatur, nam Deus suam omnipotentiam comprehendit ex dictis, ergo noui omnes effectus ab ea producibiles, idque secundum esse proprium, & formale, quod in seipsis extra Deum habere possunt: tale enim esse est obiectum diuinæ omnipotentia, non autem illud quod habent in Deo: cum hoc sit ipsamet essentia Dei omnino improducibilis, & incorruptibilis.

* Dices, scientia Dei non terminatur ad nihil, sed aliquid reale: at res possibiles nihil sunt reale. Respondeo rem possibilem nihil esse reale actu, esse tamen aliquid reale in potentia: quatenus ipsa ex se dicit non repugnantiam, ut fiat vera entitas realis, & actualis: & in Deo est sufficiens virtus ad eam à nihilo eruendam.

* Quod si intes, obiectum scientiæ diuinæ debere actu existere. Respondeo id verum esse de obiecto primario, quod motiuum vocant, non autem de obiecto secundario, & purè terminatiuo, qualia sunt entia possibilia: ad hoc enim obiectum sufficit, ut habeat tale esse quale requi

requiritur ad veritatem scienciæ: at Deus non cognoscit res possibiles, ut habentes esse actû, sed tantum in potentia: quare hoc sufficit, ut scienciam diuinam terminent: sicut etiam sola possibilis terminat scienciam, quam Angelus de illa habet.

Resolutio IV. Deus per scienciam, quâ vocât visionis, cognoscit res omnes existêtes in aliqua differentia temporis, ac speciatim contingenter futuras.] Prima probatur primò ex verbis illis Gen. i. Vidit Deus cuncta quæ fecerat, quibus adde illa Iob, 28. Ipse enim fines mundi intuetur, & omnia quæ sub cælo sunt respicit.

Secundò ratione. Nam Deus suam potentiâ & voluntatem comprehendit, ergo videt omnes effectus qui ab ea pendent, præsertim quia cum sit agens per intellectû, negari non potest quin cognoscat quæ ipse facit, siue per se solû, siue simul cû causis secundis. At quicquid quouis tempore existit, à Deo procedit, altero ex his modis; ergo id totum ab eo cognoscitur. Confirmatur, nã Deus habet perfectissimâ rerum providentiâ ex infra dicendis, ad oque illas ordinat ad suos fines, quod præstare non posset si illas non cognosceret.

* Dices 1. contingens est quod creaturæ existant; & consequenter quod cognoscantur ut existentes: quare si earum sciencia ponatur in Deo, ea erit contingens, & mutabilis. Respondeo scienciam Dei circa futura; esse simpliciter necessariam, quoad entitatem, quoad terminationem verò non esse simpliciter necessariam, sed tantum ex suppositione quod res existant.

D 2 esse

* Dices 2. ex Hieron. c. 1. Habac. absurdum esse ad hoc deducere diuinam maiestatem ut sciat per momenta singula, quot nascantur culices, quotve moriantur. Respondeo sensum esse, ut patet ex sequentibus, Deum non habere æqualem curam de irrationalibus, ac de hominibus: quo etiam sensu ait Paulus 1. Corinth. 9. Nunquid de bobus cura est Deo?

* Dices 3. ex Aug. in Enchirid. c. 17. melius esse quædam nescire, quàm scire. Respondeo hoc melius esse, quando eorū cognitio impedit notitiam rerum perfectiorū, vel ad malū inducit. Quòd in nobis contingere potest, non id Deo.

Secunda pars ostenditur 1. ex verbis illis Ps. 138. Intellexisti cogitationes meas de longè, id est, ab æterno, & ex illis Isaïæ 41. Annunciate quæ ventura sunt in futurum, & sciemus quia Dij estis vos.

Secundò Deus est infinitè cognoscitiuus, ergo illius cognitio se extendit ad omnia intelligibilia: atqui actus contingenter futuri, sicut verè sunt futuri, ita verè sunt intelligibiles; ergo intuitus diuinus ad eiusmodi actus se extendit.

Tertiò Deus cognoscit actus liberos nostræ voluntatis quando existunt, ex dictis; ergo & quandiu futuri sunt, quia aliàs mutaretur. Hinc Deus eiusmodi futura perfectè nouit ab æterno, cum ab æterno sint vera, neque ipse possit de nouo aliquid addiscere in tempore.

Nota. futura contingentia esse indifferentia ad utrumlibet, ut sunt in suis causis & sic non posse certò cognosci, etiam à Deo, ut ex infra dicendis magis patebit; esse tamen in seipsis determinatè vera, & ita à Deo cognosci; vnde

Christus prædixit peccatum Petri, sit determinatè futurum, quamvis in se Petrus indifferens ad peccandum, aut non peccandum manserit.

Resolutio V. Deus cognoscit nō entia, cognoscit etiam mala, idque per bonitatem formę, vel actus quo priuant.] Prima pars suaderetur distinguendo varios gradu non entis. Nam in primis nō ens dicitur quod actu non existit, vr possibilia quę nunquam erunt, & futura quę aliquādo existent; & ista à Deo cognosci iā ostensum est.

Secundò negationes & priuationes dicuntur non entia, & hæc etiam nouit Deus, idque simplici intuitu; tum quia comprehendit cognitionem quam nos habemus de eiusmodi non entibus: tum quia aliàs non cognosceret omne verum, verbi causa, hominem non esse leonem, aërem noctu esse tenebrosum, & sic de aliis.

Tertiò entia rationis dicuntur non entia, & hæc etiam à Deo cognoscuntur quia cū perfectè intellectum nostrum comprehendat, bene nouit entia rationis quę à non effinguntur. Vnde etsi non sint in illius intellectu subiectiuè propriè loquendo, sunt tamen in eo obiectiuè.

Secunda pars ex eo manifesta est, quia duplex est malum, aliud pœnæ, aliud culpæ, prius causatur à Deo, posterius permittitur; quare utrūque ab illo cognosci debet. De priori intelligitur illud Amos 3. si est malum in ciuitate quod nō fecerit Dominus. De posteriori verò illud Psal. 50. Et malum coram te feci. Nēque refert illud Habac. 1. Mundi sunt oculi tui, ne videant ma-

lum: bi enim videre sumitur pro approbare.

* Tercia pars intelligitur de malis quæ consistunt in priuatione, & sic faciliè probatur, nam priuatio cognoscitur per suum oppositum; vt cæcitas, per visum; tenebræ, per lumen; & peccatum omissionis, per actum præceptum, qui præmittitur. An autem peccatum commissionis formaliter spectatum, per formam oppositam intelligatur, pendet ab illa quæstione, de qua in Idea Theologiæ Moralis lib. 2. cap. 2. an talis peccati malitia consistat in priuatione.

Nota conceptum quem intellectus noster format de chimera esse ens reale, sicque ab essentia diuina perfectè repræsentari, non tamen propterea à Deo propriè fingi ens rationis; quia ex communiori sententia, tunc fit ens rationis, quando concipitur aliquid impossibile, ac si verè esset possibile, & non ens, ac si verè esset ens; vt dum consideramus tenebras tanquam spacium aliquod obscurum, & cæcitatem per modum cuiusdam formæ positiuæ oculum afficientis. Deus autem non aliter singula intelligit quàm sint, ideòq; impossibilia & ficticia cognoscit per dissensum, negando ea esse, aut esse posse à parte rei, quæ nos vt possibilia, aut existentia effingimus.

CAPVT XI.

De modo quo Deus res cognoscit, maxime contingenter futuras.

RESOLVTIO I. Deus res intelligit per suam essentiam, tanquam per speciem, & in ipsa tanquam in obiecto prius cognito.]

Prior

Prior pars ostenditur 1. quia si Deus non intelligit res per suam essentiam, tanquam per speciem, oportet ut eas intelligat per aliquas species extrinsecus aduenientes, quæ proinde recipiantur in intellectu diuino, illiusque cognitionem causent: at hæc & similia in Deo locum habere non possunt, ut manifestum est.

Secundò cum Deus necessario cognoscat creaturas omnes possibiles, si eas cognosceret per aliquam speciem distinctam à sua essentia, sequeretur eiusmodi speciem habere omnimodam existendi necessitatem, & à Dei arbitrio prorsus esse independentem.

Posterior pars suadetur, nam si Deus nō videt creaturas in seipso, ut in obiecto cognito; visio Dei æquè primò fertur in Deum & creaturas, quod dici non potest: tum quia essentia diuina in ratione speciei intelligibilis prius debet determinare diuinum intellectum ad cognitionem sui, quàm aliarum rerum quarum nō est propria species: tum quia aliàs sequeretur diuinam cognitionem, saltem partialiter, specificari à creaturis, quod absurdum est: nūc denique quia Deo tribuendus est modus perfectior seipsum cognoscendi, at Deus non melius & intimius seipsum cognoscit, quatenus intuendo suam essentiam simul aliquid aliud videt: sed quatenus ipse visus est causa cur alia videantur.

* Dices, ut cognitio Dei non feratur æquè primò in creaturas, sufficere quòd essentia diuina, tanquam species expressa, constituat Deum prius intelligentem sui, quàm creaturarum. Verùm explicandum superest, quomodo id fieri possit, si creaturæ à Deo non

cognoscuntur, mediante diuina essentia, sed immediate in seipsis. Nam sicut Angelus habens, verbi causa, vnam speciem repræsentatiuam boni, & equi, non prius per illam intelligit bouem, quàm equum aut vice versa, sed vtrumq; æque primò, & immediate; quia nimirum neque bos est illi mediū cognoscendi equum, neq; equus cognoscendi bouē. Ita repugnat quòd Deus per suā essentia, vt per specie expressā, constituatur prius intelligens sui, quàm creaturarum, nisi ea sit ipsi ratio, seu medium cognoscendi creaturas.

* Nota 1. quamvis Deus videat creaturas in seipso tanquam in obiecto motiuo, illius tamen cognitionem esse claram & perspicuam, quia vltimus tendit, & terminatur ad ipsas creaturas in seipsis. *Obiectas* Ad eum modum quo Angeli cogitio, quia videt conclusionem in principio, est clara, & euidens, quia non sistit in principio, sed ita illud peruadit, vt feratur in ipsam conclusionem secundum se.

Nota 2. etsi vna res non videatur in alia tanquam in obiecto motiuo, nisi secundū esse quod habet in illa; nihil tamen impedire, quominus eadem visio tendat ad ipsam rem prout est in se, tanquam ad obiectum purè terminatiuum.

Resolutio II. Futura contingentia absoluta non cognoscuntur in essentia diuina, vt habet præcisè rationem omnipotentia, vel ideæ, neque in solo decreto diuino.] Prima pars probatur, quia omnipotentiam diuinam præcisè spectata potest quidem repræsentare omnia possibilia, non tamen aliquid futurum; cum Deus non operetur ad extra ex necessitate

DE DEO CAP. XI. 81

tate naturæ, sed liberrimè, adeoque nihil sit futurum, nisi ex libera ipsius voluntate.

Secunda pars ostenditur, quia idea præcedit decretum Dei de rebus producendis; cum Deus producat res iuxta ideam habet de illis; ergo à fortiori idea præcedit rerum omnium productionem, & consequenter scientiam visionis quam Deus habet de illis, quia hæc versatur circa res ut existentes in aliqua temporis differentia: non ergo fieri potest ut Deus cognoscat futura contingentia præcisè in suis ideis, etsi in eis, cognoscat omnia factibilia.

Tertia pars suadetur, quia cum Deus non necessitet voluntatem nostram ad agendum, decretum cum ea concurrendi ad actus liberos, est decretum ei offerendi concursum quendam in actu primo indifferentem ad agendum & non agendum, quique ex cōsequenti possit ab illa repudiari; talis autem concursus non potest determinare intellectum diuinum ad cognitionem alicuius futuri contingentis, potius quàm oppositi; ergo neque id potest decretum exhibendi eiusmodi concursum.

Nota nos hinc agere de primaria cognitione quam habet Deus de futuro contingenti qualis non ex ea quæ habetur in decreto præfiniente, quia tale decretum, si datur, cum non habeat effectum nisi per auxilia repudiabilia, debet supponere scientiam aliquam priorem, quæ certò ostendat eiusmodi auxilia minimè repudianda, si dentur; aliàs frustrationis periculo temerè exponeretur. Accedit quòd etsi decur, D. um præfinire actus bonos, non tamen concedi potest eum præfinire actus

D 5 prauos

prauos , etiam materialiter spectatos , vt infra ostendemus: cum tamen non minus hi quam illi sub diuinam cognitionem cadant.

Resolutio III. Futura contingentia non possunt certò cognosci in proximis suis causis, siue secundum se spectatis, siue etiam cum omnibus circumstantiis ad agendum prærequiritis.] Prior pars satis perspicua est. Nam in primis eiusmodi futurorum proxima causa est voluntas , quæ ex se indifferens est ad vtrumlibet ; quare ea visa non potest certò Deus iudicare talem operationem determinatè ab ea eliciendam , potius quàm oppositam.

Deinde, quia sequeretur Angelum posse certò cognoscere , idque naturaliter effectus contingentes, ab humana voluntate prodituros, cum ex communi sententia, illam perfectè penetret, ac comprehendat.

Hinc probatur posterior pars , nam voluntas , etiam positis omnibus ad agendum prærequiritis, manet indifferens vt agat, vel non agat: Ergo Deus quamvis penetret totam vim voluntatis & circumstantiarum, non poterit ex iis certo cognoscere, in quam partem voluntas se determinatura sit: cum impossibile sit maiorem esse connexionem inter causam & effectum , in ratione scibilis, quàm in ratione entis.

Nota quòd licet Deus possit ob maiorem penetrationem causæ liberæ , habere maiorem probabilitatem effectus sequuturi , non tamen omnimodam certitudinem : neque refert quod voluntatem creatam dicatur supercomprehendere , hoc enim eatenus verum est, quatenus totam vim illius infinitè cla-

ritus, ex parte ipsius intellectus, cognoscit quam homo, vel etiam Angelus: vnde tamen non sequitur quod in ea certo cognoscat effectum futurum.

Resolutio IV. Ratio videndi futura contingentia non potest sumi ex reali, & æterna eorum existentia in æternitate.] Est communis extra Scholam Thomistarum, & facile probatur primo, nam proprie loquendo futura contingentia non coexistunt Deo realiter ab æterno, ergo talis existentia non potest esse ratio ex parte obiecti, cur Deus ea ab æterno intuitivè videat. Sequela manifesta est, antecedens verò ostenditur, quia coexistentia supponit existentiam, atqui futura contingentia non existunt; cum à causis suis nondum producta sint; alias non essent futura contra hypothesim: ergo nequeunt iam existere & multò minus ab æterno realiter Deo coexistere.

Confirmatur, nam si futura contingentia coexistunt Deo ab æterno, ergo & Deus illis: atqui prius nequit esse verum, nisi Deus ab æterno in se existat; ergo neque posterius verum erit, nisi futura in se ab æterno existant. Quis autem hoc admittat?

Dices, quia æternitas est mensura infinita, posse Deum existentias rerum omnium intueri, antequam in propria mensura existant. Sed frustra, nam æternitas non mutat naturas rerum, atque adeò non facit, ut quod in se non existit, possit alteri coexistere. Et quamvis possit Deus res futuras intueri antequam in se existant; hinc non sequitur, quod ipsi coexistent; antequam existant; sed

potius, vt Deus futura intueatur, nō opus esse, quòd ipsi realiter ab æterno coexistent: cū videlicet cognoscantur antequam existant, & Deo coexistere nequeant, nisi existant.

Secundò, sicut se habet locus ad immensitatem Dei, ita & tempus ad æternitatē illius: atqui res existens in aliquo loco, verbi causa, in hac aula, etsi ibi coexistat immensitati Dei, nō tamē ubiq; illi coexistit, quia ipsa deberet ubiq; existere; ergo similiter res existens in aliquo tempore etsi pro tunc coexistat æternitati Dei, non tamen dici potest quòd pro tempore præterito, quonōdū erat, & ab æterno illi realiter coexistiterit.

Tertiò, etsi talis præsentia gratis admittatur, primaria ratio cognoscendi futura ab ea sumi non debet: prius enim est quòd res aliqua in se sit futura, quàm quòd Deo realiter coexistat ab æterno: cū ei sic coexistere non dicatur, nisi quia in se verè aliquando est futura; in eo autem priori res futura est in se cognoscibilis, eò ipso quòd verè & determinatè futura est: ergo debet à Deo cognosci, independenter à prædicta coexistentia.

Nota 1. vt æternitas Dei dicatur simplicissima mensura ambiens omnia tempora, sufficere quòd res sint in æternitate, quando in se existūt, neque refert quòd centrum simul coexistat pūctis omnibus circumferentiæ, hoc enim inde oritur, quia ea omnia simul existunt, cū tamen omnes partes temporis, nequeant simul existere, adeoque non possint omnes, simul, & ab æterno coexistere æternitati, sed quælibet quando existit.

Nota 2.

DE DEO CAP. XI. 85

Nota 2. ut dicatur Deus hodie coexistere rei cui heri non coexistebat, aut cui non coexistet cras sufficere, quod sit successio in ipsis rebus quæ Deo coexistere dicuntur: quemadmodum Deus sine ulla mutatione suæ immensitatis, potest quoad locum rei alicui modo coexistere, si producat: modo non coexistere, si annihiletur.

Resolutio V. Ratio videndi futura contingentia est ipsamet eorum entitas & realis præsentia quam aliquando habitura sunt.] Probatum ex dictis, quia non potest negari quin Deus certo cognoscat futura contingentia antequam sint, ratio autem illa cognoscendi non potest sumi præcisè à Deo, vel à causis proximis huiusmodi futurorum, ut ostensum est: ergo superest, ut sumatur ab illorum entitate, & reali præsentia aliquando futuræ.

Confirmatur, nam idè futura contingentia non videntur in causis suis quia ut sic sunt indeterminata: at verò quatenus spectantur in seipsis, secundum realem entitatem quam aliquando habitura sunt, ut sic sunt determinatæ ad unum, & extra statum indifferentiæ: unde propositiones de illis enuntiatiæ sunt determinatæ veræ: ergo sub eo respectu futura contingentia sufficientem habent veritatem, ut à diuino intellectu, quem nulla veritas latere potest, cognoscantur.

Nota 1. aliud esse rem futuram Deo realiter coexistere ab æterno, & ratione talis coexistentiæ æternæ à Deo cognosci, aliud rem futuram non coexistere Deo ab æterno, sed tantum pro tempore quo erit, & secundum eiusmodi coexistentiam futuram obijci ab

æterno intellectui diuino. propter infinitam illius perspicacitatem omnes temporum differentias præuenientem : & quidem prius illud à nobis negatum est: posterius autem iam affirmatum.

Nota 2. id quod iam non habet existentiam realem, non ita posse terminare scientiam diuinam, ut Deus ab æterno inducet rem illam pro hoc tempore existere, posse tamen eam ita terminare, ut Deus iudicet & clarè cognoscat, rem illam cras exituram: si verè crastina die existentiam realem habitura sit.

CAPVT XII.

*De coherentia scientia diuina cum libertate
aliisque ad eam spectantibus.*

Resolutio I. Præscientia Deirectè coheret cum rerum futurarum contingentia & libertate ;] Est certa ex fide , quia ex vna parte Scriptura docet Deum esse præscium futurorū contingentium, ut patet ex supradictis , ex alia verò sæpe inculcat nos operari liberè.

Vera autem ratio huius concordia est , quia cum cognitio supponat suum obiectum , certè scientia quam Deus habuit ab æterno , de actu meæ voluntatis liberè futuro , nullo modo impedit quin actum talem liberè eliciam ; intuetur enim illum ut iam à me liberè elicitum , adeoque necessitatem eum eliciendi mihi nequaquam imponere potest. Atque hanc conciliationem insinuant Theologi, quando aiunt scientiam visionis , de qua hic agimus , esse merè speculatiuam , & nullomodo
in

DE DEO CAP. XII. 87

in obiectum influere, sed illud supponere ut existens & per causas secundas productum. Item quando cum Aug. lib. 3. de lib. arb. comparant præscientiam diuinam nostræ præscientiæ futurorum, & memoriæ præteritorum, ac visioni præsentium. Nam certum est nostram præscientiam non esse causam, quod res necessario futura sit, aut memoriam, quod præterita; aut visionem, quod præsens; sed tota necessitas petenda est ex rebus ipsis futuris, præteritis, & præsentibus; quatenus necesse est, futurum esse, quod futurum est, fuisse quod fuit, & esse quod est.

Eandem non obscure innuunt Patres, quando aiunt, non ideo res esse futuras, quia Deus præscit futuras esse, sed potius ideo Deum præscire eas esse futuras, quia verè futuræ sunt; inde enim colligitur, præscientiam diuinam esse quodammodo posteriorem futuris contingentibus, ac proinde non magis impedire ne contingenter & liberè eueniant, quàm si nulla esset eorum præscientia.

Nota, quod cum Petrus absolurè potuerit non peccare, potuit etiam Deus non scire eum peccaturum, quare quod hoc sciuerit, non fuit absolurè necessarium, sed tantum ex suppositione quod Petrus esset peccaturus, ac proinde necessitas ex tali præscientia illata, non nocet libertati, cum non sit antecedens; sed duntaxat consequens.

Resolutio II. Scientia Dei est causa rerum, non quidem illa quæ dicitur visionis, sed ea quæ vocatur simplicis intelligentiæ.]

Prima pars probatur 1. ex Scrip. Psalm. 103.

Omnia

Omnia in sapientia fecisti. Prouerb. 3. Dominus sapientia fundauit terram, &c. Secundo ratione, nam Deus est agens per liberam voluntatem, omnia enim quæcunque voluit fecit: voluntas autem non fertur in cognitum, neque potest certò, sine errore, operis perfectionem assequi, nisi à præuia intellectus luce dirigatur, quoad modum illud faciendi; quare scientia Dei est causa rerum tanquam principium dirigens ad rectam & ordinatam earum ductionem.

Vnde collige scientiam Dei esse rerum causam non modo materialiter seu identicè spectatam, quatenus identificatur cum essentia diuina, quæ est rerum omnium principium, sed etiam formaliter in ratione scientiæ quia vt sic est directiua operationis faciemque præfert voluntati, quæ est potentia cæca.

Secunda pars, quæ est communis contra nōnullos Thomistas, facillè ostenditur. Nam scientia Dei est causa rerum, dirigendo illius voluntatem ad opus, & ostendendo modum quo res quælibet conuenienter produci potest: at scientia visionis non potest dirigere voluntatem Dei ad opus, quia vt eam dirigeret, deberet esse ratione prior, quàm decretum liberum illius; atqui non tantum non est prior, quin etiam est ratione posterior; implicat ergo quod voluntatem dirigat ad sua decreta libera cudenda, aut cum ea concurrat ad opus.

Tertia pars ex dictis concluditur, & præterea probatur, num scientia simplicis intelligentiæ habet omnes conditiones requisitas, vt sit causa rerum: præcedit enim decretum diuinum, adeoque rerum existentiam, repræ-

sentat res omnes factibiles, diciturque modum quo res quælibet cōuenienter fieri debet: ergo nihil ei deest ad rationem scientiæ practicæ.

Nota eam scientiam esse liberam, quæ ita adiunctum habet decretū, ut illud sequatur, qualis est scientia visionis: non autem illam quæ illud antecedit, qualis est scientia simplicis intelligentiæ; neque hinc colligas, Deum ad extra agere necessario; ūiquidem scientia simplicis intelligentiæ, etsi ut scientia, & ut causa in actu primo spectata, sit necessaria, non tamen causat actu, nisi quatenus decretum Dei liberum adiunctum habet, quæ ratione est libera.

Resolutio III. Deus habet rerum ideas, quæ nō sunt res ipsæ factibiles, sed essentia Dei ut imitabilis.] In primis quod in Deo sint ideæ creaturarum, hinc perspicuū est, quia idea vulgo dicitur exemplar ad cuius imitationem artifex operatur, Deus autem est artifex præstātissimus, quia ad extra non operatur ex impulsu naturæ, aut fortuito, sed liberrimè, & ex præconceptione effectus; cuius proinde ideam, & veluti exemplar quod intueatur, in se præhabere debet.

Secundò quod ideæ diuinæ non sint ipsæ res factibiles, propterea ab æterno sunt obiecta: uè in mente Dei, patet, quia Deus valde imperfectè ageret, si extra se deberet intueri aliquod exemplar, ad cuius imitationem operatur, sic enim acciperet à creaturis rationem agendi, easque practicè cognoscendi, quod dici non potest.

Tertiò quod ideæ sint ipsa essentia Dei ut imitabilis, patet, quia cum in ea contineantur omnes rerum omnium perfectiones possibiles,

sibiles, omnesque modi quibus quælibet res produci potest, nihil congruentius potest esse exemplar, seu idea rerum omnium, quam ipsa-
met essentia Dei, prout hoc vel illo modo est participabilis creaturis.

Quamquam ad conciliandas duas sententias oppositas, non erit fortè extra rem asserere, ideam adæquatè spectatam duas veluti par-
tiales complecti obiectiuam, quæ est essentia diuina, vt imitabilis à creaturis, & formalem, quæ nihil aliud est quàm cognitio actualis, qua Deus intuendo suam essentiam vt imitabilem, repræ-
sentat formaliter creaturas vt hoc vel illo mo-
do faciendas.

Resolutio IV. In Deo variæ sunt ideæ, licet nō omnium quæ ab eo cognoscuntur.] Primum patet quia ideæ multiplicantur iuxta varios modos quibus essentia diuina est imitabilis à creaturis: vnde vulgo dicitur, hominem productum esse ad ideam hominis, equum ad ideam equi, & sic de aliis; ea autem distinctio idearum non est realis, vt putant ij, qui dicunt, ideas nihil aliud esse quàm præconceptras essentias creaturarum: neque etiam formalis ex natura rei, vt existimarunt olim nonnulli Theologi, qui alio-
qui dicebant essentiam diuinam, non autem creaturas habere rationem idearum: est ergo distinctio rationis ratiocinata, vt patet ex dictis supra, vbi de attributis diuinis.

Secundum probatur, quia idea est de re factibili, non quacunque, sed tantum de illa quæ fit ad imitationem exemplaris: vnde non sunt in Deo ideæ negationum, aut priuationum: quia hæc à Deo propriè causari non

DE DEO CAP. XIII. 91

possunt: licet autem Deus producat Filium, & Spiritum sanctum non tamen habet eorū ideas, quia non sunt res per artem factibiles ad imitationem exemplaris. Sunt igitur in Deo speciales ideæ creaturarum omnium; non modo aliquando existentium; sed etiam possibilium: quia hæ aliàs non possent creari, adeoque non essent possibiles.

Hoc autem intellige 1. de indiuiduis, nam genera & species cum non producantur nisi in singularibus, non habent aliam ideam quàm singularium. Intellige 2. ex S. Thoma de entibus completis, nam incompleta vt materia, non habent specialem ideam, sed idea totius est simul idea partium ex quibus coalescit. Intellige 3. ex eodem, de accidentibus quæ subiecto iam facto superueniunt, non de iis quæ subiectum inseparabiliter committantur.

CAPVT XIII.

De Scientia conditionata, seu media.

RESOLVTIO I. Iuxta Scripturam sacram admittenda est in deo scientia conditionata.] Probat. Nam ex Scriptura certum est Deum cognoscere futura sub conditione, seu quæ forent si aliqua poneretur conditio, hoc enim perspicuum est ex 1. Reg. 21. vbi duo futura conditionata fuerunt diuinitus Dauidi reuelata, nempe quòd si maneret in Ceyla, Saül descensurus esset ad euertendam urbem, & quòd si Saül descenderet, Ceylitæ tradituri eum essent in manus illius: neutrum autem ex illis absolutè euenit, quia defuit conditio, nimirum quia Dauid non man-
sit

fit in Ceylaidem patet ex Matth. i. vbi Christus testatur Tyrios & Sydonios acturos fuisse poenitentiam, si coram illis ea miracula edidisset, quæ in Iudæa patrauerat, hæc autem cognitio non nisi ad scientiam conditionatam seu mediam spectare potest, præsertim cum sit certissima & de ipso euentu futuro.

Neque refert quod Thomistæ dicunt, debere supponi decretum aliquod efficax actu in Deo existens, cuius vi cognoscatur futura sub conditione, atque ita hanc cognitionem non spectare ad scientiam illam conditionatam, seu mediam, de qua agimus, sed ad scientiam liberam. Nam si hæc equatio haberet locum, talia decreta contempnenda essent in Deo, volo efficaciter ut Ceytræ tradant David, nisi Saut ad eos descenderit. Volo Tyrios physicè prædeterminare ad conuersionem, si Christus apud illos miracula ediderit: at hoc modo Deus esset causa peccati, & libertatem tolleretur; cum impossibile sit cum non peccare, quem Deus vult efficaciter impellere ad actum peccati, eumque non agere, quem ad agendum prædeterminat; sic etiam redderetur prorsus inutilis ratiocinatio Christi, cum Iudæi respondere possint, non mirum esse quod Tirij in dicta occasione essent conuertendi: quia accepturi erant auxilia quædam inestabília quibus ipsi carebant.

Resolutio II. Scientia conditionata Augustino aliisque Patribus est valde cõsentanea. Probatur 1. Nã Paganis & hereticis quærentibus cur Deus creauerit Angelos & homines quos sciebat peccaturos, Patres nõ respõdent talẽ scientiã nõ esse

in

DE DEO CAP. VII. 93

in Deo, sed eâ admissâ, docent in ea suspicientiam esse bonitatem Dei, quòd etsi prævideat aliquos malos futuros, non propterea desinit eos creare, eisque auxilia sufficientia, quibus saluari possint (si velint) largiri.

Neque dicas testimonia illa debere intelligi de scientia peccati Angelorum & hominum, ut absolutè futuri, nam talis scientia supponit decretum constitutum creandi Angelos & homines; scientia verò de qua loquuntur Patres, ratione præcedit tale decretum, per illam enim videt Deus, quid faciét Angeli & homines si eos creare velit, adeoque est de futuro cõditionato.

Confirmatur, nam àlioqui si quæstio fuisset proposita eo sensu, cur Deus sciens absolutè Angelos & homines peccaturos, voluerit illos creare, facile responderi poterat, quia id non nouerat nisi post decretum eos creandi, quod propter immutabilitatem suam reuocare non poterat: nec opus erat recurrere ad rectionem superius allatam aliasve similes.

Probat 1. nam Patres frequenter docent, Deum aliquos vocare quando nouit eos cõsensuros, aliis verò ex iusto iudicio denegare eâ vocationem, cui responderent si iis daretur: at illa scientia haud dubiè est conditionata, qua Deus antequam statuatur aliquem vocare certò nouit eum consensurum, si hoc vel illo auxilio præueniatur. secus si alio modo vocetur.

Nota ab Augustino & Prospero non rarò reprehendi Semipelagianos, non quòd scientiam conditionatam in Deo admitterent, sed quia stultè existimabant, Deum hominibus præmia

præmia aut pœnas ab æterno præparasse, & in tempore conferre pro bonis aut malis operibus, quæ iuxta scientiam Dei eliciti erant, non absolute, sed ex hypothese quod diutius vixissent.

Resolutio III. Scientia conditionata est ad mentem S. Thomæ.] Probatur 1. Nam 1. p. q. 23. art. 5. ad 1. Dicendum; inquit; quod usus gratiæ præscitus non est ratio collationis gratiæ secundum rationem causæ finalis ut dictum est: Quibus verbis supponit, Deum antequam statuat alicui conferre gratiam, certò scire num bene ea usus sit, necne; si illi detur, quæ sanè scientia est futuri sub conditione.

Deinde eiusdem 1. p. q. 92. art. 1. cum sibi S. Doct. 3. loco obieisset, occasiones peccatorum esse amputandas, atque adeò Deum non debuisset creare mulierem quam scibat (utique per scientiam conditionatam) futuram homini in occasionem peccati, si crearetur. Respondet, non quidem negando talem scientiam fuisse in Deo, sed eâ admittâ ostendendo illam non debuisse impedire creationem mulieris, cò quòd non debet commune bonum tolli, ut vitetur malum particulare. Quod si recurras ad decretum præexistens, iam ponis in Deo hanc voluntatem, non minus ab illius bonitate, quàm à mente S. Doctoris alienam, volo efficaciter ut mulier sit homini in occasionem peccati.

Nom, scientiam conditionatam communiter ad alterum ex vulgaribus membris scientiæ divinæ reduci; cum enim habeat independentiam à decreto libero in Deo existen-

te,

DE DEO CAP. XIII. 95

te, ut sic à nōnullis refertur ad scientiam naturalem, alij verò propter libertatem obiecti cogniti, quod potuit non esse futurum, eam comprehendunt sub scientia libera, & ita à S. Th sub altero ex his membr. s. cōprehendi potuit. Verum cum futurum sub conditione sit vel quid mediū inter possibile, absolutè futurum, nihil vetat maioris distinctionis gratiā, scientiā conditionatam veluti mediam inter scientiam simplicis intelligentiæ & visionis constituere.

Resolutio IV. Si rationem consulamus, scientia cōditionata seu media ponenda est in Deo.] Probat, nam scientia Dei non esset undequaque perfecta, nisi omne verum attingeret, ac nō attingeret omne verum, nisi versaretur circa futura conditionata, cum hæc non minus vera sint, quàm quæ absolutè futura sunt, imò prius secun. ùn rationem futurum contingens sit verum conditionatè, quàm absolutè. Nam si verū est quod Petrus positus in talibus circumstantiis peccat, sanè antequam in iis esset positus, aut ponendus, verum erat, quod si in iis poneretur peccaret, tale autem conditionatum est proprium obiectum scientiæ conditionatæ, seu mediæ, quare haud dubie talis scientia in Deo ponenda est.

Neque refert quod dicunt Thomistæ, nihil esse futurum siue absolutè, siue sub conditione, nisi dependenter à decreto Dei; hoc enim aliquo sensu verum est, & alio falsum, nam in primis si agatur de decreto physicè prædeterminante, quale ab ipsis admittitur, falsissimum est quod futurum contingens tale decre-

decretum supponat ; cum physica prædeterminatione contingentiam & libertatem excludat, vt c. 18. dicitur; si autem agatur de decreto concurrendi cum voluntate, eique tribuendi quicquid necessarium est ad agendum, verum est quod ex parte Dei tale decretum requiritur, vt contingens sit futurum, sed cum discrimine, nam vt res aliqua sit absolutè futura, necesse est quod tale decretum absolutè sit in Deo ; si verò sit tantum futura sub conditione, sufficit quod si talis poneretur conditio, ex vi decreti diuini quod tunc esset, tribuerentur voluntati auxilia necessaria ad agendum.

Nota 1. per scientiam conditionatam enervari quidem gratiam illam efficacem, cui vis physice prædeterminandi voluntatem tribuitur, non tamen illam cui Concil. Trid. statuit voluntatem posse dissentire, si velit; quin potius vt talis gratia omnimodam firmitatem habeat, ea debet inniti scientiæ conditionatæ, qua videt Deus illam effectum habituram, etsi eo carere possit.

Nota 2. prædestinationem propriè non fieri dependenter ab operibus sub conditione præuisis, tanquam à ratione motiua: quia etsi Deus sine eiusmodi præscientia, nequeat aliquem prædestinare, ea tamen non est causa cur aliquis prædestinetur, vt patet exemplo Tyrionum, qui prædestinati non sunt, etsi Deus certò sciret eos poenitentiam fuisse acturos, si his aut illis auxiliis præuenirentur.

Resolutio V. Scientia conditionata ponenda est in Deo, non modo sepeculatiuè, sed

DE DEO CAP. XIII. 97

sed etiam practice Prior pars probatur. Nam scientiâ conditionatâ esse in Deo speculatiue, id nihil aliud est, quàm Deū verè & certo cognoscere quid, verbi causa, faceret Petrus si eum vellet creare, & ponere in his aut illis circumstantiis minimè prædeterminantibus: at eiusmodi cognitionem reperiri in Deo ex hæcenus dictis satis demonstratum relinquitur.

Posterior pars suadetur, quia scientiam aliquam esse in Deo practice, seu quoad vsum, nihil aliud est quàm Deum eiusmodi scientiâ tanquam præuia luce dirigi ad statuenda sua decreta: atqui ea fere omnia quæ superioribus resolutionibus allata sunt, perspicue ostendere videntur, Deum hoc modo scientiâ conditionatâ dirigi, in providentiâ spectante ad homines, vt consideranti patebit: ergo talis scientia est in Deo etiam practice, seu quoad vsum. Confirmatur, quia cogitari non potest, quod Deus prudenter, statuat decreto efficaci, aliquem saluare per media repudiabilia, nisi dirigatur scientiâ conditionatâ dictante, eiusmodi media bonum exitum habitura, si dentur: aliàs enim decretum Dei manifesto frustrationis periculo expositum esset: quis autem dubitet quin Deo tribuendum sit, quicquid spectat ad perfectissimam providentiam?

Dices Deum cognoscendo vim mediorum, & proportionem quam singula habent cum voluntate, certò scire quænam ex illis sint effectum habitura, eaque per eiusmodi scientiam, quæ est naturalis, applicare ad obtinendum effectum. Verum hoc facile reuocatur.

tum quia à nobis cōcipi nequit, quomodo Deus certissimè cognoscat effectū futurum, in causa vtrumlibet indeterminata, tum quia cūm sciētia Dei sit infallibilis, illud omne necesse est euenire, quod Deus ex cognitione causarum certo euenturum prauidit: at quānam erit illa necessitas, qua necesse erit futurum illud contingens euenire, quod Deus ex cognitione causarum certo euenturum prænouit? non sane consequēs, quia nullo modo supponet actum, etiam sub conditione prauisum, ergo antecedens, adeoque libertati repugnans. Quare concludo, vt certitudo decretorum Dei recte concilietur cum libertate arbitrij, necessario esse recurrendum ad scientiā conditionatam, seu mediam. Vide p'ura hac de re in suauī Concordia disp. 4. per totam.

CAPVT XIV.

De voluntate Dei.

Resolutio I. In Deo est voluntas.] Probatūrum ex Scriptura Ps. 113. Omnia quęcunque voluit fecit. Rom. 6. Voluntati eius quis resistet? tum quia Deus est intellectu präditus, ergo & voluntate: Sequela patet, nam appetitus sequitur formam, naturalis naturalem, sensituius sensitiuam, & rationalis rationalem, vt nimirum quęlibet res possit appetere bonum sibi conueniens: Deus ergo appetitu rationali, seu voluntate präditus est: præsertim cūm hæc sit perfectio simpliciter simplex, & supremo & perfectissimo enti apprimè cōsepanca & necessaria.

Nota 1.

DE DEO CAP. XIV. 9 9

Nota 1. voluntatem non esse propriè in Deo per modum potentiaë, & actus primi; quia strictè loquendo potentia volendi est principium elicitiuum actualis volitionis realiter distincta, & subiectum illius receptiuum, quæ conditiones repugnant summæ puritati & simplicitati diuinæ, vt patet ex alijs dictis.

Nota 2. quòd etsi à parte rei voluntas non sit in Deo per modum potentiaë seu actus primi, nihil tamen vetat quin eam hoc modo concipiamus, sicut eam consideramus vt distinctam ab essentia, & veluti quandam illius proprietatem; sicut etiam distinguimus per rationem attributa ab eadem essentia diuina, & concipimus Deum non modo actu intelligere, sed etiam habere intellectum infinitè perfectum per modum potentiaë ab actuali intellectione distincta.

Resolutio II. In Deo est appetitus innatus.]
 Probatur, nam in primis etsi Deus vtpote perfectissimus, nõ possit habere naturalem appetitum per modum prosecutionis, quo tendat ad consecutionem alicuius perfectionis; cum tamen quælibet res quiescat in perfectione naturali quam possidet, non incongruè dici potest Deum, non tantum appetitu elicitò sibi complacere in suis perfectionibus, sed etiam ex inclinatione naturali in iis quiescere; atque adeò habere appetitum innatum per modum quietis, ex sola naturæ inclinatione ortum.

Deinde persona produciens dici potest habere appetitum naturalem, ad productionem personæ ab ea procedentis, siue quia persona produciens est Deus, at diuinitas naturaliter

E 2 propea

propcedet in totam suam perfectionem, quæ non subsisteret sine tribus personis : siue quia sicut in creatis , potentia productiua habet insitum appetitum, vt suo effectui se communicet, ita in persona producente debet esse appetitus innatus, vt se communicet personæ quæ ab ea producitur.

Tandem tota Trinitas vt vnus Deus omnipotens & infinite bonus , naturaliter inclinatur ad suas perfectiones creaturis communicandas, tum quia quælibet potentia actiua naturaliter inclinatur ad suos effectus producendos , tum quia generatim bonum est sui diffusiuum: Deus tamen naturalem hanc inclinationem necessario non exequitur, sed ex iudicio rationis liberaque voluntate, qua quæcunque vult facit in cælo & in terra.

Dices, in Deo est appetitus rationalis, quo in propriis perfectionibus sibi complacet , seque aliis communicat : ergo, quoad hæc appetitus innatus est superfluus. Respondeo non sequi, quia dantur in re aliqua varij appetitus, iuxta varios entis gradus quos participat ; vt patet in homine , qui habet appetitum sensitiuum , etsi per rationalem in illius obiectum ferri possit.

Resolutio III. Deus vult & amat seipsum, & creaturas omnes.] Prima pars adeò certa est vt probatione non indigeat: frustra enim voluntate præditus esset, nisi aliquid vellet & amaret: nullum autem obiectum ipsius voluntati congruentius cogitari potest , quàm eiusdem bonitas infinita : quare dubitari nequit quin Deus seipsum, idque infinite diligat.

Eò vel maximè quia sicut diuinæ cognitio-

DE DEO CAP. XIV. 101

nis obiectum primum est diuina veritas, ita proportionem seruata diuinæ volitionis obiectum perfectissimum diuina bonitas esse debet; ita ut ad essentialem & absolutam Dei felicitatem vtrique operatio concurrat, videlicet comprehensio, & amor sui ipsius.

Secunda pars probatur 1. ex Scriptura, Psal. 113. Omnia quæcumque voluit fecit: & Sapientia 11. Diligis Omnia quæ sunt, & nihil odisti eorum quæ fecisti. 2. ratione, nam sicut se habet intellectus diuinus ad verum, ita & voluntas diuina ad bonum; sed diuinus intellectus fertur in omne verum non solum increatum, sed etiam creatum, ut supra ostensum est: ergo & voluntas diuina in omne bonum, non tantum increatum, sed etiam creatum, quale est omne ens à Deo productum; iuxta illud Genes. 1. Vidit Deus cuncta quæ fecerat, & erant valde bona.

Confirmatur nam cum nihil, sit à se præter Deum, sequitur à Deo omnia quæ sunt à Deo producta esse; & cum Deus non agat ex necessitate naturæ, sed liberrimè ut infra ostendemus, hinc fit, ut creaturas non produxerit nisi volens, & ex mero affectu iis communicandi bonitatem suam iuxta vniuscuiusque capacitatem, unde quia amare aliud nihil est quam velle bonam alicui, quo magis res aliqua participat de bonitate & perfectione diuina, eo magis illa censetur à Deo diligere. Quo autem modo Deus creaturas diligat, dicitur cap. 17.

Resolutio IV. Deus non vult malum culpæ, etsi illud permittat, vult tamen malum poenæ non per se, sed per accidens.] Prima pars

E 3

est

est aperta in Scriptura, Sapientia 14. Odio sunt Deo impius & impietas eius Ps. 44. Dilexisti iustitiam & odisti iniquitatem. Ratio autem est, quia cum Deus nihil velit saltem ultimatè, nisi ex motivo suæ bonitatis, sequitur eum nihil posse appetere, nisi quod dici tordinem ad ipsius bonitatem, & ad illam refertur: at malum culpæ non ordinatur ad bonitatem diuinam; quin potius illi repugnat; vel tanquam ab ea ut ultimo fine planè auertens, si peccatum sit mortale; vel saltem aliquantisper retardans, si sit veniale.

Secunda pars faciliè ostenditur, nam multa peccata quotidie fiunt ab hominibus, quæ non fierent nisi permetteret Deus ea fieri; illa ergo permittit, non merè negatiuè se habendo circa peccatum, sed actu positino voluntatis volendo illud permittere, & cōsequenter suppeditare cōcursum necessarium ad illud parrandū. Et quamuis peccatum sit malū bonū tamen est ut creatura libera sinatur uti iure suo, & consequenter, ut Deus non deneget illi concursum quem ex munere primæ causæ illi exhibere tenetur, & sine quo in actum prodire non posset.

Tertia pars probatur, nam quod Deus velit aliqua ratione mala pœnæ, hoc constat ex variis pœnis quas tam in hac quàm in alia vita immitit. Quod autem non velit tale malum per se, satis ex eo patet, quod appetitus non tendit per se nisi in bonum. Quod etiam possit velle eiusmodi malum per accidens, ea ratione ostenditur, quia bonum diuinæ iustitiæ pœnis coniunctum melius est, & oprabilius quàm bonum naturæ quo eiusmodi pœnæ

næ priuant. Vnde etiam vult Deus per accidens naturales defectus, propter bonum ipsis coniunctum verbi causa, vnius rei corruptionem propter generationem alterius, & vt seruetur ordo naturalis rerum ac pulchritudo vniuersi.

Nota Deū non esse causam peccati, etsi causet voluntatem; quia cum hæc sit libera, peccatum cauere potest. At neque Deus est causa peccati, etsi ad entitatem illius concurrat, quia nihilominus non est propriè causa vt talis entitas ponatur in rerū natura, cum voluntatem creatam ad illius positionem non impellat, siue physicè siue moraliter: & aliunde cū sit prima causa teneretur concursum suum generalem exhibere voluntati, quoties illa operari voluerit.

Resolutio V. Deus vult quicquid vult propter suam bonitatem, adeoque obiectum formale omnium volitionum diuinarum. est ipse bonitas.] Probat, tam ex verbis illis Bernardi serm. 59. in Cant. Amat & Deus, nec aliunde hoc habet, sed ipse est vnde amat. Tum quia cū Deus creando res, bonas faciat, patet eum non posse moueri à præexistente, earum bonitate, vt eas velit & diligat, sed à sua bonitate infinita, quæ proinde est obiectum formale, & totale motuum diuinæ volitionis: quatenus Deus essentiam suam vt infinitis modis participabilem cognoscens, motus à sua bonitate, statuit has & illas creaturas producere, iisque participationem aliquam sui esse conferre, & simul illas ad seipsum vt ad vltimum earum finem referre, iuxta illud Prouerb. 16. Vniuersa propter semetipsum opes

ratus est Dominus. Confirmatur, nam cum voluntas diuina sit infinitè perfecta, nullum aliud bonum quàm infinitum potest esse obiectum adæquatum, & primum à quo illius actus specificetur; quare sola bonitas diuina potest esse primum morium quo Deus se & alia diligit, neque in bonitate creaturarum ut potestentialiter finita, ultimè sistere potest.

Nota 1. etsi Deus omnia velit propter suam bonitatem inde malè colligi, non esse in eo iustitiam, misericordiam, aliasve virtutes, præter charitatem: quia ut eiusmodi virtutes sint in Deo, sufficit quod operetur ex speciali earum honestate, quanquam illud totum ultimè in suam bonitatem referat.

Nota 2. quod dici solet, amorem amicitie tendere ad amicum propter ipsum, dupliciter posse intelligi: nam si sensus sit, amorè amicitie terminari ultimè ad amicum, sic falsum est; si verò aliquem amari propter ipsum significet tantum eum amari ut ipsi bene sit, sic Deus amat hominem propter ipsum, etsi ad hoc non moueatur à bonitate hominis, sed à sua propria bonitate diuina; ad quam ipsemet homo totumque bonum quod possidet ultimè refertur.

Resolutio VI. Voluntas Dei etsi realiter vnica sit & simplissimè, diuiditur in voluntatem signi & beneplaciti, antecedentem & sequentem, conditionatam & absolutam, efficacem & inefficacem.] Per voluntatem beneplaciti intelligitur quædam voluntas verè & formaliter in Deo existens qua complacet sibi in re volita, at per voluntatem signi
intelli

DE DEO. CAP. VIV. 105

intelliguntur signa quædam externa diuinæ voluntatis hoc versu comprehensa.

Præcepit, aut prohibet, permittit, consulit, implet.

Licet autem non semper in Deo reperiatur affectus interior, qui iuxta conceptum nostrum prædictis signis respondeat, ea tamen absolute significant affectum aliquem, seu voluntatem verè in Deo existentem: aliàs falsa essent signa, qualia à Deo usurpari non possunt.

Voluntas antecedens est qua Deus vult aliquid secundum se, & sine circumstantiis spectatū, qua ratione vult salutem omnium hominum, consequens verò, qua Deus vult aliquid conspectis omnibus circumstantiis, qua ratione vult aliquos damnari, quia nempe sunt mali: sicut iudex qui vult antecedenter vt omnes homines viuant, vult consequenter vt homicida intereat.

Eadem voluntas beneplaciti, adhuc diuidi potest in conditionatam & absolutam, quæ diuisio cum præcedenti coincidit, nam cū voluntas antecedens ea sit, qua Deus vult omnium salutem, si per ipsos non stet, sequitur illam voluntatem esse conditionatam, conditione se tenente ex parte obiecti, non actus: vt cū verè & sincerè optamus dare mercedem agricolæ si in vinea laborauerit: voluntas autem absoluta ea dici potest, qua Deus vult aliquid spectatis omnibus circumstantiis, vnde eadem est ac consequens.

Vbi nota voluntatem hanc generalem qua Deus vult omnes saluari, includere istam conditionem, si per ipsos non stet, non verò istam, nisi per hoc impediretur pulchritudo vniuersi,

E 5

vt

ut putant aliqui Thomistæ : sic enim Deus non haberet verum affectum saluandi omnes homines, contra aperta Scripturæ & sanctorum Patrum testimonia, siquidem ex seipso, & eorum peccatis minimè prouocatus, vellet voluntate consequente eos damnare, ne, si saluarentur, pulchritudo vniuersi impediretur.

Tandem voluntas Dei diuiditur in efficacem & inefficacem : efficax dicitur quæ habet effectum, & inefficax quæ eo caret. Cæterum voluntas signi non est semper efficax, cum non semper fiat quod Deus præcipit aut consulit. Voluntas autem beneplaciti antecedens, quæ Deus vult omnes saluari, etsi absolute non sit efficax, cum effectui careat; dicitur tamen efficax secundum se, seu conditionatè, quatenus vi illius reprobis salutem efficaciter consequerentur, nisi illius efficaciz impedimentum apponerent: consequens verò seu absoluta Dei voluntas semper est efficax, ita ut infallibiliter obteniat quicquid Deus ea voluntate vult: voluntati enim eius quis resistet? Rom. 9. Cuius ratio sumitur ex omnipotentia virtutis diuinæ, quæ à nulla creatura impediri potest, unde si homo non facit quod Deus vult voluntate antecedente, Deus facit in illo, & de illo quod vult voluntate consequente, ex illius peccatis efficaciter colligendo gloriam suam.

CAPVT XV.

De libertate voluntatis diuinæ.

RESOLVTIO I. In Deo ponenda est libertas, eaque consistens non in indifferentia iudicii, sed in indifferentia ipsius voluntatis

tatis potentis eligere hoc aut illud.] Prima pars est certa ex Scriptura, quæ multipliciter denotat in Deo esse libertatem, ut cum ait Deū facere quicquid vult, diuidere singulis prout vult, saluare quos vult, &c. Ratione etiam ostenditur, quia ponenda est in Deo omnis perfectio simpliciter simplex, qualis est libertas, utpote quæ melior est ipsa quàm non ipsa, nec maiori repugnat perfectioni. Confirmatur, nam omnes creaturarum perfectiones ponendæ sunt in Deo, detractis imperfectionibus, at libertas magna est perfectio Angelis & hominibus, quare priori titulo in Deo constitui debet.

Secunda pars ostenditur, tum quia omnia Scripturæ & SS. Petrum testimonia, quibus probari solet Deum esse agens liberum, libertatem illius explicant, non per iudicij indifferentiam, sed per indifferentiam ipsius voluntatis potentis velle & non velle, agere & non agere; tum quia illud non potest sufficere ad libertatem Dei, quod ne ad nostram quidem sufficit: at quis dicat hominem eo ipso esse liberum, quo iudicat obiectum aliquod esse ex se indifferens, seu posse eligi & non eligi, etsi non habeat voluntatem indifferentem ad illud eligendum vel non eligendum, sed necessario illud amplecti debeat, aut necessario respuere.

Certè si hoc ita se habet, falluntur omnes Philosophi qui vno ore fatentur, etsi radix libertatis sit in intellectu, ipsam tamen libertatem formalem consistere in voluntatis indifferentia ad vtrumlibet. Falluntur omnes Controuertistæ, qui docent, hæreticos huius

temporis destruere libertatem, cum ipsi non adeo stulti sint, ut negent prædictam iudicii indifferentiam, satis enim experiuntur se non habere iudiciū dictans quicquid faciunt esse necessario faciendum, & alioqui ingenuè fatentur se videre meliora, probareque & deteriora sequi. Falluntur denique Scholastici quatenus communiter affirmant, vel supponunt ut certum, voluntatem creatam posse à Deo necessitari ad agendum etiam supposita iudicii indifferentia, & sanè quæ ratio afferri potest, cur Deus qui est infinitæ virtutis, non possit me adigere ad concipiendam necessario, & sine libertate volitionem dandi eleemosynam, etsi intellectus mihi repræsentet rationes pro utraque parte contradictionis, nec dicter eleemosynam esse hinc & nunc necessario erogandam? Vide plura hac de re in suavi Concordia disp. 2. sect. 3. n. 2.

Resolutio II. Deus à sua scientia non determinatur quoad exercitium, ut hoc vel illud velit aut non velit, sed manente eadem scientia necessaria ad aliquid agendum, potest illud non agere.] Est communis contra recentiores Thomistas, qui in nobis constituent iudicium practicum quò posito necesse sit nos operari, & idem dicunt de Deo; sed contra, male in nobis ponitur iudiciū prædictum, ergo multò magis Deo denegandū est: sequela patet, quia Deus multò magis est independens à re volita quàm homo, huic autem independentiæ valde repugnaret iudicium illud, si esset in Deo: omnino mihi excedit ut mundum producam, vel ut Petrum prædestinem, &c. quia sic creaturæ videren

DE DEO CAP. XV. 109

derentur Deo aliquo modo necessariae. Antecedens ostenditur, primo quia S. Th. q. 64. de veritate art. 2. ponit in brutis quandam actionum indifferentiam, quam docet non sufficere ad libertatem, eo quod bruta mouentur per iudiciū determinatū ad vnum: Et ibidem nostram libertatē ita defendit, vt non modo velit, liberum esse voluntati respicere, quod ipsi proponitur ab intellectu, sed etiam quod illa possit iudicium flectere quod voluerit, vt sic eligat quod magis ariserit: tantum abest vt putet, ad liberam volitionem requiri iudicium ad vnum determinatum, & ab ipsa voluntate independens.

Secundò prædictum iudicium tollit vsum libertatis, ergo reiciendum est: probatur antecedens, nam ex communi sententia necessitas antecedens tollit vsum libertatis, & sola consequens cum eo coheret: at si daretur iudicium illud practicum independens à voluntate ex eo sequeretur necessitas agendi antecedens: siquidem talis est necessitas quæ oritur ex suppositione antecedente, seu quam ponere aut tollere non pendet à nostra libertate.

Tertiò denique quod voluntas possit velle aliquid, et si intellectus pensatis omnibus non iudicat id esse absolute amplectendum, talemq; volitionem non imperet, patet, tum quia si concurrunt duo media omnino æqualia, poterit voluntas vnum eligere, relicto alio; tum quia etiā quando media sunt inæqualia, potest eligi quod minus vile iudicatur: tum quia sæpe voluntas eligit id, quod intellectus hīc & nunc omnibus pensatis, absolute iudicat esse fugiendum.

Nota

Nota non opus esse, quoties voluntas peccat, intellectum errare iudicando, hic & nunc absolute melius esse peccare, quam non peccare: sic enim nemo peccaret, quin esset hæreticus, aliunde tamen peccatorem errare, quatenus non sufficienter considerat quæ à malo opere possunt illum auocare, & de hoc errore posse intelligi verba illa Prou. 14. Errant qui operantur malum, nisi ea malis de errore morum intelligere.

Resolutio III. Deus seipsum amat necessario, item creaturas possibles, existentes verò libere, & tamen immutabiliter.] Prima pars probatur, tum de amore quoad specificationem, quia aliquid amare necessario quoad specificationem, est non posse circa rem illam exercere actum odij. At Deus non potest circa seipsum exercere actum odij, cum nullam in se rationem mali deprehendere possit, sed potius summam bonitatem: tum de amore quoad exercitium, nam cum Deus se perfectissime comprehendat, neque ab actuali sui cognitione abstinere possit, videatque se esse infinite amabilem, & nihil deprehendat propter quod non semper actu ametur, consequens est eum se necessario amare quoad exercitium.

Dices, nonne potest Deus cessationem ab actuali sui amore, interdum apprehendere ut bonam, verbi causa, ad experiendam suam libertatem; Respondeo negatiue, tum quia ea cessatione posita, sequeretur eum mutari: tum quia Deus non esset perfecte beatus, eò quòd ad perfectam beatitudinem requiritur actualis amor sui mi boni.

Secunda

DE DEO CAP. XV. 111

Secunda pars ostenditur de utroque amore; de priori quidem, quia creaturæ possibiles cum vñ sic habeant aliquam bonitatem, neque vllam includant rationem, mali non possunt odio haberi, quare Deus illas amat necessario; quoad specificationem. De posteriori verò quia cum res sint possibiles; antequam Deus statuatur eas creare, amor quo eas diligit, antecedit quodcunque decretum illius liberum, ad quod est necessarium quoad exercitium; nec potest non esse in Deo: siquidem in eo statu res possibiles habent aliqualem entitatem; secundum quam terminant cognitionem Dei; & consequenter aliqualem bonitatem, secundum quam terminant simplicem affectum diuinæ voluntatis, qui proinde non potest non esse necessarius.

Confirmatur, nam Deus necessario intelligit creaturas possibiles, ergo & necessario easdem diligit. Sequale patet, quia sicut Deus non potest seipsum comprehensivè cognoscere nisi simul cognoscat omnia possibilia; ita nequit seipsum comprehensivè amare, id est, secundum totam latitudinem suæ amabilitatis, quin etiam res omnes possibiles diligat, affectu aliquo complacentiæ. Sicut enim non potes comprehendere artem alicuius, nisi ipsum artefactum cognoscas, ita fieri nequit, ut artem illam perfecte diligas, quin simul tibi aliquo modo placeat opus, quod scis ab ea prodire posse.

Dices, si Deus necessario amaret res possibiles, sequeretur cum determinari ab illis, quod absurdum est. Respondco negando id sequi, sicut enim Deus à sua veritate determinatur, ad
cogno

cognoscendas res possibiles; ita à sua bonitate determinatur, ad eas diligendas.

Tertia pars suadetur, quia Deum amare creaturas existentes, hoc est cum efficaciter velle ut existant, & vi talis volitionis eas in tempore producere: at Deus res non producit ad extra necessario, sed liberrimè, ergo liberè amat creaturas existentes, seu quoad actualem earum existentiam, minor est de fide, & probatur breviter contra Vuicleffum, quia si Deus ageret ad extra ex necessitate naturæ, nullum actum liberum posset exercere, cum liber non sit circa seipsum, aut circa creaturas possibiles, adeoque non esset agens liberum, contra superius dicta: & rursus nulla ab eo esset creata causa libera, quia nullum esse potest agens liberum per participationem, si non sit agens liberum per essentiam, à qua talis perfectio participetur.

Ultima pars ostenditur. 1. ex Scriptura, Prou. 19. Multæ cogitationes in corde viri, voluntas autem Domini permanebit. Et Hebr. 6, volens Deus ostendere immobilitatem consilij sui, 2. ex August, 12. Confess. c. 15. vbi ait Deum non velle modo hoc, modo illud: sed semel, & simul, & semper velle omnia quæ vult, non iterum & iterum; neque nunc ista, nunc illa: neque velle postea quod nolebat, aut nolle quod prius volebat: quia talis voluntas mutabilis est; & omne mutabile æternum non est. Deus autem noster æternus est. 3. ratione, nam voluntas Dei libera spectari potest, vel secundum entitatem suam, vel secundum terminationem ad tale obiectum; at neutro modo mutari potest, non primo,

DE DEO CAP. XV. 113

primò, cum sic idem sit ac substantia Dei; nec secundo, tum quia voluntas inconstans indicat naturam realiter mutabilem, tum quia voluntatis leuitas dicit saltem quandam mutationem moralem, à summa Dei perfectione alienam.

Dices, cum non esse inconstantem, qui ob rationem aliquam magni momenti, sententiam mutat. Respondeo hoc verum esse, quando talis ratio non fuit præuisa, aut non satis penetrata, quod in Deo locum non habet. Quod autem dixit Deus Gen. 6. Pœnitet me fecisse hominem, intelligi debet quoad effectum, non quoad affectum: quia Deus deleuit hominem quem creauerat, ac si verè doluisset se eum creasse.

Resolutio IV. Libera volitio Dei non est denominatio extrinseca, aut respectu rationis, neque perfectio realiter distincta ab essentia diuina, sed ipsamet volitio necessaria qua Deus amat seipsum, quatenus ita terminatur ad creaturas ut posset ad eas non terminari.] Prima pars probatur, nam libera volitio est aliquid Deo intrinsecum, cum sit actus vitalis & immanens, ergo non potest consistere in denominatione extrinseca, orta à productione creaturarum, quatenus ita producantur ut poruerint non produci. Confirmatur, quia prius est quòd Deus velit creaturas liberè, quàm quòd eas producat; cum ideò illas producat, quia vult eas liberè, & non vice versa ipsaque volitio libera sit æterna, & productio temporalis.

Secunda pars ostenditur, nam Deus, à parte rei liberè vult, idque ab æterno, adeoque ante operationem intellectus fingentis respectus

Actus rationis, ergo volitio Dei libera non potest siue totaliter, siue partialiter, constitui per tales respectus: præsertim quia sunt extrinseci, & supponunt res producendas, ac proinde quod Deus libere velit eas producere.

Tertia pars suaderur, quia si actus liber est aliquid distinctum realiter ab essentia divina, sequitur Deum esse compositum, habere potentialitatem, non esse summè perfectum, quæ & similia admitti non possunt neque putes illa incommoda vitari, si quis dicat cum Gaetano, actum liberum, ita addere perfectionem realem divinæ essentia, ut cum ea perfecte identificetur, eo ipso quod illi aduenit; siquidem intelligi nequit, ens aliquod possibile & contingens perfecte identificari cum divina essentia, quæ est ens absoluta necessitate existens.

Quarta denique pars ex dictis colligitur, nam volitio Libera Dei, vel est totaliter in Deo, vel constituitur & completur per aliquid extrinsecum; hoc posterius reiectum est, ergo prius illud affirmari debet. Rursus si volitio libera est totaliter in Deo, vel ea addit realitatem aliquam supra volitionem necessariam, vel non; primū aperte falsum est, ut ostendimus, ergo secundum admitti debet: quare cum volitio necessaria, ut sic, nullam dicat libertatem, consequens est liberam volitionem Dei esse ipsammet volitionem necessariam, quatenus ea est indifferens ut terminetur, aut non terminetur ad creaturas.

Confirmatur 1. nam volitio Dei est simpliciter infinita, ita ut æquiualeat infinitis volitionibus, & nolitionibus realiter distinctis: quare

quare ut sit libera volitio, aut nolitio alicuius obiecti, non requiritur additio nouæ entitatis, sed tantum eiusdem volitionis libera terminatio ad tale obiectum. Quemodum ut scientia Dei necessaria, sit scientia libera creaturarum, sufficit quod ad eas liberè terminetur, cum posset non terminari.

Confirmatur 2. nam libertas Dei non est potentialis, sed summè actualis. seu per modum actus purissimi, excludentis potentiam physicam tam actiuam, quam passiuam, quæ in nostra libertate reperitur. Vnde indifferentia diuinæ libertatis non est in ordine ad actus internos, sicut nostra, sed in ordine ad obiecta externa. Itaque sicut voluntas nostra per seipsam immediate, adeoque sine reali mutatione se determinat ad agendum, cum posset non agere; ita nihil verat quin diuina entitas per seipsam, & sine vlla realitate superaddita, possit terminari ad hoc vel illud obiectum, & induere rationem volitionis liberæ. Et quemadmodum si voluntas nostra esset ens necessarium, id non impediret; quo minus actus ab ea elicitus liberè fieret, si cum tali necessitate conseruaret indifferentiam quam habet ad agendum, vel non agendum. Ita quamvis volitio Dei sit necessaria quoad entitatem, cum tamen ea sit indifferens, ut seipsam terminet, aut non terminet ad creaturas. hinc fit, ut quatenus se liberè terminat ad hanc vel illam, dicatur volitio libera.

Dices, forma non potest esse in subiecto quin illi conferat totum suum effectum formalem, ergo cum volitio necessaria sit veluti forma quædam existens in Deo, tribuet illi

velle necessario omnia volibilia. Respondeo effectum formalem volitionis diuinæ esse, necessario facere vt Deus amet omnia volibilia, non tamē, vt Deus ea omnia amet necessario, sed singula, pro cuiusque exigentia, & capacitate.

CAPVT XVI.

De quibusdam aliis ad voluntatem Dei spectantibus.

Resolutio I. Voluntas Dei est causa rerum] In hoc non est difficultas, præsertim iis suppositis quæ de libertate Dei capite præcedenti dita sunt. Dubitatur autem 1. Num intellectus diuinus propinquius, seu immediatius concurret quàm voluntas, qua in re dicendum videtur, vtutrumque in suo genere immediate operari: voluntatem quidem quoad applicationem & exercitium, intellectum verò quoad directionem, & veluti specificationem.

Secundò dubitatur, an sit in Deo potētia quædam executiua, ratione distincta ab intellectu & voluntate, & quidnam illa sit. Respondeo 1. talem potentiam adnitiendam esse, siquidem non ideo Deus est omnipotens quia cognoscit, aut quia vult omnia; quin potiùs omnia cognoscit quia est omnipotens, omniaq; eminenter continentur in illius omnipotentia, neque potest velle aliquid nisi quia est omnipotens ad illud faciendum: quare secundum rationem est prior Dei omnipotentia, quàm intellectus, aut voluntas illius.

Respondeo 2. potentiam exequentem in Deo

DE DEO CAP. XVI. 117

Deo esse ipsammet essentiam diuinam: quia sicut illa eminenter continet omnia possibilis, ita est omnipotens ad producendum quicquid uoluerit; si accedat scientia ut dirigens, & uoluntas ut eligens & applicans.

Tertio dubitatur qualis sit potentia Dei, & ad quæ se extendat. Respondeo 1. ex S. Doct. 1. p. q. 25. art. 2. Potentiam Dei esse infinitam, ut patet, tum ex illo Lucæ 1. Quia non erit impossibile apud Deum, omne uerbum; tum quia nullus possibilis est effectus adeo perfectus; qui per illam produci non possit. Hinc autem patet in Deo ueram esse omnipotentiam, quæ in eo consistit, ut possit Deus facere quicquid absolute fieri potest, seu quicquid non implicat contradictionem, ut colligitur ex art. 3.

Respondeo 2. ex art. 4. Deum potuisse multa facere quæ non fecit, & ex artic. 5. etiam producere species nobiliores iis quas de facto produxit, itemque res productas potuisse meliores facere quoad accidentia non essentialiter, eo quod essentia rerum sunt immutabiles: non tamen posse Deum aliquid facere melius unione hypostatica beatitudine sanctorum, & maternitate Virginis Delparæ, ut habes articulo 6 in respons. 4. quia nempe illa sumunt dignitatem quandam infinitam, ex speciali ordine quem ad Deum habent.

Resolutio II. Nulla potest dari causa propria diuinæ uolitionis siue efficiens, siue finalis; potest tamen dari impropria seu virtualis, imo una res creata potest ipsi esse aliquo modo proxima ratio uolendi aliam.]

prima

Prima pars est S.Th. quæst. 19. artic. 5. vbi ex eo probat nullam esse causam diuinæ voluntatis, quia idem nequit esse causa sui ipsius; at Deus vnico actu vult finem & media, quare velle finem non est ei causa volendi media.

Accedit quod volitio diuina nō distinguitur à parte rei à natura diuina, cuius nulla assignari potest causa efficiens aut finalis propriè dicta; cum Deus sit ens à se & à quocumque alio independens.

Secunda pars suadetur, quia sicut vnum attributum est causa virtualis alterius, puritas immutabilitatis, hæc æternitatis; ita non repugnat concipere in Deo voluntatem, veluti radicē volitionis actualis, & Causam virtualē illius: & similiter quia Deus vult omnes creaturas propter seipsū, dici potest volitionē sui iuxta nostrum conceptum, esse finem volitionis creaturarum.

Tertia denique suadetur, nam vix negari potest, quin Deus aliqua re creata proximè moueatur ad volendum aliquid: cum ex Scriptura & Patribus apertè constet, Deum homines amare, quia ab illis amatur, illis varia conferre beneficia, quia illa postulant, aut merentur; eos iustificare, quia ad gratiam se disponunt, &c. Neque enim aliquo fundamento dici potest, eiusmodi locutiones causales toties repetitas, improprie & metaphoricè intelligendas esse, ita vt non contineant rationem ex parte obiecti creati, propter quam Deus hoc, aut illud velit. Præsertim quia in eo agendi modo nulla assignari potest imperfectio, quæ supremam Dei independen-
tiam

DE DEO CAP. XVI. 119

tiam & dignitatem dedecet: eo quod etsi proximè vnum velit propter aliud, omnia tamen finaliter reducit ad seipsum, & ad suam bonitatem: cuius maximè gratia operatur.

Resolutio III. Deus non necessitat voluntatem nostram ad agendum.] Est de fide contra huius temporis hæreticos, qui oppositum docent, adeoque existimant nos non agere liberè: probari autem breuiter potest ex iis quæ Scriptura sacra, Patres antiqui, & Theologi communiter de libertate tradunt, ea enim aperte ostendunt Deum non imponere hominibus agendi necessitatem, sed eos relinquere in manu consilij sui; id est cum perfecta indifferentia ad agendum vel non-agendum, itemque ad agendum hoc vel illud.

Idem sumitur ex vulgari definitione libertatis, ab omnibus communiter approbata, qua illud liberum dicitur quod positis omnibus ad agendum prærequisitis, potest agere, vel non agere; nam inter prærequisita ad agendum, requiritur maximè concursus Dei in actu primo paratus, cum sine illo causa secunda non possit dici cōpletè & proximè potens ad agendum: vnde eo concursu sic oblato, adhuc voluntas quæ libera est, & liberè operatur, manet indifferens ad vtrumlibet, neque habet necessitatem eligendi vnam partem determinare.

Denique Concilium Trident. volens iuxta mentem Scripturæ sacrae, & sanctorum Patrum, libertatem nostram defendere in actibus supernaturalibus, in quibus specialis difficultas reperitur, propter influxum gratiæ efficacis ad eos requisitæ, quæ agendi necessitatem

inducere videtur, sapienter statuit sess. 6. c. 5. & can. 4. hominem à Deo motum & excitatum posse gratiã abicere, eique dissentire si velit; quare post adeò clarã huius concilij definitionem, dici non potest à viro Catholico, de rebus fidei bene (vt par est) sentiente, gratiam diuinam nobis imponere necessitatem agendi, aut quod in idem redit, voluntatem nostram non posse eam abicere, seu illi dissentire. Adhuc tamen grauis controuersia manet inter recentiores Theologos, de vero sensu predictæ definitionis, cum alij cõtendant eã debere intelligi in sensu conposito, alij duntaxat in sensu diuiso, qua de re fusè in suaui Concordia disput. 2. sect 4.

Resolutio IV. Absolutè loquendo & nulla suppositione facta, nullus esset in rebus effectus contingens seu libet, si Deus ageret ex necessitate naturæ, ex supradictis: essent tamen effectus contingentes & liberi, si supponas dari causas contingentes, Deumq; ex necessitate naturæ iis offerre eundem concursum, quem nunc de facto illis liberè exhibet.] Ratio est euident, quia posito tali concursu in actu primo, voluntas nõ necessitaretur ad vnum, sed maneret indifferens ad vtrumlibet, ergo ageret liberè. Confirmatur, nam Deus supposito æterno decreto nobiscum concurrendi, non potest nobis eiusmodi concursum denegare, quin potius non minùs necesse est vt nobis illum exhibeat, quàm si ageret ex necessitate naturæ, & tamen liberè operamur: ergo quamvis Deus necessario ad actus nostros influeret quantum esset ex parte sua,

DE DEO CAP. XVII. 121

sua, illa necessitas libertatis usum in nobis nequaquam impediret.

Neq; hinc sequitur, quod vera radix contingentiae actuū nostrorum non sit voluntas Dei, sed nostra: quia etsi quod actus nostri sint liberi & contingentes, hoc proximè habeant à nostra voluntate, quatenus hæc antequā ageret, potuit non agere, id tamen ultimè petendū est à sūma efficacia voluntatis Dei, qui, ut ait S. Doct. suprā, volens quædam fieri necessario, quædam contingenter ut sit ordo in rebus, ad complementū vniuersi, quibusdam effectibus aptauit causas necessarias, aliis contingentes & defectibiles.

CAPVT XVII.

De variis affectibus & virtutibus diuinae volitionis.

Resolutio I. In Deo sunt quidam affectus voluntatis, non alij. In primis quod amor sit in Deo probat S. Th. 1. p. q. 20. art. 1. quia primus motus voluntatis, & cuiuslibet appetitiuæ virtutis est amor; siquidem priores sunt actus respicientes bonum quàm malum; cum hoc non sit obiectum nisi secundarium, & per aliud, nempe ut opponitur bono. Rursus cum illud sit naturaliter prius, quod est communius, inter actus qui in bonum feruntur prior erit amor quàm alij: cum ille respiciat bonum in communi, reliqui vero in bonum ferantur sub aliqua speciali ratione: cum ergo voluntas sit in Deo, ut superius visum est, sequitur etiam in eo amorem esse ponendum.

Liber I.

F

Secundo

Secundo, desiderium quatenus fertur in bonū proprium nondum obtentum, non est in Deo, ut indicat S. Th. ad 2. quia scilicet Deus nullo bono sibi proprio carere potest; est tamen in Deo desiderium respectu boni alieni quatenus verè nobis & sincerè optat beatitudinem, quam nondum possidemus.

Deinde gaudium, seu delectatio propriè est in Deo, ut tradit S. Th. ibidem, & ratio est manifesta, nam gaudium est actus quo voluntas con- quiescit in fruitione, seu possessione rei amara, at Deus in seipso perfectissimè quiescit, ergo in eo est gaudium respectu boni proprii. Imò cum Deus verè creaturas amet, consequenter de bono illarum gaudet, quando præsens est, sicut illud desiderat, quandiu obtentum non est.

Rursus in Deo est odium, ut perspicuum est ex verbis illis Sapientiae 14. Odio sunt Deo impius & impietas eius & ex illis Ps. 5. Odisti omnes qui operantur iniquitatem. Ratio autem est, quia cum Deus seipsum summopere diligat, non potest non odisse peccatum, quod ipsius maiestati & bonitati aduersatur, eique valde est iniuriosum. Hinc Deus peccatorem odit, non ut hominem, sed ut peccatorem; nec odio inimicitiae propriè dicto, sed abominationis, ut vocant.

Nec refert quòd Deus peccatori poenam infligat, non enim ex odio eam illi infligit, sed potius ex sincero affectu quo correctionem & salutem illius optat. Quemadmodum Pater non ex odio vel displicentia personæ, sed ex amore percutit filium suum virga; ut nempe deinceps a peccato abstineat.

Præterea

DE DEO CAP. XVII. 123

Præterea in Deo non est spes, cum omnia bona perfectè possideat; nec desperatio, cum nihil sit ipsi difficile, nedum impossibile; nec tristitia, cum hæc versetur circa malum præsens & inuoluntarium, Deus autem non sit capax vilius mali siue voluntarij, siue inuoluntarij, siue præsentis, siue futuri: nec audacia, cum hæc aggrediatur opera ardua & periculosa, qualia nulla sunt respectu Dei, qui cum infinitæ sit potentia, quicquid aggreditur summa facilitate, & sine vlllo periculo frustrationis ad optatum exitum perducit.

Tandem ira non est in Deo propriè, sed tantum metaphoricè, vt sumitur ex S. Tho. in eadem responsione ad 2. & patet, quia ex communiori sententia ira essentialiter supponit dolorem, siue tristitiam cuius vicem rependat; Deus autem non est capax tristitiæ ex iam dictis, ergo neque iræ propriè dictæ.

Resolutio II. Deus creaturas rationales diligit vero amore amicitia.] Hoc patet primò ex iis locis Scripturæ, ex quibus constat homines iustos esse Deo amicos, vt cū Ps. 138, dicitur. Nimis honorati sunt amici tui Deus, &c. Ioan. 15. Iam non dicā vos seruos, vos autē dixi amicos: Itē ex Conc. Trid. sess. 6. c. 6. vbi statuitur hominē per iustificationē fieri ex inimico amicū porro amicus est amici amicus, neq; potest amicitia constare nisi inter duos se mutuo redamantes: quare cū homo iustus sit Dei amicus, necesse est vt vicissim Deus sit hominis iusti amicus, seu quod illū ex vera atq; sincera amicitia diligat.

Confirmatur, nam cū Deus hominem

F 2 iustum

iustum ex vera beneuolentia amet, obtando ei verum & solidum bonum, vt ipsi bene sit; & aliunde homo per gratiam eleuetur ad statum supernaturalem, in quo fit quodammodo diuinæ consors naturæ, & acquirit ius ad beatitudinem, potestque Deum ex vera charitate diligere, nihil vetat quominus vera amicitia inter Deum & hominem reperiri valeat.

Neque refert quod ex philosopho 8. Ethic. 5. amicitia non sit nisi inter æquales, non enim opus est vt hoc intelligatur de equalitate arithmetica, sed tantum de geometrica, seu proportionis, qualis inter Deum & hominem iustum, per gratiam ad filiationem Dei eleuatum quodammodo reperitur. Præsertim cum ille eodem lib. Ethic. cap. 7. agnoscat speciem quandam amicitia inter superiores & inferiores, quam vocat superminentiæ, qualem esse ait inter regem & subditum, inter Deum & hominem.

Nota 1. Deum non amare creaturas irracionales amore amicitia, aut beneuolentia, tum quia illud non potest terminare amorem amicitia, quod nequit redamare illum à quo diligitur, at irracionales nequeunt redamare Deum: tum quia inter amicos debet esse communicatio mutua bonorum, & voluntatum consensio, quæ & similia nequeunt habere locum in irrationalibus, vt perspicuum est: quare cum nos ea non amemus ex amicitia; multo minus dici potest, quod Deus illa hoc modo diligit.

Nota 2. non incongruè dici posse, Deum amare creaturas irracionales amore concupiscentia,

DE DEO CAP. XVII. 125

piscentiæ, tum quia illæ conducunt ad manifestationem attributorum diuinorum: tum quia Deus, licet non sibi, hominibus tamen eas concupiscit tanquam amicis, in quorum vtilitatem productæ sunt.

Resolutio III. Deus magis diligit meliora.] Ita S. Th. I. p. q. 20. art. 4. quod probat, quia Deum magis diligere aliquid nihil aliud est, quam ei maius bonum velle; sicque eatenus aliqua sunt meliora, quatenus eis Deus magis bonum vult: vnde sequitur quod meliora plus diligit.

Notandū autem primò, Deum magis Christū vt hominem diligere, quàm totam vniuersitatem creaturarum, vt habetur in responsione ad 1. quia vult illi maius bonum, nempe vt idem qui est homo sit Deus, per vnitatem personæ Verbi, quæ est essentialiter infinitè perfecta.

Notandum 2. si fiat comparatio inter alios omnes homines & omnes Angelos, etsi quoad naturalia bona Angeli à Deo magis amati fuerint quàm homines, aliunde tamen collectionem hominum magis esse dilectam, tum propter dignitatem quæ ex Verbi Incarnatione in totum genus humanum redundat, tum quia maiorem dilectionem erga homines Deus ostendit, quàm erga Angelos, eò ipsò quod illos per Verbi Incarnationem redimere voluerit, non istos.

An autem maior gratia, & gloria fuerit collata toti collectioni hominum, quàm omnibus simul Angelis, adeoque etiam ex eo capite homines magis dilecti fuerint, satis probabiliter determinari non posse existimo;

F 3 cum

cum non constet quantus sit Angelorum numerus; quantam gratiam acceperint in instanti creationis; quandiu; & per quales actus meruerint; &c.

Notandum rursus circa responsionem ad 3. esse præsumptuosum iudicare, an Deus magis Petrum quam Ioannem amauerit; quod puto debere intelligi cum aliqua modificatione, si quis nimirum vni parti tanquam certæ firmiter adhaereat; & aliam vt omnino improbabilem aut falsam respuat: hoc enim præsumptionem quandā & temeritatem præ se fert, cum ex sacris litteris vel aliunde non satis constet, quis prædictorum fuerit sanctior, Deoque charior; & pro vtraque parte afferri possint variæ coniecturæ non spernendæ, quæ rem valde dubiam relinquunt.

Notandum præterea circa responsionem ad 4. si fiat comparatio inter innocentem & poenitentem, eum 1. magis à Deo diligi, qui plus habet gratiæ & gloriæ, siue sit innocens, siue sit poenitens. 2. si cætera sint paria; innocentem magis diligi quàm poenitentem: siquidem illud bonum cæteris paribus est dignius & amabilius, quod nullum supponit malum, quodque inuictam & nunquam interruptam perseuerantiam in bono continet, quàm id quod præcedentis sanctitatis iacturam, & peccatum quod detestetur necessario supponit: at innocentia est bonum prioris generis, poenitentia posterioris.

Notandum denique circa responsionem ad 5. si prædestinatus spectetur 1. pro tempore quo versatur in peccato mortali, sic cum à Deo non diligi, sed potius tanquam peccato

DE DEO CAP. XVII. 127

peccatorem odio haberi, cum contra Deus ab æterno diligat reprobum, pro tēpore quo gratia sanctificante instructus est. Si 2. pro tēpore quo habet gratiam, tam in hac, quàm in futura vita, sic à Deo magis diligi quàm præscitum quantumvis iustum: vnde etsi Deus secundum quid magis diligat reprobum, quàm prædestinatum, simpliciter tamen magis hunc quam illū diligit.

Resolutio IV. In Deo est iustitia propriè & strictè sumpta, prout est specialis virtus ab aliis distincta.] Probatur 1. quia Scriptura frequentissimè indicat, Deū ex vera iustitia tribuere gloriam æternam, pro meritis bonorum operum: vt cum Matt. 20. proponit parabolam Patris familias conducentis operarios in vineam suam, & promittentis se illis daturum quod iustum fuerit, ac tandem post opus expletum reddentis unicuique mercedem, & iubentis vt quisque tollat quod suum est.

Item quando Paul. 2. ad Tim 4. ait: Reposita mihi est corona iustitiæ, quā reddet mihi in illa die iustus iudex; & Heb. 6. Non enim iniustus est Deus, vt obliuiscatur operis vestri: Nam corona iustitiæ operibus reddenda planè significat, in collatione beatitudinis exerceri iustitiam propriè dictam, ac prætereà nisi tale præmium deberetur ex iustitia, Deus non esset iniustus illud denegando: siquidem non ageret contra iustitiā propriè dictam, etsi ageret contra fidelitatem.

Probatur 2. ex Patribus qui eidem sententiæ apertissimè fauent. August. lib. de natura & gratia cap. 2. Non enim, inquit, iniustus Deus, qui iustos fraudet mercede iustitiæ, &

serm. 16. de verbis Apostoli, Tenemus Deum debitorem, debitor enim factus est, non aliquid à nobis accipiendo, sed quod ei placuit promittendo, & subdit, nos posse Deo dicere, redde quod promissisti, quia facimus quod iussisti. Bernard. tract. de gratia & lib. arb. ait Paulū 2. ad Tim. 1. Dei promissum appellare suum depositum, & addit promissum quidem ex misericordia, sed iam ex iustitia persolendum. Similia habent alij passim.

Probat 3. quia iustitia strictè sumpta est virtus reddens unicuique quod suum est, seu id ad quod habet ius propriè dictū, sed homines supposita Dei promissione, per bona opera acquirunt ius ad gloriam æternam, eamque ut sic respiciunt tanquam rem suā, & sibi debitam, ut patet ex iam dictis; ergo virtus qua Deus tribuit gloriā propter bona opera, est iustitia propriè dicta, ac proinde hæc in Deo admittenda est.

Nota 1. nullā dicere imperfectionem, quod Deus propria sponte promittat hominibus præmium sub conditione operis, quodque posito opere teneatur suis stare promissis: hinc enim non sequitur propriè, Deum ipsum ordinari ad creaturas, sed tantum bona ipsius ex iustitia illis debita.

Nota 2. Deum non amittere perfectissimum dominium quod habet in creaturas, etsi supposito pacto dandi illis vitam æternam, non possit eas destruere, sicut non desinit esse perfectissimè Dominus Angelorum, etsi supposito decreto quo statuit illos in æternum conservare, non possit illos in nihilum reducere, hinc enim tantum sequitur, domi-

DE DEO CAP. XVII. 129

nium illud quoad talem vsum esse ligatum, qua in te nulla est imperfectio; cum eiusmodi impedimentum ex inchoato Dei beneplacito, saltem radicaliter, & remotè oriatur.

Nota 3. etsi inter patrem & filium, vt sic non sit vera iustitia, esse tamen si pater filio speciale bonorum dominium concedere velit. At Deus concessit homini speciale dominium in suos actus, vultque vt per illos possit obtinere ius ad gloriam æternam.

Nota 4. licet Deus nequeat propriè constitui debitor erga homines, id non impedire, quin bona illius hominibus debeantur. Ex qua distinctione varia loca Patrum in speciem pugnantia possunt conciliari, hincque lumen accipit egregius ille locus Aug. l. 1. Confess. 4. Supererogatur tibi vt debeas, & quis habet quicquam non tuum? Reddis debita, nulli debens, donas debita, nihil perdens.

Resolutio V. In Dep. ponenda est misericordia.] Ita S. Th. 1. p. q. 21. art. 3. vbi duo docet 1. misericordiam maximè esse Deo tribuendam, non quidè secundum passionis affectum, sed secundum effectum: Deus enim non afficitur ex miseria alterius per tristitiã, sed repellit illius defectum, & miseriam iuxta illud Ans. in Prosol. c. 10. Misericors es, non quia tu sentis affectum, sed quia nos sentimus effectum, atque hoc sufficit vt misericordia sit in Deo propriè & formaliter.

Docet 2. defectus non tolli nisi per collationem alicuius perfectionis, conferre autem rebus perfectionem spectare ad quatuor virtutes, nempe ad bonitatem, iustitiam, libera-

F 5 litatem

litatem, & misericordiam, sed cum aliquo discrimine: nam communicare perfectiones præcisè, pertinet ad bonitatem, eo quòd bonum est sui diffusivum; eas verò conferre iuxta rerum proportionem, & naturalem exigentiam, spectat ad iustitiam legalem seu gubernatricem; quatenus autem Deus nullo modo attendens ad propriam utilitatem, & sine intuitu retributionis perfectiones largitur, hoc pertinet ad liberalitatem, quatenus denique omnes perfectiones à Deo rebus collatæ defectum aliquem expellunt, aut impediunt, sic spectat ad misericordiam largiè sumptam, prout ad omnes, creaturas etiam ratione carentes extenditur, ad eandem verò propriè strictè sumptam, ut versatur circa creaturas rationales, & beatitudinis capaces, si perfectio quam tribuit Deus, expellit miseriam propriè dictam, seu quæ veræ felicitati opponitur.

Nota 1. ex art. 4. in quolibet opere Dei misericordiam & veritatem seu iustitiam inveniri: Iustitiam quidem, tum quia Deus non potest aliquid facere, quod non sit conveniens sapientiæ, & bonitati ipsius, & eatenus sibi ex decencia debitum: tum quia quicquid in rebus creatis facit, secundum convenientem ordinem & proportionem facit, prout exigit rerum natura & bonum uniuersi: misericordiam verò, tum quia opus diuinæ iustitiæ semper præsupponit opus misericordiæ, & in eo fundatur, creaturæ enim non debetur aliquid nisi propter aliud in ea præexistens, quod aut proximè, aut saltem remotè à sola bonitate diuina pendeat: tum quia ea quæ alicui creaturæ debentur, Deus

ex

DE DEO CAP. XVIII. 131

ex abundantia suæ bonitatis largiùs dispensare solet, quàm exigit proportio rei & iustitia gubernatrix tribuens unicuique quod ipsius natura exigit. Hæc autem debent intelligi de iustitia, & misericordia latè & improprie sumptis, ut perspicuum est.

Nota 1. ex resp. ad 1. quædam opera, tribui misericordiæ, quædam iustitiæ, quia in nonnullis magis apparet misericordia, & in aliis iustitia: unde damnatio reproborum dicitur simpliciter opus iustitiæ, quia iustitia punitiua potiores partes in ea obtinet; in illa tamen apparet misericordia: non quidem totam miseriam depellens, sed etiam minuens, quatenus reprobi puniuntur citra condignum, id est, minori pœna quàm per se loquendo, & seclusa ordinatione Dei eorum peccatis sit debita; sicut vice versa prædestinati præmiantur ultra condignum, quatenus potuisset Deus sine iniustitia, minorem gloriam eorum operibus decernere, quàm de facto decreuerit.

CAPVT XVIII.

De prouidentia diuina, & prædeterminatione physica.

Resolutio I. Ponenda est in Deo prouidentia. Est de fide, ut patet ex Scrip. Sap. 6. æqualiter cura est illi de omnibus. Matt. 6. Respice volatilia cœli, &c. Ratione affert. S. Th. 1. p. q. 22. art. 3. quia prouidentia nihil est aliud quàm ratio ordinis rerum in finem: at in Deo est talis ratio, cum operetur per intellectum, adeoque

que necesse sit omnium effectuum quos producit, rationem in eo præexistere.

Addit autem S. Doct. providentiam Deo non competere, si sumatur ut est ratio ordinis proprii actus, quia in Deo nihil est ordinabile in finem, sed tantum si sumatur ut est ratio ordinativa aliorum in finem; Deus enim omnia producit, & in finem ordinat. Et in responsione ad 2. monet rationem illam ordinis quæ dicitur providentia, esse æternam; dispositionem verò & executionem illius esse temporalem, & vocari gubernationem.

Nota 1. providentiam non esse constituendam formaliter in solo actu intellectus, sed etiam in actu voluntatis, cum providentia præter rationem ordinis mediorum ad finem, se tenentem ex parte intellectus, dicat curam aliquam & studium, adeoque voluntatem liberam rerum gerendarum, ut patet ex locis Scripturæ citatis.

Nota 2. providentiam ut spectat ad intellectum, non debere constitui in actu imperij, quo decretum voluntatis intimatur; talis enim actus videtur superfluous, cum posita scientia naturali, qua Deus perfecte novit per quæ media quælibet res possit in suum finem ordinari, simulque posito decreto efficaci, quo Deus statuit, ut talis res per tale medium in suum finem dirigatur, necessario sequatur effectus à Deo provensus. Et quamvis talis actus administretur, non videtur ratio providentiæ in eo posse constitui, cum per illum providentia iam à Deo constituta, intimeretur potentia executionis: quare probabilis, meo iudicio, senties, si dicas, providentiam in suo conceptu formali adæquato
in

DE DEO CAP. XVIII. 133

incluere, tam rationē ordinis mediorum ad finem, quā propositum seu decretum liberum diuinæ voluntatis efficaciter intendentis talem finem, & talia media eligentis.

Resolutio II. In Deo est prouidentia rerum omnium.] Ita S. Doct. qu. cit. art. 2. quod probat, quia cum omne agens agat propter finem, tantum se extendit ordinatio effectuum in finē, quantum se extendit causalitas primi agentis; causalitas autem Dei, qui est primum agens se extendit vsque ad omnia entia, non solum quantum ad principia speciei, sed etiam quantum ad principia indiuidualia, tam corruptibilium quā incorruptibilium: vnde necesse est omnia quæ quouis modo habent esse à Deo, ordinata esse in finem, siueque illius subdi prouidentia.

Hic autem quæri potest 1. an aliquis euentus sit causalis & fortuitus respectu diuinæ prouidentia. Respondet S. Thom. ad 1. negatiue quod probat, quia effectus dicitur causalis vel fortuitus respectu causæ cuius ordinem effugit; at quamvis possit aliquis effectus exire ordinem causæ particularis, eo quod hæc potest impediri ab alia causa particulari, non tamen potest effugere ordinem causæ vniuersalis; cum omnes causæ particulares tam impediētes quā impeditæ; sub vniuersali concludantur, omnes illius concursu ad operandum egeant, & nulla possit impedire, ne quod ipsa intendit, aut futurum præuidit, eueniat.

Quæritur 2. An mala culpæ sub diuinam prouiden

providentiam cadant. Respondeo affirmatiuè nā hæc mala dupliciter considerantur, vel formaliter vt sunt mala & peccata, vel materialiter prout habent entitatem quandam realem, & positiuam; utroque modo sub diuinam providentiam cadunt; primo quidem, quia etsi Deus non sit auctor peccatorum, ea tamen permittit, & ordinat in bonum finem, adeoque sunt materia circa quam diuina providentia versatur. Secundo etiam, quia etsi Deus non sit causa mouens ad entitatem materiale peccati, ad illam tamen concurrir, quando voluntas creata ad eam se determinat; cum enim eiusmodi entitas sit aliquid reale & physicum, repugnat quod existat in rerum natura, sine influxu primæ causæ, cuius proinde providentia sicut & causalitas ad eam se extendit.

Resolutio III. Deus immediatè rebus omnibus prouidet, quantum ad rationem ordinis, licet non quoad executionem.] Ita S. Th. 1. p. qu. 2. art. 3. ubi præmittit ad providentiam duo pertinere, nempe rationem ordinis rerum prouisarum in finem, & executionem ordinis, quæ gubernatio dicitur: quo posito docet quantum ad primum horum, Deum immediatè omnibus prouidere, quia in suo intellectu habet rationem omnium effectuum, & causarum per quas produci debent; quantum verò ad secundum, quædam esse media diuinæ providentiæ, quia Deus inferiora gubernat per superiora, non ex defectu virtutis, sed ex abundantia suæ bonitatis, vt scilicet dignitatem causalitatis etiam creaturis communicet. Quod non
ita

DE DEO CAP. XVIII. 135

ita debet intelligi, vt ipse Deus per se non exequatur ordinem à sua prouidentia in rebus præstitutum, sed ita vt cum non exequatur nisi cum causis secundis, simul ad eundem concurrentibus.

Nota ex art. 4. prouidentiam diuinam quibusdam rebus necessitatem imponere, non autem omnibus, quia ad illam spectat res omnes ordinare in finem, non modò separatum, qui est diuina bonitas, sed etiam in ipsis rebus existentibus, qui est perfectio vniuersi; at talis perfectio non esset, si omnes gradus essendi non inuenirentur in rebus, quare ad prouidentiam diuinam pertinet, omnes gradus entium producere; adeoque præparare causas necessarias & contingentes, vt ex iis effectus necessarij & contingentes oriantur.

Resolutio IV. Prouidentia diuina non semper assequitur finem particularem ad quem res ordinat.] Hoc patet tam in prouidentia naturali quàm in supernaturali; nam in primis res naturales ordinantur à Deo ad suos fines particulares sibi proportionatos, à quorum tamen consecutione non rarò impediuntur, vt patet quando contingunt effectus monstrosi, & casuales.

Deinde Deus, ex vera & sincera intentione saluandi omnes homines, præparauit illis media sufficientia per quæ possent saluari si vellent, & tamen omnes de facto non saluantur; ergo prouidentia non obtinet finem illum particularem ad quem eiusmodi media destinant, idque obseruat sanctus Thom. 1. dist. 40. q. 1. art. 2.

Nota oppositum non colligi ex Collecta
quæ

quæ recitatur Dominica septima post Pentecost. ubi ita habetur Deus cuius providentia in sui dispositione non fallitur: verum enim est, divinam providentiam numquam falli, etsi non semper finem particularem obtineat, tum quia Deus probè scit media quæ destinat ad talem finem, ex defectu causæ secundæ effectum non habitura, tum quia licet aliquid recedere videatur à divina providentia secundum unum ordinem, in illam relabitur secundum alium, ut notat sanctus Th. 1. p. q. 19. art. 6.

Resolutio V. Physica prædeterminatio cum nostræ libertatis usu nullo modo cohærere potest, adeoque repugnat quòd providentia divina hominem physicè prædeterminet ad actus liberos.] Probatur 1. quia ex sententia Ansel. lib. 2. cur Deus homo, c. 18. in Scholis receptissima, necessitas antecedens repugnat libertati quoad usum & exercitium, & sola consequens cum ea cohæret; necessitas autem inducta per physicam prædeterminationem est verè antecedens, & nullo modo consequens, cum antecedit, & causet physicè actum voluntatis nostræ, eumque non supponat ut iam in præscientia Dei positum, aut ponendum sub conditione.

Dices 1. necessitatem antecedentem ut venit à Deo, non tollere libertatem, ut patet in negatione Petri quæ fuit libera, etsi posita antecedente Christi prædictione, euenerit necessario. Verum hoc exemplum non est ad propositum, quia etsi prædictio Christi negationem Petri tempore præcesserit, ordine tamen rationis fuit ea posterior; cum non
ideò

DE DEO CAP. XVIII. 137

ideò Petrus Christum negauerit, quia Christus prædixit, quin potius prædixerit Christus, quia Petrus verè negaturus erat; quare necessitas negationis orta ex Christi prædictione, non erat antecedens, sed consequens.

Dices 2. Patres Dominicanos in priuatis colloquiis, plerùmque iam affirmare solitos, in eorum sententia, posita motione physicè prædeterminante voluntatem non agere necessariò, sed tantùm infallibiliter. Verùm qui ita loquuntur, non satis sincerè videntur agere: nam cum non admittant infallibilitatem tantùm moralem; quæ potest effectui carere, nec metaphysicam consequentem, ortam ex scientia Dei conditionata, planè infallibili, & frustrationi minimè obnoxia, sequitur eos loqui de infallibilitate metaphysica antecedente, orta præcisè ex motione diuina, & vi illius intrinseca, antecederet ad quamcumque præuisionem operationis futuræ. At eiusmodi infallibilitas, tam certò coniuncta est cum effectui, ex vi solius motionis diuinæ, vt posita motione illa possibile non sit voluntatem non agere; adeoque necesse sit eam agere, idque ex necessitate antecedente planè ineluctabili, quam Bannez & Aluarez perspicuè admittunt, quamque omnes sinceri physicæ prædeterminationis defensores probare tenentur, si consequenter loqui velint. Si quis tamen quandam prædeterminationem physicam effinxerit, per quam absolutè velit non imponi voluntati eâ præuentæ, necessitatem agendi, moneo argumenta nostra contra eiusmodi prædeterminationem non dirigì, sed contra aliam longè diuersam, vt iam

non semel alibi à nobis obseruatum fuit.

Probatur 2. quia illud liberum dicitur, quod positis omnibus ad agendum prærequisitis, potest agere vel non agere, at posita physica prædeterminatione ad agendum, voluntas nō potest non agere, sed necessario agit illud vnum ad quod impellitur, ergo non agit liberè. Maior patet ex vulgari definitione libertatis, apud Theologos & Philosophos, tam antiquos, quam recentiores communissimè recepta; minor verò non negatur ab aduersariis, quando sincere exponunt quid per physicam prædeterminationem intelligant.

Dices, non esse de ratione libertatis, quòd in sensu cōposito cum omnibus requisitis ad agendum, voluntas possit operari, vel non operari, sed satis esse quòd id possit in sensu diuiso. Contrà, nam iuxta hanc explicationem tribuenda erit libertas amorì beatifico, & actionibus brutorū; hæc enim & similia non sunt necessaria, nisi in sensu cōposito cum omnibus ad agendum prærequisitis. Deinde quid iuuat meam libertatem, quod possim non agere in sensu diuiso, si mihi impossibile sit vt faciam sensum diuisū?

Instabis, definitionem allatam libertatis veram esse in sensu cōposito, si cōpositio fiat inter omnia ad agendum prærequisita, & potentiam non agendi, non tamen si fiat cōpositio inter illa, & carentiam operationis. At certè hoc gratis dicitur, quia ex communi omnium sensu, positis omnibus ad agendum prærequisitis, voluntas habet potentiam proximam & expeditam ad non agendum, adeoque potest si velit non agere, seu ponere cagen-

DE DEO CAPI XVIII. 139

tiam operationis. Eò vel maximè, quia inter omnia prærequisita ad agendum per se spectata, & negationem actionis, nulla assignari potest oppositio, ratione cuius repugnet ea simul componi in eadem voluntate.

Nota ad soluenda omnia aduersariorum argumenta, quæ pro physica prædeterminatione afferri solent, perperam congeri testimonia & rationes quibus probatur, Deum præfinire actus nostros, & voluntatem nostram ad eos applicare, mouere, inclinare, impellere; Ista enim & similia, vel coniuncta sunt cum necessitate agendi, vel non: si non sunt coniuncta, ex iis probari non potest physica prædeterminatio, cum hæc omnium consensu necessitatem agendi inferat. Si verò ex iis necessitas agendi inferatur, instamus ea ut summum debere intelligi de necessitate consequente, quam nos admittimus, non autem de necessitate antecedente, qualis ea est quæ inferatur per prædeterminationem physicam. Vnde illa propositio, necesse est eum conuertere, quem Deus efficaciter vult conuertere, item illa, impossibile est quòd ille non conuertatur, quem Deus absolutè vult conuertere, aliaque similes quibus interdum Patres, & Scholastici vtuntur, nullo modo causam prædeterminantium iuuant, cum semper contendamus dictas propositiones non posse, nec debere intelligi nisi de necessitate consequente, ipsisque probandum supersit eas de necessitate antecedente qualis ea est, quæ in physica prædeterminatione essentialiter, includitur, accipiendas esse.

Resolutio V I. Nullo modo admittendum
est

est quòd Deus voluntatem nostram physicè prædeterminet ad actus malos.] Probat. 1. ex Conciliis. Arausicanū 2. c. 25. ita habet. Aliquos ad malum diuina potestate prædestinatos esse, non solum non credimus, sed etiam si sunt qui tantum malum credere velint cum omni detestatione in illos anathema dicimus: At quid quæso est aliquem prædestinare, ad malum? sanè aliud nihil quàm efficaci decreto statuere, vt ille actum malum perpetret, eumque ad talem actum efficaciter impellere. Et Concilium Trid. sess. 6. can. 6. eos damnat qui dicant, Deum operari mala opera non solum permissiue, sed etiā propriè & per se, at Deus propriè, & per se operatur opera mala, & non tantum permissiue, si decreto absoluto statuit vt ea fiant, & ad illa patranda voluntatem physicè prædeterminat.

Probat. 2. ex Patribus. Aug. l. 3. de lib. c. 4. Deus, inquit, omnia quorum auctor est præscit, nec tamen omnium quæ præscit ipse auctor est: quorum autem non est auctor, iustus est ultor. At negari non potest, quin homo puniatur propter ipsos actus materiales peccatorum: verbi causa, propter actuale homicidium, vel adulterium realiter spectatum: ergo Deus ex mente Augustini non est causa quòd homo eiusmodi actus eliciat: esset autem sine dubio, si illum ad eos physicè impelleret; & prædeterminaret. Quis etiam capiat hominem iuste puniri propter actus prauos, si ad eos fuit ab ipso met Deo impulsus per motionem physicè prædeterminantem, id est tam efficacem,

DE DEO CAP. XVIII. 141

efficacem, ut eâ positâ impossibile sit non malè agere?

Augustinum sequutus Prosper responsione 10. ad obiectiones, Vincentianas. Detestanda, inquit, & abominanda opinio, quæ Deum cuiusque malæ voluntatis, aut malæ actionis credit autorem, cuius prædestinatio, nunquam extra bonitatem, nunquam extra iustitiam est, vniuersæ enim viæ Domini misericordia & veritas, adulteria enim maritatarum, & corruptelas virginum non instituere nouit sancta diuinitas, sed damnare, nec disponere, sed punire. In quibus verbis ponderandum est, Prosperum disertè loqui de ipsis malis actibus realiter spectatis, & graui censura damnare eam sententiam, quæ tales actus in Deum, ut in causam impellentem refert. Vnde sine fundamento dicunt aliqui, prædicta & similia debere intelligi de actibus malis formaliter ut mali sunt, præsertim cum ij quos reprehendebant Patres non assererent, Deum nos impellere ad actus malos, ut formaliter mali sunt.

Probatur; variis rationibus, quarum prima est, quia homo qui peccat, habet auxilium sufficiens, ut possit peccatum vitare, si velit, at nulum est tale auxiliū, si physice prædeterminatur ad actum malum ut per se notum videtur; siquidem posita tali motione, impossibile est ut non peccet, sub quacunque gratia cōstitutus sit.

Secunda est, quia homo peccat liberè, ergo non prædeterminatur physice ad actum peccati. Sequela patet ex resolutione præcedenti, vbi ostendimus physicam præde-
termi

terminationem non stare cum usu nostræ libertatis.

Tertius, de fide est Deum non velle peccatum, at oppositum sequeretur si nos prædeterminaret ad actus prauos: si quidem nihil magis volumus quàm id quod decreto absoluto, & efficaciter volumus ut fiat, idque ex nobis ipsis, seu aliunde minimè impulsus, quodque mediis efficacissimis fieri curamus, eo modo quo statuimus.

Quarta, si Deus voluntatem nostram physice prædeterminaret ad actum peccati, esset causa peccati, at hoc dici non potest, ergo neque illud; sequela maioris ostenditur, nam si dæmon dicitur causa peccati, quatenus te inducit ad actum prauum, variis suasionibus quas facile cum diuino auxilio repellere potes; quanto magis Deus diceretur causa peccati, si te physice prædeterminat ad actum malum? Imo si tu ipse es causa peccati, quatenus te determinas ad actum malum, à fortiori Deus erit causa peccati, si non te determinas ad talem nisi actum, iam ab illo ad eundem actum prædeterminatus.

Dices, ideo Deum non esse causam peccati, quia prædeterminat tantum ad entitatem & substantiam peccati, seu ad actum ut actus est, non auctum ad malitiam illius. Verum hæc responsio gratis conficta est, quia quod per se directe est causa, ut ponatur aliquid, consequenter est causa, ut ponatur aliquid quod cum eo necessario & inseparabiliter coniunctum est; at malitia est inseparabilis ab entitate & substantia peccati, prout ista hic & nunc ponitur ab homine rationis compotes.

DE DEO. CAP. XVIII. 143

compote: ergo si Deus est causa quòd homo in his circumstantiis ponat entitatem & substantiã peccati, consequenter est etiam causa quòd formale peccati ab eo ponatur. Eò vel maxime, quia quando Thomistæ dicunt Deum prædeterminare ad actum prauum, vt actus est, non loquuntur de ratione generica actionis: quia sic non est moraliter mala, sed de tali actu in specie, vt est verbi causa, odium Dei, aut blasphemia, qua ratione malitiam essentialiter, adeoque inseparabiliter coniunctam habet.

Nota 1. Deum non sic vti prauis hominibus tanquam instrumentis ad alios debellandos aut affligendos, vt eos prædeterminet ad eiusmodi actus, sed partim quia permittit vt mali aliis noceant, partim quia iusto iudicio eos deserit, quibus nocumentum infertur, non dans eis adiutorium quo malum sibi imminens caueant.

Nota 2. omne quidem ens per participationem reducendum esse ad ens per essentiam, non tamen eodem modo; quia licet Deus rectè & merito prædeterminet ea omnia quæ se solo factururus est, non tamen æquum est vt se solo; & non attendendo ad exigentiam voluntatis creatæ, eam prædeterminet ad omnes actus siue bonos, siue malos qui in tempore ab ea prodituri sunt. Neque propterea sequitur multa esse prima principia, quia etsi voluntas creata non indigeat prædeterminari ad agendum, nihil tamen sine intimo Dei influxu conseruante & cooperante operari potest, quod repugnat rationi primi principij. Plura ad has duas Resolutiones

tionēs spectantia videnda sūt: in suavi Concor-
dia disp. 2. vbi præcipua incōmoda quæ ex phy-
sica prædeterminatione sequuntur, latius è tra-
ctauimus: omnesque aduersariorum euasiones,
quibus argumenta nostra eludi possunt satis ac-
curatè, pro tenuitate nostra occupauimus.

CAPVT XIX.

De Prædestinatione.

Resolutio I. In Deo de facto admittenda
est aliquorum prædestinatio. Est de fide,
probatumque primò ex Script. Rom. 8. Quos
prædestinauit, hos vocauit: Et Ephes. 1. Præde-
stinati secundum propositum eius qui operatur
omnia secundum consilium voluntatis suæ. Mit-
to loca quæ testantur aliquos à Deo esse ele-
ctos, aut eorum nomina scripta esse in cœlis; ex
his enim & similibus aperte deducitur præde-
stinationis existentia, sicut ex innumeris Patrum
testimoniis, quæ hîc recēdere superfluum foret.

Secundò idem ratione ostenditur, nam præde-
stinare est ab æterno aliquibus destinare certa
media, per quæ vitam æternam efficaciter con-
sequantur; atqui Deus ab æterno nonnullis eius-
modi media destinauit, ergo & eos prædestina-
uit. Probatum minor, nam de fide est aliquos
peruenire ad finem vltimum vitæ æternæ, idque
per auxilia supernaturalia & efficacia ipsis à
Deo concessa, Deus autem est agens per intel-
lectum & voluntatem, nihilque agit in tempore
nisi quod se acturum ab æterno decreuit.

Nota

DE DEO CAP. XIX. 145

Nota prædestinationem non tollere libertatē, quia licet posita prædestinatione necesse sit in sensu composito prædestinatum saluari, ea tamen necessitas non est antecedens, sed consequens, cum supponat aut præscientiam absolutam perseverantiæ finalis, aut certè scientiam conditionatam qua Deus novit Petrum, per talia auxilia alioqui repudiabilia, & minimè prædeterminantia saluandum, si illi dentur. Quinam autem ex his modis sit probabilior, constabit ex sequenti capite.

Resolutio II. Prædestinatio est decretum absolutum quo Deus ab æterno aliquos homines vel Angelos elegit, seu destinavit ad vitam æternam, per certa media supernaturalia quæ novit effectum habitura, infallibiliter consequendam.] Ex qua definitione nōnulla colligi debent.

Primò, prædestinationem esse aliquem actum in Deo ab æterno existentem, per quem Deus intrinsecè denominatur prædestinans, creaturæ verò rationales extrinsecè prædestinata; ita ut subiectum, aut quasi subiectum prædestinationis sit ipse Deus, obiectum verò illius sint Angeli, & homines qui de facto salvantur.

Collige secundò, ad prædestinationem requiri non modò actum intellectus, sed etiam actum voluntatis, ut patet, quia videt Deus per quæ auxilia possint saluari multi homines, qui tamen non sunt prædestinati; quare ut aliquis dicatur à Deo prædestinari præter notitiam illam requiritur actus voluntatis, quo Deus statuit cum transmittere ad vitam

Liber I.

G

æter

æternam per talia media. Vnde quia talis actus est liber, prædestinatio in Deo est absolutè libera, esto scientia illa præcedens sit necessaria, saltem supposita veritate obiecti.

Collige tertio, in quo prædestinatio & providentia conveniant, & discrepent inter se: conveniunt quod providentia etiam complectitur actus intellectus & voluntatis, ut patet ex supradictis: discrepant verò, tum quia materia providentiæ latius patet quàm prædestinationis, tum quia prædestinatio suum finem particularem in quolibet prædestinato infallibiliter obtinet.

Resolutio III. Varij sunt errores circa prædestinationem ad gratiam.] Ut alios omittam, pauca hîc de Pelagianorum & Semipelagianorum errore dicenda sunt.

Quod spectat ad errorem Pelagianorum, vnum est certum, & aliud de quo controuertitur. Cerrum est Pelagium eiusque sequaces aliquando docuisse. Primò hominem ex solis naturæ viribus, sine ulla gratia interna vera & supernaturali, posse omnia præcepta servare, & salutem consequi. Secundò ideo hominem esse prædestinatum, & electum ad gloriam, quia prævidit Deus eum bene operaturum naturæ viribus, nullo internæ gratiæ auxilio suffultis.

Est autem dubitatio inter recentiores, an ipse Pelagius postea hunc errorem, saltem ex parte retractauerit, adeò ut veram gratiam internam ordinis supernaturalis admiserit. Recentiores Thomistæ affirmant, existimantes eum tandem post varias disputationes cum Augustino, agnovisse gratiam ad posse, quàm ponebat

ponebat in aptione, seu illuminatione oculorum cordis, & in suscitatione stupentis voluntatis, aliisque id genus monitionibus quæ spectant ad gratiam sufficientem, numquam tamen admisisse gratiam efficacem, quæ Deus facit, ut infallibiliter bene operemur.

Oppositum tamen est verius, nam etsi interdum Pelagius verbis magnificis gratiam commendauerit, numquam tamen ex animo pristinum errorem retractavit, ut patet ex Aug. toto ferè lib. de gratia Christi, speciatim c. 3. 4. 6. 7. 9. 41. & 42. ex quibus manifestum est prædictum hæreticum conatum esse, variis verborum inuolucris suum errorem obtegere, & nomine gratiæ nunquam intellexisse veram gratiam internā & supernaturalē, sed tantum liberum arbitriū à Deo gratis collatum, itemq; legem & doctrinā externam, qua naturam iuuari dicebat.

Vnde Pelagius per illuminationem oculorū & suscitationē stupentis voluntatis, nihil aliud intellexit quàm legē externā quatenus hæc docet quæ agenda sunt, & quantū est ex se, obiectiue excitat voluntatē nostrā, præmia aut pœnas proponēdo, ut bene operemur, & peccata fugiamus.

Quod attinet ad errorem Semipelagianorum, seu Massiliensium, ij dicebant. Primò nos posse propriis viribus naturæ bene incipere quoad negotium salutis, non tamen opus inchoatum perficere, sine Dei auxilio. Secundò, illud initium à nobis appositum aduocare, & aliquo modo mereri adiutorium gratiæ, necessarium ad bene operandum & perseuerandum. Tertiò, Deum nos prædestinare ad

gratiam & gloriam, propter tenuem illum conatum è nobis appositum.

Dubitatur autem de quo merito, & de qua gratia Semipelagiani loquerentur. Respondeo 1. eos locutos de merito imperfecto, quod congruum, appellari solet, non autem de merito condigno, ut liquet ex August. lib. prædestinatione SS. cap.

Respondeo 2. eos debere intelligi de gratia adiuuante interna & supernaturali, nam cum excluderent gratiam propriè præuenientē, si ulterius negassent adiuuantem, nullum actum supernaturalem potuissent agnoscere, & consequenter debuissent negare gratiam sanctificantem, sicque quoad negotium salutis iam ex toto essent Pelagiani, & non Semipelagiani.

Resolutio IV. Ex parte prædestinati non datur causa prædestinationis ad primam gratiam.] Ratio est, quia ex fide, non potest homo mereri primam gratiam, ergo neque ut prædestineretur ad illam: confirmatur ex verbis illis Apostoli 1. Corinth. 4. Quis enim te discit? &c. Hinc enim colligitur hominem non esse causam illius discriminis, quo prædestinatus distinguitur à non prædestinato, sed meram misericordiam Dei tale discrimen inter utrumque constituentis: quod falsum esset, si homo naturaliter Deo præberet motuum, seu rationē eum prædestinandi præ alio, ad gratiæ auxilia quibus salus compareretur.

Quo loco aduerte 1. iam dicta ita debere intelligi, ut nequeat homo mereri prædestinationem, per opera antecedentia primam gratiam

DE DEO CAP. XIX. 149

gratiam actualem, eo quòd quidquid talem gratiam præcedit, est ordinis naturalis, adeoque nimis leue & improporcionatum, ut possit esse meritum, siue condignum, siue etiam congruum respectu primæ gratiæ, aut prædestinationis ad illam.

Dices, cū non potest homo mereri primam gratiam de congruo, cū peccator gratiam iustificantem gratis recipiat, etsi eam mereatur de congruo? Resp. causam discriminis esse, quia cū peccator intrinsecè sit indignus gratia sanctificante, meritum congruum illius operibus adiunde, nimirum ex Spiritus sancti auxilio, adueniens, non impedit quin gratis iustificationem obtineat. At verò si homo ex meris naturæ viribus mereretur de congruo primam gratiam, iam ille secundum se, & ex personæ conditione haberet proportionem connaturalem cum tali præmio, quod proinde gratis illi non daretur.

Aduerte 2. sententiam quæ refert primæ gratiæ collationem, in bonum vsum eiusdem gratiæ præuisum, nihil habere commune cum errore Semipelagianorum, illi enim affirmabant 1. hominem prædestinari ad gratiam, ex præuiso bono vsum solius liberi arbitrij, nulla gratia præuenti. 2. paruulos prædestinari propter opera bona quæ fecissent, si ad ætatem adultam peruenissent, adeoque propter opera absolutè nunquam futura: prædicta verò sententia agit tantum de meritis ab ipsa gratia ortis, quæque absolutè futura sunt, licet prævideantur sub conditione. Fatemur tamen sententiam il-

lam parum habere probabilitatis, cum vel solo exemplo Tyrionum satis ostendatur, merita conditionata Deum non mouere ad conferendam gratiam.

CAPVT XX.

De electione & reprobatione.

RESOLVTIO I. Probabilior est sententia quæ docet, electionem efficacem ad gloriam factam esse antecedenter ad absolutam præuisionem meritorum, adeoque esse merè gratuitam. Rationes variz sunt, & non spernendæ, quibus id suadetur. Prima, negari non potest quin Scriptura ei valde faueat: plerisque in locis, ac speciatim Sap. 4. Matth. 24. & Ioan. 10. ubi agitur de speciali cura quam Deus exercet erga prædestinatos dando operam ut à gratia finaliter non excident, hinc enim aperte colligitur perseuerantiam finalem esse effectum electionis: non autem causam illius. Fauet etiam Paulus Rom. 8. aliisque locis agnoscens quandam vocationem propriam electorum, quam vocat secundum propositum, quia Deus eam tribuit prædestinatis ex efficaci proposito eos saluandi: & cap. 9. tradens discretionem Iacob electi ab Esau reprobato non ex eorum operibus, sed ex mera voluntate Dei, quem ait se habere instar figuli, facientis aliud vas in honorem, aliud in contumeliam.

Secunda, quia ut etiam farentur nonnulli auctores sententiæ oppositæ, Augustinus apertissimè locis prope innumeris ita comparat

DE DEO CAP. XX. 151

parat electionem efficacem ad gloriam, cum finali perseverantia, ut velit hanc esse effectum illius; ita ut alicui tribuatur perseverantia, quia ad beatitudinem electus est, & non vice versa ille eligatur, quia perseveraturus est: unde consequens est prædestinatos non eligi ex prævisis meritis, sed ex gratuita Dei voluntate, cuius vi tribuuntur ipsa merita, & perseverantia finalis.

Vnde sæpe illud constituit discrimen inter prædestinatos & non prædestinatos, quod priores quia electi sunt, perseverantiam accipiunt: posterioribus verò perseverantia denegatur, eo quod non sunt ex beato illo electorum numero: qua in re serio monet, non esse curiosè discutienda iudicia Dei, sed cum humilitate suscipienda iuxta illud Pauli, O altitudo, &c.

Sæpe etiam Augustinus electionem adultorum comparat cum electione paruulorum, quoad hoc, quod sicut Deus quosdam paruulos eligit misericorditer ad gloriam, tumque curat ut iis administretur Baptismus, sine quo saluari nequeunt, adeò ut perseverantia finalis sit effectus, non causa electionis ipsorum. Contra verò alios ex iusto iudicio relinquit in massa perditionis, permittens ut morte præueniantur, antequam à peccato originali laudari possint; ita Deus ex mera sua misericordia quosdam adultos eligit ad gloriam, & deinde ex vi huius electionis tribuit illis media ad talem finem necessaria: alios verò ex iusto, quamuis occulto iudicio, non eligit ad gloriam, & consequenter non dat operam ut illis con-

ferantur ea media, per quæ efficaciter beatitudinem obtinerent. Verba Augustini quibus prædicta late confirmantur habes in suavi Cōcordia, disp. 1. sect. 5. quem locum, si placet, consule.

Tertia, quia sanctus Thomas electionem gratuitam perspicuè defendit variis locis disp. iam citata relatis, ex quibus hic tantum observandum est illud ex qu. 7. de verit. art. 6. ad 3. Vitam gloriæ non providet, nisi ex beneplacito suæ voluntatis, & illud ex 1. p. q. 23. art. 5. ad 3. sed quare hos elegit in gloriam, & hos reproba- vit, non habet rationem nisi divinam voluntatem. Atque hanc veram esse sententiam S. Doctoris agnoscunt communiter Thomistæ omnes, tam antiqui quam recentiores, qui proinde electionem gratuitam merita antecedentem & causantem nobiscum defendunt; imò Scotus & omnes illius discipuli hanc nostram sententiam amplectuntur, fatenturque se in hac re consentire cum S. Th. sicut & alij plerique quos prætereo. Unde patet, si res ex numero & autoritate Scholasticorum sit definienda, dubitari non posse quin sententia quam propugnamus oppositæ præferenda sit.

Quarta, quia ut communiter nostræ sententiæ authores ex S. Th. & Scoto argumentantur, qui ordinatè vult, prius vult finem quàm media ad finem: At Deus ordinatè vult, ergo prius vult finem quàm media ad finem: gloria autem est finis, & merita sunt media ad illam, ergo prius vult gloriàm quàm merita; & consequenter electio ad gloriam non potest esse ex prævisione meritorum.

Dices,

Dices, voluntatem quandam inefficacem dandi gloriam, præcedere voluntatem dandi media, quæ sunt merita, non autem efficacem, de qua loquimur. Sed contrà, nam intentio finis debet esse proportionata electioni medi-
diorum, at Deus dat media efficacia ad finem, ergo hoc oritur ex efficaci intentione finis.

Quinta, quia illa sententia est præferenda, quæ ex vna parte electis est multò fauorabilior, & ex alia non habet maiorem rigorem, erga reprobos. At hoc competit nostræ sententiæ, vt per se patet quoad prædestinatos; quantum verò ad reprobos ostenditur quia si res attentè inspiciatur, in morali æstimatione perinde est, quòd Deus non eligat Iudam ad auxilia efficacia & finalem perseuerantiam, aut quòd eum non eligat ad gloriam: cùm reprobatio à finali perseuerantia sit virtualis reprobatio à gloria, hæcque non maiorem salutis spem relinquat, quàm formalis voluntas denegandi gloriam.

Vnde quando opponunt aduersarij, quomodo Deus habeat verum & sincerum affectum saluandi Iudam, si illum non eligit efficaciter ad gloriam cum Petro, nos vicissim ab ipsis quærimus, qua ratione Deus, in eorum sententia, sincerè velit saluare Iudam, cùm eum non eligat ad auxilia efficacia, & ad finalem perseuerantiam, ad quam tamen ex mera sua misericordia elegit Petrum. Sanè vtroque est eadem difficultas; neque puto quòd is qui se reprobatum existimat, feliciorem aut mitiorem for-

tem experiatur, etsi à nostra, ad oppositam sententiam transeat.

Nota 1. non opus esse ponere in Deo duplicem voluntatem efficacem respectu gloriæ, aliam antecedentem merita, aliam consequentem, sed unicam sufficere, qua Deus ex mera sua liberalitate, & à præiudiciis meritis minime prouocatus, efficaciter aliquem eligit ad gloriam per merita obtinendam.

Dices, ergo eadem voluntas erit gratuita simul & remuneratiua, quod repugnat. Distinguo, erit gratuita & remuneratiua quoad se, nego; erit gratuita quoad se, & remuneratiua quoad obiectum, concedo. In hoc autem nulla est repugnantia, sicut neque quòd Petrus malit vendere suum equum Stephano, quàm Antonio, illa enim voluntas Petri est merè gratuita, etsi per illam non velit dare equum gratis, sed pro iusto precio.

Instabis, eo ipso quòd Deus statuit conferre gloriam per merita, necesse est ut merita illius intellectui iam obiciatur ut præsentia. Verùm hoc negatur de præsentia absoluta, sufficit enim quod per scientiam conditionatam priorem electione, sciat Deus se posse ei quem elegerit tribuere merita, quotquot, & quando voluerit.

Nota 2. Prædestinatum in sensu composito cum scientia conditionata decreto prædestinationis præsupposita, non posse damnari, quia eligitur, ut saluandus per auxilia gratiæ; quæ iuxta præscientiam Dei effectum in eo sunt infallibiliter habitura; absolute tamen posse damnari, quia cum non saluetur

DE DEO CAP. XX. 155

alueretur nisi per auxilia repudiabilia, & minime prædeterminantia, potest si velit iis consensum negare & in peccatum finale labi, Contra verò eum qui non est efficaciter electus ad gloriam, absolute posse saluari, quia etsi non possit efficere, ut eligatur ante præuisa merita, potest tamen cooperari gratis acceptis, quod si faceret, haud dubie eligeretur ad gloriam ex præuisis meritis.

Resolutio II. Gloria æterna, item vocatio & iustificatio, peccatorum permissio, & bona prædestinati indoles sunt effectus prædestinationis.] Prima pars probatur, quia qui causat media efficacia ad finem, causat mediatè ipsum finem; atqui prædestinatio causat media efficacia ad gloriam, ergo & ipsam gloriam.

Secunda pars ostenditur, tum ex illis verbis Rom. 8. Quos autem prædestinavit, hos & vocavit, & quos vocavit, hos & iustificavit; tum quia illud est effectus prædestinationis, per quod Deus exequitur decretum prædestinationis, at Deus per vocationem, & iustificationem exequitur decretum prædestinationis, ergo.

Tertia pars probatur, quia cum ex vna parte permissio peccati sit bona, & à Deo volita, ex alia verò omnia prædestinatis cooperentur in bonum, etiam ipsa peccata, quatenus resurgunt humiliores, cautiores, & feruentiores, nihi videtur obesse, quia Deus permittat prædestinatos cadere, ex intentione efficaci, ut ad maiorem gratiam & gloriam assurgant: atque

G 6 ita

ita docet S.Th. 1.2 q.79.artic.4.

Nota Deum velle permissionem peccari ratione poenitentiae, neque propterea opus esse ut Deus velit peccatum ad poenitentiam requisitum, sed sufficere quod per scientiam conditionatam sciat praedestinatum infallibiliter peccaturum, ex hypothese quod velit illi exhibere concursus necessarium ad peccandum.

Quarta pars suadetur quia quidquid ad salutem praedestinari de facto conducit, est effectus praedestinationis ipsius: at ingenium, bona indoles, aliaque eiusmodi naturalia ad hoc conducunt, ut patet ex Aug. qui lib. de dono persecrantis, c. 14. & alias non raro docet Deum cum vult aliquem convertere, eum mouere & vocare eo modo quo seiri ei congruere, spectata scilicet illius naturali dispositione, ut vocantem non respuat.

Resolutio III. Praedestinatio certissime, & infallibiliter consequitur suum effectum, non tamen imponit necessitatem agendi.] Ita S. Thom. 1.p. quaest. 23. art. 6. quod probat, quia praedestinatio est pars providentiae. At non omnia quae providentiae subduntur sunt necessaria, sed quaedam contingenter eueniunt, secundum conditionem causarum proximarum, quas ad tales effectus diuina providentia ordinauit. Et tamen providentiae ordo est infallibilis, ex dictis quaest. 22. art. 4. Sic igitur & ordo praedestinationis est certus, & libertas arbitrij non tollitur per eiusmodi certitudinem.

Ex quo patet, electionem efficacem ad gloriam

gloriam merita antecedentem , non obtinere suum effectum per motiones physice prædeterminantes, cum hæ inducant necessitatem agendi contrariam libertati, vt suprà ostensum est : quare vt eiusmodi electionis immobilis certitudo defendatur , eaque cum libertate rectè concilietur, necessario recurrendum est ad scientiam mediam decreto prædestinationis præsuppositam, qua videt Deus , quid faceret Petrus si illum in circumstantiis minimè prædeterminantibus constitueret ; ac proinde huius scientiæ vsus maximè in hac controuersia admittendus est.

Illi tamen qui putant, electionem efficacem ad gloriam factam esse duntaxat post præuisa merita, sufficienter explicant certitudinem prædestinationis per scientiam visionis, qua Deus merita, vt absolutè futura intuetur ; neq; quoad hoc præcisè opus est, vt recurrant ad scientiam conditionatam ; licet Deus in priori decreto quo auxilia grætiæ hominibus distribuit , illius luce & directione indigeat.

Nota 2. eos qui docent , efficacem electionem factam esse antecederet ad præuisa merita , communiter affirmare gradus omnes gloriæ , ad quos singuli beati peruenturi sunt , speciali decreto & prædefinitione Dei fuisse determinatos : si quidem modus melioris & perfectioris prouidentia exigit , vt si-
cut Deus certos Angelos & homines nominatim destinat ad gloriam æternam , vt ex iis regnum cœleste constituat : ita singulis præscribat certam gloriæ mensuram ex cuius
diuersi

diuersitate, & inæqualitate tanquam ex variis mansionibus ciuitas illa beatorum mirificè coalescit: iuxta illud Christi Ioan. 14. In domo Patris mei mansiones multæ sunt.

Nota 2. quòd etsi Deus homini prædestinato, quandiu viuic, tribuat auxilia sufficientia, quibus noua, & noua merita cumulare possit, si velit, prius tamen quàm ea tribuat, nouit per scientiam mediam prædestinatum per talia auxilia si illi dentur, non acquisiturum de facto nisi talem gradum meriti & gloriæ. Vnde eâ scientiâ præsuppositâ, rectè potest Deus certò præfinire mensuram gloriæ tribuendæ prædestinato, neque vnquam eueniet, quòd prædestinatus illum gradum, aut non attingat, aut prætergredia-
tur: res enim ita erunt per diuinam prouidentiam dispositæ, vt quando electus præfixam meritorum & gloriæ mensuram impleuerit, simul ad vitæ terminum perueniat.

Resolutio IV. Aliquo sensu ponendus est in Deo liber vitæ.] De hoc agit S. Thomas 1. p. q. 24. per 3. articulos, quorum primo docet in primis librum vitæ in Deo dici metaphoricè, nempe secundum similitudinem à rebus humanis acceptam. Consuetum enim est apud homines, eos qui ad aliquid eliguntur conscribi in libro, utpote milites & consiliarios, qui olim dicebantur Patres Conscripti, quare cum prædestinati eligantur à Deo ad habendam vitam æternam, hinc ipsa prædestinatorum descriptio liber vitæ appellari solet. Secundo librum vitæ ratione distingui à prædestinatione, quatenus prædestinatio est ratio

DE DEO CAP. XX. 159

ratio ordinis mediorum, quibus prædestinatus ducitur ad vitam æternam: ac liber vitæ est ipsa noticia, qua Deus firmiter retinet se aliquos prædestinasse ad vitam æternam. Terriò non esse consuetum conscribi, eos qui repudiantur, sed eos qui eliguntur, ac proinde reprobationi non respondere librum mortis, sicut prædestinationi respondet liber vitæ.

Art. 2. docet 1. librum vitæ respicere tantum vitam gloriæ prædestinatorum, aliquis enim eligitur ad id quod ei non competit secundum suam naturam quodque habet rationem finis, quæ due conditiones competunt vitæ gloriæ, non autem vitæ naturali, ad quam proinde nemo scribi dicitur. 2. non dicit librum vitæ respectu gratiæ, quia nemo conscribitur ad id quod habet rationem mediij, sed ad id quod habet rationem finis, sicut miles non conscribitur, ut armetur, sed ut pugnet & vincat si possit, sicut tamen illi qui habent gratiam, & à gloria excidunt, dicuntur electi secundum quid, & non si simpliciter, ita & dicuntur scribi in libro vitæ secundum quid, non simpliciter.

Art. 3. docet 1. non posse deleri de libro vitæ, eos qui in illo sunt scripti simpliciter, id est, qui à prædestinatione sunt ordinati ad gloriam æternam; hæc enim ordinatio non potest deficere. 2. eos posse deleri de libro vitæ, qui in eo sunt tantum scripti secundum quid, quia illi eo modo dicuntur scripti in libro vitæ, qui ad vitam æternam ordinantur per gratiam: quare cum ij possint à gratia deficere, consequenter de libro vitæ deleri possunt. 3. hanc deletionem non esse reducendam

in Dei notitiam, quasi verò aliquid prius Deus sciuerit, & postea id nesciat, sed in rem ipsam; quatenus Deus scit eum qui habet gratiam; ordinari tunc in vitam æternam, & postea non ordinari, cum ab ea deficit.

Resolutio V. Probabilius est reprobationem hominum negatiuam non fuisse constitutam, nisi ob peccatum originale præsum.] Probatur primò: quia Augustinus libro de dono perseverantiæ c. 8. & alias frequentissimè docet, prædestinationem hominum factam esse ex massa generis humani per peccatum originale infecta, ita ut aliqui per misericordiam Dei ex ea massa liberati fuerint, alij verò ex iusto Dei iudicio ab ea non fuerint liberati.

Secundò, prædestinatio hominum supponit peccatum originale, ut patet, quia supponit merita Christi, & hæc peccatum originale, ergo etiam reprobatio negatiua peccatum originale supponere debet; cum eodem signo rationis concepta sit, quo electio ad gloriam, & consequenter dicendum est eiusmodi peccatum fuisse simpliciter causam, propter quam Deus homines negatiuè reprobare voluerit: etsi non fuerit causa, quare potius hunc quam illum eo modo reprobauerit, cum omnes peccato originali æqualiter infecti fuerint.

Nota, ex quorundam sententia, prædestinationem & reprobationem hominum; constitutam esse, præiusto peccato primi parentis, antequam esset transfusum in posteros illius, sicque potuisse Beatam Virginem à peccato originali in seipsa præseruari. Alij verò putant Beatam Virginem potuisse præseruari

ab originali, et si prædestinatio non sit constituto, nisi post transfusionem illius : quia præuiso Adæ peccato, Deus voluit permittere, ut omnes illius posterī eo inficerentur, excepta purissima Virgine quam ab eiusmodi labe præseruauit.

Resolutio VI. Deus neminem positivè reprobabat, ante præuisum illius peccatum.] Est communis tum contra Lutheranos & Calvinistas, tum contra quosdam recentiores Theologos, qui quoad rem ipsam idem sentire videntur. Probatūr autem primò, nam si reprobatio negatiua non est facta independenter à peccato, multò minus positiua quæ longè durior est; cum per illam reprobis actu positius excludatur à regno cœlorū, & pœnis æternis addicatur.

Secundò, de fide est Deum non esse per se, & directè causam quod aliquis damnetur : at oppositum dicendum esset, si Deus ex se ipso, nulla suppositâ culpâ ex parte hominum, vellet positivè excludere eos à regno cœlorum, & in infernum detrudere.

Nota 1. prædictam resolutionem debere intelligi de peccato finali: sic enim plenius verificatur, Deum velle ut omnes homines saluentur, peccatores etiam perditissimos posse conuertere quandiu viuunt, & similia quæ satis non cohære videntur, si Deus, saltem ut plurimum, velit aliquem damnare antequam videat eum mori peccato.

Nota 2. Deum posse permittere peccatum reproborum, tum ut magis resplendeat diuinæ prouidentiae suauitas, permittentis, ut creaturæ liberæ motus suos agant, tum

ut

ut ex reprobatorum peccatis prædestinati cautiores euadant, tum propter alios fines quos prætereo. Neque opus est ut ex intentione puniendi reprobos, permittat eos peccare, et si supposito eorum peccato, iuste statuat illis poenam inferre, ex intentione ostendendi in eorum supplicio iustitiam suam vindictiuam.

Resolutio VII. Peccatū reprobī non est effectus reprobationis, permissio tamen peccati finalis est effectus reprobationis negatiuæ, & interdum positiuæ.] Prima pars probatur, quia cum reprobatio sit actus diuinæ providentiæ, sicut & prædestinatio, nihil esse potest effectus reprobationis, nisi quod à Deo causari potest, & esse illius effectus, ac repugnat quod Deus sit causa alicuius peccati, ut Catholici omnes fatentur: ergo fieri non potest quod peccata reprobatorum sint reprobationis effectus. Confirmatur, quia si Deus causaret peccata reprobatorum, jam verè dici posset, non electos ad gloriam esse prædestinatos ad malum, quod omnino à fide alienum est, ut patet ex Conc. Arausic. 2. c. 25. & ex Trid. sess. 6. can. 17.

Vbi nota 1. hoc ita à nobis intelligi, ut peccatum non sit reprobationis effectus, siue quoad materiale, siue quoad formale.

Secundò ut neque peccatum sub ratione poenæ, sit reprobationis effectus: cum enim, intrinsicam deformitatem habeat, non potest Deus illud peccatum causare, ex intentione aliquem puniendi. Neque refert quod aliqui dicantur tradi in reprobum sensum, excæcari, indurati, &c. Ista enim non significat,

DE DEO CAP. XX. 163

cant, Deum causare in nonnullis sequentia peccata vt puniat præcedentia; sed tantum per-
mittere, vt in noua peccata labantur, subtrahendo seu denegando vberiora auxilia, per quæ ab
iis peccatis abstererent.

Secunda pars ostenditur, nam Deus eo ipso
censetur permittere peccatum finale in repro-
bo, quo illi denegat gratiam efficacem, qua tale
peccatum vitaret. At reprobatio negatiua ex
Aug. lib. de correptione & gratia cap. 7. & sæpe aliàs
est causa quòd Deus reprobato denegeret talem
gratiam: sicut electio opposita est causa quòd
dentur prædestinato auxilia efficacia, per quæ
finaliter perseuerat: ergo est etiam causa per-
mittendi in reprobo peccatum finale.

Tertia pars suadetur, quia etsi Deus ordina-
riè non statuat aliquem excludere à regno cæ-
lorum, & in infernū detrudere, nisi propter pec-
catum in quo videt eum mori; interdum tamen
contingit Deum, propter immane aliquod sce-
lus, velle hominem pœnis æternis afficere, &
ex tali intentione illius mortem accelerare mo-
do extraordinario; vt vulgò conceditur euenisse
in reprobatione Dathan & Abiron; aliisque si-
milibus, quarum Scriptura meminit.

Resolutio VIII. Creatio reprobī non est
effectus suæ reprobationis positivæ] est
communis & certa contra hæreticos, & non-
nullos recentiores Theo'ogos qui, quoad
hoc, valde ipsis fauent. Probatur autem pri-
mò ex dictis, ostendimus enim Deum nemi-
nem reprobasse positivè ante præuisum illius
peccatum: vnde sequitur à fortiori, repro-
bationem

bationem supponere creationem hominis reprobandi; cum prius sit aliquem existere, adeoque creatum esse quàm peccare.

Secundò, si Deus ex se efficaciter intendit damnare Iudam, & ex illa intentione illum creat, nullo modo dici potest, Deum creasse omnes homines ex vero, & sincero affectu eos saluandi, qua tamen intentione eos creasse, ex fide certum est, neque dici potest Deum nolle mortem peccatoris, sed ut conuertatur, & viuat; factumque est quod Patres iam sæpe inculcant; Deum ex se ipso sumere motiuium miserendi, & ex nobis nostrisque peccatis motiuium puniendi.

Nota, non opus esse quod Deus ex primaria intentione ostendendi suam misericordiam in prædestinatos, alios creare voluerit eo fine ut positiuè eos damnaret; sed sufficere quod eos non egerit efficaciter ad gloriam, & ad specialissima dona gratiæ in prædestinatos profusa. Hinc enim satis declaratur misericordia Dei erga prædestinatos, quibus non magis debebatur electio quàm aliis, quique proinde æquè ac illi poterant relinqui, ac non eligi.

Resolutio IX. Bona reprobis concessa nō sunt reprobationis effectus.] Probat, nam sicut voluntas creandi aliquem eo fine, ut dānetur, excludenda est à Deo ex supradictis, ita voluntas ei tribuendi bona aliqua siue naturalia, siue supernaturalia, ex eodem fine Confirmatur, nam quemadmodum Deus omnes homines, etiā reprobos, creauit ex vera intentione eos saluandi, ita eadem intentione eis contulit varia dona, tam naturalia

DE DEO. CAP. XX. 165

turalia quàm supernaturali, per quæ salutem consequi possent; non ergo ex intentione eos damnandi eiusmodi bona ipsis concessit; cum hæ duæ intentiones inter se repugnent, ut per se patet.

Neque dicas, bona omnia reprobis concessa de facto conducere ad damnationem illius, idcoq; esse effectus reprobationis ipsius: ~~non~~ admodum omnia bona prædestinatis concessa, quæ cum effectu conducunt ad eorum salutem, sunt effectus prædestinationis ipsorum. Negatur enim consequentia, & ratio discriminis est, quia Deus tribuit bona prædestinatis ea intentione, ut iis bene utantur, eorumque auxilio salutem consequantur; unde non repugnat quod sint effectus prædestinationis: Deus autem non tribuit bona reprobis ut iis male utantur, & per illa damnentur, sed potius ut iis bene utentes, saluentur; quare dici non potest, quod sint reprobationis ipsorum effectus.

Resolutio X. Inflictio pœnæ æternæ est proprius, imò vnicus effectus reprobationis positivæ.] Prima pars ostenditur, nam reprobatio positiua est decretum efficax, quo Deus homines prauos positiuè vult excludere à regno cœlorum, pœnisque æternis mulctare: huius autem decreti proprius effectus est, ipsa actualis exclusio è cœlo, & inflictio pœnæ æternæ, quæ incipit post mortem reprobis.

Secunda pars prabatur, nam ut patet ex supradictis, decretum positiuum damnandi aliquem, non constituitur nisi post præuisum illius peccatum finale; tunc autem nul-

lus

lus effectus ex imperio & efficacitate talis decreti causandus superest, præter actuale inflictionem poenæ æternæ ergo hæc inflictio est vnicus, & solus effectus reprobationis positivæ.

Confirmatur, nam si alius quidam est effectus reprobationis positivæ, is est, vel productio reprobæ, vel dona illi collata, vel peccatum illius denique decretum permittendi, seu non impediendi illud peccatum, at nihil ex istis est effectus reprobationis positivæ, vt ex dictis perspicuum est, ergo reprobatio positiva nullum habet effectum, præter inflictionem poenæ æternæ.

Hæc autem intellige de lege ordinaria, nam in casu illo extraordinario, de quo resolutione 7. actum est, non modò æternæ, sed etiam temporalis mortis inflictio est effectus à positiva reprobatione causatus.



LIBER II.

DE CHRISTO.

VBI

De mysteriis Trinitatis, & Incarnationis differitur.

CAPVT I.

De processionibus Diuinis.

RESOLVTIO I. Ponenda est in Deo vera aliqua processio.] Est de fide, tum contra Sabellianos, seu Patripassianos, qui vnā tantū personam in Deo admittēbant, sed diuersa nomina; tum contra alios hereticos, qui olim docuerunt in Trinitate esse tres personas essentialiter distinctas, ac proinde tres Deos: Neutri enim veram aliquam processionem internam in Deo agnouerunt, non quidem priores, quia vna persona non potest procedere à seipsa, non etiam posteriores, quia si persona procedens accipit diuersam essentiam, iam processio non fit ad intra, sed ad extra, sicut processio creaturarum.

Probat̃ur autem primò ex Scriptura quæ
Ioan. 8.

Ioan. 8. meminit processionis Christi à Deo Patre, & cap. 15. Processionis Spiritus sancti ab eodem: Verba autem Scripturæ propriè sunt accipienda, quando nihil cogit, ut ea ad metaphoras transferantur; atq; ita Scripturam intellexerunt semper SS. Patres, & vniuersalis Ecclesia, quæ recipit illud Athanasij in Symbolo, Filius à Patre solo est, non factus, nec creatus, sed genitus: Spiritus sanctus à Patre & Filio, non factus, nec creatus, nec genitus, sed procedens.

Secundò idem probabiliter ostenditur, similitudine sumpta ab intellectu & voluntate creata, ex quorum priori procedit verbum, ex posteriori amor. Cum enim Deus sit intellectus, & voluntate præditus, easdem processionès habere debet; cùmque sit infinitus, terminus earum, debet esse infinitus ac proinde Deus. Imò cùm nequeat esse nisi vnus Deus, sequitur personam quæ producit, & eam quæ producitur, debere esse vnum & eundem Deum.

Dices rationem illam non concludere, quia intellectus noster producit verbum, ut per illud intelligat: at Deus intelligit per notitiā essentialē, & ingenitam, quare in eo frustra ponitur processio Verbi. Respondeo id non sequi, nam esto intellectus diuinus, utpote summè actualis, non indigeat notitiā genita, ut intelligat, cùm tamen sit summè perfectus, hinc colligi potest: eum esse infinitè fecundum atque adeò per illum produci notitiā infinitam, non quidem ut perfectionem aliquam acquirat, sed potius ut perfectionem suam communicet. Sic enim,
de tra

DE CHRISTO. CAP. I. 169

detractis creaturarum imperfectionibus, id solū Deo tribuimus, quod ad perfectionem simpliciter pertinet: nimirum habere vim productiuam, non ex indigentia, sed ex abundantia & perfectionis plenitudine. Verū vt nonnullas hæreticorum obiectiones soluas, quæ contra prædictam resolutionem militare videntur.

Nota 1. Filium Dei interdum à Patribus vocari antotheon, quia nō est precario Deus, seu ex gratia & liberalitate Patris, sed eadem necessitate diuinitatem à Patre accipit, tanquam sibi naturaliter debitam qua Pater eam à seipso habet. Filius etiam dicitur Iehoua, seu fons essendi, non quod procedat ab alio, sed quia habet eandem naturam, & potentiam Patris à qua, vt à fonte essendi, omnia procedunt, cum ipsa à nullo sit. Quare potest dici fons de fonte, sicut dicitur Deus de Deo, lumen de lumine.

Nota 2. non esse perfectius esse à se quàm esse ab alio quoad naturam indistincto, quæ ratione vna persona diuina est ab alia: hoc enim non arguit dependentiam, aut causalitatem, cum persona procedens accipiat eandem naturam independentem, & incausatam personæ producentis, idque omnimoda necessitate. Vnde ex omnium Patrum sententia, in Deo non minoris perfectionis est, esse Filium, quàm esse Patrem.

Resolutio II. Processionis diuinæ non sunt immediatè per essentiam diuinam, vt essentia est, sed per intellectum & voluntatem.] Est communis contra Durandum, probaturque primò ex Scriptura, quæ secun-

Liber II.

H dam

dam Trinitatis personam vocat Verbum, & tertiam Amorem, seu charitatem; at verbum procedit per intellectum, & amor per voluntatem.

Probatur secundò; nam de fide est processio-
nem Filij esse origine priorem processione Spiritus sancti, illam esse generationem, non istam; Spiritum sanctum non solum à Patre, sed etiam à Filio procedere, ac denique non esse in Deo nisi duas processiones; ista autem non haberent locum, si processio fieret per essentiam à voluntate, & intellectu præcisam. Contrà verò prædicta faciliè intelliguntur, posito quòd una persona producat per intellectum, alia per voluntatem, ut consideranti perspicuum fiet.

Et quidem processionem Filij esse priorem processione Spiritus sancti, ex eo intelligitur, quia cognitio præcedit volitionem, nihilque est volitum, quin præcognitum. Deinde concipimus Filium generari, non Spiritum sanctum, quia quòd procedit per intellectum, procedit ut simile, ex vi suæ processionis, non quòd procedit per voluntatem, ut postea dicemus. Præterea cum Filius sit prius origine productus quàm Spiritus sanctus; inde habemus, quòd possit concurrere ad productionem illius, quia in eo priori accipit à Patre potentiam spiratiuam, simul cum diuinitate. Denique non esse in Deo nisi duas processiones, ex eo deducimus, quia non sunt in illo nisi duo principia productiua ad intra, nempe intellectus, & voluntas.

Dices, si Filius procederet per intellectum, ipsa intellectio esset illius productio: at hoc dici non potest: quia cum in tota Trinitate sit

DE CHRISTO. CAP. I. 171

fit eadem intellectio, omnibus personis competeret Verbi productio adeoque omnes Verbum producerent; quia nequit concipi, quod productio actiua alicui competat, & is non producat.

Nonnulli respondent, intellectionem non esse ipsam productionem Verbi, sed potius principium quo productionis ipsius. Licet autem repugnet, alicui conuenire productionem actualem, & ab illo non produci terminum productum, fieri tamen posse, vt aliquid habeat principium productiuum, & nihil producat.

Verum hæc responsio non caret difficultate, quia cum Verbum procedat per intellectum, oportet vt actio quædam intellectus sit illius productio: at nulla est actio intellectus, quæ non sit intellectio, ergo intellectio aliqua est ipsamet Verbi productio. Itaque pro responsione, Nota intellectionem diuinam spectari posse dupliciter. 1. vt est nuda obiecti cognitio. 2. vt habet adiunctam relationem producentis ad productum: & priori modo non esse productionem, sed tantum posteriori: qua ratione non est nisi in solo Patre: vnde solus Pater producit Verbum, etsi tres personæ eandem intellectionem habeant: & idem dic de volitione, proportionem seruata.

Resolutio I II. In Deo Ponendæ sunt duæ processiones, non plures.] Prior pars est de fide, vt patet ex dictis. Nam Scriptura aperte loquitur de processione Filij. & Spiritus sancti, de qua etiam agunt Patres & Concilia; quare sicut Filius, & Spiritus sanctus sunt duo proce-

H 2 dentes

dentes, ita & duæ processiones necessariò admitti debent: imò quia Filius & Spiritus sanctus sunt duæ personæ realiter distinctæ, hinc rectè colligitur passiuam vnius processionem realiter distingui à passua processione alterius.

Neque refert, quòd intellectus, & voluntas in Deo non distinguantur realiter, sufficit enim distinctio virtualis, vt ab iis termini realiter distincti procedere possint. Ad eum modum quo anima rationalis, eminenter tantum continens sensitivam, & vegetatiuam, producit vtriusque effectus.

Posterior pars est etiam de fide, probaturque 1. quia in Deo sunt tres personæ, Pater, Filius, & Spiritus sanctus, quarum prima à nulla procedere potest, secunda procedit à prima, tertia à prima & secunda: sicut ergo sunt tantum duæ personæ procedentes, ita & duæ processiones duntaxat, si enim plures essent, consequenter essent plures personæ quàm tres, quod fidei repugnat.

Probat 2. nam in Deo sunt tantum duo principia ad intra, nempe intellectus & voluntas, ea enim tantum reperiuntur in substantia spiritali, cum actio sensuum, etsi immanēs non sit nisi in subiecto materiali: quòdlibet ex dictis principiis vnum duntaxat terminum habere potest, ergo duæ tantum processiones ab illis esse possunt. Probat minor, nam sicut intellectus diuinus, propter suā infinitā perfectionem, vnico actu simplicissimo cognoscit suū obiectū quantum cognoscibile est, ita producit notitiā tā perfectā, quāta esse potest talis obiecti cognitio, & similiter quia diuina voluntas est in-

finitè

DE CHRISTO CAP. I. 173

finire perfecta, sicut amat suum obiectum quantum amabile est, ita producit amorē adæ, quantum amabilitatem obiecti. Vnde neque aliud verbum restat producendum per intellectum, neque alius amor spirandus per voluntatem & ita duæ tantum sunt processiones, alia per intellectum, alia per voluntatem.

Nota, non posse sumi tertiam processionem internam ab omnipotentia, quia hæc ut distinguitur à potentia notionali, est principium productuum ad extra; nec verbum posse multiplicari, quia quod à Patre producitur, cum sit infinite perfectum, exhaurit totam potentiam productivam intra lineam intellectus. Vnde etsi Filius intelligat, non tamen producit verbum; quia intelligit per eandem intellectiōnem Patris, quæ suum terminum adæquatum iam habet in Filio.

Nec refert quòd producat amorem, recipit enim à Patre fecundam voluntatem, quæ in eo priori terminum suum non habet, cum Filius non producat per voluntatem, sed per intellectum: quare non mirum, quod simul cum Patre producat Spiritum sanctum.

Resolutio .I V. Processio Verbi divini est vera generatio.] Est certa ex fide, ut satis colligitur, tum ex supradictis, tum ex verbis illis Ioannis 1. Unigenitus qui est in sinu Patris ipse enarravit. Difficile tamen est veram huius rei rationem assignare: quidam dicunt Verbum generari, & procedere ut Filium, quia eandem naturam quam accipit à Patre, potest alteri communicare. Sed hoc gratis

H 3 asseritur.

asseritur, sic enim nulla esset vera generatio in creatis, cum nulla res creata possit alteri communicare eandem naturam quam ab alio accepit.

Dices, ad generationem sufficere & requiri, quod res genita possit communicare eandem numero, aut specie naturam. Sed contra hoc est, tum quia sic mulus, cum nequeat generare sibi simile, non esset propriè ab asino genitus, tum quia si, ut quis dicatur ab alio genitus, requiritur ut possit communicare eandem numero, aut specie naturam, cur non etiam necesse erit, ut possit eam communicare per veram generationem? Atque ita sequetur Verbum diuinum propriè non generari; nec esse Filium.

Alij id probant, quia actualis intellectio est de formalissimo conceptu essentiae Dei: unde communicatio intellectionis formalis est communicatio essentiae diuinæ, adeoque vera generatio: cum ergo Verbum diuinum procedat, ut terminus intellectionis actualis, consequenter illius processio est vera generatio. Verum hic dicendi modus supponit fundamentum aliàs reiectum, de formali constitutiuo diuinæ essentiae, breuiterque refellitur, quia quoad rem ipsam, actualis intellectio, non magis spectat ad formale constitutiuum diuinæ naturæ; quam actualis volitio, aliaque attributa essentialia: quare si ob rationem allatam Verbi productio esset generatio, idem dicendum esset de processione Spiritus sancti.

Vera igitur ratio est, quia ad generationem propriè dictam, ut est in viuentibus, tria

DE CHRISTO. CAP. I. 175

requiruntur. 1. ut producat vel totam suam substantiam, vel partem illius alteri communicet. 2. ut quod producit, sit simile producenti in natura numerica, aut saltem specifica. 3. ut procedens sit simile producenti formaliter ex vi sue processionis, istæ autem conditiones reperiuntur in generatione Verbi: prima quidem, quia Pater totam substantiam divinam illi communicat. Secunda verò, quia Verbum est simile producenti in natura non modò specifica, sed etiam numerica. Tertia denique quia cum intellectio sit formalis similitudo rei intellectæ, eo ipso quòd Pater seipsum intelligendo producit Verbum, processio Verbi ex sua ratione formali habet, quòd sit similitudo principij generantis, cumque ea intellectio sit summè & infinitè perfecta per eam formaliter producit terminus, suo principio summè & infinitè, adeoque substantialiter similis: cuius proinde productio, ex sua ratione formali, est vera generatio.

Dices 1. quod procedit per intellectum ut sic, procedit tantum ut simile secundum esse obiectivum, adeoque non generatur. Respondeo distinguendo antecedens, nam etsi quod procedit per intellectum creatum, non procedat ut simile in natura, sed tantum in ratione cuiusdam vitalis repræsentationis obiecti, quod tamen procedit per intellectum divinum, non se habet ut imago accidentalis, sed ut substantialis, & per se subsistens. Hoc autem sufficit ad veram generationem, ut patet ex dictis, & à fortiori inde etiam colligitur, quia si ex hypothese impossibili, An-

gelus aliquis se intelligendo, alium Angelum distinctum numero produceret, illa productio esset vera generatio: quia esset origo viuentis, à viuente coniuncto in similitudinem naturæ specificæ.

Dices 1. quod generatur debet procedere vt simile principio generantis: at quod procedit per intellectum, non procedit simile principio producenti, sed obiecto, ergo non generatur. Respondeo negando minorem. Nam vt intellectus concurrat ad intellectionem obiecti, debet esse informatus species illius, adeoque si terminus productus est similis obiecto, est etiam similis intellectui producenti.

Resolutio V. Processio Spiritus sancti non est vera generatio.] Est de fide, vt satis patet ex dictis, eam autem probant aliqui, quia vt processio Spiritus sancti esset vera generatio, ille deberet procedere à duobus, tanquam à patre & matre. Sed hoc gratis dicitur, quia sicut per accedens est ad veram generationem, quod genitum procedat à duobus, vt patet ex generatione Verbi; ita per accedens est, quod procedat à duobus tanquam à patre, & matre.

Alij probant, quia natura diuina non comunicatur Spiritui sancto formaliter ex vi processionis, sed tantum volitio, quæ est quædam proprietas consequens naturam iam constitutam. Hoc etiam non placet, quia vt patet ex dictis, volitio non minus spectat, quoad rem ipsam, ad constitutionem intrinsecam naturæ diuinæ, quam quouis aliud attributum. Quod autem iuxta conceptum

DE CHRISTO. CAP. I. 177

prum nostrum , ad eam non pertineat , id nihil refert cum idē de ipsa intellectuone dici possit.

Alij probant , quia Spiritus sanctus etsi procedat in natura , vt similis suo principio, non tamen procedit vt imago.; amor enim nec amantis , nec obiecti amati imago est. Sed contrā , nam ad generationem sufficit, ex comuni sententia , processio viuentis à viuente in similitudinem naturæ , neque requiritur talis similitudo, quæ perringat ad rationem imaginis.

Dicendum ergo veram huius rei causam esse, quia illud est discrimen inter intellectum , & voluntatem, quod intellectus ex se sub præcisa ratione intellectus producit obiecti similitudinem adeoque infinite perfectam, si sit infinite perfectus : at voluntas in ratione voluntatis , non habet vim producendi similitudinem obiecti, sed tantum vitalem quandam propensionem in illud, quare, etsi magis ac magis in infinitum perficiatur, ea ex propria & formalissima ratione numquam poterit eò perringere , vt producat terminum perfecte similem obiecto , vel principio producenti : adeoque si talem producat terminum, id aliunde habebit, & consequenter illius termini productio non erit vera & propriè dicta generatio eo quod ad veram generationem requiritur, vt terminus productus sit similis in natura principio producenti, formaliter ex vi suæ processionis : Cum ergo Spiritus sanctus procedat per voluntatem diuinam , mirum non est quod formaliter ex vi suæ processionis non procedat vt similis

H ; princi

principio producenti, ac proinde illius processio non sit vera generatio esto ex alio capite perfectam similitudinem habeat in natura, cum Patre, & Filio à quibus procedit.

Dices 1. etsi Spiritus sanctus non procedat ut similis, quatenus procedit per voluntatem, procedit tamen ut similis, quatenus illius processio est per voluntatem diuinam. Ergo hoc sufficit ut processio illius vera sit generatio: Sequela patet, quia processio Filij non est generatio, nisi quatenus est ab intellectu diuino, ut sic, Respondeo antecedens ita esse intelligendum, ut Spiritus sanctus procedat similis, non formaliter vi suæ processionis, ut est à voluntate diuina, tanquam à principio: sed materialiter seu identicè, quatenus quod producit per voluntatem diuinam, producit veluti in natura diuina, in qua nihil potest produci, quod cum ea summè non identificentur, quodque proinde non sit Deus.

Dices 2. vel Spiritus sanctus habet per accidens, quod procedat ut similis principio producenti, vel id habet formaliter, & per se, ex vi suæ processionis: at prius dici non potest, quia aliqui sequeretur, Spiritum sanctum esse Deum per accidens duntaxat, quod dici non potest, Ergo posterius verum est, adeoque processio Spiritus sancti est vera generatio. Respondeo non conuenire per accidens Spiritui sancto, quod procedat ut similis in eadem numero natura, neque etiam per se ut procedit per voluntatem diuinam, sed per se quatenus est processio in natura diuina.

C A P.

CAPVT II.

De relationibus Diuinis.

Resolutio I. In Deo ponendæ sunt relationes reales:] Est de fide, probaturque 1. ex Scriptura, quæ agit de personis diuinis sub nominibus relatiuis Patris, Filij, & Spiritus sancti. At nulla ratio est cur dicamus ea propriè illis non conuenire. Confirmatur, nam vsurpantur in forma baptismi: debent autem formæ Sacramentorum sumi in propria significatione, & speciatim baptismas, cum sit Sacramentum fidei, seu veluti prima fidei professio, debet constare verbis propriis, quæ nobis personas diuinas sub vera aliqua & propria ratione repræsentent, ne fides nostra deceptioni obnoxia sit.

Probatur 2. Nam inter producents, & productum eiusdem ordinis, est vera & realis relatio, vt patet, ex Philosophia; at in diuinis vna persona producit aliam, ergo inter illas est vera relatio principij producentis, ad terminum productum, & termini producti, ad principium producents. Confirmatur, nam personæ diuinæ inter se non possunt distingui realiter, nisi per aliquid relationum, siquidem quoad absoluta planè idem sūt: ergo cum fides doceat, in Deo tres esse personas realiter distinctas, consequenter fatendum est in eo esse relationes reales, per quas constituentur, & distinguantur.

Hoc autem ita intelligendum, vt relationes illæ sint reales, non tantum quatenus

H 6 identifi

identificatur cum essentia diuina, sed etiā quatenus inter se distinguuntur, secundum proprias rationes relatiuas, cum enim personæ diuinæ realiter inter se distinguantur, idque per relationes, essentia enim vna est in omnibus, consequens est eiusmodi relationes sub proprio conceptu relationum, seu vt dicunt ad, esse verè reales.

Nota 1. eam esse relationem rationis, quæ ex operatione, seu cognitione intellectus resultat in obiecto cognito, non autem eam, quæ consequitur opus intellectus, in ipso intellectu, vt realiter producente suum terminum, ista enim est realis.

Nota 2. quòd relatio diuina cum non sit accidens sed substantia perfectissima, non debet supponere subiectum cui inexistat, aut fundamentum à quo pendeat. Vnde etiam non debet supponere distinctionem extremorum, quæ per illam referuntur, sed potest ipsa talem distinctionem primò constituere.

Nota 3. ex positione relationum in Deo, non benè colligi dependentiam vnius personæ ab alia; quia persona produciens & producta habent eandem naturam independentem, & à se existentem. Nec refert quòd dici solet, relata à se mutuò pendere, sensus enim est, vnum inferre aliud, seu vnq posito, aliud poni; quod sine propria dependentia fieri potest.

Nota 4. etsi Pater vt Principium Filij, realiter ad illud referatur, Deum tamen vt principium creaturarum, realiter ad illas non referri. Et ratio discriminis est, quia Filius est eiusdem ordinis cum Patre: at creaturæ infinitè à Deo distant.

Resolu

DE CHRISTO. CAP. II. 181

Resolutio II. In Deo sunt quatuor relationes reales, nempe Paternitas, Filiatio, Spiratio actiua, & passiuā, non autem plures.] Prior pars probatur ex dictis: nam in Deo sunt duæ processiones, alia per intellectum, alia per voluntatem, * per primam procedit Filius à Patre, per secundam Spiritus sanctus à spiratore. Quare in Deo sunt quatuor reales relationes ante memoratæ.

Nota, etsi in Deo sint quatuor relationes, non propterea in eo poni quatuor res. Et cum dicitur, multiplicato inferiori multiplicatur superior, respondendum id verum esse, quando inferior multiplicatur ratione alicuius intrinseci, non autem si multiplicetur propter aliquid extrinsecum, ut hinc contingit; quatenus eadem entitas quæ respiciebat Filium, iam respicit Spiritum sanctum, tanquam terminum distinctum à Filio: unde æternitas, & spiratio actiua sunt duæ relationes & vnica res.

Posterior pars suadetur etiam ex dictis; nam relationes diuinæ sequuntur ex processionibus, quæ tantum sunt duæ, altera per intellectum, altera per voluntatem; cuilibet autem processioni respondent duæ relationes tantum, priori quidem paternitas & filiatio, posteriori verò spiratio actiua & passiuā, unde sequitur relationes diuinas esse duntaxat quatuor.

Dices, in Deo adhuc esse alias relationes nimirum identitatis, æqualitatis, & similitudinis. Verum istæ relationes non sunt reales, sed rationis duntaxat, cum non habeant fundamentum realiter distinctum. Vna siquidem persona

persona est idem cum alia, & æqualis, ac similis illi ratione eiusdem naturæ diuinæ, quæ est in omnibus.

Resolutio III. Relationes diuinæ inter se distinguuntur realiter.] Est de fide, probaturque 1. ex Concilio Toletano vndecimo, in confessione fidei, vbi dicitur, in relatione personarum numerum cerni; & postea habentur verba illa, Hoc solo numerum insinuant, quod ad inuicem sunt, & in hoc numero carent, quod in se sunt. Item ex Florentino sessione 18. vbi Ioannes Theologus ait ex sententia omnium Græcorum & Latinorum, solam relationem diuinam processionem personas multiplicare, ita scilicet vt non alia ratione quàm vi relationis, vna persona distinguatur ab alia.

Ex quibus aliisque similibus sic argumentari possumus 1. Ea quæ faciunt numerum, distinguuntur realiter, atque relationes diuinæ faciunt numerum, ergo, &c. Confirmatur, nam ideò essentia diuina non facit numerum cum relatione, quia ab ea realiter non distinguitur. 2. ea distinguuntur realiter, quæ constituunt personas realiter distinctas, relationes diuinæ hoc faciunt, ergo, &c. Confirmatur, nam personæ non distinguuntur per essentiam, ergo per relationes, quæ proinde inter se distinguere debent.

Nota tamen 1. Spirationem actiuam etsi realiter distinguatur à spiratione passiuâ, non ita distinguere à paternitate, aut filiatione, vt patet ex communi sententia, contra Durandum; tum quia in diuinis omnia sunt vnum, nisi vbi obuiat relatiua oppositio; tum quia in Deo non est

DE CHRISTO. CAP. II. 18;

est quaternitas rerum, statutum est in Conc. Lateran. referturque in capite, Damnamus, De-
summa Trinitate: tum denique, quia quælibet
persona diuina est omnino simplex, cuius op-
positum sequeretur, si spiratio actiua, quæ est
in Patre & Filio, distingueretur realiter à pater-
nitate, & filiatione.

Nota 2. quod etsi propositio illa, paternitas
est spiratio actiua, à Theologis admittatur in
sensu identico, quatenus paternitas & spiratio
actiua sunt vnica res simplicissima, etsi sint duæ
relationes; ea tamen communiter negatur, quia
si vna relatio diceretur de alia, periculum esset
ne confunderentur earum termini, qui tamen
sunt realiter distincti.

Sed contra hæc dices 1. Eodem modo distin-
guuntur relationes, ac earum termini, at termi-
nus spirationis actiuæ realiter distinguitur à ter-
minis paternitatis, & filiationis, ergo & spiratio
actiua realiter distinguitur à paternitate, & filia-
tione. Resp. maiorem incertam esse in creatis;
cùm multi existiment, relationem prædicamen-
talem non nisi ratione distingui à fundamento.
Et quamuis in iis certa esset, nihil in Deo con-
cluderet: quia cùm Deus sit infinitè perfectus, si-
cut per eandem entitatem intelligit, & vult; ita
per eandem est Pater, & spirator.

Dices 2. Quando vnum absolutum idem
est cum alio absoluto, illud etiam idem est,
cum omni absoluto ei identificato. Ergo simi-
liter si paternitas, & filiatio idem sunt cum
spiratione actiua, idem etiam erunt inter se;
quod tamen dici non potest. Respondeo non
sequi, & ratio discriminis est, quia vnum ab-

solutum identificatum cum tertio, non habet oppositionem cum aliis absolutis, ut patet in attributis diuinis, quæ cum essentia identificantur; & inter se: at verò relata, non obstante identificatione cum tertio relatiuo communi, inter se opponi possunt, ut hîc contingit, & hoc sufficit ut inter se distinguantur.

Resolutio IV. Relationes diuinæ non distinguuntur actu ab essentia, imò ex probabiliori sententia, videntur esse de quidditate illius sicut vice versa essentia diuina est de essentia relationum.] Prima pars probatur, tum quia distinctio actualis repugnat summæ simplicitati Dei, ut patet ex alijs dictis; tum quia natura diuina est illimitata, adeoque sibi identificat perfectiones omnes, cum quibus oppositionem non habet: cuiusmodi sunt relationes personales, quæ licet inter se opponantur, non tamen opponuntur essentia: illud autem vulgare, quæ sunt eadem vni tertio, sunt eadem inter se, non habet locum quando agitur de rebus inter se oppositis, ut hîc contingit, si quidem identificatio cum tertio, non destruit naturam identifierum.

Secunda pars ostenditur. Primò quia adæquantum constitutum Dei est ipsum esse infinitum, & illimitatum in omni genere perfectionis possibilis, ut alibi diximus; hoc autem implicite involuit omnes perfectiones, tam absolutas, quàm respectiuas in Deo possibiliter existentes. Confirmatur, nam quòd diuina essentia sit Trinitas personarum haud dubiè est maxima perfectio; ergo hoc illi debet competere essentialiter: aliàs non

DE CHRISTO CAP. II. 185

non esset essentialiter infinitè perfecta, sed tantum identicè.

Secundò, si diuina essentia non includeret essentialiter personalitates, sequeretur eam non subsistere per aliquid sibi essentialè, seu non habere ex propria & essentiali ratione quòd subsistat; sequela patet, quia ex communiori sententia, de qua inferiùs, non datur in Deo vlla subsistentia absoluta, sed tantum tres relationes per quas deitas subsistit in tribus personis.

Tertiò, ad hoc præsertim moueor, quia nihil ferè contra hanc partem obicitur, quod æquè non possit in aduersarios retorqueri, siue quatenus docent essentiam, & relationem esse ynam entitatem simplicissimam, siue quatenus aiunt essentiam esse de conceptu relationis. Quomodo enim potest Pater communicare essentiam, non paternitatem, si essentia & paternitas non sunt duæ entitates distinctæ, sed vna simplicissima? Quomodo Pater prius origine quam generet Filium est completè Deus si filiatio est realiter, & omnino identicè ipsa diuinitas? Quomodo non est verum, diuinitatem generare & generari, si paternitas & filiatio, ab ea nullo modo distinguuntur, nisi per rationem? Quomodo potest relatio modificare, & veluti determinare essentiam, si ipsa essentia includitur in formali conceptu relationis? Ita sanè & similia ab omnibus explicanda sunt per distinctionem virtualem, quæ intra ipsam essentiam Dei poni solet. Quare cum aliunde resolutio propofita ad maiorem perfectio-

nem

nem diuinitatis conducat, non immeritè vt probabilior amplectenda est.

Tertia pars suadetur, nam quidquid est in Deo, est Deus. vt vulgò docent Theologi, ergo quælibet relatio diuina est Deus; At Deus est id quo nihil melius aut perfectius excogitari potest; quare relatio debet includere deitatem etià essentialiter, cum hoc sit perfectius, quàm illam includere tantum identicè. Confirmatur, nam relatio diuina, vt sic, dicit essentialiter modum essendi perfectissimum, atqui modus essendi perfectissimus relationis est, vt explicitè dicat perfectionem respectiuam infinitam, implicitè verò inuoluat omnem perfectionem absolutam.

Resolutio V. Relationes diuinæ sub proprio & formali conceptu relationum, dicunt perfectionum.] Probatur primò, quia quod dicit entitatem, dicit perfectionem, relatio in Deo dicit entitatem, ergo & perfectionem: Maior patet ex Metaphysica, nam ens & bonum conuertuntur, bonum autem & perfectum idem sunt: probatur minor, nā Pater, verbi causa distinguitur à Filio per aliquid, ergo per entitatem, ergo cum distinguatur per paternitatē, vt sic, hoc dicit perfectionem aliquam realem verè Patri competentem.

Probatur secundò, nam illud est perfectum, per quod constituitur persona in ratione personæ, ex S. Thoma 1. p. qu. 29. artic. 3. at persona diuina constituitur in ratione personæ per relationem, vt infra dicemus, ergo relatio diuina, vt sic, dicit perfectionem. Confirmatur, quia quod Deitas sit subsistens, est magna perfectio, at non est subsistens, nisi per

tres

DE CHRISTO CAP. II. 187

tres subsistentias relatiuas, vt inferiùs dicetur.

Probatur 3. nam illud dicit perfectionem, cuius priuatio affert imperfectionem : at Deus esset imperfectus si in eo relationes non essent; sic enim non esset in Deo Trinitas personarum adeóque nec Pater, nec Filius, nec Spiritus sanctus : sic diuinitas non identificaretur tribus suppositis realiter distinctis, quæ summa & infinita est perfectio; sic Deus non esset fecundus, nihilque posset producere ad intra, siue per intellectum, siue per voluntatem, &c.

Nota 1, quod sicut paternitas est entitas distincta à filiatione, ita perfectio paternitatis, vt sic, distinguitur à perfectione filiationis; Cum tamen essentia diuina, quæ omnes perfectiones etiam relatiuas includit, sit in singulis personis & quælibet persona sit in aliis per circuminsessionem, de qua infra. Hinc absolutè dici non potest, aliquam perfectionem esse in vna persona, quæ non sit in aliis.

Nota 2. relationes præcisè spectatas dicere tantum perfectionem infinitam in suo genere, paternitatem in ratione paternitatis, & sic de aliis: absolutè verò, & vt sunt à parte rei, dicere perfectionem simpliciter, & in omni genere infinitam : siquidem quælibet includit essentiam diuinam, in qua omnes perfectiones, tam absolutæ, quàm respectiue formaliter continentur.

Vnde si quis dicat, diuinas relationes veluti distingui specie, quæ autem specie distinguuntur, non posse esse æqualis perfectionis : Respondetur, id vt summum verum esse de iis, quæ ita distinguuntur inter se, vt nihil habeant

beant commune per quod eiusmodi inæqualitas tollatur ; cuius oppositum contingit in relationibus diuinis , propter summam identitatem quam habent cum essentia diuina.

CAPVT III.

De Personis diuinis in genere.

RESOLVTIO I. Ratio personæ , eaque realis & positiva , ponenda est in Deo.] Prior pars est de fide, vt patebit ex infra dicendis de ternario Personarum numero , est etiam nota lumine natura insue in Deo vna sit tantum persona, siue plures, de quo postea: Probat, nā quicumq; competit definitio, cōpetit definitum, atqui definitio personæ Deo cōpetit, ergo & persona. Minor suadet, siquidem persona, ex Boëtio, vniuerso definitur, rationalis naturæ indiuidua substantia, seu vt aliqui clariùs explicant, substantia intellectualis, completa, singularis, & per se subsistens, hæc autem omnia reperiuntur in Deo, vt per se notum est. cum ipse non sit accidens; sed substantia, eaq; intellectualis non materialis, completa, non incompleta, vt anima rationalis; singularis, nō vniuersalis deniq; per se subsistēs, non in alio, vt humanitas Christi. quæ licet sit substantia singularis & indiuidua; nō est tamē persona, quia non est per seipsam, sed in Verbo subsistit: cum ergo in his cōsistat ratio personæ, dicendum est eiusmodi rationem Deo cōpetere.

Vnde communiter à Theologis reprehenditur Laurentius Valla , quòd dixerit , nomen personæ

DE CHRISTO. CAP. III. 189

personæ non significare substantiam, sed qualitatem; eò quòd vna & eadem substantia dicitur gerere plures personas, ac proinde in Deo non magis esse personam, quam in brutis. Qua in re grauitè errauit prædictus grammaticus, cum frequenter apud Scriptores sacros, & interdum apud prophanos, persona sumatur pro substantia: licet non rarò qualitatem significet.

Nota, non requiri ad rationem personæ quòd ipsa substantia quæ est personata, possit verè alteri personæ communicari, sed tantum quòd quatenus vna personalitate affecta est, & iam constituitur in ratione personæ, non possit ab altera personalitate vltèrius compleri, & terminari. Licet autem substantia quæ est in Patre, communicetur Filio, non tamen quatenus effecta est paternitate, adeoque, vt sic constituit personam Patris distinctam à persona Filij.

Posterior pars ostenditur, nam in primis Pater est persona realiter distincta à persona Filij, ergo per aliquid reale, non per essentiam, ergo per ipsam personalitatem, & sic personalitas seu constitutiuum personæ est quid reale, non mera negatio. Accedit quòd infra ostendemus, personas diuinas cõstitui per relationes, quas esse entia realia patet ex supradictis. Denique ex probabiliori Philosophorum sententia suppositum in creatis non consistit formaliter in negatione, sed est positiua quædã entitas, seu modus realis naturæ superadditus. Idem autem est dicendum de persona, quæ nihil aliud est quàm suppositum naturæ intellectualis, Quod sit in creatis

tis suppositalitas, seu personalitas est aliquid reale & positivum, à fortiori idem concedendum est in divinis.

Nota personam in divinis à parte rei constitui per relationem, ut infra dicitur, adeoque nomen personæ significare naturam divinam affectam relatione, esto audito nomine personæ, nobis explicitè non obiciatur personalitas ut substantia: sed per modum cuiusdam formæ abstractæ, quia fit ut persona subsistat incommunicabiliter.

Resolutio II. in Deo ponendæ sunt tres personæ.] Est de fide, ut patet ex Scriptura, Conciliis, & Patribus: sufficiat autem illud notare ex Symbolo Athanasij, alia est enim persona Patris, alia Filij, alia Spiritus sancti; & illud ex Concilio Later. relatum in cap. firmiter. Pater, Filius, & Spiritus sanctus, tres quidem personæ, sed una essentia. Ratione idem ostenditur, supposita veritate fidei, quæ docet in Deo esse Patrem, & Filium, & Spiritum sanctum; cum enim inter se distinguantur realiter, non ratione essentiae, quæ unica omnium est, consequens est ut distinguantur ratione subsistentiarum, adeoque sint tria supposita realiter distincta. Rursus cum illa sint supposita naturæ intellectualis, sequitur Patrem, Filium, & Spiritum sanctum esse tres personas realiter distinctas: quod quòd persona nihil aliud est quàm, naturæ intellectualis individua substantia.

Quæres; an hæc personarum Trinitas possit, seclusa revelatione, à creato intellectu sibi relicto inuestigari, & cognosci: Respondeo primò non posse à tali intellectu evidenter

DE CHRISTO. CAP. III. 191

cognosci, vt Patres colligunt ex verbis illis Matthæi 11. Nemo nouit Filium nisi Pater, & ex illis c. 16. Caro & sanguis non reuelauit tibi. Accedit ratio, quia vt ait S. Th. 1. p. q. art. 1. Deū naturaliter cognoscimus per effectus: at nullus effectus quantumvis perfectus, potest nos ducere in claram Trinitatis cognitionem, sed tantum in cognitionem Dei, vt est causa & principium creatiuum; ad hoc autem non opus est eum cognoscere vt Trinum, sed vt Vnum tantum taxat.

Respondeo secundò, nec etia posse probabiliter cognosci, quia nullum apparet medium per quod homo, citra reuelationem, possit assurgere in cognitionem aliquam probabilem huius mysterij: cum potius pleraque occurrant, quæ illius possibilitati efficaciter opponi videntur. Vt quòd vnus substantiæ vnicum tantum sit suppositum: quod nullum agens suam naturam alteri communicet, sed aliam numero distinctam producat: quod nihil producat sine dependentia, & causalitate: quod prodecens tempore, aut natura sit prius producto, quæ & similia valde aliena sunt ab iis quæ in Trinitate admittimus; quare tale mysterium esse impossibile facile suaderent, si cui fide minimè prædico, illius cogitatio occurreret.

Nota 1. non esse absurdum, quòd personæ diuinæ dicantur tria indiuidua largo modo, sicut enim natura diuina, quatenus est communis tribus personis, habet similitudinem aliquam cum specie, ita tres personæ sunt veluti quædam illius indiuidua: præsertim quia licet ex vno capite rationem indiuidui,

non tam perfectè participant, quàm indiuidua creata; quia scilicet eandem numero naturam habent: aliunde tamen perfectiùs eam obtinent, quatenus personæ diuinæ magis repugnat diuinitas, quàm creatæ.

Nota 2. etsi in creatis vna natura sit tantùm in vna persona, non sequi idem dicendum de Deo: quia cum illius natura sit infinita, non re-
 [redacted] at eam in pluribus personis reperiri: sicut
 [redacted] eadem natura specifica, quia accipit
 quandam illuminationem per intellectum, po-
 test esse in pluribus indiuiduis.

Resolutio III. In Deo ponendæ sunt tres substantiæ relatiuæ, non autem aliqua absoluta. & communis tribus personis.] Prior pars probatur primò, quia Concilia, & Patres in Deo admittunt tres substantias, eorum autem verba non possunt intelligi nisi de substantiis relatiuis, quia ea tantùm in Deo multiplicantur, quæ habent oppositionem relatiuam.

Neque dicas tres substantias ibi sumi pro tribus substantiis. Nam hoc gratis admissio, sequitur dari tres substantias, si enim vna tantùm esset, tres personæ dicerentur vnus subsistens: sicut dicuntur vnus Deus propter vnā Deitatem. Siquidem nomina concreta substantiua non multiplicantur, nisi multiplicata ratione formali quam significant.

Secundò, cum persona & suppositum in Deo idem sint ex supradictis, tot in eo ponendæ sunt substantiæ, quot personalitates: at hæ tres sunt, cæque relatiuæ, ergo &
 illæ,

DE CHRISTO. CAP. III. 193

illæ. Confirmatur, nam Verbum per substantiā suam est vnitum humanitati, ea autem substantia non est absoluta, quia alioqui humanitas esset etiam vnita Patri, & Spiritui sancto, ergo est relatiua: cūmq; non sit potior ratio, cur talis substantia habeat locum in vna Trinitatis persona, quā in aliis, sequitur earū cuilibet assignandam esse suam substantiam relatiuam; atque ita in Deo esse tres substantias relatiuas.

Nota Augustinum quando l. 7. de Trinitate c. 4. ait, Deum ad se subsistere, agere de substantia, vt est modus per se existendi, independenter à subiecto sustentante; vt vel ex eo patet, quia colligit Deum non fore substantiam, si ad se nō subsisteret: Hieronymum vero epist. 5. velle, vt taceantur tres hypostases, in sensu Arianorum, id est, tres essentia; nunc autem vsus inualuit, vt hypostasis pro substantia accipiatur, sicque in Deo poni debent tres hypostases.

Posterior pars suadetur, tum quia in Conciliis & Patribus substantia sumi solet pro hypostasi, & hæc pro persona; atqui in Deo sunt tantū tres hypostases relatiuæ & tres personæ, neque cum illis admitti potest quædam hypostasis, aut persona absoluta, & communis tribus personis; ergo neque etiam substantia absoluta, & communis. Tum quia apud Metaphysicos substantia sumitur pro aliquo modo substantiali, quo res habet formaliter, vt per se sit incommunicabiliter; at diuinæ naturæ vt præcisæ à substantiis relatiuis, non potest competere modus ille existendi incommunicabiliter; quia quidquid in

ea sic spectata reperitur, est absolutum, & commune tribus personis. Tum denique quia Deus sufficienter subsistit per tres subsistentias relativas quare alia est superflua.

Nota, quod etsi Deus præcis relationibus sit substantia; adeoque ens per se existens, id est, non in alio inhæsuè, non tamen est per se subsistens, ob rationes adductas. Vnde negandum subsistere absolutè esse modum subsistendi perfectissimum respectu Dei, imò cum natura diuina postulet communicari tribus personis, de perfectione illius est, ut subsistat tantum per tres subsistentias relativas, & quamcumque subsistentiam absolutam excludat.

* Dices 1. si natura diuina non subsistit, nisi per relationem; dici potest eam, id habere commune cū natura creata, ut non sit completa, seclusa personalitate. Verū etsi hoc aliquo sensu admittatur, illud semper discrimen erit inter naturas prædictas, quod diuina, cū nō distinguatur à personalitate, habet complementum suū à seipsa: creata verò illud nō habet, nisi ab extrinseco; quatenus à personalitate sua distinguitur.

* Dices 2. Pater communicat Filio substantiam completam, quia aliàs Filius non esset completè Deus: at non communicat illi Paternitatem, ergo debet illi communicare subsistentiam absolutam. Sequela pater, quia natura diuina non est completa sine subsistentia aliqua, siue relatiua, siue absoluta. Respondeo, distinguendum esse inter tres istas propositiones. 1. Pater communicat Filio substantiam completam, ut sic. 2. Pater communicat Filio substantiam incompletam. 3. Pater

DE CHRISTO. CAP. III. 195

communicat Filio substantiam, quæ completa est. Et quidem prima est falsa, quia significat, Patrem communicare Filio paternitatem. Secunda etiam, quia significat substantiam quæ communicatur, carere personalitate. At tertia vera est, quia substantia communicata, habet à parte rei suum complementum, cum à paternitate non distinguatur. Vnde, ut liquet, non sequitur, Filium non esse complete Deum: accipit enim naturam, quæ non minus est paternitas, quàm filiatio.

Resolutio IV. In Deo est vnica existentia absoluta, & tres relatiuæ.] Prior pars probatur, quia Deitas, ut concipitur prior relationibus, est essentialiter ens à se, & absolute necessarium, ac proinde actu existens: ut sic autem non existit per existentias relatiuas, si quæ sunt, quin hæ sequuntur relationes ipsas: ergo existit per existentiam communem & absolutam.

Posterior pars ostenditur primò, quia tot sunt in Deo existentia, quot entitates actu, existere enim nihil aliud est quam esse ens actu. At Paternitas, Filiatio, & spiratio passiuæ sunt tres entitates actu, æque realiter distinctæ: ergo sunt etiam tres existentia, non quidem absolutæ, sed relatiuæ.

Secundò, in Deo sunt veræ, & reales duarum personarum productiones, quod autem produci- tur accipit esse actuale, seu existentia, ita ut entitas actu existens sit terminus productus, quare cum existentia communis non producat, sicut neque essentia, sequitur productionem tendere ad dandam personæ productæ existentia relatiua, ratione à

communi distinctam : aliàs nulla ibi concipi posset vera, & realis productio.

Nota 1. non esse absurdum ponere in Deo tres æternitates relatiuas: Athanasium verò cum ait in Symbolo, non tres æterni ; sed vnus ætercus, agere de tribus personis, vt sunt vnus Deus: & consequenter de immensitate, æternitate, aliis-que attributis communibus, quæ vnitatem diuinæ essentiæ consequuntur.

Nota 2. existentiam absolutam esse in Deo sufficientissimam , vt per illam formaliter existat quicquid in personis diuinis est absolutum, non tamen quod in iis est relatiuum; sed ad hoc requiri existentias relatiuas, vt inter constituens & constitutum sit proportio.

* Nota 3. quòd si ex hypothesi impossibili in Deo esset vna tantum persona, ea esset totaliter absoluta; adeoque posset completè existerre, per existentiam absolutam. Nunc autem personæ diuinæ sunt relatiuæ ; quæ requirunt speciales existentias relatiuas, præter communem, qua existunt vt sunt vnus Deus.

Resolutio V. Ponendæ sunt in Deo quædam proprietates , quibus personæ constituentur , & ab inuicem distinguantur, quæque sint relatiuæ, non absolutæ.] Prima pars est certa, & communis contra Præpositium & Ariminensem qui alias temerè docuerunt personas diuinas se totis immediatè constitui . & distingui. Probari autè potest 1. ex Conciliis, & Patribus in Trinitate vnitatem agnoscentibus secundum essentiã, & discretionem, secundum proprietates personales; quibus consonat illud ab Ecclesia in præfat. Missæ de Trin. decantatum. In personis pro-

DE CHRISTO. CAP. III. 197

prietas, in essentia vnitas, & in maiestate adoretur æqualitas.

Probat 2. ratione, nam ex fide tres personæ sunt vnus Deus, quare sicut assignatur aliquid in quo conueniunt, nempe essentia, ita cum non obstante illa vnitate, personæ sint plures, & realiter distinctæ, sequitur in qualibet persona præter essentiam communem, admittendam esse specialem aliquam formalitatem, per quam intrinsecè constituitur in ratione talis personæ, & distinguatur ab alia: ea autem formalitas congruenter proprietas vocari solet, vt distinguatur ab aliis perfectionibus diuinis, quæ aut duabus, aut omnibus personis conueniunt.

Secunda pars est adeò certa, vt oppositum vix errore vacet. Nam de fide est personas in Deo multiplicari, & facere numerum: ergo debet etiam multiplicari principium constitutum, & distinctuum personarum; at non multiplicantur proprietates absolutæ, cum hæ sint communes omnibus personis, sed tantum relatiuæ; ergo dicendum est personas diuinas per proprietates relatiuas constitui, & distingui. Cōfirmatur, nam vna persona, vt sic, nō potest cōstitui, per id quod competit alteri, quare cum absoluta æqualiter omnibus personis competant, sequitur constitutionem personæ diuinæ à proprietate relatiua petendam esse.

* Dices 1. vna persona diuina per id constituitur, & distinguitur ab alia, per quod illius relationem terminat: at non terminat alterius relationem, secundum esse relatiuum, sed secundum absolutum, vt colligitur ex Lo-

gica, ergo. &c. Respondeo negando minorem, quia cum relatio diuina sit substantia perfectissima, & per se subsistens, ea non tantum est ratio referendi, aut terminandi, sed etiam est id quod refertur ad aliud: quodque oppositam relationem terminat; esto oppositum contingat in relatione accidentali.

* Dices 2. si personæ constituerentur per aliquid relatiuum, paternitas constitueret primam personam: at hoc repugnat, quia persona supponitur constituta, antequam generet, adeoque antequam sit pater. Vt huic argumento fiat satis, moneo eandem formam relatiuam, cum sit substantia infinite perfecta, propter suam eminentiam, constituere Patrem in ratione subsistentis, & personæ: dare illi potentiam generandi, & actualem generationem, cumque referre ad filium genitum.

Respondeo igitur primam personam constitui per paternitatem primo modo spectatam, seu quatenus habet rationem subsistentiæ: objectionem autem procedere de paternitate ultimo modo spectata, seu ut est merus respectus Patris, ad Filium iam productum: qua ratione nimis clarum est, Patrem non posse, in ratione personæ, per paternitatem constitui.

Instabis, ergo Pater constituitur per aliquid absolutum, non per relatiuum. Non sequitur, quia cum Pater, antequam concipiatur generare actu, sit intrinsecè determinatus ad producendum Filium, refertur ad illum, ut in posteriori signo rationis ex necessitate producendum. Hoc autem sufficit, ut constituatur in esse personæ, per aliquid relatiuum.

DE CHRISTO. CAP. III. 199

Contrà, in eo priori signo rationis Filius non existit, ergo Pater non refertur ad illum realiter: adeoque constituitur per aliquid absolutum. At neque id sequitur, quia ut relatio sit realis, sufficit quòd illius terminus eadem duratione reali existat, id est, tunc quando respicitur à suo correlatiuo: qua ratione Filius in diuinis, semper coëxistit Patri, etsi ab eo procedat.

Resolutio VI. Non omnes relationes diuinæ constituunt personas.] Ratio est, quia cum spiratio actiua sit communis duabus personis, non potest vnā personam constituere. Vnde sequitur strictè loquendo tres tantum in Deo esse proprietates personales, paternitatem qua Pater, filiationem qua Filius, spirationem passiuam qua Spiritus sanctus constituitur.

Nota 1. quòd etsi spiratio actiua propriè non constituat vllam personam, spectat tamen ad constitutionem intrinsecam Patris, & Filij, quatenus Pater non censetur adæquatè constitutus, nisi ut concipitur non modo intellectu, sed etiam voluntate fecunda prædictus, adeoque determinatus intrinsecè ad productionem Verbi, & Spiritus sancti, Filius etiam non est perfectè, & adæquatè Filius, habens eandem naturam Patris, quin etiam concipiatur habere intellectum, & voluntatem fecundam Patris, ac proinde ut in actu primo spirator, non secus ac Pater: Vnde talis ratio non aduenit Patri & Filio ut perfectè constitutis, sed potius perrinet ad eorum constitutionem adæquatè spectatā. Si tamen quæstio sit de ipsa actuali spiratione, ea, ut sic, neque vl-

lam personam cōstituit, neque spectat ad earum constitutionem, sed veluti aduenit personis completē constitutis, vt ex dictis colligi potest.

Nota 2. personas non constitui formaliter per origines, seu per relationis spectatas per modum viæ & in fieri, quia scilicet personæ diuinæ sunt res per se subsistentes, & veluti in facto esse; quare fieri nequit vt constituentur per relationem spectatam per modum viæ, & in fieri, sed per modum formæ permanentis, & in facto esse; quale enim est constitutum, tale & constituens esse debet.

Confirmatur, nam constituens non aliter aliud constituit, quàm seipsum illi exhibendo, quare non potest illud constituere, nisi eo modo quo est: si ergo personæ diuinæ per origines constituerentur cum hæ se habeant per modum viæ, sequeretur personas diuinas eodem modo se habere: hoc autem cum falsum sit, dicendum est personas diuinas non constitui per origines, vt sic, sed per relationes veluti in facto esse spectatas.

Dices, quando res aliqua duas habet formalitates, quarum altera constituitur, & distinguitur, constitutio debet fieri per priorem, eò quod nihil prius alicui rei competit, quàm id per quod constituitur; atqui in diuinis prior est origo, seu relatio in fieri, quàm in facto esse, ergo, &c. Respondeo maiorem veram esse de priori formalitate, quæ habet conditiones ad constitutionem necessarias, qualis hic non reperitur; siquidem persona concipitur vt ens subsistens, & in facto esse, quod habere nequit per originem, vt patet ex dictis.

CAP.

DE CHRISTO. CAP. IV. 201

CAPVT IV.

De Persona Patris.

RESOLVTIO I. Primæ personæ Trinitatis propriè competit nomen principij.] Probat, nam principium est id à quo aliquid procedit; at Filius & Spiritus sanctus procedunt à prima persona, itemque creaturæ, ergo est principium tam ad intra, quam ad extra. Est tamen discrimen, nam principium ad intra dicitur notionaliter, & competit soli Patri, respectu Filij, utriusque verò respectu Spiritus sancti: ad extra autem dicitur essentialiter, estque commune tribus personis, quia creaturæ procedunt ab omnipotentia diuina, quæ vna est & eadem in omnibus personis.

Deinde principium ad extra coniunctum est cum efficiētia & vera causalitate, talis verò causalitas non habet propriè locum inter personas diuinas, cum omnes sint eiusdem numero naturæ, & essentiæ: licet interdū Patres Græci dicant Patrē esse causam Filij, & Spiritus sancti, sumēdo nomen causæ latè pro principio: vnde non debet dici absolute, quod Filius & Spiritus S. sint principiati, sed cum additamēto; quod Filius sit principiatus à Patre, & Spiritus S. ab utroque.

Rursus ratio principij non dicitur vniuocè de notionali & essentiali, cum nihil detur commune vniuocum relatiuo, & absoluto. Licet etiam Pater propriè dicatur principium totius creaturæ, non tamen totius Deitatis, cum neque illam, neque se producat: quod si

Patres interdum aliter loquuntur, sensus est, Patrem esse à se, totamque diuinitatem ab eo aliis communicari personis.

Resolutio II. Nomen Patris propriè conuenit primæ personæ Trinitatis.] Probat, nam aliquid est proprium dupliciter, nempe vt distinguitur à communi & metaphorico, utroque autem modo, ex fide, prima persona propriè est Pater; cum sola & verè Filium generet. Imò cū illa generatio sit infinitè perfectior humana, eò quòd per illam producit,ur Filius infinitè perfectus, habens eandem numero naturam cum Patre, nomen Patris multò perfectiùs competit primæ personæ Trinitatis respectu secundæ, quàm homini respectu sui filij.

Si tamen sermo sit de Paternitate essentiali, qua Deus dicitur Pater creaturarum, ea neque est propria Patris, neque propriè omnibus personis competit, sed metaphoricè, & improprie, cum aliqua tamen latitudine: quia enim in vera generatione, inuenitur vera similitudo inter producentem & productum, quòd creatura aliqua Deo est similior, eò magis propriè Deus dicitur Pater illius, verbi causa, Angelorum & hominum magis quàm irrationalium, iustorum magis quàm peccatorum, & beatorum magis quàm viatorum.

Nota, nomen Patris sumptum notionaliter tribus modis Deo priùs competere, quàm sumptum essentialiter. Primo proprietate perfectionis, quia perfectius est esse patrem propriè quàm metaphoricè. Secundò, prioritatem rationis, nam in Deo naturalia sunt ratione priora liberis. Tertiò, duratione, Pater enim

DE CHRISTO. CAP. IV. 203

ab æterno genuit Filium, Deus autem mundum produxit in tempore.

Resolutio III. Nomen ingeniti soli Patri propriè competit.] Probat, nam esse ingenitum hîc accipitur pro non procedente ab alio quovis modo: at sic esse ingenitum est propriû solius Patris, cum Filius & Spiritus sanctus ab alio procedant, ipse verò sit à se, Deinde si in Deo essent duæ personæ ingenitæ, essent duo dii, cum vnica numero natura non possit reperi in pluribus personis, nisi per processionem vnus ab alia. Quòd si qui Patres interdum negant Patrem esse ingenitum, ij loquuntur in sensu Arianorum, qui dicebant solum Patrem esse ingenitum, id est, non factum; vnde concludebant Filium & Spiritum sanctum esse creaturas à Patre factas.

Vbi nota 1. rationem ingeniti non consistere in aliquo positiuo, illud enim esset aut quid absolutum, & sic omnes personæ essent ingenitæ, aut relatiuum, & ita plures essent in Deo relationes reales quàm quatuor, quod repugnat. Itaque esse ingenitum de formali dicit meram negationem videlicet processionis ab alio, non tantum actualis, sed etiam possibilis.

Nota 2. fundamentum dictæ negationis in Patre non esse quid absolutum, propter rationem allatam, sed aliquam relationem in Patre existentem, quæ alia esse nequit quàm paternitas, cum spiratio actiua sit communis Filio, & quinta relatio admitti non debeat.

LIBER II.

CAPVT V.

De Persona Filij.

Resolutio I. Ratio Filij propriè conuenit alicui personæ diuinæ, & Verbum est nomen personale proprium Filij, dicitque respectum aliquem ad creaturas. Prima pars probatur ex dictis, nam in Deo est propriè Pater, idq; in ordine ad aliquam personam diuinam, ergo & Filius, iuxta illud primæ Ioan. 5. Vt cognoscamus verum, Deum, & simus in vero Filio eius, hic est verus Filius; quod ita intellige, vt in Deo sit verus Filius ab æterno, sicut & verus Pater, vt colligitur ex verbis illis Symboli Nicæni, & ex Patre natum ante omnia sæcula, hacque ratione suadetur, nam hæc Filiatio dicit habitudinem ad principium generans per intellectum; sicut autem Pater est ab æterno, & ab æterno intelligit, ita ab æterno producit Verbum, seu Filium.

Secunda pars ostenditur contra Durandum, tum ex illo 1. Ioan. 5. Tres sunt qui testimonium dant in cœlo, Pater, Verbum, & Spiritus sanctus. Tum quia cum Filius procedat vt terminus intellectiōis, dubitari non potest, quin procedat vt Verbum, idque ab æterno; cūque talis processio nequeat competere Patri, vt posse improducto; aut Spiritui sancto, eò quòd procedit per voluntatem, hinc fit vt propria ratio Verbi soli Filio competat.

Interdum tamen contingit, sumpto nomine Verbi impropriè & metaphoricè, illud dici essentiali

DE CHRISTO. CAP. V. 205

essentialiter, ut dum quaeritur, quidnam beati videant in Verbo, id est, in ipsa essentia divina, ex vi claræ visionis ipsius: ea enim non est propriè Verbū, sed per aliquā similitudinem, quatenus repræsentat creaturas, quas eminenter cōtinet.

* Contingit etiam aliquando, ut Spiritus sanctus dicatur Verbum Filij, quod intelligendum est de verbo impropriè, quatenus Filium nobis manifestat: sicut Verbum æternum manifestat conceptum internum.

Nota, etsi intellectio in Deo sit essentialis, verbum tamen esse notionale, quia significat terminum productum per intellectionem, & à persona producente realiter distinctum. Neque dicas etiam ipsam intellectionem procedere à persona intelligente, hoc enim verum non est, nisi secundum conceptum nostrum, cum à parte rei in Deo intellectio à persona intelligente non distinguatur.

Tertia pars probatur, nam Verbum est expressa similitudo eorum quæ intelliguntur. At Pater æternus non solum se intelligit, sed etiam creaturas, ergo per intellectionem producit Verbum non tantum sui repræsentativum, sed etiam creaturarum, unde oritur quædam habitudo repræsentantis ad obiectum repræsentatum, quæ est rationis: cum tamen relatio Verbi ad personam dicentem sit realis. Neque Verbum repræsentat tantum creaturas, sed etiam essentiam divinam, & tres personas, cum hoc totum à Patre comprehendatur: & consequenter dicit respectum ad illa omnia, qui quidem respectus non est tantum rationis, quatenus Verbum repræsentat

ipsius, cum pro eo signo non existat, etsi videatur à Patre ut existens; non enim cognoscitur ut existens nisi pro sequenti signo. Vnde etiam patet, Verbum non posse dici imaginem sui ipsius, aut Spiritus sancti, etsi ex utriusque cognitione procedat.

* Dices, imago Regis non pendet à Rege, secundum esse reale illius, sed tantum secundum esse intentionale, quod habet in mente pictoris. Similiter ergo ut Verbum sit Spiritus sancti imago, satis erit quod Pater intelligendo Spiritum sanctum producat Verbum illius expressivum. Respondeo non sequi, siquidem Rex per sui speciem, receptam in mente pictoris, habet se veluti principium concurrens ad efformationem suæ imaginis: qua simili ratione non influit Spiritus sanctus ad productionem Verbi.

Resolutio III. Verbum diuinum procedit ex cognitione creaturarum possibilem.] Hoc colligitur ex dictis. Nam Verbum diuinum per se procedit ex notitia comprehensiuâ diuinæ essentiae, ad quam requiritur comprehensio potentiae diuinæ, atq; adeò rerum quæ sub illam cadunt, seu quæ sunt possibilem. Vnde hæc ratio concludit, cognitionem rerum possibilem non tantum requiri materialiter ad productionem Verbi, sed etiam formaliter: quia cum Verbum sit infinite perfectum in ratione Verbi, postulat procedere per cognitionem infinite perfectam, adeoque comprehensiuam.

Nota I. Verbum cum sit Deus, adeoque ens per essentiam, prius esse à parte rei rebus possibilem: quia hæc non sunt entia nisi per partem
tici

DE CHRISTO. CAP. V. 209

icipationem:& ex eo quòd verbum producat-
tur ex cognitione creaturarum possibilium,tan-
tum sequi, quod iuxta nostrum imperfectum
conciipiendi modum sit illis posterius; sicut ob
similem rationem est posterius,iuxta conceptum
nostrum essentia diuina,cum qua tamen perfe-
ctè identificatur.

Nota 2. quod si nulla creatura esset possibi-
lis,Verbum quod ex hypothesi illa impossibili
procederet à Patre,non esset eiusdem rationis
saltem adæquatè, ac verbum iam existens: eò
quòd non esset expressiuum creaturarum. Ne-
que quod verbum in dicto casu nullam crea-
turam vt possibilem repræsentaret,ex eo orire-
tur,quod Pater intelligens indigeret creaturis
tanquam obiecto motiuo,vt eas Verbo suo ex-
primeret, sed ex eo quòd ipsa essentia diuina
non potest mouere ad intelligendum vt possibi-
le,id quod tale non est.

Resolutio I V. Verbum diuinum non pro-
cedit ex cognitione creaturarum existentium.]
Probaturnam Verbum secundum totam pro-
ductionem suam,est ens absolutè necessarium;
at non esset, si produceretur etiam ex notitia
creaturarum aliquando existentium,vt sic:quia
cùm tali notitia potuerit non esse in Deo,potuit
Verbum nō ex ea procedere;atque adeò quoad
suam processionem aliqua ex parte mutari,
quod dici non potest. Confirmatur,nam cum
productio Verbi sit necessaria,ea est prior scien-
tia visionis quæ est libera.

Nota 1. vt Deus se comprehendat, non
requiri absolutè quod cognoscat futura: se
enim perfectissimè comprehenderet, etsi nihil

decreuisset producere, sufficit ergo quòd perfectè penetret suam potentiam, & quidquid per illam potest producere.

* Dices, hoc verum esse absolute, ex hypothesi tamen quòd aliquid sit futurum, Deus nequit perfectè se comprehendere, quin illud cognoscat: adeoque Verbum debet procedere ex illius cognitione. Respondeo hoc posterius non tequi, quia prius est quòd Verbum generetur quàm quòd res aliqua sit futura, ex dictis.

Nota 2. Verbum non repræsentare futura actu, & formaliter ex vi suæ processionis, sed tantum remotè, & veluti radicaliter; quatenus recipit scientiam infinitè repræsentatiuam, quæque proinde ex se, sine additione nouæ perfectionis repræsentat futura, statim atque vi decreti futura sunt. Ex dictis autem collige, Verbum non procedere ex cognitione futurorum sub conditione, quia eiusmodi cognitio simpliciter potuit non esse in Deo.

* Nec refert quòd scientia conditionata non supponat decretum liberum, actu in Deo existens, & ex eo capite nihil repugnare videatur, quo minùs possit concipi in Deo, in quocunque signo æternitatis, a deo que ante generationem Verbi, ad modum scientiæ naturalis, & necessariæ: aliunde enim supponit obiecti sui veritatem, quæ cum simpliciter sit contingens, & potuerit non esse, hinc fit, vt Verbi diuini generatio in illius cognitionem, etiam partialiter reduci non possit.

Resolutio I. Spiritus sanctus non solum à Patre, sed etiam à Filio procedit.] Est de fide contra Nestorianos, quos sequuti sunt communiter Græci, qui etsi fateantur Spiritum S. à Patre procedere, eumq; esse verè, & propriè Deum, Patrique ac Filio consubstantialem, negant tamen pertinacissimè eum procedere à Filio. Probatum autem 1. ex cap. 16. Ioan. vbi Christus promittit se missurū Spiritum S. nulla enim persona diuina mittitur, nisi ab ea à qua procedit, vt fert communis sententia, de qua infra cap. 8.

Secundò idem definitum fuit in variis Conciliis generalibus Græcis, nempe in Ephesino, Constantinopolitano, aliisque sequentibus vsque ad Nicænum secundum, in quo Symbolum Nicæn. fuit approbatum, lectumque hoc modo. Qui ex Patre, Filioque procedit, addita nimirum hac particula (Filioque,) etsi non satis constet inter authores, quo primum tempore illa particula Symbolo prædicto addita fuerit. Item in plerisq; Latinis quibus Græci interfuerunt, & subscripserunt, nempe in Lateranensi sub Innocent. III. vbi statutum fuit Spiritum sanctum à Patre, & Filio procedere; Ludunensi sub Gregorio X. vbi cantatum est Symbolum ter Græcè, & ter Latinè, cum illa declaratione, ex Patre, Filioque procedit. Et in Florent. vb. idè quod in præcedentibus definitum fuit de processione Spiritus sancti à Patre, & Filio.

Tertiò

Tertiò, Prædictis Conciliis possent subiici plerique Patres Græci, sed illud sufficiat ex Symbolo Athanasij, Spiritus sanctus à Patre, & Filio nõ factus, nec creatus, nec genitus, sed procedens, quæ verba adeò sunt perspicua, vt Græci ea aliter eludere non potuerint, quam dicendo Athanasium fuisse ebriũ quãdo eã scripsit, quod quam sobriè dictũ sit nemo est qui non videat.

Probatur 4. ratione: nam Filius per generationem accipit eandem potentiam spiratiuam Patris, ergo & actu cum illo spirat. Sequela videtur perspicua, tum quia intelligi non potest, quomodo vnica & simplicissima potentia exeat in actum, prout est in Patre, & non prout est in Filio, aut quòd illius terminus ab utroque non procedat. Antecedens autem ostenditur, nam cum sit aliquis ordo inter operationes intellectus, & voluntatis, ita scilicet vt intellectus prius intelligat, & dicat Verbum, quàm voluntas velit, & amorem producat. In eo priori Verbum accipit à Patre eandem essentiam, & eandem voluntatem fecundam quam habet Pater, quæ proinde in utroque est principium Spiritus sancti.

Accedit alia ratio. Nam si Spiritus sanctus à Filio non procederet, ab eo realiter non distingueretur, eò quòd inter illos non esset oppositio relatiua à qua sola in diuinis potest sumi realis distinctio: at Spiritus sanctus realiter distinguitur à Filio, ergo ab illo procedit.

Verum contra prædicta duo obiici possunt, primò Symbolo Nicæno non debuisse addi particulam: Filioque, tum quia in Concilio Ephes. strictè prohibetur, ne quis alteram fidem

DE CHRISTO. CAP. VI. 213

dem proferat, aut scribat, aut exponat, præter eam quæ definita fuit in Concilio Nicæno. Tū quia L eo III. qui vixit circa annum octingentesimum, curavit poni Symbolum prædictum in tabula argentea, post altare Pauli apostoli, sine illo additamento, Filioque, quod tamen antea factum fuerat in Concilio Nicæno 1. & in Toletano 8.

Respondeo Concilium Ephes. prohibuisse, ne quis doceret aliquid repugnans Symbolo Nicæno, non autem ne quid à posterioribus Conciliis generalibus, aut à summis Pontificibus ei adderetur, maioris explicationis gratia, si resid postularet. Talis enim prohibitio fuisset nullius momenti, cum pat in in parem non habeat imperium: neque verò Leo III. curavit Symbolum inscribi sine particula (Filioque) quod putaret eam reiiciendam, sed potius in memoriam venerandæ antiquitatis, ut scilicet Symbolum illud conservaretur; eo modo quo à dicto Concilio traditum fuerat.

2. obiici potest Damascenum, aliosque Patres Græcos affirmare Spiritum sanctum esse ex Patre per Filium. Respondeo eos qui sic loquuntur, non velle negare processionem Spiritus sancti à Filio, sed tantum innuere Patrem esse veluti primarium principium Spiritus sancti, Filium autem veluti secundarium; seu Patrem habere à seipso vim spirandi Spiritum sanctum, & illum verò à Patre. Vnde S. Th. 1. p. q. 36. art. 3. Quia Filius inquit, habet à Patre quod ab eo procedat Spiritus S. potest dici quod Pater per Filium spirat Spiritum sanctum; vel quod Spiritus sanctus procedat à Patre, per Filium, quod idem est.

Resolutio II. Spiritus sanctus procedit à Patre, & Filio tanquam ab vno principio, & simul tanquam à duobus suppositis.] Prima pars est de fide, fuitque definita in generali Concilio an. sub Greg. X. & refertur in cap. vnico de summa Trinitate. vbi damnantur, tum qui negant Spiritum sanctum æternaliter ex Patre & Filio procedere; tum qui asserunt Spiritum sanctum ex Patre & Filio tanquam ex duobus principiis, & non tanquam ex vno procedere.

Probatum autem ratione, quia nomina substantiua non multiplicantur, nisi eorum forma multiplicetur. Vnde quia vna tantum est deitas in tribus personis, dicimus eas esse vnum Deum: & ita de aliis. Ergo similiter cum in Patre, & Filio vnica sit potentia spiratiua, eademque actualis spiratio, hinc fit vt ambo non constituent duo Spiritus sancti principia, sed vnicum duntaxat.

Vbi nota 1. quod etsi Pater & Filius non possint dici duo spiratores, propter rationem allatam, dicuntur tamen duo spirantes, vt notat S. Thomas 1. p. q. 36. art. 4. ad 7. quia vt adiectiua multiplicentur, sufficit multiplicatio suppositorum, etsi forma sit eadem. Vnde quando aliqui Patres aiunt, Spiritum sanctum de Patre, & Filio authoribus procedere, nomen (authoribus) adiectiuè accipiendum est, pro producentibus, seu spirantibus.

Nota 2. non posse dici, quòd Pater quatenus generat, & spirat, sit duo principia; tum quia est vnicum suppositum, tum quia forma est realiter vna, nempe paternitas, & spiratio actiua; cumque hæc eadem sit in Filio, se-

DE CHRISTO. CAP. VI. 215

quitur Patrem generantem, & Filiū spirantem; non esse duo principia, sed vnicum, licet distincta sint supposita: quia scilicet, ad multiplicationem nominum substantiuorum, requiritur multiplicatio formarum, & suppositorum.

* Nota 3. quando dicimus vnum principium Spiritus sancti, duo supponi, vnum pro formali, nempe virtutem spiratiuam, aliud pro materiali, nempe suppositum habens talem virtutem, abstractiendo ab hoc, quod suppositum illud sit vnum, vel plura. Quo fit vt cū spiratum dicat vnum suppositum, constitutum ex essentia, & spiratione passiuā; spirator dicat, non vnum suppositum, sed vnum singulare constans ex essentia diuina, & virtute spiratiua sibi identificante supposita Patris, & Filij.

Secunda pars ostenditur, quia Spiritus sanctus qui de facto existit, ex sua proprietate personali, & ratione intrinseca exigat, vt sit tertia persona Trinitatis ab alijs distincta; quod non haberet, si non procederet ab vtraque, non enim ab ea realiter distingueretur, à qua non procederet, vt dictum est, vnde non esset eadem persona quæ nunc est, cū repugnet eam personam quæ est Spiritus sanctus, & procedit tantum per voluntatem, distinguiturque realiter à Filio, esse eandem cum persona illa quæ procederet per intellectum, & voluntatem, quæque simul esset filius, & Spiritus sanctus, qualis ea esset quæ procederet à Patre, & non Filio.

Dices si Spiritus sanctus per se procedit à Patre, & Filio, vt à duobus suppositis, sequitur Patrem vt Patrem, & Filium vt Filium producere

ducere Spiritum sanctum. Respondeo id verum esse de Patre & Filio specificatiuè, quatenus vterque verè concurrit per potentiam intrinsecam, ad productionem Spiritus sancti; non autem reduplicatiuè, quia vox reduplicatiua significat rationem vltimò constitutiuam principij spiratiui, quæ non est paternitas, aut filiatio, sed spiratio communis.

* Ex dictis potest colligi, etsi virtus spiratiua, & spiratio actualis sint prius origine in Patre, quam in Filio, Patrem tamen non prius origine spirare, quam Filium. eò quòd principium spiratiuum adæquatè coalescit ex suppositis Patris, & filij, vt ostensum est.

Resolutio III. Nomina Spiritus sancti, & amoris specialiter tribuuntur tertiæ personæ Trinitatis.] Prima pars est S. Th. 1. p. q. 37. art. 1. 1. vbi docet hoc nomen, Spiritus sanctus, accommodatū esse ad significandum diuinam personā, quæ procedit per modum amoris. Nam nomen Spiritus in rebus corporeis impulsione quādā, & motionem significare videtur: est autem proprium amoris quòd moueat, aut impellat voluntatem amantis in amatum; sanctitas verò illis rebus attribuitur quæ in Deum ordinantur; quia igitur tertia persona Trinitatis procedit per modum amoris, quo Deus amatur, conuenienter Spiritus sanctus nominatur, etsi alioqui Pater, & Filius sint Spiritus, & vterque sanctus sit.

Secundam partem tradit idem S. Doctor, q. 37. art. 1. vbi docet nomen amoris secundum quòd personaliter dicitur, esse proprium nomen Spiritus sancti, sicut Verbum est proprium nomen Filij: quod probat, nam pro-

DE CHRISTO. CAP. VI. 217

cessio quæ est per voluntatem, in eo conuenit cum processione quæ est per intellectum, quod sicut in ista tria considerare possumus, scilicet habitudinem eiusdem intellectus ad id quod ab intellectu procedit, & tandem id quod per operationem intellectus procedit. Ita tria in illa considerata sunt, nempe habitudo voluntatis ad rem quæ per ipsam procedit. Est tamen discrimen inter dictas processiones, quia cum ea quæ est per intellectum, sit notior, adinuenta sunt nomina ad significanda illa tria quæ memorauimus: Primum enim vocatur intellectio, secundum dictio, tertium denique dicitur Verbum: in processione autem per voluntatem, suppetunt tantum nomina, quæ significant habitudinem amantis ad rem amatam, nempe diligere, & amare; reliquæ autem duo, defectu vocabulorum manent innominata, ideoque necessarium fuit eadem verba usurpare ad ea significanda. Vnde diligere, & amor in diuinis dupliciter sumuntur, primò vt dicunt habitudinem amantis ad rem amatam, quomodo dicuntur essentialiter. Secundò vt significant habitudinem amantis ad id quod ex amore procedit, & ipsum etiam quod procedit, qua ratione dicuntur personaliter, sicque amor est propriū nomen. Spiritus S.

Resolutio IV. Si diligere accipiat notionaliter, dici potest Patrem, & Filium se diligere Spiritu sancto.] Probat, nam diligere hoc modo sumptum duo respicit, nempe obiectum quod amatur, & terminum qui producit, quemadmodum illuminatio respicit subiectum quod illuminatur, & terminum

Liber II.

K

per

per eam productum; sicut ergo dici potest solem illustrare hæc inferiora, ea luce quam in iis producit; ita non incongruè dici potest, Patrem & Filium se diligere non tantum dilectione notionali, qua mutuò se amant, sed etiam ipso Spiritu sancto, qui per talem dilectionem producit: ita ut sicut sol formaliter dicitur illuminans ab ipsa illuminatione, tanquam à forma talem denominationem conferente, & à luce in rebus illuminatis producta, tanquam à termino illuminationis: ita Pater & Filius formaliter dicuntur se diligere dilectione notionali, veluti forma in hærente, Spiritu autem sancto, tanquam termino talis dilectionis.

Nota 1. eodem sensu dici posse, Patrem se intelligere Verbo, quo dicimus Patrem, & Filium se amare Spiritu sancto, quia etsi Verbum non sit medium quo Pater se, & alia intelligit, est tamen terminus intrinsecè terminans intellectiōnem qua omnia intelligit, hoc etiam habet peculiare, ut omnia obiecta à Patre cognita exprimat tanquam repræsentatio subsistens.

Nota 2. falsam esse propositionem illam, Pater est sapiens sapientia genita; quia participium sapiens, non denotat actionem aliquam, sed tantum sapientiam immanentem, & veluti habitualement, ut patet ex usu loquendi: quare prædictæ propositionis sensus est, Patrem esse sapientem formaliter, & intrinsecè, per sapientiam genitam, quæ est persona ab eo realiter distincta.

Resolutio V. Donum secundum quod personaliter sumitur, est proprium nomen Spiritus

DE CHRISTO. CAP. VI. 219

rus sancti.] Ita S. Thom. 1. p. q. 38. art. 2. quod probat. quia secundum Philosoph. Donum propriè est datio irreddibilis, id est quod non datur intentione retributionis, & sic importat gratuitam donationem: ratio autem gratuita donationis est amor, ideo enim gratis damus alicui aliquid, quia volumus ei bonum; unde amor habet rationem primi doni, per quod omnia dona gratuita dantur: quare cum Spiritus sanctus procedat ut amor, procedit in ratione primi doni. Et in responsione ad 1. nota, quod sicut Filius, quia procedit per modum Verbi, dicitur propriè imago, licet etiam Spiritus sanctus sit similis Patri: ita Spiritus sanctus quia à Patre procedit ut amor, dicitur propriè donum, licet etiam Filius detur; hoc enim ipsum quod Filius datur, est ex Patris amore, iuxta illud Ioan. 3. Sic Deus dilexit mundum, ut Filium suum unigenitum daret.

Ut hæc clariù percipias, Nota 1. Donum esse rem alicuius, qui eam alteri liberaliter confert, aut conferre potest. Dico 1. rem alicuius, siue per subiectionem, quomodo creaturæ sunt Dei, siue per originem, quomodo Filius est Patris, siue per identitatem, quomodo quælibet persona est sui ipsius. Dico 2. qui eam alteri liberaliter confert, sicut enim ad rationem doni requiritur res quæ detur, & persona donans; ita & persona cui res donetur liberaliter, & non ex debito, vel ex necessitate aut intuitu compensationis, Dico 3. vel conferre potest, quia actualis donatio non est de essentia Doni, sed aptitudinalis duntaxat, Dicimus enim Regem habere

re multa dona, quæ conferat, et si actu ea nondum donauerit.

Nota 2. defectu conditionum prædictarum, naturam diuinam non habere propriam rationem Doni, respectu personarum diuinarum. Contrà verò cum Deus, & tota Trinitas seipsam liberaliter donet hominibus per cognitionem, & amorem, nihil impedire quominus esse Donum, sub eo respectu competat tribus personis, ut est donum dantis per identitatem: cumq; Filius, & Spiritus sanctus à Patre procedant, & ab eo dari possint, hinc fit ut donum specialiter dicatur de Filio, & Spiritu sancto, ut est alterius dantis, non per identitatem, sed per originem: cum eo tamen discrimine quod dari comperat Spiritui sancto ratione suæ processionis. Filio autem ex amore Patris, ut dictum est.

CAPVT VII.

De notionibus Diuinis.

Resolutio I. Ponendæ sunt in Deo notiones aliquæ, nimirum quinquæ illæ vulgares, in-nascebilitas, paternitas, filiatio, spiratio actiua, & passiuæ, non autem plures] Prima pars probatur contra Præpositiuū, & Ariminensem; Notionis enim nomine intelligimus, non conceptum formalem rei alicuius, sed obiectiuum, seu notam aliquam & formam, qua vna persona cognoscitur ut distincta ab alia: at personæ diuinæ habent tales formas, & proprietates, quibus realiter inter se distinguuntur: & distinctæ cognoscuntur,

DE CHRISTO. CAP. VII. 221

tur, ex supradictis, ergo in diuinis sunt ponendæ notiones aliquæ.

Secunda pars probatur, nam in primis quòd paternitas, filiatio, & spiratio passiuæ sint notiones, tam certum est, quàm eas esse proprietates personales, quibus tres personæ constituuntur, & distinguuntur, sicut enim eiusmodi proprietates personas constituunt, & distinguunt: ita etiã sunt nobis veluti notæ quædam, quibus vnā personam ab alia distinguimus. Rursus cum Pater non tantum referatur ad Filium, sed etiam ad Spiritum sanctum, & non per paternitatem, hinc ponitur in illo spiratio actiua, simulque in Filio, quæ proinde est notio per quam cognoscimus eos distingui à Spiritu sancto. Denique quia per quatuor relationes prædictas sufficienter nobis non innotescit ternarius personarum diuinarum numerus, cum nondum constet an pater non sit ab alio, hinc communiter Theologi innascibilitatem, seu improducibilitatem tanquam propriam notionem primæ personæ, præter paternitatem constituent.

Tertia pars ostenditur quia prædictæ notiones sufficiunt vt personarum diuinarum dignitas, earumque distinctio nobis innotescat; quare aliæ admittendæ non sunt. Sequela patet, quia ex dictis, notio nihil aliud est, quàm ratio quædam obiectiua qua vna persona diuina dignoscitur, vt distincta ab alia, vel ab aliis; Neq; hæc in re amplius immorandum est; solum aduerte, ex illis quinque notionibus quatuor esse relationes, quatuor proprietates personæ, & tres tantum proprietates personales, seu constituentes personas.

K 3 Item

Item paternitatem esse simul notionem, relationem, proprietatem personæ, & proprietatem personalem.

Nota 1. inspirabilitatem Filij nō esse ponendam inter notiones, etsi innascibilitas sit notio Patris, si quidem ex eo quod quis procedat ut Filius, satis constat eum non spirari, at ex eo quod sit Pater, non constat an ab alio genitus non sit.

Nota 2. quod etsi sit notio Patris, quod non sit ab alio, non tamen est notio Spiritus s. quod nulla persona ab eo sit: non enim spectat ad dignitatē Spiritus S. quod nullā personā producat.

Resolutio II. In Deo sunt quidam actus notionales, à relationibus virtualiter distincti & in ipsis personis producentibus existentes.] Prima pars probatur, nam per actus notionales intelliguntur propriæ quædam unius, vel duarum personarum actiones, quibus persona aliqua producit: tales actiones sunt in Deo, cum Pater producat Verbum per viam intellectiōis seu generationis, & uterque Spiritum sanctum per viam volitionis, seu spirationis.

Secunda pars ostenditur: prius enim concipimus Patrem esse constitutum in ratione personæ, & subsistentis, quā generet Filium, adeoque relationem per quam constituitur in ratione personæ, esse ratione priorem ipsa generatione actuali Filij, & consequenter ab ea ratione distingui. Contrā verò prius est secundum intellectum, quod Filius generetur, quā quod genitus sit, & constitutus per relationem filiationis: ex quo sequitur generationem passivam distingui ratione ratiocinata

DE CHRISTO. CAP. VII. 223

tiocinata ab illa relatione. Quod etiam proportionem seruata, dicendum est de origine passiuæ Spiritus sancti. Confirmatur, nam intelligi non potest quod vna persona verè, & realiter producat aliam, nisi inter vtramque aliquid mediet per motum actionis, & productionis.

Dices, actio dicit imperfectionem, ergo non est ponenda in Deo. Respondeo, antecedens verum esse de actione communiter sumpta, quia hæc dicit motum, seu transitum de potètia ad actum, iunctaque est cum effectione, & causalitate, adeoque cum dependentia termini producti à principio producente, nihil tamen vetat quin detractis his imperfectionibus, ponatur actio in Deo, sicut in eo ponitur relatio, etsi hæc varias imperfectiones includat in creatis.

Tertia pars suadetur, nam Pater generat Verbum per intellectionem notionalem, atque intellectio est in persona quæ intelligit: similiter quia Pater, & Filius per actum volitionis notionalis, spirant Spiritum S. hinc spiratio actiue sumpta in Patre, & Filio, non autem in Spiritu S. esse debet. Confirmatur, nam Pater verbi causa, non esset summè simplex, actus purus, & infinitè perfectus, si Filium generaret per actum à se realiter distinctum, qualis esset si non in Patre ipso, sed in Filio reperiretur.

Resolutio III. Actus notionales sunt aliquo sensu voluntarij, simpliciter tamen sunt necessarij, & non liberi, neque sunt de nihilo, sed de aliquo.] Prima pars patet, nam productiones personarum sunt à Deo voluntæ, & amatae per simplicem complacentiam,

& carenus dici possunt voluntariæ, voluntate concomitante. Hæc autem vnica & eadem est in omnibus personis complacentia essentialis; quæ fertur in ipsas origines, & in totam Trinitatem vt à parte rei existit. Potest autem & alio modo processio Spiritus sancti dici voluntaria, quatenus nimirum voluntas se habet per modum principij respectu illius, vnde distinguitur à Verbi generatione, quæ est tantum voluntaria obiectiue, seu per modum obiecti amati.

Secunda pars ostenditur, quia quòd absolute non potest non esse, non est liberum, sed simpliciter necessarium: atqui actus notionales in Deo absolute non possunt non esse, ergo non sunt liberi, sed simpliciter necessarii. Maior patet ex vulgari notione libertatis, minor verò faciliè probatur, supposito Trinitatis mysterio: Tamen in necessarium est esse actus notionales, quibus personæ producantur, quàm necessarium est tales personas existere, atqui absolute necessarium est, quod in Deo sint tres personæ, quarum vna sit improducta, alæ productæ; alias personæ illæ possent non existere, adeoque non essent Deus, cum actualis existentia sit essentia Dei. Non ergo actus notionales in Deo sunt liberi, sed intrinsecè & naturales, eaque absolutissima necessitate necessarii.

Tertia denique pars ea ratione probatur, quia illud tantum quòd creatur dicitur esse de nihilo. At Filius, & Spiritus sanctus non creantur, ergo non sunt de nihilo, sed producuntur de aliquo, nimirum de ipsa substantia Patris, quæ illis communicatur. Eo autem
loquendi

DE CHRISTO. CAP. VII. 225

loquendi modo denotatur principium intrinsecum personæ productæ, non quasi materiale, ut putat Durandus, quia materia se habet ut pars, & ut potentia passiva, quomodo essentia diuina non se habet respectu personæ productæ, sed potius quasi formale: quia res producta dicitur esse de substantia producentis, quatenus est illi similis in forma.

Nec refert quod forma sit pars compositi, si quidem ex communi usu, etiam natura dicitur forma, quatenus rem constituit in suo esse substantiali, & determinat ad talem speciem; quare cum substantia diuina sit natura Filij, qua constituitur in ratione Dei, & veluti determinatur ad tale esse, non incongruè dici potest forma illius, & aliarum personarum.

Resol. IV. In Deo est vera potentia productiua notionalis, ad essentiam simul & relationem personæ productæ, alio & alio modo terminata.] Prima pars est communis contra Aureolū, qui non aliam intra Deum agnoscit potentiam generandi, vel spirandi, quam solam non repugnātiā terminorum: probatur autem, quia ubi sunt personæ verè productæ, ibi est vera potētia productiua, at Filius verè producitur à Patre per Generationē, & Spiritus S. ab utroque per spirationē, ergo est in Deo vera potētia productiua an intra, nēpe potentia generandi, & spirandi.

Quo loco aduerte. quod etsi sola persona produciens sit principium quod productionis, principium tamen quo illius multiplex est, iuxta conceptum nostrum: ac primò ipsa natura diuina est virtus agendi omnium consensu, qua ra-

K 5 tione

tione illius persona producat est fecunda, potestque se communicare ad intra, cum producat personam sibi similem in natura. Rursus cum essentia diuina non sit immediatè productiua ad intra, sed per intellectum, & voluntatē, ut supra diximus contra Durandum; Hinc, etsi illa sit principium quo remotum utriusque productionis, ipse tamen intellectus est principium quo proximum generationis Filij, & voluntas productionis Spiritus S. Præterea cum tota vis productiua nequeat competere essentia, etiā ut intellectu & voluntate affecta, quia alioqui omnes personæ haberent completè potentiam generatiuam, & spiratiuā, ea per relationē aliquatenus compleri debet, quod dupliciter intelligi potest, vel ita ut relatio sit connotatum extrinsecum, seu veluti conditio sine qua non, vel ita (quod probabilius videtur) ut relatio sit cōprincipium productiuum. Si quidem debet esse distinctio aliqua realis inter vim productiuam, & terminum productum, neque simpliciter admitti debet, potentiam generandi & spirandi esse in omnibus personis, secundum totam suam perfectionem intrinsecam.

Secunda pars ostenditur. Nam productio sumi potest in Deo, vel ut productio, vel præcisè ut communicatio; si sumatur posteriori modo, clarum est essentiam diuinam esse terminum illius, quia hæc communicatur personæ productæ: si verò priori, relatio videtur esse terminus illius, eò quod illa producit, seu comproducit.

Dices 1. Diuinæ productiones ad hoc tendunt, ut terminus totalis per eas productus, sit Deus,

DE CHRISTO. CAP. VIII. 227

Deus, ergo Deitas est terminus earum formalis. Non sequitur, quia non ad hoc tendunt, ut earum terminus sit Deus. per productionem diuinitatis, sed tantum per illius communicationem.

Dices 2. generatio uniuoca, qualis est diuina, terminari debet ad formam in qua produciens, & productum assimilatur. Distinguo: debet ad eam terminari, siue ut productio, siue ut communicatio.

CAPVT VIII.

De aequalitate, & missione Personarum diuinarum.

Resolutio I. Inter personas diuinas est perfecta æqualitas. Est de fide, ut colligitur ex Symbolo Athanasij: ubi statuitur tres personas coæternas sibi esse, & coæquales, & in cap. firm. de summa Trinitate, habetur personas esse coæquales, coomnipotentes, & coæternas. Ratio autem est, quia ibi est summa æqualitas perfectionis, ubi eadem essentia infinite perfecta reperitur; atqui eadem essentia infinite perfecta est in tribus personis, ergo tres personæ diuinæ sunt inter se summè æquales, quoad perfectionem. Suadetur minor 1. ex verbis illis Ioan. 10. Ego & Pater vnum sumus, quæ à sanctis Patribus vniuersaliter intelliguntur de vnitatem quoad essentiam, seu substantiam diuinam, non autem de sola vnitatem, seu concordia voluntatis, ut putabant Arriani. Verum quia in verbis prædictis non agitur expresse de Spiritu sancto, addendum est illud ex 1. Ioan. 5. Tres sunt
K 6 qui

qui testimonium dant in cœlo, Pater, Verbum, & Spiritus sanctus, & hi tres vnum sunt: hinc enim ex Patrum omnium sententia, efficax sumitur argumentum ad probandam diuitatem, & consubstantialitatem Spiritus sancti.

Probatur eadem minor ex quinta Synodo generali, collatione 8. can. 1. his verbis. Si quis non confitetur Patris, & Filij, & Spiritus sancti, vnā naturam siue substantiam, & vnā virtutem & potestatem, Trinitatem consubstantialē, vnā Deitatem in tribus subsistentiis, siue personis adorandam, talis anathema sit. Similia habentur in Conc. Tol. 6. Canone 1. & in sanctis Patribus, quorum verba, breuitatis causa prætereo. Cū itaque tres personæ Trinitatis habeant eandem diuinā essentiam infinite perfectam, consequens est summam perfectionis æqualitatem inter illas reperiri.

Nota 1. generatim ea omnia loca Scripturæ quæ inferioritatem aliquam Filio tribuere videntur, vt Plurimum intelligi de Filio secundum humanitatem: si quæ verò interdum à Patribus intelliguntur de Filio, vt est Deus, ea nihil aliud significare, quam Filium habere à Patre substantiam diuinā, & virtutem operandi, Patrem autem à seipso, sicque Patrem esse superiorem seu maiorem Filio, quatenus est prior origine, & principium illius.

Nota 2. ibi non esse omnimodam æqualitatem, vbi est prius & posterius quoad durationem, aut quoad naturam, talem autem prioritatem non habere locum in Deo, sed solam prioritatem originis, quæ cum tantum dicat vnā personam esse

DE CHRISTO. CAP.VIII. 229

esse ab alia, nullam arguit imperfectionem: sicut enim est infinitæ perfectionis, esse principium processionis diuinæ, ita & esse terminum illius.

Si quæras, quomodo intelligi possit, personam producentem non esse priorem producta, quoad durationem, vel naturam. Respondeo hoc ea ratione posse intelligi, quia cum persona diuina habeat ab æterno totam vim producendi, & necessario producat, nihil impedire potuit; quin persona producta esset ab æterno. Cumque communicet eandem naturam improductam, & independentem quam habet, hoc fit sine prioritate naturæ quæ veram dependentiam, & causalitatem dicere solet. Vnde qui ponunt inter personas diuinas ordinem naturæ, explicandi sunt de ordine originis, qui ordo naturæ dicitur, quia in natura rei fundatus est; seu quia vna persona naturaliter est ab alia.

Dices, vel Pater genuit Filium existentem, vel non existentem. prius dici non potest, quia quod existit, non indiget vt producat, cum non producat, nisi vt existat: posterius ergo verum est, ac proinde Filius non est æqualis Patri, quoad durationem. Respondeo Filium existentem gigni, non quidem ita vt existat antequam generetur, sed ita vt per ipsam generationem existat: ad eum modum quo lumen producit, existens, vt ipsius illuminationis qua producit. Quod si iustus Filium non extitisse, antequam generetur, atque adeo non semper fuisse: neganda erit consequentia, quia Filius semper genitus est, ac proinde semper extitit.

Nota 3. inclusionem illam, quæ communiter

niter vocatur circuminfectio, esse improprium, adeoque nihil ex ea concudi contra æqualitatem personarum. In eo enim maximè consistit, quod personæ diuinæ vnicam, & eandem habeant essentiam, ac proinde quælibet debeat esse in aliis, cum nulla à sua essentia possit separari. Hinc autem potius sequitur oppositum, nam si idè Filius est minor Patre, quia est in illo; vicissim Pater est minor Filio, cum in illo sit, vnde per reciprocum hunc excessum, perfectiones Patris, & Filij ita temperantur, vt ad summam æqualitatem perueniant; quod similiter de perfectionibus Spiritus sancti dicendum est.

Resolutio II. Missio cōuenit personis diuinis, non tamen omnibus. Prima pars est de fide, vt patet ex Script. Ioan. 3. Misit Deus Filiū suum, & 15. Cum venerit Paraclitus, quem mittam vobis à Patre. Eadem probatur ratione, quia per missionem hīc intelligitur æterna processio Personæ diuinæ, cum habitudine ad effectum temporalem, siue visibilem, siue inuisibilem. At Filius, & Spiritus sanctus à Patre ab æterno processerūt, & in tempore extra eum veluti exierūt, ad externam manifestationem, vel collationem aliquiuis doni creati; quare ab eo missi sunt.

Dices, mitti ab alio dicere imperfectionem in persona missa. Respondeo, hoc verum esse, de missione quæ fit per imperium; vt cum seruus mittitur à domino suo, vel per consilium, vt cum Rex à suis Consiliariis mittitur in bellum. Sic autem non fit missio personarum diuinarum, sed tantum per originem, cum ordine ad quendam effectum temporalem

DE CHRISTO. CAP.VIII. 231

temporalem, in quo nulla est imperfectio.

Secunda pars ex dictis colligitur, nā cum missio includat originem personæ missæ à mittēte, consequens est vnā personam propriè nō posse mitti, nisi ab ea à qua procedit: vnde Pater potest mittere Filiū, & Spiritum S. ipse verò à nēmine mitti potest quia à nullo procedit. Neque refert illud Isai. 48. de Christo intellectū, Et nūc Dominus misit me, & Spiritus eius, ea enim verba, si loquuntur de propria missione, debent intelligi de missione Christi ratione humanitatis.

Resolutio III. Missio duplex est, visibilis, & inuisibilis.] Declaratur, nam tūc contingit missio visibilis, quando persona missa per signum aliquod sensibile nouo modo exteriūs, apparet: eiusmodi fuit missio Verbi, quando humanitatē assumpsit, & missio Spiritus S. quando in specie colūbæ, & in linguis igneis apparuit: Missio autem inuisibilis habet locum, quando persona mittitur ad dandum effectum aliquem occultū ordinis supernaturalis, qualis est gratia sãctificãs.

Quo loco aduerte 1. in missione inuisibili non tantum dona gratiæ, sed personas etiam ipsas mitti, vt patet ex Scriptura, quæ propriè intelligenda est, cum nihil huic sensui repugnet. Confirmatur, quia rei missæ tribuuntur effectus varij, Ioan. 14. & 15. qui non possunt oriri ab ipsis donis creatis, sed à persona diuina duntaxat, vt docere, suggerere, testimonium perhibere, & similia. Neque refert quòd Spiritus sanctus non incipiat esse de nouo in anima quæ iustificatur, sufficit enim quòd si per impossibile in ea non esset, per suam realem præsen-

præsentiam, in puncto iustificationis ei se realiter præsentem exhiberet.

Aduerte 2, missionem inuisibilē fieri ad omnes participes gratiæ, vt patet ex dictis, vnde ad Christum facta est inuisibilis missio, in principio suæ conceptionis, non autem postea, eò quod in eo instanti fuit repletus gratia, quæ nunquam deinceps aucta fuit; missio autem visibilis Spiritus sancti ad Christum in Iordane, non fuit signum inuisibilis tunc factæ, sed aliàs in puncto Incarnationis. Fit etiam missio inuisibilis ad omnes beatos, tum in ipso initio beatitudinis, quando ad perfectissimam summi boni possessionem, quæ arctissimam Spiritus sancti præsentiam, & cum illo vnionē comprehendit, euehuntur. Tum postea quādo aliqua mysteria illis de nouo reuelantur. Caterum missio inuisibilis nō habebit locū in beatis, post diē iudicii; quia tūc eorum cognitio nullum argumentum recipiet, sed per totam æternitatem inuariata manebit.

Tandem missio inuisibilis facta est ad Patres veteris testamenti, cum gratiam sanctificantem, & eximiam charitatem acceperint, vt satis patet ex Scriptura. Fit etiam quotidie ad omnes homines qui de nouo iustificantur; imò & probabiliter, ad eos qui augmentū gratiæ recipiunt, saltem quando hoc augmentum tale est, vt quis proficiat in nouum aliquem actum, vel statum gratiæ, vt si ad gratiam miraculorū, vel Prophetiæ euehatur; aut si ex seruire charitatis exponat se martyrio. Verū hæc de missione tā visibili, quā inuisibili generatim dicta sufficiant; nā quod spectat ad præstantissimam diuini Verbi visibilem

DE CHRISTO. CAP. IX. 2; 3

visibilem missionem, quæ non ad repræsentandum instituta est, sicut visibilis missio Spiritus sancti, sed ad subsistendum in natura humana, de ea speciatim in altera huius libri parte, deinceps agendum erit.

CAP. V T I X.

De existentia Incarnationis.

Resolutio I. *Mysterium Incarnationis est possibile, seu fieri potest ut Verbum diuinum naturam humanam in unitatem personæ sibi copulet.* Est certa ex fide, eaque ratione probatur, quia ab actu ad potentiam legitima est consequentia, ut aiunt Philosophi, atqui Incarnatio actu peracta est, ut infra ostendemus, ergo ex se est possibilis. Confirmatur, nam illud est possibile, quod repugnantiam non inuoluit, at quod Verbum incarnetur nullam repugnantiam inuoluit, ergo id possibile censeretur debet.

Nota, non facile concepi posse, quomodo persona diuina possit de nouo vniri substantia-
liter humanitati, sine sui mutatione, saltem supposita communiori sententia, de qua infra, quæ statuit inter Verbum, & humanitatem intercedere modum quendam vnionis, & nexum substantialem ab utroque extremo aliquo modo distinctam: non enim apparet, qua ratione possit esse nexus inter duo, nisi vtrumque intrinsecè attingat & afficiat, adeoque immutet. Quare cum, ex fide, persona diuina sit immutabilis, hinc colligi videtur incarnationem esse planè impossibilem. Verùm ad hoc dici potest: primò, per

incarnationem Verbum eo sensu vniri substantialiter humanitati, vt per suam substantiam terminet hypostaticè humanitatem, adeoque Verbum fiat homo, non essentialiter, sed terminatiue, seu hypostaticè, quod sine vlla mutatione in ipso Verbo facta faciliè intelligi potest, cum terminare non sit in se aliquid recipere, sed ab alio respici.

Secundò, posse intelligi nexum substantialem inter Verbum & humanitatem, qui subiectiue in sola humanitate recipiatur, & dicat intrinsecè ordinem ad Verbum, tanquam ad terminum hypostaticum: quemadmodum omnes fateri debent, inter corpus & animam rationalem esse nexum quendam substantialem, qui siue sit spiritalis, siue corporalis, non potest esse subiectiue in vtroque extremo.

Resolutio II Possibilitas Incarnationis nō potest à nobis euidenter cognosci.] Probatur 1. ex Script. Isa. 53. habētur verba illa, generationem eius qui enarrabit? quæ à variis Patribus intelliguntur de Verbi Incarnatione, vt refert Cornel. à Lapide in eū locū. Vocat etiā Paul. Eph. 3. hoc mysterium, inuestigabiles diuitias Christi & Sacramentum absconditum à sæculis in Deo.

Idem hac ratione concluditur: vt naturaliter cognoscamus mysterium Incarnationis, eo modo quo peractum est, esse possibile, quatuor lumine naturali debemus cognoscere. 1. naturam humanam posse priuari propria substantia, & sine illa existere in rerum natura. 2. eam posse terminari aliena substantia, & per eam subsistere. 3. eam posse terminari substantia diuina. 4. eam posse assu-

DE CHRISTO. CAP. IX. 135

mi à Verbo diuino. At ista euidenter à nobis cognosci nequeunt lumine naturali, non 1. quia sicut non possumus naturaliter certò cognoscere, accidens existere posse in rerum natura, quin subiecto inhæreat; neque quod natura substantialis careat propria subsistentia, & alteri inexistat. Non 2. quia subsistentia est modus, quidam naturæ substantialis; at experientia satis ostendit, rem aliquam non posse modificari per modum alterius: quare ratio naturalis facile iudicabit, naturam aliquam substantialem non posse subsistere per alienam subsistentiam. Non 3. quia vix ratio naturalis concipere potest, Deum in tempore fieri hominem, quin statim iudicet illum mutari, vt patet ex dictis; quare cum sciat talem imperfectionem in Deum cadere non posse, hinc colliget incarnationem non esse possibilem. Non 4. quia hoc cognosci nequit, nisi habeatur distincta noticia mysterij Trinitatis, quod naturaliter impossibile est. Ex iis ergo perspicuum relinquitur, nos solis naturæ viribus, euidenter cognoscere non posse, incarnationem esse possibilem.

Nota 1. quòd etsi homo cognoscat generatim, & in confusio, Deum posse efficere quicquid non implicat contradictionem, non tamen speciatim an sit possibilis incarnatio, quia non constat naturaliter, an talis sit vt non implicet contradictionem.

Nota 2. Sybillas, etsi essent fœminæ gentiles & fide supernaturali carentes, hoc mysterium agnouisse ex speciali reuelatione, vt constat ex S. Thom 1. 2. q. 2. art. 7. ad 3. quare hinc nihil concluditur contra resolutionem

allatam, qua procedit de cognitione per lumen naturalis rationis.

Resolutio III. Incarnatio de facto peracta est.] Est de fide, & facile probatur, tum ex prophetia illa Gen. 49, Non auferetur sceptrum de Iuda. Hinc enim patet reges non defecturos de tribu Iuda; donec veniat Messias, seu saluator mundi: at multis iam ab hinc sæculis Iudæi carent Rege, Duce, sacrificio, &c. tum ex verbis illis Ioan. 1. Et Verbum caro factum est, tum quia Christus est verus homo, ut constat ex Ioan. 6 & 8. est etiam verus Deus, ut patet ex Philip. 5. variisque locis Euangelij: at nequit esse simul Deus, & homo, quin vnio Verbi cum humanitate, ad óque incarnatio facta sit.

Hic porro ad varias Iudæorum obiectiones diluendas, duo obseruanda sunt. i. multa dici in Scriptura de regno Messie, de potestate illius, de pace quam allaturus est, aliisque similibus quæ spiritualiter, & metaphoricè sunt intelligenda, ut non obscure colligi potest ex loco illo Zach. c. 9. Ecce Rex tuus venit tibi iustus, & saluator, & ipse pauper, & ascendens super asinam: quare non leuiter hallucinantur Iudæi, qui ea carnaliter & ad litteram intelligunt, ut probent Messiam nondum aduentasse.

Secundò obseruandum, duplicem esse distinguendum Christi auentum, vnum ad redimendos homines à captiuitate dæmonis, & à morte æterna liberandos; alterum ad eos iudicandos de iis quæ in hac vita siue bene, siue male gesserit: defectu autem huius distinctionis errandi ansam Iudæi sumunt, cum

ea

DE CHRISTO. CAP. IX. 237

ea quæ de ultimo Christi aduentu prædicuntur, priori attribuant; quare cum ea nondum impleta videant, hinc colligunt Messiam nondum venisse; cum tamen inde solum colligi possit, eum nondum aduenisse ad iudicandos homines.

Resolutio IV. Variæ convenientiæ in Incarnatione spectari possunt.] Ac. 1. quod Incarnatio fuerit per se Deo conueniens, ea ratio suadet, quia ut ait S. Tho. 3. p. q. 1. art. 1. illud est conueniens alicui, quod ei conuenit secundum rationem naturæ propriæ: at de ratione boni est se aliis communicare; ergo, cum Deus sit summum bonum, ei valde conueniens est, summè se communicare, quod fit per Incarnationem.

Neque dicas, Incarnationem non esse Deo liberam, si ab eo peragitur, secundum inclinationem propriæ naturæ. Nam etsi inclinatio ad se communicandum sit Deo naturalis, & minimè libera, actualis tamen communicatio liberè fit sicut homo actu ridet liberè, etsi naturaliter habeat inclinationem ad ridendum.

Rursus, quod incarnatio fuerit inconueniens naturæ humanæ, etsi non esset iuxta exigentiam illius naturalem: probatur, quia si natura humana non leuiter ex eo decoratur & perficitur, quod cuncta sit ad statum gratiæ: quanto magis dicendum est eam nobilitari, ex eo quod ad vñionem hypostaticam eleuetur: siquidè in priori casu recipit tantum participationem aliquam creatam, & accidentalem diuinitatis, in posteriori verò vñitur personæ diuinæ substantialiter, adeò ut idem qui est homo, sit Deus.

Dices,

Dices, illud non est conueniens alicui naturæ, quod eam ponit in statu violento, atque Incarnatio constituit naturam humanam in statu violento, ergo saltem illi non est conueniens. Probatur minor, siquidem per Incarnationē humanitas Christi priuatur propria subsistentia ad quam semper retinet appetitum naturalem. Resp. negando minorem, quia cum humanitas Christi per subsistentiam Verbi multo magis perficiatur, quam per subsistentiam propriam, appetitus quem habet ad subsistendum est perfecte expletus, adeoque nullam violentiam patitur.

Præterea, quod Incarnatio fuerit mediū valde cōueniens ad redimendos homines, ea ratione ostēditur, quia Verbum de facto incarnatū fuit ad redimēdum genus humanū, ergo incarnatio fuit medium valde conueniens ad talem finem.

Antecedens supponitur, ex infra dicendis, sequela inde patet, quia maximā Deo, & sapiētiæ illius infinitæ irrogaret iniuriam, qui diceret eū nescire aptare media conuenientia, ad assequendum finem aliquē sibi propositum. Deniq; quod incarnatio tempore conuenienti sit facta, cōstat ex S. Th. q. cit. art. 5. & 6. quæ loca videnda sunt.

CAPVT X.

De necessitate Incarnationis.

RESOLVTIO I. Non fuit necessaria Incarnatio ex hypothesi creationis mundi, vel peccati, vel redemptionis ab illo, etiam ex rigore iustitiæ, sed vt redemptio hominum fieret.

DE CHRISTO. CAP. X. 239

fieret conuenientiori modo.] Prima pars probatur, quia incarnatio est opus Dei liberum, non minus quàm mundi creatio, neq; vllā habet connexionē cū illa, præsertim quia est opus maximè supernaturale, atq; adeò longè excedens exigentiā naturalē rerum creatarū: quare ex hoc quòd Deus se determinauerit ad creandum hoc vniuersū, nulla ratio fingi potest, cur etiā se determinare debuerit ad opus incarnationis efficiendū.

Secunda pars suadetur. Nam etsi homo peccauerit, poterat Deus, cum sit maximè potens, & liber ad extra, neque ab illo satisfactionem exigere, neque ei peccatum condonare, sicque eum sine remedio relinquere, sicut reliquit Angelos iuxta illud Sap. 12. Quis tibi imputabit, si perierint nationes, quas tu fecisti: id est, etsi illas sine remedio deseras.

Deces, impossibile est quod indecentia aliqua in Deum cadat, qualis esset si omnes homines sine remedio relictī essent. Respondeo, nullam posse reperiri in operibus Dei indecentiam positiuam, quæ scilicet sit contraria honestati, & decentiæ alicuius virtutis; posse tamen negatiuam, quatenus potest fieri, vt non habeant omnem perfectionem possibilem.

Tertia pars ostenditur; quia poterat Deus aliter quàm per Incarnationem liberare hominem à peccato, nimirum aut omnino gratis condonando illi iniuriam, non exigendo vllum actum pœnitentiæ, ex parte illius, aut exigendo ab illo aliquem actum pœnitentiæ quo ipsius iustitiæ modo possibili satisfaceret. Inò etsi vellet Deus hominem liberare à peccato,

peccato, ex rigore iustitiæ, non erat necessaria Incarnatio, quia si Verbum assumpsisset naturā Angelicam, potuisset in ea perfectè satisfacere per actus amoris, aliosque similes, cō quòd tales actus, ob dignitatem personæ, fuissent valoris infiniti. Supposito tamen quod Verbum nollet naturā Angelicam assumere, Incarnatio erat absolute necessaria, ad redimendos homines de rigore iustitiæ.

Quarta pars probatur. Nam ex eo quòd Verbum sit Incarnatum pro nobis, inprimis fides nostra certior redditur, spes magis erigitur, charitas erga Deum magis accenditur, efficacius ad bene operandum mouemur, ac denique plenius diuinitatem participamus, quàm si Verbum sumpsisset naturam Angelicam, inuisibilem, in qua nec pati pro nobis potuisset, nec nobiscum visibiliter cōuersari, vt fecit in natura humana: quare ob hanc aliasque non paucas rationes, quæ ex Patribus colligi possunt, fit vt Incarnatio fuerit necessaria, ex hypothesi quòd redemptio hominum facienda esset, modo convenientiori.

Resolutio II. Opera Christi habebant valorem sufficientem, in dō & infinitum ad satisfaciendum pro peccatis hominum, idque ex intrinseca sua dignitate.] Prima pars probatur, quia Christus de facto pro peccatis hominum satisfecit, eosque redemit à potestate dæmonis, vt fides docet, & aperte colligitur ex Scriptura Matth. 20. Filius hominis venit ministrare, & dare animam suam redemptionem pro multis. Roman. 3. Quem proposuit Deus propitiationem propter remissionem

DE CHRISTO. CAP. X. 241

missionem præcedentium delictorum, aliisque locis, ergo opera illius ad talem satisfactionem, & redemptionem erant sufficientia.

Hoc autem ita intellige 1. ut Christus non tantum pro culpa, sed etiam pro poena omnibus peccatis debita satisfecerit. Propter hanc enim præcipuè causam dicitur, nos eripuisse de potestate tenebrarum, & peccata nostra pertulisse in corpore suo super lignum, id est, poenas peccatis nostris debitas. 2. ut Christus pro omnibus satisfecerit ad sufficientiam, nullus enim est qui omnino careat auxiliis ad salutem necessariis, ea autem tribuntur ex Christi meritis. Quia tamen ea satisfactio non habet effectum nisi in prædestinatis, eò quòd alij in peccatis moriuntur: ideo Christus pro prædestinatis tantum dicitur satisfecisse, quoad efficaciam.

Secunda pars suadetur. Tum quia ex Paulo ad Rom. 5. opera Christi fuerunt digniora ad salvandos homines, quàm peccatum Adæ fuerit sufficiens ad eos perdendos, unde addit, ubi abundavit delictum superabundasse gratiam. Tum quia Clemens VI. in Extravagante Unigenitus, de poenitentis & remissionibus, docet infinitum esse thesaurum satisfactionum, & meritorum Christi, & unam guttam sanguinis illius fuisse sufficientem, propter unionem ad Verbum, pro redemptione humani generis.

Tertia pars est communis contra Scotum, & quosdam alios qui docent, satisfactionem Christi non fuisse ex se sufficientem, nedum infinitam ad satisfaciendum pro peccatis hominum, sed tantum ex acceptione divina,

Liber II.

L

Pro

Probatum autem, quia etsi opera Christi in se spectata præcisè, quatenus procedebant ab humanitate, essent valoris finiti, neque haberent proportionem cum iniuria diuina, ut tamen procedebant à supposito Verbi infinite digno, ut sic dignitatem & valorem infinitum participabant: quia scilicet dignitas satisfactionis augetur, iuxta dignitatem personæ satisfaciæntis, cum è contra iniuria augeri soleat, iuxta dignitatem personæ offensæ.

[Nota 1. ut satisfactio sit infinita, satis esse quòd procedat à persona ut infinita, tanquam à principio quod, etsi ab ea non procedat tanquam à principio quo. 2. satisfactionem Christi esse simpliciter infinitam, etsi peccatum erga Deum simpliciter infinitum non sit, ex infra dicendis; quia persona multò magis communicat suam dignitatem, & qualitatem actioni quæ ab illa fit, quàm actioni quæ circa illam fit. 3. satisfactiones Christi esse inæquales secundum se, æquales verò ut procedunt à persona Verbi.]

Resolutio III. Valor infinitus operum Christi merito referri debet in Verbum, ut sustentans humanitatem tanquam suppositum illius, & per eam operans.] Probatum 1. ex Patribus, qui valorem operum Christi ad nos saluandos; ex eo sumunt, quod Verbum ipsum agebat, patiebatur, se offerebat Patri, &c. At hæc illi propriè competeant, quatenus erat suppositum humanitatis, sic enim constituebat cum illa vnicum operans, offerens, & patiens, sicut fit in aliis suppositis, respectu naturæ quam sustentant.

Probatum 2. ratione, nam negari non potest

DE CHRISTO. CAP. X. 243

test quia iuxta moralem æstimationē, actiones suum pretiū, & valorē desumāt à dignitate personæ operantis. Ille enim est sensus communissimus omnium hominū quem planē eueriūt qui oppositum sentiūt. Cum ergo ex illo capite operationes Christi valorē infinitum sumere poterint, propter infinitā dignitatē personæ operantis, frustra agunt qui docent, totum valorē accipiendum esse à persona Verbi, qua parte tantū erat forma sanctificans humanitatem.

Dices 1. ex hypoth. si impossibili quòd Verbū sustentaret humanitatem, & ramen eam nō sanctificaret: illius operationes nullius essent valoris; ergo valor infinitus quē de facto habent, nō à sustentatione, sed à sanctificatione sumendus est. Verū id non sequitur, quia vt Verbum actu non eleuet operationem aliquam, ad valorē quem ex se illi tribuere potest, satis est quòd desit aliqua conditio ad meritum necessaria; at talis conditio deest in dicta hypoth. nempē sanctitas ipsius naturæ proximē operantis.

Dices 2. si valor operis cresceret in Christo, iuxta dignitatem personæ operantis, sequeretur à pari idem opus, eò ipso magis esse meritorium, quò fieret ab homine in maiori gratia constituto; consequens autem est absurdum; quia alias Deus unicuique non retribueret secundum opera eius.

Respondeo negando minorem, & ad illius probationem dicendum, id non sequi quòd infertur, eò quòd cum maior gratia hominem in quodam gradu excellentiori constitueret, idem præmium, iuxta moralem æsti-

mationem, non habet tantā adæquationem cum illo, quantā cum alio qui minori gratia sanctificante præditus est: unde fit, vt Deus hominibus in gratia inæqualibus propter idē opus tribuēs præmiū inæquale, verē dicatur vnicuiq; tribuere secundum opera eius; id est, secundum valorem, & æstimationem operis, prout ab eo elicitū.

Resolutio IV. Satisfactio Christi fuit ex vera, & rigorosa iustitia. J. Prior pars probatur ex Scriptura, quæ ait, nos à Christo emptos esse pretio magno; & redēptos, cumq; deleuisse chirographum quod erat contrarium nobis ipsumq; tulisse de medio, & cruci affixisse; atqui emere aliquid, redimere captiuos, delere chirographū, debitum soluendo, aliaque id genus spectant ad iustitiam veram & propriam. Cum ergo intelligamur de Christi satisfactione, negari non potest quin ea fuerit ex vera, & propria iustitia, vt etiam Patres ex iisdem locis obseruant.

Secunda pars ostenditur. Nam illa solet dici iustitia rigorosa, quæ est æqualis, ad alterum, quæ fit ex propriis, & aliās indebitis, quæque non ita fundatur, in gratia creditoris, vt pars aliqua debiti gratis remittatur. Atqui istæ omnes conditiones sufficienter reperiiri possunt in satisfactione Christi, ergo sine incommodo dici potest, eam fuisse ex rigore iustitiæ. Minor ostenditur per singulas partes; nam in primis quod Christi satisfactio sit æqualis; imò & superabundans, patet ex resol. 2.

Deinde, quod sit ad alterum, probatur, quia Christus vt homo sibi satisfecit vt Deo, atque adeo toti Trinitati quæ offensa fuerat: quamuis

DE CHRISTO CAP. X. 245

uis enim Christus ut Deus & homo, non haberet distincta supposita, habebat tamen duas naturas intellectuales, & liberas, quibus compete-
bant distincta iura, & dominia in proprias, operationes, quare quod offerebat secundum voluntatem unius poterat acceptare per vo-
luntatem alterius, & ita sibi ipsi satisfacere pro iniuria accepta. Quemadmodum Christus ut ho-
mo, sibi ut Deo obediebat, & seipsum orabat: etsi ad obediendum alicui, vel eum rogandum, non minus necessaria sit distinctio suppositi, quam illi satisfaciendum.

Nec refert, quod inter homines, iustitia sit ad alterum distinctum supposito, hoc enim non fit præcisè quia distincta sunt supposita, sed quia singula habent naturas distinctas, & domini a distincta, ut vel ex eo patet: quia iustitia non habet locum, quando iura distincta non sunt, ut inter patrem, & filium non emancipatum, esto distincta sint supposita.

Rursus, quod sit ex propriis, probatur, quia Christus ut homo, habebat verum & proprium dominium in suis actus, nec refert, quod tales actus essent etiam sub dominio Dei, hoc enim dominium est generale, & alterius rationis, quare non impedit quo minus vera iustitia inter Deum, & Christum intercedere possit, ut vel ex eo patet, quia aliàs cum Deus sit rerum omnium Dominus, iustitia commutativa non posset habere locum inter ipsos homines.

Præterea quod sit ex aliis indebitis, probatur, quia etsi posset Deus exigere aliunde à Christo satisfactiones omnes quas ei obrulit

non tamen de facto eas sic exegit, quare potuit Christus per illas Deo ex iustitia satisfacere pro peccato hominum. Quemadmodum potest seruus exhibendo signa honoris satisfacere suo domino pro iniuria ei illata, quamdiu dominus eiusmodi signa aliunde ab eo non exigit.

Denique, quod in satisfactione Christi pars aliqua debiti gratis remissa non sit, hinc perspicuum est, quia illius satisfactio, non modo fuit æqualis debito, sed etiam superabundans, ut constat ex supradictis. Quare ex eo etiam capite fuit de rigore iustitiæ, etsi inter homines oppositum contingat, quando creditor vnā partem debiti gratis remittit, & aliam pro totali solutione acceptat.

Nota quod etsi absolute, & citra omnem cō- uentionem, satisfactio fieri debeat à persona, quæ offendit, si tamen creditor contentus sit satisfactione ab alio oblata, tam perfecta & rigorosa erit satisfactio, quam si fieret ab ipso offendente: quia qui se offert illius personam sustinet, quod secundum moralem æstimationem perinde est, ac si ipsemet satisfaceret; unde dicitur, Christus factus in similitudinem carnis peccati, seu peccatoris, ut omnes saluaret.

Resolutio V. Non potuit purus homo condigne satisfacere pro peccatis hominum.] Est certa apud Theologos, cum euidenter sumatur ex Patribus Græcis, & Latinis, qui vulgò docent necessariam fuisse Verbi Incarnationem ad redimendos homines: nimirum ad æqualitatem, & ex perfecta iustitia; cum solum qui erat Deus, potuisset nos perfecte à peccatis

DE CHRISTO. CAP. X. 247

catis liberare, & similia: ex quibus manifestè colligitur, non potuisse purum hominem, aut quamcunque aliam creaturam offerre satisfactionem condignam, & ad æqualitatem pro peccatis hominum.

Ratio communior, & probabilior est, quia etsi malitia peccati simpliciter sit finita, ut ex ipsa distinctione specifica, & inæqualitate peccatorum satis colligi potest, & latius dicitur in Idea Theologiæ Moralis, ea tamen tanta est, ut dignitas satisfactionis à pura creatura exhibita, ei moraliter adæquari non possit. Cum enim Deus infinitis partibus dignitatem cuiusvis creaturæ superet, multò magis secundum moralem æstimationem, censetur ille contemni, per opus ipsius legi contrarium, quàm censetur honorari per quantumvis eximiam satisfactionem, ei à pura creatura oblatam. Siquidem gravitas offensæ ex vna parte spectari solet, secundum dignitatem illius qui offenditur, supra offendentem; dignitas verò satisfactionis ex alia, à persona satisfaciēte sumitur: quare cum nulla sit proportio inter puram creaturam, & Deum, hinc fit eam non posse illi offerri satisfactionem æquivalentem pro culpa, etsi alioqui finita quoad malitiam.

Dices, si peccatum simpliciter finitum est, cur non poterit pro eo homo adæquatè satisfacere, saltem obsequiorum multitudine, excellentia, & dignitate? Respondeo, quia cum satisfactio sit ordinis inferioris, per eam sufficienter compensari non potest offensa, quæ spectat essentialiter ad ordinem superiorem.

Initabis, res physicè superiores plerumque

compensantur per inferiores, verbi causa, aurum per argentum, ergo quòd offensa sit in altiori ordine, id non sufficit, vt per satisfactionem ab homine oblatam compensari non possit. Verùm negatur paritas, quia etsi aurum, & argentum physicè sint diuersi ordinis, moraliter tamen, seu quoad vsus humanos, sunt semper eiusdem ordinis. At offensa in morali æstimatione, sumit suum valorem à persona quæ offenditur, & satisfactio vice versà à persona satisfaciente; quæ semper infinire vilis est respectu Dei, adeoque omnino improporcionata vt ei condignè satisfaciat.

Dices 2. Potest homo iustus de potentia extraordinaria, mereri alteri de condigno gratiam, ergo & condignè pro illius peccato satisfacere. Non sequitur, quia etsi repenatur proportio inter opus iusti ex gratia ortum & gratiam, non tamen inter illius satisfactionem, & iniuriam, eo quòd idem opus spectatum vt satisfactorium, iam decrescit iuxta utilitatem personæ satisficientis, vt dictum est.

Resolutio VI. Non potest homo satisfacere Deo ad æqualitatem, pro peccato mortali proprio in quo, versatur.] Est communis & certa, quia aliàs non fuisset necessaria incarnatio ad perfectam hominum redemptionem, quisque enim pro se potuisset satisfacere. Est autem difficultas in assignanda ratione talis impotentiae. Nonnulli sic argumentantur. Non potest illa satisfactio esse perfecta, in qua non potest non interuenire, eius cui satisfacit liberalis & gratuita condonatio, qua

DE CHRISTO. CAP. X. 249

qua partem debiti remittit, atqui talis est satisfactio hominis, pro suo peccato mortali satisfaciens, ille enim satisfacere nequit nisi per aliquem actum supernaturalem ex gratia elicitum, atque adeò nisi ipsi gratis remittatur debitum carendi in perpetuum omni auxilio gratiæ, quod per peccatum contraxit.

Verùm hæc ratio facile reiicitur: quia ex ea sequeretur, satisfactionem Christi non fuisse æqualem, eò quòd homo merebatur priuari in æternum, non modo auxiliis gratiæ, sed etiam redemptore, hoc autem debitum fuit hominibus gratis remissum, antecedenter ad satisfactionem Christi. Deinde si hæc ratio valeret, sequeretur posse hominem saltem ex gratiæ auxilio, perfectè se liberare à tota peccati macula, sicque non fuisset necessaria incarnatio ad hominem redimendum ab ipso peccato, quod certò non debet admitti.

Meliùs ergo huius impotentia ratio ex præcedenti resolutione sumi potest. Nam si homo iustus non potest pro peccatis aliorum condignè satisfacere, multò minùs poterit peccator pro se satisfactionem æquivalentem offerre, quia cum sit Deo exosus, eius satisfactio non tam apta est ad eum placandum, quam satisfactio ipsi à iusto oblata.

Adde quòd si posset peccator dicto modo satisfacere: hoc fieret per actum amoris Dei, vel contritionis, quatenus aliqui existimant hos actus habere ex se vim formaliter expellendi peccata, sine noua condonatione, vel acceptance ex parte Dei; at eiusmodi sup-

L 5 positionem

positionem falsam esse constabit ex libro 4. ubi ostendemus contritionem, vel amorem Dei actualem non esse formam sanctificantem, & peccata expellentem, sed tantum dispositionem ad talem formam.

Dices, ille satisfacit ex iustitia, qui reddit quantum potest, at homo per actum contritionis, vel amoris Dei super omnia reddit quantum potest, ergo, &c. Respondeo satisfactionem illam esse ex iustitia quadam imperfecta, quatenus debitor non obligatur sub peccato amplius solvere, non autem ex iustitia perfecta, quia semper manet antiqua obligatio solvendi reliquum, quando vires tulerint.

CAPUT XI.

De substantia Incarnationis.

Resolutio I. Christi humanitas non est producta formaliter per ipsam Incarnationem.] Probat 1. quia illud quod presupponitur incarnationi, non est productum per incarnationem: At humanitas Christi fuit presupposita Incarnationi; siquidem incarnatio est actio unitiva, quæ versatur circa Christi humanitatem, ut eam realiter Verbo uniat, quare illam existentem presupponere debet, quemadmodum actio qua anima rationalis unitur corpori, presupponit ipsam animam iam existentem.

Secundò, actio qua humanitas substantialiter unitur Verbo, est intrinsecè supernaturalis, & tendit ad terminum supernaturalem; productio verò humanitatis est actio, quoad suam substantiam naturalis, sicut ipsa huma

DE CHRISTO. CAP. XI. 251

humanitas est quid spectās ad ordinē naturę: ergo incarnatio nō est productio ipsius humanitatis, sed ab ea formaliter distinguitur: cū eadē actio supernaturalis simul & naturalis esse nequeat.

Nota 1. quod eodem instanti temporis quo Virgo concurrit influxu materno, ad productionem humanitatis, ipsa humanitas fuit. Verbo vnita per actionem distinctam, atque ita Virgo mater Christi, seu hominis Dei facta est. Vnde non sequitur quod productio humanitatis, & vnio illius cum Verbo, sit vnica & eadem actio, sed tantum, quod sint duę actiones in eodem temporis instanti elicite.

Nota 2. animā rationalem prius natura existēre, quā subsistat, licet non prius tempore; creationem verò dici subsistētium, nō formaliter, sed consecutiue, quatenus res quę creatur, per creationem formaliter accipit existentiam ē nihilo, subsistentiam verò consequenter tanquam vltimum complementum substantialis existentie: vnde anima Christi prius natura extitit, quā Verbo vnita sit, adeoque per talem vnitionem non accepit existentiam.

Dices, humanitas Christi est producta, vt in Verbo existens, ergo vt ipsi vnita, atq; adeo productio humanitatis est formaliter ipsius vnio cum Verbo. Respondeo cum distinctione; est producta vt in Verbo existens, id est, ita vt eodem instanti temporis quo producta est, fuerit Verbo vnita conceditur: Ita vt ipsa productio habuerit formaliter pro termino eiusmodi vnionem, negatur. Nam productio terminata est ad existentiam humani-

tatis, vnitio verò seu Incarnatio ad vnionem illius cum Verbo.

Resolutio II. Humanitas Christi non existit per existentiam Verbi, sed per existentiam propriam.] Est communis contra Thomistas, tum quia intelligi nequit, quòd res aliqua sit entitas actu, per aliquid à se distinctum; tum quia Verbum assumpsit animam à Deo creatā, & corpus à Spiritu S. efformatum, adeoque actu existens in rerum natura; tum denique quia cū mater tribuat existentiam naturalem Filio, si humanitas Christi existeret per existentiam Verbi, sequeretur Virginem non esse matrem illius naturalem, sed potius instrumentum à Deo assumptum, ad effectum supernaturalem.

Dices 1. si actio Virginis terminata est ad existentiam naturalem humanitatis, quomodo est mater Dei? Respondeo, quia attingit vltimam dispositionem, qua posita Verbum vnitum est humanitati: sicut Philippus est pater Alexandri, etsi animam non attingerit; quia attingit vltimam dispositionem, qua posita, anima infusa est.

Dices 2. Patres sæpè docent, naturam humanam non habere in seipsa existentiam, sed in Verbo. Respondeo, eos qui ita loquuntur, non velle, humanitatem Christi formaliter existere, per existentiam Verbi, sed eam existere dependenter à Verbo, seu Verbo inexistere, vti loquuntur Theologi.

Nota, etsi in Christo non sit nisi vnum esse existentiae totale & completum, in eo tamen esse plures existentias veluti partiales; ad eam ferè modum quo, licet in homine sit

DE CHRISTO. CAP. XI. 253

vna simpliciter existentia, alia tamen est partialis existentia animæ, alia corporis.

Resolutio III. Vnio hypostatica non est facta in natura, ita scilicet vt ex vnione Verbi cum humanitate vna quædam natura resultauerit. Est de fide, contra Eutycherem: & illius assecclas qui dicebant, post vnionem non esse in Christo nisi vnâ naturam, quod tripliciter intelligi potest, vel ita vt natura diuina conuersa fuerit in carnem, vel ita vt natura humana in diuinam murata fuerit, vel tandem ita vt ex commixtione vtriusque naturæ, tertia quædam natura resultauerit, quemadmodum ex vnione plurium elementorum mixtum exoritur.

In eo igitur sensu resolutio negatiua fuit definita in variis Conciliis quorum verba apud recentiores videri possunt, sufficiat illud ex Conc. Chalceda act. 5. in Symbolo fidei Cōfitemur in nouissimis diebus Filium Dei vnigenitū in duabus naturis, inconfusè, immutabiliter, indiuisè, inseparabiliter agnoscendum, numquam sublata differentia naturarum propter vnionem. Similia habentur in aliis Conciliis, quibus subscribunt Patres Græci & Latini communi consensu, speciatim verò Leo epist. 10. ad Flavianū cap. ultimo, vbi relata professione Eutychetis: Miror, inquit, tam absurdam, tamque peruersam eius professionem, cum tam impiè duarum naturarum ante Incarnationem, vnigenitus Filius fuisse dicatur, quàm nefariè postquam Verbum caro factum est, natura in eo singularis asseritur.

Potest autem hæc veritas manifestè probari

ex

cò cò quòd Christus sit verus Deus, & simul verus homo, vt supra diximus, hoc autem falsum esset, si in illo facta esset naturarum transmutatio, aut confusio aliqua ex modis prædictis; nam si diuinitas esset mutata in humanitatem, diuinitas non existeret ad pròinde non posset Christus per eam denominari Deus, quare esset tantum homo: si autem humanitas esset conuersa in diuinitatem, Christus non esset homo, sed Deus propter similem rationem; quòd si ex diuinitate & humanitate tertia quædam natura esset composita, iam Christus neq; esset Deus, neque homo; sicut mixtum non est aqua vel aër, etsi ex eis coalescat. Cum ergo ex fide cõfiter, Christum esse Deum & hominem, hinc planè sequitur in eo esse formaliter vtramque naturam, diuinam & humanam.

Confirmatur quia natura diuina est essentialiter incorruptibilis, ingenerabilis, & omnino immutabilis, ergo repugnat quòd conuertatur in carnem, aut in aliquid tertium, quia iam corrumperetur, & desineret esse. Repugnat etiam quòd caro aut res alia cõuertatur in illà, aut totaliter, aut partialiter, quia sic generaretur, sicut generatur ignis, quando lignum in illum conuertitur. Quare necesse est fateri, naturam diuinam & humanam in Christo esse inconfusas, & impermixtas, modis prædictis.

Obiices. 1. illud Ioan. 1. Verbum caro factum est, ergo diuinitas fuit in carnem mutata. Non sequitur, sicut neque ex eo quòd Scriptura dicat, Christum factum esse peccatum, aut maledictum, consequens est eum

in

DE CHRISTO. CAP. XI. 255

in peccatum vel maledictum mutatum esse. Verbum igitur caro factum est, non conuersione diuinitatis in carnem, sed assumptione humanitatis in Deum, vt habet Athanasius in Symbolo.

Obiicies 2. illud Athanasij in Symbolo. Sicut anima rationalis, & caro vnus est homo, ita Deus & homo vnus est Christus; atqui in vno homine est vna natura, ergo & in Christo. Respondeo similitudinem in eo valere, quod sicut corpus & anima, etsi sint naturæ inter se non parum distinctæ, constitunt vnum hominem, ita diuinitas, & humanitas simul iunctæ, constitunt vnum Christum: non tamen opus est, vt quemadmodum ex corpore & anima, ita ex diuinitate & humanitate vna natura coalescat.

Resolutio IV. Vni Verbi cum humanitate facti est in persona, & in supposito.] Est de fide quod vtriusque partem, eo sensu, vt post vniionem Verbi cum humanitate, vna tantum repariatur persona in Christo, vnumque suppositum. Prior pars fuit definita in variis Conciliis contra Nestorium, aliosque hæreticos, qui ante & post illum docuerunt, in Christo esse duas personas distinctas, & vnā tantum ex illis esse verum Deum, aliam verum hominem. Sufficiat illud ex Symbolo Athanasij ab Ecclesia receptum. Qui licet Deus sit & homo, non duo tamē, sed vnus est Christus. Vnus omnino non confusione substantiæ, sed vnitae personarum: quibus verbis damnatur tam error Eutychetis, qui vnicā in Christo substantiam, seu naturam constiue-

bat,

bat, quàm error Nestorij, qui cum duplici natura duas personas agnoscebat.

Accedit ratio: nam cum Verbum dicitur caro factum, id non potest nisi altero ex his duobus modis intelligi vel quia Verbum conuersum est in carnem, vel quia hypostaticè est illi unitum; at prior modus reiectus est, ergo posterior amplectendus, unde concluditur intentum; nam si Verbum est unitum hypostaticè carni, sequitur eam esse destitutam proprio supposito, & ita unicam tantum in Christo esse personam: cum repugnet aliquam naturam simul terminari proprio supposito, & alieno ex infra dicendis.

Dices 1. Paulus innuit in Christo duas esse personas, cum ait 1. Cor. 3. Deus erat in Christo, mundum reconcilians sibi: & Philipp 2. In similitudinem hominum factus, & habitu inuentus ut homo. Respondeo, longè aliam esse mentem Apostoli, nam per priora Verba vult tantum, Deum Patrem esse in Christo, per circuminfessionem; qua ratione una persona non est in alia quæ non sit Deus. Per posteriora autem significat, Filium Dei esse similem in specie aliis hominibus, Verbumq; in se immutatum manens, assumpsisse humanitatem, sicut homo vestes induit, sine vlla sui mutatione substantiali.

Dices 2. natura diuina & personæ non distinguuntur realiter in Verbo; ergo si unio facta est in persona, etiam in natura. Respondeo hinc tantum sequi, naturam diuinam esse unitam humanæ, & eo sensu unionem factam esse in natura, quod nos faciliè admitimus: non tamen sequitur, quod post unionem

ncm

DE CHRISTO. CAP. XI. 257

nem non sit nisi vna natura , sicut non est nisi vna persona.

Posterior pars facile probatur, quia persona & hypostasis, seu substantia non distinguuntur conceptu intrinseco, sed tantum connotato, quatenus persona connotat naturam rationalem; at verò hypostasis, seu substantia est terminus cuiusvis substantiæ indiuiduæ, & completæ, siue ea sit intellectualis, siue non, Cum ergo vnio facta sit in persona, sequitur eam etiam factam esse in hypostasi, seu supposito.

Dices, in Christo est aliud, & aliud, ergo in eo distincta sunt supposita, & consequenter vnio non est facta in supposito. Respondeo negando priorem consequentiam, vt enim in Christo sit aliud, & aliud, sufficit distinctio naturarum cum vnitatē suppositi, vt patet ex eo quod est contrario Theologi communiter negant in Trinitate aliud, & aliud, propter vnitatem naturæ, esto distincta sint supposita.

Resolutio V. Aliquo sensu admitti potest, personam Christi post vnionem esse compositam.] Probatur, nam ex vnione Verbi cum humanitate resultat aliquid vnum per se, nempe homo, seu subsistens in natura humana, quod cum nequeat esse omnino simplex, sequitur esse aliqua ratione compositum, atque hic loquendi modus est frequens in Conciliis, & Patribus.

Dices, si Christus est compositus, debet coalescere ex partibus, itemque ex actu, & potentia; at hoc repugnat, ergo, &c. Respondeo negando maiorem absolutē spectatam, sufficit

ficit enim ad compositionem, quod fiat ex entitatibus distinctis, quales sunt Verbum, & humanitas; esto in compositione rerum naturalium prædictus defectus reperiatur.

Dices 2. si Christus est compositus, sequitur eum esse sua componentia, quod tamen damnatum fuit in Concilio Constantiensi, contra Ioannem Hus. Respondeo eum esse sua componentia collectivè, non autem divisiuè, vt. falso putabat prædictus hæreticus.

Dices 3. si post Incarnationem persona Christi est composita, ergo non est eadem persona quæ erat antea, siquidem antea nõ erat persona composita Respondeo eam personam cõpositã quæ resultat ex vnione, fuisse prius in ratione personæ; unde est eadẽ simpliciter, etsi non sit eadem secundum quid, seu in ratione compositæ.

Ex dictis collige 1. terminum principalem, seu adæquatum incarnationis, etsi sit substantialis, non esse tamen naturam aliquam substantialem ex diuinitate, & humanitate constitutam; cum in Christo Domino post Incarnationem, illæ naturæ integræ, & inconfusæ permanserint: sed ipsummet Christum, quatenus est vna persona subsistens in duabus naturis, diuina scilicet, & humana.

Collige 2. terminum formalem, qui, incarnationis esse humanitatem, vt Verbo vnitam, at verò terminum formalem, quo esse ipsam vnionem: siquidem incarnatio est formaliter actio, qua Verbum fit homo, ergo formalis terminus illius est humanitas, vt. Verbo vnita; & quia non fit homo, nisi mediante vnione,

DE CHRISTO. CAP. XI. 259

vnione, hinc ipsa vnio dici potest terminus formalis, quo, seu minus principalis.

Resolutio VII. Per Incarnationem actiue sumptam aliquid producit in humanitate, per quod ipsa Verbo vnitur, illud autem non est qualitas, aut influxus actiuis, vel mera relatio, sed modus quidam substantialis, qui vnio appellatur.] In primis quod aliquid producat patet, quia vix potest concipi, duas res distinctas de nouo inter se vniri, & vnum per se constituere, nisi saltem altera illarum in se mutetur, & aliquid de nouo recipiat: idem enim manens idem aptum est tantum constituere idem: cum ergo Verbum mutari nequeat, ea mutatio in ipsa humanitate contingere debet.

Deinde quod receptum in humanitate non sit qualitas, patet, quia hæc est accidens quod non potest concurrere nisi ad faciendam vnionem accidentalem, & consequenter ad constituendum vnum per accidens; at certum est hanc vnionem esse substantialem, & per eam constitui vnum per se.

Rursus quod non sit influxus actiuis, probatur, quia actenus inauditum fuit apud Theologos, influxum aliquem physicum posse à Verbo procedere, qui non sit communis Patri, & Spiritui sancto; quia cum operetur ad extra per voluntatem, quæ vna est in omnibus personis, sequitur non posse effectum aliquem ab eo prodire, qui Patri, & Spiritui sancto non conueniat. Vnde illud est ab omnibus receptissimum, opera Trinitatis ad extra sunt indiuisa.

Præterea quod non sit mera relatio constat, tum quia ad relationem non datur per se

motus, sed ad aliquid absolutum; unde ipsa resultat; tum quia relatio vniri supponit res esse unitas, & ex ipsa vnione extremorum resultat.

Tandem quod sit modus quidam vnionis in humanitate receptus, ex dictis colligitur, nam cum illa debeat in se aliquid recipere de nouo quo vnatur Verbo, illudque non sit qualitas propriè dicta, aut mera relatio, aut actio, sequitur esse modum quendam inexistentiæ, cum nihil aliud concipi possi, cui id muneris tribuatur.

Dices 1. humanitas immediatè vnitur Verbo, iuxta Patres, ergo non media aliqua re, aut modo. Respondeo humanitatè vniri Verbo immediata è quatenus non vnitur illi medio aliquo termino, esto illi vnatur medio aliquo nexu qui sit ratio vnendi. Idem patet in anima rationali quæ immediatè vnitur corpori, cū non medio aliquo nexu.

Dices 2. Verbum supplet vices substantiæ creatæ, at hæc vnitur sine vlio modo intermedio, ergo & Verbum. Non sequitur, nam ipsa substantia creatæ est intrinsecè modus nature, quare per se illam modificat: Verbum autem est res planè distincta ab humanitate; quare hæc indiget modo aliquo, per quem Verbo vnatur, eique inexistat.

Resolutio VII. Vnio hypostatica est substantialis, potestque dici omnium maxima, tam in ratione vnionis, quàm in ratione doni. Prima pars est certa, & communis contra Durandum, & Paludanum. Probari autem potest 1. ex Conciliis & Patribus, qui disertè prædictam vnionem esse substantia-

DE CHRISTO. CAP. XI. 261

lem farentur. Secundo ratione, nam per Incarnationem Verbum factum est homo, quod dici non posset, nisi substantialiter esset unitum humanitati; siquidem homo est ens substantiale, & per se, quod ex vnione accidentali constare nequit.

Confirmatur, nam homo dicit naturam, suppositum; quare non sufficit, quod corpus & anima in Christo vniantur substantialiter inter se, sed præterea requiritur, vt Verbum ipsum humanitati substantialiter unitum sit.

Dices 1. ex duobus entibus perfectis non potest fieri, nisi vnum per accidens, ac proinde non potest inter illa reperiri nisi vnio accidentalis, ergo Verbum & humanitas non possunt vniri substantialiter. Respondeo humanitatem esse incompletam, cum propria personalitate careat.

Dices 2. Quod vnitur alicui, tanquam instrumentum illius, vnitur illi accidentario: at humanitas vnitur Verbo, tanquam instrumentum illius; ergo accidentario. Respondeo maiorem veram esse de eo, quod vnitur alicui vt merum instrumentum illius non autem de eo quod etiã ei vnitur, vt eandem personam constituat, vt fit in proposito.

Dices 3. Patres agentes de Incarnatione, eam explicant per varias similitudines rerum, quæ inter se non, vniantur nisi accidentario; nimirum ferri candentis, rami, trunco distinctæ arboris insiti, contrahentium matrimonium, &c. Respondeo similitudines illas non afferti tanquam perfecte exprimentes mysterium incarnationis, sed vt quædam illius proprietates nobis innotescat. Nam per primam in-

intelligimus humanitatem à Verbo illustrari, & vivim agendi ab eo accipere: per secundam, humanitatem posse Verbo uniti, etsi sit natura à Verbo omnino diversa: per tertiam, humanitati quodammodo communicari perfectiones Verbi, sicut vir sua statera, & nobilitatis titulos uxori communicat.

Nota etsi substantiale, & essenziale pro eodem passim usurpari soleat, unionem istam non esse vocadam essentialem, quia eo loquendi modo indicaretur, eam factam esse in essentia, seu natura non in persona. Et licet non raro naturale usurpetur pro vero & reali, dicendum non est, unionem prædictam esse naturalem, ne videatur negari esse supernaturalem. Cum tamen illa sit in humanitate, tanquam in subiecto, dicendum est, eam esse aliquid creatum, etsi essentialiter respiciat Verbum, quod est increatum.

Secunda pars probatur, quia ea maior est unio, ex qua resultat compositum magis unum; at compositum resultans, ex Verbo & humanitate unitis, est magis unum quam alia quæcunque, cum nihil possit cogitari simplicius Verbo, quodque ex consequenti alteri extremo intimius coniungi possit.

Dices, ex unione animæ rationalis & corporis, fit unum compositum unitate essentiae & personæ, ergo unio illa maior est unione Incarnationis, in qua fit unum duntaxat unitate personæ. Respondeo dictam unionem esse extensivè maiorem unione hypostatica, hanc vero illa esse perfectiorem extensivè, eo quod anima tam intimè coniungi nequit corpori, quam Verbum humanitati.

DE CHRISTO. CAP XII. 26;

Tertia pars faciliè suadetur, quia datur humanitati persona ipsa Verbi, ei que intimè vnitur, vt eam sustentet in ratione suppositi, & cum illa vnum per se cōstituat; quod multo maius est, quàm Deo vniri per gratiā aut per visionē beatificam. Confirmatur nā nulli creaturæ quāvis perfecte, etiā si gratia valde intēsa pręditur, vt visione Dei fruatur, debetur vnio hypostatica.

Cōtra verò eò ipso quòd humanitas est vnita Verbo, debetur illi gratia quodāmodo infinita, & beatitudo essentialis, ergo signum est vnionem hypostaticam esse donum lōgē aliis perfectius.

Dices: Eucharistia videtur maius donum. Respōdeo esse maius extensiuè, quia Christus se totum dat omnibus; vnde Eucharistia dicitur extensio Incarnationis, at verò intensiuè est minus, quia in Incarnatione Verbum vnitur humanitati substantialiter, & hypostaticè, in Eucharistia verò coniungitur nobis secundum præsentiam localem duntaxat.

CAPVT XII.

*De vtroque extremo vnionis hypostaticę,
vt ea de facto peracta est.*

RESOLUTIO I. Inter personas diuinas solum Verbum est Incarnatum.] Est de fide, definita in variis Conciliis, & à sanctis Patribus, & Doctoribus Catholicis asserta, contra Sabelianos qui cum existimarent, tres personas Trinitatis nō distingui inter se realiter, sed solo nomine; cōsequēter docebāt omnes esse incarnatas.

Potest

Potest autem ex eo sufficienter probari, quòd Scriptura sacra incarnationis solius Verbi meminit. Cùm enim hoc sit præcipui momenti, id non prætermisisset, sicut neq; alia necessaria ad credendum; quia verò id pender à voluntate diuina, demonstrari non potest. Mariæ tamen conceptioni afferri possunt, cui potius decuerit Verbum incarnari, quàm alias personas.

S. Th. 3. p. q. 3. art. 8. tres adducit à concionatoribus obseruandas, 1. est, quia cùm omnia per Verbum facta sint, æquum erat vt per illud restaurarentur, 2. quia cùm regnum coeleste non datur, nisi filiis adoptiuis, conueniens erat vt homines, participarent hanc filiationem, per eum qui est filius Dei naturalis 3. quia peccauerat homo, appetendo scientiam inordinate, sicque recesserat à Deo, congruum fuit vt per Verbum veræ sapientiæ reduceretur ad Deum. 4. addi potest, quia non erat inconueniens, quod qui erat filius ab æterno, fieret filius in tempore: ac non ita congruebat, quòd Pater, aut Spiritus S. esset Filius Et 5. decebat enim vt ipsemet Filius, qui est persona veluti media inter Patrem & Spiritum S. fieret mediator inter Deum, & homines.

Dices, opera Trinitatis ad extra sunt diuisa, seu conueniunt tribus personis. Distinguo, si per opus intelligas. influxum actiuum, concedo id esse commune tribus personis, si verò rationem terminandi, nego; non enim spectat ad naturam, reddere rem incommunicabilem, sed est munus suppositi vt sic: quare cùm suppositum Verbi sit realiter ab aliis

DE CHRISTO. CAP. XII. 265

aliis distinctū, nō mirum est quōd aliquid ei cōueniat in ratione termini, quod aliis nō cōpetit.

Quo loco aduerte 1. licet Pater & Spiritus S. propriè non sint vniti naturæ humanæ, eos tamen in illa existere modo speciali, propter identitatem cum natura diuinā: quatenus si per impossibile, ratione inmensitatis in ea non præ-existerent, vi nouæ vnionis inciperent in illa existere per concomitantiam, cum à Verbo separari non possint.

Aduerte 2. Patrem & Spiritum sanctum esse per concomitantiam immediatè in humanitate Christi connaturaliter existente, quia idem sunt quoad naturam cum Verbo, quod in illa est per se primo: esse verò per concomitantiam tantum mediatè, in eadem vt existente in Eucharistia, quia scilicet Verbum non est in ea per se primo, sed tantum immediatè per concomitantiam, vt suppono ex materia de Eucharistia.

Resolutio II. Verbum diuinum terminauit naturam humanam ratione alicuius relatiui, non absoluti. Est communis contra Durandum, sumiturque euidenter ex Conciliis quæ docent, Filium assumpsisse humanitatem in singularitate personæ, & in eo quod proprium est Filij, itemque vnionem non esse factam in eo quod commune est Trinitati.

Probatum autem 1. quia si Verbum diuinum terminaret naturam humanam, secundum aliquid absolutum, & commune tribus personis, sequeretur tres personas esse Incarnatas: cum enim illud commune non magis Verbo, quàm aliis personis conueniat, non

Liber II.

M

Magis

magis Verbum ratione illius dici debet vnitum humanitati, & Incarnatum, quàm reliquæ personæ.

Dices nõ sequi, quia non est facta vnio ad personalitates Patris, aut Spiritus S. sed tantum ad personalitatem Filij. Sed contra, nam id sufficit vt tres personæ sint incarnatæ, in quantũ Deus; vnde vlteriũs sequitur, Patrem simpliciter Incarnatum esse, sicut simpliciter dicitur, Patrem creare et si non creet, nisi vt Deus est.

Probatũr 2. quia Verbum diuinum per id facit naturam humanam subsistere, per quod ipsũ subsistit; atqui ipsum subsistit per quid relatiuum, non per absolutum, ergo &c. Hinc sequitur Verbum terminare naturam humanam per aliquid relatiuum, quia eatenus illam terminare dicitur, quatenus facit eam subsistere, supplendo vices subsistentiæ creatæ.

Probatũr 3. specialiter contra Durandum, nam ille putat humanitatem habere duplicem vnionem, aliam qua vnitur naturæ diuinæ, aliam qua vnitur Verbo; hoc autem inauditum est apud Patres, & Theologos, qui vnam tantum vnionem in mysterio Incarnationis agnoscunt; ex parte Dei.

Neque refert quod, ex communi sententia, humanitas non tantum sit vnita personalitati Verbi, sed etiam naturæ diuinæ; hoc enim factum non est per duas vniones distinctas, quarum vna præexigatur ad aliam, vt vult Durandus, sed per eandem vnionem primariò ad personalitatem Verbi, secundariò verò ad naturam diuinam, quæ ipsi perfectè identificatur, terminatam.

Dices

DE CHRISTO. CAP.XII. 267

Dices, homo est ens absolutum, at si Christus constituitur hic homo, per aliquid relatiuum, non est ens absolutum, ergo non potest eo modo constitui. Respondeo, etsi Christus præcisè ut est persona, sit quid relatiuum, tamen ut hic homo, est quid absolutum; quia sic constituitur humanitate, quæ est quid absolutum.

Resolutio III. Verbum assumpsit veram animam humanam & rationalem, verum etiam corpus ex carne & ossibus constans, itemque sanguinem, aliosque humores.] Prima pars est de fide contra Arianos, qui asseriebant in Christo Verbum fuisse loco animæ, & contra Apollinarem tribuentem Christo animam duntaxat sentientem. Potest autem probari, 1. ex script. sacra, quæ varios tribuit Christo affectus, qui nequeunt illi competere, nisi ratione animæ humanæ, ut cum dixit Christus Ioan. 10. Nunc anima mea turbata est, & Matth. 26. Tristis est anima mea usque ad mortem.

Item ex plerisque Conciliis, & Patribus, qui aduersus prædictos hereticos eam cōstāter defendūt. Nobis, sufficiat illud ex Symb. Athan. ab vniuersali Eccl. receptum, & approbatum. Perfectus Deus, perfectus homo, ex anima rationali, & humana carne subsistens, vbi de Christo agitur.

Ratio idipsum suadet, nā ex fide cōstat. Verbū esse verum hominē, at nō esset verus homo sine anima rationali. Deinde Verbū assumpsit naturā humanā, ut pro nobis oraret, mereretur, & satisfaceret: at hæc exigunt libertatē, & rationē.

Dices, nonne Verbum potest corpus viuificare? ergo frustra ponitur anima. Respon-

M

2

deo,

deo, Verbum non posse corpus viuificare, vt requiritur ad essentiam hominis, nempe sub ratione formæ intrinsecæ, quæ in eo sit principium operationum vitalium, sed tantùm in genere causæ efficientis, quod non satis est.

Secunda pars est etiam de fide, fuitque olim definita in nonnullis Conciliis contra varios hereticos, qui de Christi corpore malè senserunt. Sumitur autem ex Scriptura Ioan. 1. Et Verbum caro factum est. Luc. 24. Palpare, & videre, quia spiritus carnem, & ossa non habet.

Accedit ratio, nam non modò anima, sed etiã corpus organicum constans carne & ossibus, spectat ad essentiam naturæ humanæ; quare cum Verbum diuinum veram naturam humanam assumpserit, negari non potest, quin verum corpus humanum constans ex carne, & ossibus sibi copulauerit.

Dices ex Apostolo 1. Cor. 15. Primum hominem de terra fuisse terrenum, & secundum de cœlo, cœlestem, at primus homo verè ex terra compactus erat, ergo & secundus ex materia cœlesti. Respondeo, ex sententia Patrum, Christum vocari hominem cœlestem, siue quia cœlestem vitam duxit, cùm esset beatus, & planè impeccabilis, siue quia corpus illius, per operationem cœlestem fuit mirabiliter formatum in Virgine Verboque vnitum.

Tertia pars est communis contra Durandum, & quosdam alios, probaturque, tum ex Clement. VI. in Extrauagante, Vnigenitus, de pœnitentiis & remissionibus, vbi declarat vnã guttam sanguinis Christi, propter vniõnem ad Verbum suffecisse ad redimen-

DE CHRISTO. CAP. XII. 269

dos homines: tum quia Verbum assumpsit naturam perfectam & integram, atque adeò constantem partibus omnibus, quæ spectant ad integritatem illius, qualis sine dubio est sanguis, cum sine illo homo neque operari, neque vivere possit. Cæterum quia non est ratio, cur potius una pars sanguinis assumpta sit, quàm alia, dicendum est totum fuisse assumptum. Et quod de sanguine asserimus, affirmandum est de rore, & cambio, ob paritatem rationis; Quod ut intelligas.

Nota, sanguinem, ex communi sententia Medicorum sub ea forma sanguinis qua est in venis. nō mutari proximè & immediatè in carnem, nervos, ossa, aliasque corporis partes, sed in quādam substantiam puriorem & deſecatiore, quæ initio transmutationis dicitur ros, in progressu verò cambium; in fine, gluten, quod propriè iam est substantia viva ipsius animalis.

Dices, quod Verbum semel assumpsit, nunquam dimisit; at dimisit varias partes sanguinis, quæ manserunt apud homines post resurrectionē. Resp. pronunciatum illud debere intelligi, de præcipuis humanitatis partibus, quæ Verbum nunquam dimisit ex integro, non de quibuslibet earum particulis: cum per continuā actionem caloris naturalis, aliæ & aliæ partes substantiales è corpore Christi effluerint.

Quarta pars ostenditur, quia alij humores pertinent ad integritatem corporis humani, unde ex communi sententia, in corporibus beatorum reperientur: & eadem ratio probat assumptos spiritus vitales & animales,

maximè cum sint instrumenta valde necessaria ad sensationes, aliaque vitales operationes exercendas: itemque dentes, ungues, & capillos.

Resolutio IV. In assumptione humanitatis nulla intercessit temporis duratio: aliquis tamen ordo naturæ inter partes assumptas servatus fuit.] Prior pars probatur, nam in primis anima Christi non exiit prius tempore, quam unita sit corpori, ut fides docet contra Origenem; & ratio est, quia cum Christus sit verus homo, habet animam eiusdem rationis cum animabus aliorum hominum; quæ proinde postulat eundem productionis modum; atqui aliæ animæ cum sint essentialiter formæ, ex natura sua postulant creari, simulque infundi corporibus quæ ab ipsis informari debent; ergo idem dicendum de anima Christi.

Deinde non prius tempore exiit Christi anima, quam unita sit Verbo, siquidem in eodem instanti quo illa exiit, fuit unita corpori, & consequenter exiit humanitas; hæc autem non prius tempore esse debuit, quam Verbo uniretur, quia aliàs Beata Virgo non esset mater Dei; quare Christi anima fuit unita Verbo, eodem instanti temporis quo creata fuit.

Rursus corpus Christi non prius exiit, quam fuerit animæ unitum, fuit enim in instanti formatum ex purissimo Virginis sanguine, per virtutem Spiritus sancti; adeoque tunc animâ informatum fuit, ad modum quo alia hominum corpora informantur, statim atque perfectè formata sunt, organisque distincta,

DE CHRISTO CAP. XII. 271

stincta, quantum satis est ad receptionem animæ : unde cum in eo instanti extiterit humanitas, que nunquam fuit, vel cum propria substantia, vel sine substantia Verbi, cōsequēter corpus Christi non prius tempore extitit, quam Verbo unitum fuerit. Ex his autem collige animam Christi non prius fuisse unitam corpori, quam Verbo, aut vice versa, item corpus illius non prius fuisse unitum animæ, quam Verbo, vel è cōtrā,

Posterior pars declaratur, Nam primò ordine intentionis, anima rationalis prius natura fuit à Verbo assumpta, quam caro, sicut enim ordine intentionis, prius assumpta est humanitas, quam anima, & caro, ita anima prius quam corpus, eò quòd per se longè est nobilior corpore, nec videtur corpus assumptum nisi ut per illud, & in illo Christus operationes animæ exercere posset. Secus dicendam de ordine executionis, nam assumptio animæ supponit illius creationem, & animæ creatio supponit corpus, cui infundatur, productum, & organis distinctum, propriamque ex se substantiam exigens; quare cum Verbum talem substantiam in corpore suppleuerit, prius illud sibi uniuert, quam animam.

Secundò, licet ordine intentionis, natura humana prius assumpta sit, quam partes illius, ordine tamen executionis, prius assumptæ sunt partes, quam humanitas. Siquidem quoad executionem, caro prius fuit Verbo unita, quam animæ, & anima prius Verbo, quam carni, eò quòd anima rationalis petit subsistere independentè à corpore, & corpus independentè ab anima, Verbumque vtriusque

subsistentiam supp. euit: ordine igitur executionis, prius partes illæ assumptæ sunt, quàm inter se vnitæ, adeoque prius quàm existeret aut assumpta esset humanitas. Confirmatur, nam si humanitas per se primò, quoad executionem assumpta est, & partes non nisi ratione illius, planè sequitur, ablata vnione Verbi cum ipsa humanitate destrui etiam vnionem illius cum corpore, & anima, cuius tamen oppositum in tri-
duo mortis Christi contigit.

CAPVT XIII.

*De nonnullis qua circa vnionem hypostaticam
de possibili considerari possunt.*

Resolutio I. Alia natura rationalis specie ab humana distincta, nempe Angelica, itemque irrationalis, verbi causa, Aquilæ aut Leonis, à Verbo hypostaticè assumi potuit.] Prior pars est communis contra Albertum Magnum, potestque probari tum ex Paulo, qui cum ad Hebræos 3. ait, Verbum non apprehendisse Angelos, sed semen Abrahæ, satis indicat, vnionem personalem Verbi cum natura Angelica, esse possibilem, tum quia si Verbum potuit impedire, quominus suppositum resuleret in natura humana, eamque sibi copulare, quidni idem præstare potuit in natura Angelica?

Dices, natura Angelica non distinguitur ab ipsius supposito, quare si ea assumeretur, consequenter assumeretur illius suppositum, quod impossibile est. Verum distinctio modalis sufficit, vt suppositum possit à natura
Angeli

DE CHRISTO. CAP. XIII. 273

Angeli aut tolli, aut impediri, ut sit in anima rationali à Verbo assumpta.

Posterior etiam pars est communis contra *Aleasem*, *Bonauenturam*, & paucos alios, probaturque hac ratione, quia non minus natura irrationalis potest ex se priuari propria substantia, quàm rationalis, & aliunde Verbum non habet minorem vim ad vnâ substantiâ, quàm aliam. Confirmatur, quia Verbum sibi vniuit corpus humanum, illudque terminauit etiam in triduo mortis, ergo à pari, vel à fortiori, potuit vniri hypostaticè alicui naturæ irrationali, præsertim viuenti, cum hæc, ut sic, ratione præstantioris formæ, sit nobilior mortuo hominis corpore.

Dices 1. natura irrationalis non potest videre Deum, ergo nec illi hypostaticè vniri. Non sequitur, quia videre Deum dicit actum vitalem intellectus, qui non competit nisi intellectu præditi: terminari verò dicit existentiam in alio, quod dici potest de re quæ intellectu caret, ut patet in Christi corpore mortuo.

Dices 2. illud fieri non potest, quod maxime dedecet sapientiam Dei, quale est quòd persona diuina vnatur naturæ irrationali, quia sic Deus esset brutum. Resp. etsi iuxta sapientiam humanam indecens videatur, quòd Deus assumat naturam bruti, ipse tamen ad id posset moueri variis rationibus nobis ignotis, & ex infinito suæ sapientiæ thesauro depromptis, & quamuis in ea hypothese esset communicatio idiomatum inter Deum, & naturam assumptam, modeste tamen & verecundè ut tantam maiestatem

M 5 decet,

mant, ubi per hominem intelligit humanitatem, cum nequidem vna persona diuina possit hominem assumere. Respondeo, Anselmum tantum velle non posse plures personas eandem humanitatem assumere, in vnitatem personæ; quod certissimum est; quia etsi assumerent, illæ personæ manerent distinctæ inter se, neque in vnā personam coalescerent.

Resolutio III. Abstractis per intellectum personalitatibus, natura diuina non potest assumere humanitatem.] Probat, quia si à natura, vt iam existit, præscindas proprietates relativas, nihil superest cui munus assumendi, & hypostaticè terminandi naturam humanam competere possit; siquidem natura diuina, sic præcisa à subsistentiis relatiuis, non habet aliquam subsistentiam communem, vt c. 3. huius libri ostendimus: quare fieri nequit quod naturam humanam terminet hypostaticè, cum eiusmodi terminatio sit proprius, & formalis effectus solius subsistentiæ.

Dices, natura diuina præcisis personalitatibus, cū sit infinitè perfecta, continet eminenter perfectionē subsistentiæ creatæ: ergo fieri potest, vt natura humana per eā subsistat. Verum hoc nō sequitur, quia agimus de subsistentia, per quam res formaliter subsistit; quod concipi non potest sine formali subsistentia: sicut neque quod paries sit formaliter albus, sine formali albedine. Cū ergo in natura diuina, vt sic, non habeat locum formalis subsistentia, repugnat quod natura humana per illam formaliter subsistat.

Quæret aliquis, an si esset in Deo subsistentia communis, posset natura humana per eam

DE CHRISTO. CAP. XIII. 277

terminari hypostaticè. Respondeo 1. in data hypothesis, posse naturam humanam eo sensu à diuina terminari, vt per eam subsisteret; ratio est, quia substantia illa absoluta esset infinita in ratione subsistentiæ, & per eam Deus ipse subsisteret. Quidni ergo per eandem posset natura humana subsistere? Confirmatur, nam subsistentia personalis seorsum spectata, potest sustentare humanitatem, vt fides docet, ergo idem posset subsistentia absoluta, si in Deo existeret.

Respondeo 2. humanitatem in dicto casu, non constituendam in ratione personæ; siquidem subsistentia illa communis non plus posset cum natura humana, quàm cum diuina; atqui non constitueret personam cum natura diuina, quia persona est suppositum rationale, & incommunicabile cuius alteri supposito, natura autem diuina, etiam vt affecta communi subsistentia, communicaretur tribus suppositis, seu personis distinctis, ergo eadem non posset cum natura humana personam constituere, hæc enim vt affecta tali subsistentia esset communicabilis tribus personis.

Dices, ergo in ea hypothesis esset hic homo subsistens, qui tamen non esset persona, quod videtur repugnās. Verum id nō magis repugnaret in homine, quàm in Deo, qui in dicta hypothesis esset hic Deus subsistens per subsistentiā communem, nec tamen vt sic esset persona. Dico vt sic, nam cum subsistentia communis non distinguatur à reatiuis, hic Deus à parte rei esset tres personæ, quod similiter de hoc homine in dicto casu dicendum esset.

Reso

mant, ubi per hominem intelligit humanitatem, cum nequidem vna persona diuina possit hominem assumere. Respondeo, Anselmum tantum velle non posse plures personas eandem humanitatem assumere, in vnitatem personæ; quod certissimum est; quia etsi assumerent, illæ personæ manerent distinctæ inter se, neque in vnam personam coalescerent.

Resolutio III. Abstractis per intellectum personalitatibus, natura diuina non potest assumere humanitatem.] Probat, quia si à natura, vt iam existit, præscindas proprietates relatiuas, nihil superest cui munus assumendi, & hypostaticè terminandi naturam humanam competere possit; siquidem natura diuina, sic præcisa à subsistentiis relatiuis, non habet aliquam subsistentiam communem, vt c. 3. huius libri ostendimus: quare fieri nequit quòd naturam humanam terminet hypostaticè, cum eiusmodi terminatio sit proprius, & formalis effectus solius subsistentiæ.

Dices, natura diuina præcisis personalitatibus, cū sit infinitè perfecta, continet eminenter perfectionē subsistentiæ creatæ: ergo fieri potest, vt natura humana per eā subsistat. Verum hoc nō sequitur, quia agimus de subsistentia, per quam res formaliter subsistit; quod concipi non potest sine formali subsistentia: sicut neque quòd paries sit formaliter albus, sine formali albedine. Cū ergo in natura diuina, vt sic, non habeat locum formalis subsistentia, repugnat quòd natura humana per illam formaliter subsistat.

Queret aliquis, an si esset in Deo subsistentia communis, posset natura humana per eam

DE CHRISTO. CAP. XIII. 277

terminari hypostaticè. Respondeo 1. in data hypothesisi, posse naturam humanam eo sensu à diuina terminari, vt per eam subsisteret; ratio est, quia substantia illa absoluta esset infinita in ratione subsistentiæ, & per eam Deus ipse subsisteret. Quidni ergo per eandem posset natura humana subsistere? Confirmatur, nam subsistentia personalis seorsum spectata, potest sustentare humanitatem, vt fides docet, ergo idem posset subsistentia absoluta, si in Deo existeret.

Respondeo 2. humanitatem in dicto casu, non constituendam in ratione personæ; siquidem subsistentia illa communis non plus posset cum natura humana, quàm cum diuina; atqui non constitueret personam cum natura diuina, quia persona est suppositum rationale, & incommunicabile cuius alteri supposito, natura autem diuina, etiam vt affecta communi subsistentia, communicaretur tribus suppositis, seu personis distinctis, ergo eadem non posset cum natura humana personam constituere, hæc enim vt affecta tali subsistentia esset communicabilis tribus personis.

Dices, ergo in ea hypothesisi esset hic homo subsistens, qui tamen non esset persona, quod videtur repugnans. Verum id nõ magis repugnaret in homine, quàm in Deo, qui in dicta hypothesisi esset hic Deus subsistens per subsistentiã communem, nec tamen vt sic esset persona. Dico vt sic, nam cum subsistentia communis non distinguatur à relatiuis, hic Deus à parte rei esset tres personæ. quod similiter de hoc homine in dicto casu dicendum esset.

Reso

Resolutio IV. Non potest hypostaticè assumi natura habens propriam hypostasim, eamque retinens] Probatur 1 quia Patres antiqui disputantes contra Nestorium, in Christo duas personas admittentem, illum ea ratione urgebant, quod humana Christi natura verè subsisteret per subsistentiam Verbi; at hæc ratio nullius fuisset momenti, si natura illa potuisset simul terminari propria personalitate, & Verbi subsistètia.

Probatur 2 quia duo contradictoria non possunt simul dici de eodem, at si Verbum assumeret, & terminaret naturam habentem propriam hypostasim, sequeretur naturam illam existere per se, & non existere per se, quæ duo sunt contradictoria: siquidè per se existere nihil est aliud, quàm existere in se seorsim à quocumque alio supposito extraneo, at verò non existere per se est esse coniunctum cum aliquo supposito extraneo, & existere dependenter ab illo: in eo autem aperta est repugnantia, quod res eadem in se existat separatim ab omni supposito extraneo, & quod simul coniuncta sit alicui supposito extraneo, eique inexisteret.

Dices, natura diuina subsistens per subsistentiam Patris, vltèrius terminari potest per subsistentiam Filij, & Spiritus sancti: Cur ergo eodem modo non poterit natura propriam habens subsistentiam, terminari alieno? Respondeo causam esse, quod tres subsistentiæ relatiuæ sint propriæ naturæ diuinæ, eique connaturales: quare per illas non habet vt sit in se, simulque in alio, sed tantum vt in se existat: at natura quæ haberet propriam

DE CHRISTO. CAP. XVI. 279

propriam substantiam cum aliena, esset simul in se, & in alio.

Resolutio V. Materia: & forma substantialis corporea seorsim à persona diuina assumi possunt, itemque partes integrantes, non tamen accidens reale. Prima pars probatur, quia ex communiori, & longè probabiliore sententia, materia habet propriam substantiam, quare ea priuari potest, & ita assumi ad vnionem hypostaticam; cum in hoc nulla appareat repugnantia, neque ratio efficax afferri possit, cur id quod est capax propriæ substantiæ, nō sit diuinitus capax aliæ.

Dices, materia cum sit pura potentia, non potest existere sine forma, ergo neque assumi se sola, & extra compositum. Respondeo antecedens falsum esse, agendo, de potentia absoluta, ut supponimus ex meliori Philosophia; & quamuis totū concederetur, posset nihilominus materia assumi per se, non assumendo formam, vel compositum.

Secunda pars ostenditur, nam vel forma materialis habet propriam substantiam, vel non habet; si habet, dubitari nequit quin diuinitus eā priuari possit, & consequenter à diuina terminari si verò eā caret, cum sit substantia, non repugnat quin possit diuinitus accipere modum subsistendi extra compositum, ac proinde poterit persona diuina, per propriam substantiam defectum eiusmodi substantiæ supplere.

Dices, si forma materialis habet propriam substantiam, ea est partialis & incompleta, qualis à Verbo suppleri non potest. Verum si hoc ita esset, sequeretur Verbum non fuisse

se unitum animæ Christi, in triduo mortis, quia eum in suo esse sit incompleta, non nisi substantiam incompletam habere potest.

Tertia pars suadetur, quia partes integrantes sunt substantiales, ergo sunt capaces propriæ substantiæ, adeoque & alienæ. Confirmatur, nam ex supradictis, Verbum assumpsit sanguinem, eique fuit unitum hypostaticè, etiam in triduo mortis, quo tempore sanguis ille extra venas effusus erat: non ergo repugnat quòd partes integrantes assumantur ad unitatem suppositi.

Quarta denique pars ea ratione suadetur, quia illud nō est capax substantiæ alienæ, quod propriam habere nequit; atqui accidens non est capax substantiæ propriæ, cum substantia sit modus substantialis, qui non nisi substantiæ convenit, ergo neque per substantiam alienam terminari potest. Confirmatur, quia minus difficile est, quod res aliqua habeat propriam & connaturalem substantiam, quàm quòd per diuinam terminetur, ut effici nequit quòd accidens habeat substantiam propriam, sicut neque quod substantia inhaereat, ergo, &c.

Dices 1. accidens separatum à subiecto habet modum positivum per se existendi, cum tunc per se existat ad modum substantiæ, ergo poterit Deus talem modum auferre ab accidente, vel eum impedire, & per propriam substantiam illius absentiam supplere. Respondco, siue accidenti separato detur modus positivus per se existendi, siue non, de quo alibi agetur, accidens non posse habere modum per se existendi substantialem, qualem hîc inquirimus: ac proinde

DE CHRISTO. CAP. XIII 281

proinde non posse talem modum suppleri per substantiam Verbi, quæ est substantialis.

Dices 2. cum dependentia accidētis à subiecto sit extrinseca, ea potest à Verbo suppleri ablatiis imperfectionibus : ergo etsi Verbum nequeat sustentare, accidens per modum subiecti, potest illud sustentare per modum suppositi. Non sequitur, quia ipsum accidens talis sustentationis non est capax; quare satis est quod Verbum in genere causæ efficientis, dependentiam subiecti in eo supplere possit, ut fit in Eucharistia.

Resolutio VI. Persona creata naturaliter non potest alienam naturam terminare, probabile tamen videtur eam id posse supernaturaliter.] Prior pars probatur, tum quia suppositum creatum non potest terminare alienam naturam, quin hæc destituatur proprio supposito, hoc autem naturaliter fieri non potest; tum quia mysterium Incarnationis ab omnibus suspicitur ut stupendum, & maximè supernaturale, quod non ita esset, si non modo persona divina, sed etiam creata posset alienam naturam assumere. Tum denique, quia si quæ persona creata posset alienam naturam terminare maximè Angelica, at hoc non, quia ut aliàs diximus, Angeli non possunt naturæ viribus res naturales immutare, nisi quoad motum localem.

Dices, Tertullianus, & Origenes existimant Angelos interdum assumpsisse corpora. Respondeo, vel eos non loqui de vnione hypostatica, vel decipi, si putant de facto eam esse peractam, aut naturaliter posse fieri.

Posterior pars suadetur; Nam Deus id om-

ne

subsistentiam supp. euit: ordine igitur executionis, prius partes illæ assumptæ sunt, quàm inter se vnitæ, adeoque prius quàm existeret aut assumpta esset humanitas. Confirmatur, nam si humanitas per se primò, quoad executionem assumpta est, & partes non nisi ratione illius, planè sequitur, ablata vnione Verbi cum ipsa humanitate destrui etiam vnionem illius cum corpore, & anima, cuius tamen oppositum in tri-
duo mortis Christi contigit.

CAPVT XIII.

*De nonnullis qua circa vnionem hypostaticam
de possibili considerari possunt.*

Resolutio I. Alia natura rationalis specie ab humana distincta nempe Angelica, itemque irrationalis, verbi causa, Aquilæ aut Leonis, à Verbo hypostaticè assumi potuit.] Prior pars est communis contra Albertum Magnum, potestque probari tum ex Paulo, qui cum ad Hebræos 5. ait, Verbum non apprehendisse Angelos, sed semen Abrahæ, satis indicat, vnionem personalem Verbi cum natura Angelica, esse possibilem, tum quia si Verbum potuit impedire, quominus suppositum resultaret in natura humana, eamque sibi copulare, quidni idem præstare potuit in natura Angelica?

Dices, natura Angelica non distinguitur ab ipsius supposito., quare si ea assumeretur, consequenter assumeretur illius suppositum, quod impossibile est. Verum distinctio modalis sufficit, vt suppositum possit à natura
Angeli

DE CHRISTO. CAP. XIII. 273

Angeli aut tolli, aut impediri, ut sit in anima rationali à Verbo assumpta.

Posterior etiam pars est communis contra Alensem, Bonaventuram, & paucos alios, probaturque hac ratione, quia non minus natura irrationalis potest ex se priuari propria substantia, quàm rationalis, & aliunde Verbum non habet minorem vim ad vnam substantiã, quàm aliam. Confirmatur, quia Verbum sibi vniuit corpus humanum, illudque terminauit etiam in triduo mortis, ergo à pari, vel à fortiori, potuit vniri hypostaticè alicui naturæ irrationali, præsertim viuenti, cum hæc, ut sic, ratione præstantioris formæ, sit nobilior mortuo hominis corpore.

Dices 1. natura irrationalis non potest videre Deum, ergo nec illi hypostaticè vniri. Non sequitur, quia videre Deum dicit actum vitalem intellectus, qui non competit nisi intellectu præditi: terminari verò dicit existentiam in alio, quod dici potest de re quæ intellectu caret, ut patet in Christi corpore mortuo.

Dices 2. illud fieri non potest, quod maxime dedecet sapientiam Dei, quale est quòd persona diuina vniatur naturæ irrationali, quia sic Deus esset brutum. Resp. etsi iuxta sapientiam humanam indecens videatur, quòd Deus assumat naturam bruti, ipse tamen ad id posset moueri variis rationibus nobis ignotis, & ex infinito suæ sapientiæ thesauro depromptis, & quamuis in ea hypothese esset communicatio idiomatum inter Deum, & naturam assumptam, modestè tamen & verecundè ut tantam maiestatem

M 5 decet,

debet, hac in re loquendum, & juxta consilium Caietani, sententia quidem tenenda, sed lingua cohibenda.

Resolutio II. Verbum diuinum potuit simul duas naturas assumere & duæ personæ eandem.] Prior pars probatur, quia de fide est Verbum diuinum habere potentiā terminandi hypostaticè aliquam naturam creatam; cum sic terminet humanitatem quam assumpsit. Dici autem nequit, quòd talis potentia sit exhausta ab humanitate, aut quòd sit finita, & ab aliqua natura creata exhauriri possit; quare nihil vetat, quin Verbum assumpta vna humanitate, sibi aliam humanitatem vnire possit, imò & aliam naturam specie distinctam, verbi causa, Angelicam.

Dices, repugnat ex parte naturarum, quia sequeretur eundem esse hominem, & Angelum. Verum hoc non magis repugnat, quàm eundem esse hominem, & Deum; siquidem illa identitas est suppositi, non naturæ.

Hic due occurrunt difficultates, magis ad modum loquendi, quàm ad rem ipsam spectantes. Altera est, an Verbū, si assumeret duas humanitates, esset, duo homines. Communis responsio est negatiua, quia nomen illud, homo duo significat, nempe humanitatē, & substantiā; quare vt dicantur duo homines, non requiritur tantum, vt sit duplex humanitas, sed etiam duplex suppositum: quia ergo in dicto casu non esset nisi vnum suppositum, Verbū non diceretur duo homines, sed vnus homo cum duplici humanitate.

Altera difficultas est, an si Verbum assumeret duas humanitates, quod illi conueniret per se
secun

DE CHRISTO. CAP. XIII. 275

secundū vnā, illi conueniret etiā per se secundū aliam. Respondeo negatiuè, nam in eo casu duæ illæ humanitates nonnisi per accidens inter se coniungerentur, sicut musicus & Philosophus per accidēs cōiunguntur in eodē homine; ergo sicut id quod per se cōuenit homini, vt musicus est, conuenit illi tā ū per accidens, sub ea ratione qua est Philosophus; ita quod per se Verbo cōueniret, vt subsistenti in vna humanitate, nō nisi per accidēs illi cōueniret, vt subsistēti in altera.

Posterior pars non videtur adeò certa, vt probabilior tamen communiter defenditur, quia personæ diuinæ id omne possunt, quod non inuoluit contradictionem: at hoc non inuoluit, siue ex parte personarum, cum singulæ habeant potentiam infinitam in rationem terminandi, siue ex parte naturæ; ea enim est æqualiter in potentia obedientiali, respectu omnium personarum, ergo, &c.

Dices, 1. natura habens propriam subsistentiā, non potest recipere alienā, ex infriā dicendis: ergo similiter duæ personæ diuinæ non possunt eandē humanitatem assumere. Respondeo non sequi; & ratio discriminis est, quia natura habēs propriā subsistentiā, per se existit; At per se non existeret, si alteri inexistet; quare nequit simul habere propriam subsistentiam, & alienam. Non repugnat autem quòd natura carens propriā subsistentiā, adeoque per se non existens, duobus inexistat, & ab iis sustentetur.

Dices 2. Anselmum lib. 2. cur Deus homo, cap. 9. affirmare, impossibile esse quòd plures personæ vnā eandemque hominem assu-

mant, ubi per hominem intelligit humanitatem, cum nequidem vna persona diuina possit hominem assumere. Respondeo, Anselmum tantum velle non posse plures personas eandem humanitatem assumere, in vnitatem personæ; quod certissimum est; quia etsi assumerent, illæ personæ manerent distinctæ inter se, neque in vnam personam coalescerent.

Resolutio III. Abstractis per intellectum personalitatibus, natura diuina non potest assumere humanitatem.] Probat, quia si à natura, vt iam existit, præscindas proprietates relativas, nihil superest cui munus assumendi, & hypostaticè terminandi naturam humanam compere- re possit; siquidem natura diuina, sic præcisa à subsistentiis relatiuis, non habet aliquam subsistentiam communem, vt c. 3. huius libri ostendimus: quare fieri nequit quòd naturam humanam terminet hypostaticè, cum eiusmodi terminatio sit proprius, & formalis effectus solius subsistentiæ.

Dices, natura diuina præcisis personalitatibus, cū sit infinitè perfecta, continet eminenter perfectionē subsistentiæ creatæ: ergo fieri potest, vt natura humana per eā subsistat. Verum hoc nō sequitur, quia agimus de subsistentia, per quam res formaliter subsistit; quod concipi non potest sine formali subsistentia: sicut neque quòd paries sit formaliter albus, sine formali albedine. Cū ergo in natura diuina, vt sic, non habeat locum formalis subsistentia, repugnat quòd natura humana per illam formaliter subsistat.

Querret aliquis, an si esset in Deo subsistentia communis, posset natura humana per eam

DE CHRISTO. CAP. XIII. 277

terminari hypostaticè. Respondeo 1. in data hypothesis, posse naturam humanam eo sensu à diuina terminari, vt per eam subsisteret; ratio est, quia substantia illa absoluta esset infinita in ratione substantiæ, & per eam Deus ipse subsisteret. Quidni ergo per eandem posset natura humana subsistere? Confirmatur, nam substantia personalis seorsum spectata, potest sustentare humanitatem, vt fides docet, ergo idem posset substantia absoluta, si in Deo existeret.

Respondeo 2. humanitatem in dicto casu, non constituendam in ratione personæ; siquidem substantia illa communis non plus posset cum natura humana, quàm cum diuina; atqui non constitueret personam cum natura diuina, quia persona est suppositum rationale, & incommunicabile cuius alteri supposito, natura autem diuina, etiam vt affecta communi substantia, communicaretur tribus suppositis, seu personis distinctis, ergo eadem non posset cum natura humana personam constituere, hæc enim vt affecta tali substantia esset communicabilis tribus personis.

Dices, ergo in ea hypothesis esset hic homo subsistens, qui tamen non esset persona, quod videtur repugnans. Verum id nō magis repugnaret in homine, quàm in Deo, qui in dicta hypothesis esset hic Deus subsistens per substantiā communem, nec tamen vt sic esset persona. Dico vt sic, nam cum substantia communis non distinguatur à reatiuis, hic Deus à parte rei esset tres personæ, quod similiter de hoc homine in dicto casu dicendum esset.

Reso

Resolutio IV. Non potest hypostaticè assumi natura habens propriam hypostasim, eamque retinens] Probatur 1. quia Patres antiqui disputantes contra Nestorium, in Christo duas personas admittentem, illum ea ratione urgebant, quod humana Christi natura verè subsisteret per subsistentiam Verbi; at hæc ratio nullius fuisset monenti, si natura illa potuisset simul terminari propria personalitate, & Verbi subsistētia.

Probatur 2. quia duo contradictoria non possunt simul dici de eodem, at si Verbum assumeret, & terminaret naturam habentem propriam hypostasim, sequeretur naturam illam existere per se, & non existere per se, quæ duo sunt contradictoria: siquidē per se existere nihil est aliud, quàm existere in se seorsim à quocumque alio supposito extraneo, at verò non existere per se est esse coniunctum cum aliquo supposito extraneo, & existere dependenter ab illo: in eo autem aperta est repugnantia, quod res eadem in se existat separatim ab omni supposito extraneo, & quod simul coniuncta sit alicui supposito extraneo, eique inexister.

Dices, natura diuina subsistens per subsistentiam Patris, ulterius terminari potest per subsistentiam Filij, & Spiritus sancti: Cur ergo eodem modo non poterit natura propriam habens subsistentiam, terminari alieno? Respondeo causam esse, quod tres subsistentiæ relatiuæ sint propriæ naturæ diuinæ, eique connaturales: quare per illas non habet vt sit in se, simulque in alio, sed tantum vt in se existat: at natura quæ haberet propriam

DE CHRISTO. CAP. XIII. 279

propriam subsistentiam cum aliena, esset simul in se, & in alio.

Resolutio V. Materia: & forma substantialis corporea, seorsim à persona diuina assumi possunt, itemque partes integrantes, non tamen accidens reale. Prima pars probatur, quia ex communiori, & longè probabiliiori sententia, materia habet propriam subsistentiam, quare ea priuari potest, & ita assumi ad vnionem hypostaticam; cum in hoc nulla appareat repugnantia, neque ratio efficax afferri possit, cur id quod est capax propriæ subsistentiæ, nō sit diuinitus capax aliene.

Dices, materia cum sit pura potentia, non potest existere sine forma, ergo neque assumi se sola, & extra compositum. Respondeo antecedens falsum esse, agendo, de potentia absoluta, ut supponimus ex meliori Philosophia; & quamuis totū concederetur, posset nihilominus materia assumi per se, non assumendo formam, vel compositum.

Secunda pars ostenditur, nam vel forma materialis habet propriam subsistentiam, vel non habet; si habet, dubitari nequit quin diuinitus eā priuari possit, & consequenter à diuina terminari si verò eā caret, cum sit substantia, non repugnat quin possit diuinitus accipere modum subsistendi extra compositum, ac proinde poterit persona diuina, per propriam subsistentiam defectum eiusmodi subsistentiæ supplere.

Dices, si forma materialis habet propriam subsistentiam, ea est partialis & incompleta, qualis à Verbo suppleri non potest. Verū si hoc ita esset, sequeretur Verbum non fuisse

se vnitum animæ Christi, in triduo mortis, quia cum in suo esse sit incompleta, non nisi substantiam incompletam habere potest.

Tertia pars suadetur, quia partes integrantes sunt substantiales, ergo sunt capaces propriæ substantiæ, adeoque & alienæ. Confirmatur, nam ex supradictis, Verbum assumpsit sanguinem, eique fuit vnitum hypostaticè, etiam in triduo mortis, quo tempore sanguis ille extra venas effusus erat: non ergo repugnat quòd partes integrantes assumantur ad vnitatem suppositi.

Quarta denique pars ea ratione suadetur, quia illud nō est capax substantiæ alienæ, quod propriam habere nequit; atqui accidens non est capax substantiæ propriæ, cum substantia sit modus substantialis, qui non nisi substantiæ conuenit, ergo neque per substantiam alienam terminari potest. Confirmatur, quia minus difficile est, quod res aliqua habeat propriam & connaturalem substantiam, quàm quòd per diuinam terminetur, at effici nequit quòd accidens habeat substantiam propriam, sicut neque quod substantia inhæreat, ergo, &c.

Dices 1. accidens separatum à subiecto habet modum positium per se existendi, cum tunc per se existat ad modum substantiæ, ergo poterit Deus talem modum auferre ab accidente, vel eum impedire, & per propriam substantiam illius absentiam supplere. Respondeo, siue accidenti separato detur modus positius per se existendi, siue non, de quo alibi agetur, accidens non posse habere modum per se existendi substantialem, qualem hīc inquirimus: ac proinde

DE CHRISTO. CAP. XIII 281

proinde non posse talem modum suppleri per substantiam Verbi, quæ est substantialis.

Dices 2. cum dependentia accidētis à subiecto sit extrinseca, ea potest à Verbo suppleri ablati imperfectiōibus : ergo etsi Verbum nequeat sustentare, accidens per modum subiecti, potest illud sustentare per modum suppositi. Non sequitur, quia ipsum accidens talis sustentationis non est capax; quare satis est quod Verbum in genere causæ efficientis, dependentiam subiecti in eo supplere possit, ut sit in Eucharistia.

Resolutio VI. Persona creata naturaliter non potest alienam naturam terminare, probabile tamen videtur eam id posse supernaturaliter.] Prior pars probatur, tum quia suppositum creatum non potest terminare alienam naturam, quin hæc destituatur proprio supposito, hoc autem naturaliter fieri non potest; tum quia mysterium Incarnationis ab omnibus suspicatur ut stupendum, & maximè supernaturale, quod non ita esset, si non modo persona diuina, sed etiam creata posset alienam naturam assumere. Tum denique, quia si quæ persona creata posset alienam naturam terminare maximè Angelica, at hoc non, quia ut aliàs diximus, Angeli non possunt naturæ viribus res naturales immutare, nisi quoad motum localem.

Dices, Tertullianus, & Origenes existimant Angelos interdum assumpsisse corpora. Respondeo, vel eos non loqui de vnione hypostatica, vel decipi, si putant de facto eam esse peractam, aut naturaliter posse fieri.

Posterior pars suadetur; Nam Deus id om-

ne

ne potest, quòd non implicat contradictionem, at quòd natura creata supernaturaliter terminetur à supposito creato, id non implicat contradictionem, siue ex parte naturæ, siue ex parte suppositi, vt patebit ex solutione objectionum; ergo id Deo denegandum non est. Confirmatur, nam potest Deus naturam, verbi causa, Petri priuare propria subsistentia, eamque intimè coniungere supposito Gabrielis, quidni ergo poterit efficere vt ab illo terminetur? Id sanè non videtur operosius, quàm quòd Deus corpus Petri intimè coniungat Paulo, simulque efficiat vt ab illius anima informetur.

Dices 1. si Angelus potest terminare duas naturas, poterit decem, & centum, imò & infinitas. Respondeo posse, supposito quod sufficienter sit illis præsens, sicut poterit anima informare infinita corpora, si ipsi commensurentur quoad locum.

Dices 2. omnis modus intrinsecus rei creatæ vnā tantum rem potest afficere, eam nimirum, cum quia identificatur: ergo suppositum creatum, cum sit modus, non potest nisi propriam naturam afficere. Respondeo etsi non possit alienam naturam intrinsecè afficere, & modificare, poterit tamen eam terminare extrinsecè, & hypostaticè. Et sanè cum Verbum diuinum non afficiat intrinsecè naturam humanam, neque cū ea identificetur, & tamen illam verè, & hypostaticè terminet, hinc manifestum relinquitur, ex eo quòd suppositum creatum non potest intrinsecè modificare alienam naturam, & cum ea identificari non sequi quòd nequeat illam terminare hypostaticè.

Dices

DE CHRISTO. CAP XIV. 28;

Dices 3. si hæc vera essent, posset hypostasis Petri, eo mortuo, conservari in natura Pauli superstitæ, quod admitti nequit. Non sequitur; quia Petrus non destitueretur proprio supposito, etsi per illud naturam Pauli terminaretur.

CAP V T V I V.

De causis Incarnationis.

Resolutio I. Ex vi præsentis decreti Verbum non assumpsisset carnem, si homo non peccasset.] Probat, nam ablato unico motivo alicuius decreti, tollitur decretum: Atqui unicum motivum instituendæ Incarnationis fuit redemptio hominum à peccato, ergo si homo non peccasset, adeoque redemptione non eguisset; Verbum non fuisset incarnatum, ex vi præsentis decreti. Minor probatur 1. ex Script. quæ variis locis inculcat, Christum venisse in mundum ut à peccatis nos liberaret, ut cum dicitur Rom 4. Traditus est propter delicta nostra, & resurrexit propter iustificationem nostram: & 2. ad Titum, Dedit semetipsum pro nobis, ut nos redimeret ab omni iniquitate. Aliunde verò Script. non assignat aliud motivum à præcedenti distinctum, propter quod Christus venerit; quare, nisi gratis divinare velis, dicendum est Christum venisse propter solam redemptionem hominum, ac proinde eum aliàs non venturum. Neque dicas Christum non tantum esse nostrum Redemptorem, sed etiam Doctorem, Legislatorem, Pontificem, &c. hæc enim & similia ad finem redemptionis pertinent. Secundò

Secundò eadem minor probatur ex Patri-
bus, qui non modo docent Christum venisse
propter redemptionem hominum, sed etiam
perspicuè tradunt eum aliàs non venturum: Ita
Irenæus l. 5. c. 14. dicens, Si non haberet caro sal-
uari, nequaquam Verbum Dei caro factum es-
set Ita Ambr. l. de mysterio Incarnationis. c. 6.
his verbis, Nam quæ erat causa Incarnationis,
nisi ut caro quæ peccauerat, per se redimeretur?
ac si diceret nulla. Ita August. ser. 8. de verbis
Apostoli dicens, Si homo non periisset, Filius
hominis non venisset. Ita alij plerique, quorum
verba à recentioribus passim afferuntur.

Respondent aliqui, Patres intelligendos esse de
adventu Christi in carne passibili, atque adeò de
Incarnatione quoad modum, non quoad sub-
stantiam illius; sed hoc gratis dicitur, nam Pa-
tres apertè docent, solam redemptionem ho-
minum esse causam, cur Verbum caro factum
sit, cur humanitatem suscepit, cur ad nos ve-
nerit, &c. quæ & similia non nisi de ipsa sub-
stantia Incarnationis intelligi possunt, Confir-
matur, nam immeritò & mendaciter diceretur,
Christum non venturum Adamo non peccan-
te, si verè tunc venturus erat, etsi non esset ven-
turus hoc modo, nempe ut passibilis.

Dices 1. Christus primum locum habuit
in mente Dei: ut colligitur ex verbis illis Pro-
verb. 8. Dominus possedit me in initio via-
rum suarum: & ex illis Coloss. 1. Qui est
imago Dei invisibilis, primogenitus omnis
creaturæ Prius ergo decreta fuit Incarnatio,
quàm prævisum peccatum Adæ, & independen-
denter

DE CHRISTO. CAP. XIV. 285

denter ab illo Verùm hæc testimonia non vr-
gent , quia vt demus primum de Sapientia in-
carnata , seu de Christo intelligi, ex eo tantum
colligendum erit, Christum à Deo constitutum
principium viarum suarum , ad opera sua re-
stauranda, & reficienda, vt ex lectione 70. Pa-
trumque interpretatione non obscure sumitur ,
ac proinde Incarnationem ad redemptionem
hominum, in qua præsertim restauratio illa cō-
sistit, tanquam ad finem ordinatum esse. Vt etiā
demus secundum testimonium intelligi de
Christo vt homine, responderi poterit Christum
dici primogenitum omnis creaturæ , non quod
prius sit præordinatus, quàm quæuis alia crea-
tura, sed quia est dignior, & excellentior omni-
bus creaturis propter perfectionem vnionis hy-
postaticæ.

Dices 2. ad maiorem Christi dignitatem spe-
ctat, quòd sit primus prædestinatorum , aliique
omnes, siue Angeli, siue homines ex illius me-
ritis præuisis sint prædestinati: hoc autem stare
nequit nisi prius decreta sit Incarnatio , quàm
præuisum peccatum Adæ , & independenter ab
illo: cùm Angeli , itemque primi parentes ante
peccati præuisionem prædestinati fuerint. Res-
ponderi potest non esse tribuendam Christo
perfectionem aliquam, quæ cum Scriptura sa-
cra, & Patribus non satis cohæreat , ac proinde
eum dici primum prædestinatorum latiori mo-
do, siue quoad gloriam & dignitatem, quomodo
superat omnes homines, & Angelos ; siue quia
aliquo modo in eos omnes influit, estque caput
illorum, vt ex infrà dicendis constabit.

Accedit

Accedit quod Christus aliter, & magis propriè dici potest primus omnium prædestinatorum, si agatur tantum de hominibus prædestinatis; siquidem omnes posteri Adæ fuerunt electi ad gloriam ex ipsius meritis, licet autem primi parentes fuerint electi ad gloriam, ante præuisionem peccati; & consequenter ante decretum Incarnationis, tamen ex meritis Christi gratia fuit ipsis restituta, ita ut nullam in cælo habeant partem gratiæ, aut gloriæ, quam per Christum non acceperint.

Dices 3. si Incarnatio non est peracta nisi occasione peccati, sequitur eam non esse nisi bonum occasionatum, quod de tanto mysterio dici non potest. Verum, neganda est consequentia; quia ut Incarnatio rectè diceretur bonum dumtaxat occasionatum; opus esset ut ea non esset volubilis nisi occasione peccati; at hoc falsum est; cum potuerit Deus instituere Incarnationem, etiam nullo præsupposito peccato.

Dices 4. Adæmo fuit reuelata Incarnatio, & consequenter causa illius; at non fuit ei reuelatum ipsius peccatum, quia magnum inde mœrorem conceperet, statum Innocentiæ contrarium; ergo Incarnatio non fuit primariò instituta ad liberandos homines à peccato, sed ob aliam causam Adæ reuelatam. Respondeo nullum esse inconueniens; quod Deus Adæ reuelauerit incarnationem, & non particularem illius causam, quemadmodum Ioseph reuelata fuit futura illius exaltatio, & non venditio, cuius occasione ad eum honorem euectus est.

Dices 5. ordinariè volens, prius vult media
fui

DE CHRISTO. CAP. XIV. 287

fini propinquiora, quàm remotiora: atqui Innatio est medium propinquius ultimo fini, qui est gloria diuina, quàm hominum redemptio. Respondeo maiorem veram esse de medijs, quæ sunt fini propinquiora, quoad vim mouendi, non autem de iis, quæ tantum sunt propinquiora, quoad entitatem, seu maiorem perfectionem, qualis est Incarnatio.

Resolutio II. Etsi Christus omnia peccata sufficienter deleuerit, dici tamen potest eum potius venisse ad delendum peccatum originale, quàm actualia.] Prima pars est certa, probaturque 1. ex Paulo Rom. 4. vbi ait, Christum traditum propter delicta nostra, & resurrexisse propter iustificationem nostram, at iustificatio est emundatio ab omnibus peccatis. Vnde ad Tit. 2. idem Apostolus ait, Christum seipsum dedisse pro nobis, vt nos redimeret ab iniquitate. 2. quia homines saluantur per Christum, at non saluarentur, si obnoxij essent peccato originali, vel actuali, ergo Christus sufficienter vtrumque deleuit.

Secunda pars ostenditur, posita duplici hypothesis; altera est, Christum venturum ad tollendum peccatū originale, etsi non fuissent actualia, ratio est, quia per peccatum originale tota natura humana corrupta est, & à beatitudine exclusa, quare vel propter solum illud peccatum venisset Christus, ne integra species humana cotrueretur, & in æternum damnaretur.

Altera hypothesis est, Christum minimè venturum si sola fuissent peccata actualia sine originali. Patres enim id non obscurè indicant, quando dicunt, si Adam non peccasset, Chri-

stum non venturum, cum peccatum originale ex peccato Adæ processerit. Indicat etiam illud quod canit Ecclesia in benedictione cerei Paschalis. O cerrè necessariū Adæ peccatum, quod Christi morte deletum est: hoc enim non rectè diceretur, si Christus, Adamo non peccante, mortuus esset.

Ratio idem ostendit, nam deficiente peccato originali, tota natura humana non deficeret à beatitudine, sed ea maneret integra, aut in omnibus indiuiduis, vt aliqui putant, aut certè in multò maiori parte, vt dicunt alij, quare non obiceretur Deo motiuum illud, quod de facto habuit ad instituendam Incarnationem.

Dices 1. si Christus venit magis præcipuè ad liberandos homines à peccato originali, quàm ab actualibus, sequitur eum potius venisse ad nos saluandos, quàm ad saluandos primos parentes, quia in iis non erat peccatum originale, sed tantum actuale. Respondeo id non sequi, nam cum dicimus Christum præsertim venisse, vt nos liberaret à peccato originali, non agimus de peccato originali, vt est præcisè in nobis; sed quatenus coniunctum est cū peccato actuali primorū parentum, tanquā cum sua radice, quare non sequitur quòd Christus etiam pro illis non venerit, æque principaliter ac pro nobis.

Dices 2. multa afferri posse ad ostendendum Christum venturum; vel ob vnus hominis peccatum, vt est illud Pauli ad Galat. 2. Qui dilexit me, & tradidit semetipsum pro me. Quò refertur id quod narrat Dion. epist. ad Demophilum, Christum apparuisse Carpo-
viro

DE CHRISTO. CAP. XIV. 289

viro sanctissimo, eique dixisse, se paratum iterum mori pro hominibus dummodo amplius non peccarent. Verum ista non concludunt, non primum, quia Paulus vult tantum ostendere, Christum de facto pro ipsius salute mortuum esse, quod certissimum est. Non etiam 2. quia Christus iis verbis declarare tantum voluit proprium animi, quia ex se paratus erat iterum mori pro hominibus, si Deus id veller. At ex his, aut similibus non sequitur quod Christus venturus esset, vel propter peccatum vnus hominis.

Resolutio III. Nulla creatura concurrit ad vnionem hypostaticam, tanquam causa physica illius siue principalis, siue instrumentalis; sicut neque vlla præcessit ad eam dispositio siue physica, siue moralis.] Hic suppono Deum fuisse causam principalem efficientem dictæ vnionis, vt fides docet, resque ipsa per se satis ostendit. Item hoc opus esse totius Trinitatis, quia est opus ad extra.

Hoc ergo supposito, prima pars faciliè probatur, tū quia Concilia, & Patres, nullam assignant causā incarnationis præter Deū, tū quia cū hoc mysterium sit prorsus supernaturale, immerito quis diceret, rem aliquam naturalis ordinis propria virtute, vt causam principalem ad illud concurrisse; dicere autem virtutem, supernaturalem tali effectui proportionatam, alicui creaturæ concessam esse de facto, hoc est gratis diuinare, cū nulla eiusmodi causa indicari possit.

Secunda pars ostenditur, quia si creatura aliqua de facto concurrit ad prædictam vnionem, tanquam instrumentum physicum il-

Liber II.

N lius,

lius, ea est B. Virgo, nulla enim alia cum probabili fundamento assignari potest; at hoc dici nequit, cum ex Scriptura aut Patribus solum constet, eam esse matrem Christi, quod verificari potest, etsi non concurreret instrumentario ad vnionem, sed tantum eo modo naturali, quo alię fœminę concurrunt ad generationem prolis. Quo etiam sensu Patres interdum aiunt, per Virginem carnem iunctam esse Deo, quatenus nempe Virgo ad eam vnionem concurrit influxu materno, & non per modum instrumenti.

Tertia pars suadetur, cum quia humanitas non minus per seipsam habet immediate capacitatem, ad recipiendum modum vnionis cum Verbo, quàm si ei addatur aliqua dispositio physica, quęcunque sit; tùm quia nulla dispositio physica assignari potest in humanitate, quę habeat formalem repugnantiam cum subsistentia illius naturali, & multo minus quę ex natura sua vim habeat eam vniendi alteri supposito, præsertim diuino.

Quarta deniq; pars ostenditur, quia inter naturam, & suppositum connaturale nulla dispositio moralis intercedere solet, ergo neque inter humanitatem, & Verbum admittenda est. Confirmatur, nam si quę moralis dispositio in humanitate præcessit, ea maximè fuit gratia habitualis, alięque qualitates supernaturales; at hoc dici non potest, cum dona gratiæ collata fuerint humanitati Christi, intuitu ipsius vnionis hypostaticę.

Dices, non repugnat quòd talis dispositio præcesserit, ergo de facto præcessit, cum valde congruum sit, humanitatem Christi de-

DE CHRISTO. CAP. XIV. 291

centiori modo fuisse præparatam ad vnionem prædictam. Aliqui negant antecedens, quia natura debet prius perfici substantialiter, quàm accidentaliter. Verum nil vetat quin de potentia absoluta, possit Deus eiusmodi ordinem immutare; quare admissio antecedente, negatur consequentia, quia magis congruum est, & naturis rerum consentaneum, ut natura prius perficiatur substantialiter; quàm accidentaliter.

Resolutio I V. Nec humanitas Christi, nec ipse Christus meruit de facto Incarnationem.] Prior pars probatur, tum ex Augustino, lib. de prædestinatione SS. cap. 15. aliisque locis ubi egregie exemplo humanitatis Christi, gratis ad vnionem hypostaticam electæ probat contra Semipelagianos, gratuitam hominum electionem ad gratiam; tum quia si Christi humanitas meruit Incarnationem, hoc factum est per opera antecedentia vnionem vel tempore, vel natura: at primum dici nequit, quia eodem instanti temporis humanitas Christe fuit producta, & Verbo vnita: nec secundum, quia Verbum prius naturâ erat vnitum corpori, & animæ, quàm esset humanitas. Et quamuis ipsa humanitas, esset prior vnione ad Verbum, neq; sic eam mereretur de facto, tum quia de lege communi, res non agunt donec completæ sint substantialiter, etsi de potentia absoluta, pro eo statu agere possint; tum quia humanitas non mereretur nisi per gratiam, at nulla ipsi gratia concessa fuit, nisi post vnionem, & ex vi illius.

Posterior pars ostenditur; quia principium

N 2

meriti

meriti non cadit sub meritum, saltem de lege ordinaria; atqui vnio fuit in Christo principium totius meriti, ergo illam de facto non meruit. Neque refert illud Psal. 44. Dilexisti iustitiam, & odisti iniquitatem, propterea vnxit te Deus: sensus enim est, quia dilexisti iustitiam, Deus tibi maiora gaudia in resurrectione, & gloria contulit, quàm tuis participibus.

Est autem dubium non leue, an Christus absolutè potuerit mereri Incarnationem, per opera eam subsequenter. Non pauci hocce tempore negant, alij affirmant, quod videtur probabilius; tum quia non est denegandum potentia Dei absolutæ; nisi id in quo aperta est repugnantia, qualis hic non apparet; tum quia merita Christi ex se sunt valoris infiniti, atque adeò ex se sufficiunt ad promerendum quodcunque præmium: aliunde verò nil verat, quin potuerit Deus decernere Incarnationem, propter merita Christi futura, & in præmium illorum; cum suppositâ scientiâ conditionatâ in eo signo in quo decreta est Incarnatio, merita Christi viderentur vt absolutè futura.

Dices 1. principium meriti nō cadit sub meritū, ex cōmuni sentētia, at Incarnatio est principium meriti in Christo, ergo Christus eā mereri non potest. Confirmatur; nā ideo homo non potest mereri gratiā habitualē, quia illa est in eo principium meriti. Resp. principium meriti de lege ordinaria non posse cadere sub meritum, posse autē de potētia absoluta, iuxta quā nō repugnat hominem mereri gratiā, per opera ex eā orta.

Dices 2. Repugnat quòd duæ res sint sibi inuicem causæ, at si Christus mereretur in-

DE CHRISTO. CAP. XIV. 293

carnationem, per opera illam subsequētia, sequeretur incarnationē esse causam illorum operum & hæc esse causam incarnationis. Respondeo maiorem veram esse in eodem genere causæ, quod tunc non contingeret, nam incarnatio influit in opera tribuendo iis valorem, per modum causæ efficientis, & formalis, opera verò mouerent Deum, vt eorum intuitu ipsam incarnationem perficeret.

Resolutio V. Antiqui Patres non meruerunt siue de condigno, siue de cōgruo, incarnationē.] Ratio generalis est, quia de lege ordinaria principium meriti non cadit sub meritum, siue de condigno, siue de congruo, atqui Incarnatio erat prīcipiū totius meriti, tam de cōdigno, quàm de congruo, in antiquis Patribus; cum illi gratiam per quam merebantur, non acceperint nisi ex meritis Christi præiis, ergo non meruerunt incarnationē, siue de cōdigno, siue de congruo.

Speciatim verò quòd eam non meruerint de condigno, probatur, tum quia de lege ordinaria purus homo non meretur de condigno aliis, sed tantum sibi, tum quia Patres antiqui bonis operibus merebantur de condigno augmentum gratiæ, & gloriæ, quod præmium erat commensuratum eorum meritis, quæ proinde ad vniōnem hypostaticam, a iudice præmium non extendebantur.

Imò, quia si purus homo posset de condigno mereri incarnationem, sequeretur eum posse de condigno pro peccatis hominum satisfacere: quandoquidem mereretur ipsum Christum omnis gratiæ fontem, perfectum-

rum eximæ dignitati matris Dei congruebat, esto talem dignitatem de condigno non promeruerit.

Dices 2. Beata Virgo meruit de condigno eam dispositionem, qua facta est digna Dei mater, ergo etiam meruit de condigno talem maternitatem. Respondeo negando antecedens, fuit enim disposita ad eam dignitatem, per varia auxilia, & privilegia specialia gratis ei concessa. Negari etiam posse consequentia, cum fieri possit ut quis sit legitimè dispositus ad aliquam dignitatem, quam tamen gratis accipiat.

Secunda pars ostenditur, quia B. Virgo per varios eosque perfectissimos virtutum actus se disposuit ut Christum conciperet, nimirum maxima humilitate, amore ferventissimo, puritate interna & externa valde eximia, & obedientia verbis illis testata, Ecce ancilla Domini: ergo negandum non est, quin ex congruitate aliqua meruerit esse mater Dei. Confirmatur, nam ex communi sententia sumpta ex Genes. 22. Abraham meruit de congruo, ut Christus ex illius stirpe oriretur. Quidni ergo dicemus B. Virginē de congruo meruisse, ut esset mater Christi.

Dices, merita Virginis supponebant incarnationem, & hæc maternitatem, ergo non potuit Virgo mereri, ut esset mater Christi. Respondeo, incarnationem dicere præcisè unionem Verbi cum hac humanitate, non autem illius assumptionem ex tali femina: atque adeò non supponere maternitatem, Quare intuitu incarnationis potuit Deus dare merita Virgini, per quæ se disposeret ad digni

dignitatem matris Christi.

Confirmatur hæc responsio, nam si dicamus Virginis maternitatem includi in ipsa Christi prædestinatione: cum prius Christus sit prædestinatus quàm præuisa sint illius merita, sequeretur aperte Virginem prius fuisse electam ut esset mater Christi, quàm præuisa fuerint Christi merita; atque adeò electionem illius ad dignitatem matris, non fuisse factam ex Christi meritis, quòd certè affirmari non potest.

CAPUT XV.

De gratia Christi.

Resolutio I. Humanitas Christi fuit formaliter sancta, præcisa gratia habituali, nempe per ipsam vnionem hypostaticam.] Ratio est, quia eò ipso quod Verbum eam assumpsit, & natura diuina fuit illi substantialiter vnita, facta est impeccabilis. Deoque gratissima, opera illius fuerunt infiniti valoris, fuitque digna quolibet dono supernaturali. Confirmatur, nam si humanitas est sancta per gratiam habitualement, quæ est quædã accidèntaria participatio diuinitatis, quæq; illi tantũ accidèntariò cõiuncta est, potiori iure dicendũ est eam sanctificari per Verbum diuinum, quod substantialiter est Deus, quodque nexum cum illa substantialem habet.

Dices I. effectus formalis non potest esse sine causa formali, atqui esse sanctum est effectus formalis gratiæ habitualis. Vnde Trid. sess. 6. ait, formale causam iustificationis esse inhaerentem

N 5 iusti

rum eximiæ dignitati matris Dei congruebat, esto talem dignitatem de condigno non promeruerit.

Dices 2. Beata Virgo meruit de condigno eam dispositionem, qua facta est digna Dei mater, ergo etiam meruit de condigno talem maternitatem. Respondeo negando antecedens, fuit enim disposita ad eam dignitatem, per varia auxilia, & privilegia specialia gratis ei concessa. Negari etiam posse consequentia, cum fieri possit ut quis sit legitimè dispositus ad aliquam dignitatem, quam tamen gratis accipiat.

Secunda pars ostenditur, quia B. Virgo per varios eosque perfectissimos virtutum actus se disposuit ut Christum conciperet, nimirum maxima humilitate, amore ferventissimo, puritate interna & externa valde eximia, & obedientia verbis illis testata, Ecce ancilla Domini: ergo negandum non est, quin ex congruitate aliqua meruerit esse mater Dei. Confirmatur, nam ex communi sententia sumpta ex Genes. 22. Abraham meruit de congruo, ut Christus ex illius stirpe oriretur. Quidni ergo dicemus B. Virginē de congruo meruisse, ut esset mater Christi.

Dices, merita Virginis supponebant incarnationem, & hæc maternitatem, ergo non potuit Virgo mereri, ut esset mater Christi. Respondeo, incarnationem dicere præcisè unionem Verbi cum hac humanitate, non autem illius assumptionem ex tali femina: atque adeò non supponere maternitatem, Quare intuitu incarnationis potuit Deus dare merita Virgini, per quæ se disposeret ad digni

dignitatem matris Christi.

Confirmatur hæc responsio, nam si dicamus Virginis maternitatem includi in ipsa Christi prædestinatione: cum prius Christus sit prædestinatus quàm præuisa sint illius merita, sequeretur aperte Virginem prius fuisse electam ut esset mater Christi, quàm præuisa fuerint Christi merita; atque adeò electionem illius ad dignitatem matris, non fuisse factam ex Christi meritis, quòd certè affirmari non potest.

CAPUT XV.

De gratia Christi.

Resolutio I. Humanitas Christi fuit formaliter sancta, præcisa gratia habituali, nempe per ipsam vnionem hypostaticam.] Ratio est, quia eò ipsò quod Verbum eam assumpsit, & natura diuina fuit illi substantialiter vnita, facta est impeccabilis, Deoque gratissima; opera illius fuerunt infiniti valoris, fuitque digna quolibet dono supernaturali. Confirmatur, nam si humanitas est sancta per gratiam habitualement, quæ est quædã accideraria participatio diuinitatis, quæq; illi tantũ acciderario cõiuncta est, potiori iure dicendũ est eam sanctificari per Verbum diuinum, quod substantialiter est Deus, quodque nexum cum illa substantialem habet.

Dices 1. effectus formalis non potest esse sine causa formali, atqui esse sanctum est effectus formalis gratiæ habitualis. Vnde Trid. sess. 6. ait, formale causam iustificationis esse inhærentem

N 5 iusti

rum eximiæ dignitati matris Dei congruebat, esto talem dignitatem de condigno non promeruerit.

Dices 2. Beata Virgo meruit de condigno eam dispositionem, qua facta est digna Dei mater, ergo etiam meruit de condigno talem maternitatem. Respondeo negando antecedens, fuit enim disposita ad eam dignitatem, per varia auxilia, & privilegia specialia gratis ei concessa. Negari etiam posse consequentia, cum fieri possit ut quis sit legitimè dispositus ad aliquam dignitatem, quam tamen gratis accipiat.

Secunda pars ostenditur, quia B. Virgo per varios eosque perfectissimos virtutum actus se disposuit ut Christum conciperet, nimirum maxima humilitate, amore feruentissimo, puritate interna & externa valde eximia, & obedientia verbis illis testata, Ecce ancilla Domini: ergo negandum non est, quin ex congruitate aliqua meruerit esse mater Dei. Confirmatur, nam ex communi sententia sumpta ex Genes. 22. Abraham meruit de congruo, ut Christus ex illius stirpe oriretur. Quidni ergo dicemus B. Virginē de congruo meruisse, ut esset mater Christi.

Dices, merita Virginis supponebant incarnationem, & hæc maternitatem, ergo non potuit Virgo mereri, ut esset mater Christi. Respondeo, incarnationem dicere præcisè vnionem Verbi cum hac humanitate, non autem illius assumptionem ex tali femina: atque adeò non supponere maternitatem, Quare intuitu incarnationis potuit Deus dare merita Virgini, per quæ se disposeret ad digni

dignitatem matris Christi.

Confirmatur hæc responsio, nam si dicamus Virginis maternitatem includi in ipsa Christi prædestinatione: cum prius Christus sit prædestinatus quàm præuisa sint illius merita, sequeretur aperte Virginem prius fuisse electam ut esset mater Christi, quàm præuisa fuerint Christi merita; atque adeò electionem illius ad dignitatem matris, non fuisse factam ex Christi meritis, quòd certè affirmari non potest.

CAPVT XV.

De gratia Christi.

Resolutio I. Humanitas Christi fuit formaliter sancta, præcisa gratia habituali, nempe per ipsam vnionem hypostaticam.] Ratio est, quia cò ipso quod Verbum eam assumpsit, & natura diuina fuit illi substantialiter vnita, facta est impeccabilis, Deoque gratissima, opera illius fuerunt infiniti valoris, fuitque digna quolibet dono supernaturali. Confirmatur, nam si humanitas est sancta per gratiam habitualement, quæ est quædã accideraria participatio diuinitatis, quæq; illi tantũ acciderario cõiuncta est, priori iure dicendũ est eam sanctificari per Verbum diuinum, quod substantialiter est Deus, quodque nexum cum illa substantialem habet.

Dices. 1. effectus formalis non potest esse sine causa formali, atqui esse sanctum est effectus formalis gratiæ habitualis. Vnde Trid. sess. 6. ait, formale causam iustificationis esse inhaerentem

N 5 iusti

rum eximiae dignitati matris Dei congruebat, esto talem dignitatem de condigno non promeruerit.

Dices 2. Beata Virgo meruit de condigno eam dispositionem, qua facta est digna Dei mater, ergo etiam meruit de condigno talem maternitatem. Respondeo negando antecedens, fuit enim disposita ad eam dignitatem, per varia auxilia, & privilegia specialia gratis ei concessa. Negari etiam posse consequentia, cum fieri possit ut quis sit legitimè dispositus ad aliquam dignitatem, quam tamen gratis accipiat.

Secunda pars ostenditur, quia B. Virgo per varios eosque perfectissimos virtutum actus se disposuit ut Christum conciperet, nimirum maxima humilitate, amore feruentissimo, puritate interna & externa valde eximia, & obedientia verbis illis testata, Ecce ancilla Domini: ergo negandum non est, quin ex congruitate aliqua meruerit esse mater Dei. Confirmatur, nam ex communi sententia sumpta ex Genes. 22. Abraham meruit de congruo, ut Christus ex illius stirpe oriretur. Quidni ergo dicemus B. Virginē de congruo meruisse, ut esset mater Christi.

Dices, merita Virginis supponebant incarnationem, & hæc maternitatem, ergo non potuit Virgo mereri, ut esset mater Christi. Respondeo, incarnationem dicere præcisè vnionem Verbi cum hac humanitate, non autem illius assumptionem ex tali femina: atque adeò non supponere maternitatem, Quare intuitu incarnationis potuit Deus dare merita Virgini, per quæ se disposeret ad digni

dignitatem matris Christi.

Confirmatur hæc responsio, nam si dicamus Virginis maternitatem includi in ipsa Christi prædestinatione: cum prius Christus sit prædestinatus quam præuisa sint illius merita, sequeretur aperte Virginem prius fuisse electam ut esset mater Christi, quam præuisa fuerint Christi merita: atque adeo electionem illius ad dignitatem matris, non fuisse factam ex Christi meritis, quod certè affirmari non potest.

CAPVT XV.

De gratia Christi.

Resolutio I. Humanitas Christi fuit formaliter sancta, præcisa gratia habituali, nempe per ipsam vnionem hypostaticam.] Ratio est, quia eò ipsò quod Verbum eam assumpsit, & natura diuina fuit illi substantialiter vnita, facta est impeccabilis, Deoque gratissima, opera illius fuerunt infiniti valoris, fuitque digna quolibet dono supernaturali. Confirmatur, nam si humanitas est sancta per gratiam habitualement, quæ est quædã accideraria participatio diuinitatis, quæq; illi tantũ acciderariò cõiuncta est, priori iure dicendũ est eam sanctificari per Verbum diuinum, quod substantialiter est Deus, quodque nexum cum illa substantialem habet.

Dices 1. effectus formalis non potest esse sine causa formali, atqui esse sanctum est effectus formalis gratiæ habitualis. Vnde Trid. sess. 6. ait, formale causam iustificationis esse inhærentem

N 5

iusti

meriti non cadit sub meritum, saltem de lege ordinaria; atqui vnio fuit in Christo principium totius meriti, ergo illam de facto non meruit. Neque refert illud Psal. 44. Dilexisti iustitiam, & odisti iniquitatem, propter eam vnxit te Deus: sensus enim est, quia dilexisti iustitiam, Deus tibi maiora gaudia in resurrectione, & gloria contulit, quàm tuis participibus.

Est autem dubium non leue, an Christus absolute potuerit mereri Incarnationem, per opera eam subsequenda. Non pauci hocce tempore negant, alij affirmant, quod videtur probabilius; tum quia non est denegandum potentia Dei absolutæ; nisi id in quo aperta est repugnantia, qualis hic non apparet; tum quia merita Christi ex se sunt valoris infiniti, atque adeo ex se sufficiunt ad promerendum quodcunque præmium: aliunde verò nil verat, quin potuerit Deus decernere Incarnationem, propter merita Christi futura, & in præmium illorum, cum suppositâ scientiâ conditionatâ in eo signo in quo decreta est Incarnatio, merita Christi viderentur vt absolute futura.

Dices 1. principium meriti nō cadit sub meritū, ex cōmuni sentētia, at Incarnatio est principium meriti in Christo, ergo Christus eā mereri non potest. Confirmatur, nā ideo homo non potest mereri gratiā habitualē, quia illa est in eo principium meriti. Resp. principium meriti de lege ordinaria non posse cadere sub meritum, posse autē de potētia absoluta, iuxta quā nō repugnat hominem mereri gratiā, per opera ex eā orta.

Dices 2. Repugnat quòd duæ res sint sibi inuicem causæ, at si Christus mereretur in-

DE CHRISTO. CAP. XIV. 293

carnationem, per opera illam subsequencia, sequeretur incarnationē esse causam illorum operum & hæc esse causam incarnationis. Respondeo maiorem veram esse in eodem genere causæ, quod tunc non contingeret, nam incarnatio influit in opera tribuendo iis valorem, per modum causæ efficientis, & formalis, opera verò mouerent Deum, vt eorum intuitu ipsam incarnationem perficeret.

Resolutio V. Antiqui Patres non meruerunt siue de condigno, siue de cōgruo, incarnationē.] Ratio generalis est, quia de lege ordinaria principium meriti non cadit sub meritum, siue de condigno, siue de congruo, atqui Incarnatio erat p̄cipiū totius meriti, tam de cōdigno, quàm de congruo, in antiquis Patribus; cum illi gratiam per quam merebantur, non acceperint nisi ex meritis Christi p̄uissis, ergo non meruerunt incarnationē, siue de cōdigno, siue de congruo.

Speciatim verò quòd eam non meruerint de condigno, probatur, tum quia de lege ordinaria purus homo non meretur de condigno aliis, sed tantum sibi, tum quia Patres antiqui bonis operibus merebantur de condigno augmentum gratiæ, & gloriæ, quod p̄miū erat commensuratum eorum meritis, quæ proinde ad vniōnem hypostaticam, a iudice p̄miū non extendebantur.

Imò, quia si purus homo posset de condigno mereri incarnationem, sequeretur eum posse de condigno pro peccatis hominum satisfacere: quandoquidem mereretur ipsum Christum omnis gratiæ fontem, perfectum-

que redemptorem : hinc sequitur antiquos Patres , nequidem de potentia absoluta potuisse mereri de condigno incarnationem , nimirum propter maximam improportionē quę reperitur inter actus meritorios , & vnionem illam stupendam , qua fit vt homo sit Deus.

Dices 1. potuit Deus proponere antiquis Patribus vnionem hypostaticam , in præmium suorum operum , ergo illi potuerunt eam mereri , etiam de condigno. Confirmatur , nam homo potest mereri visionem ipsius Dei , ergo & vnionem cum illo. Respondeo fieri non posse , quòd Deus puro homini proponat vnionem hypostaticam , tanquam præmium per merita condigna obtinendum , deest enim proportio requisita inter meritum de condigno , & præmium. Neque idem est de visione beatifica nam per illam homo non fit Deus sed tantum videns Deum per vnionem verò hypostaticam homo fit Deus quod est aliquid infinitè maius.

Dices 2. Antiqui Patres suis precibus frequenter à Deo postulabant mysterium incarnationis , eorum autem orationes non fuerunt inutiles , & effectui vacuæ , cum æquum sit & congruum vt Deus amicos suos exaudiat iusta petentes , ergo negari non potest , quin ij ipsam incarnationem , saltem de congruo meruerint. Respondeo , Patres , non petebant vt fieret incarnatio , certi enim erant ex fide eam futuram , sed cum nescirent quo tempore futura esset , optabant vt tunc fieret. Non igitur petebant substantiam ipsam incarnationis , sed quādam illius circūstantiā , nēpe temporis quo fieri debebat accelerationem:

Vnde

DE CHRISTO. CAP. XIV. 295

Vnde dici nequit eorum preces fuisse inutiles, quia præterquam quod per eas meruerunt de condigno augmentum gratiæ, & gloriæ, Deus insuper illarum intuitu, quidam incarnationis circumstantiam ipsis concessit.

Refutatio VI. B. Virgo non meruit de condigno esse mater Dei, id tamē meruit de cōgruo.] Prima pars probatur 1. quia per opera ex gratia facta, Virgo meruit de condigno augmentū gratiæ, & gloriæ: Hoc autem erat præmium proportionatum illius operibus, quare per illa non meruit de condigno esse mater Dei. Confirmatur, nam alij iusti nihil aliud de condigno merebantur, quā augmentū gratiæ, & gloriæ, ergo neque Virgo aliud de facto promeruit, cum eius merita essent eiusdem speciei cum meritis aliorum, adeoque idem specie præmium exigent.

Probatur 2. nam ut quis de condigno mereatur præmiū aliquod, necessaria est promissio de cōferendo tali præmio, sub conditione operis, talis autē promissio non extat in Scriptura, quod attinet ad rem, de qua agimus: licet enim Prophetæ interdum prædixerint, Christum nasciturū ex Virgine, ea est simplex & absoluta reuelatio, non autem pactum dandi Virgini dignitatem matris sub conditione huius aut illius operis.

Dices 1. ex oratione quadam quam canit Ecclesia, constat Deum, Spiritu sancto cooperante, præparasse B. Virginem ut dignum Filij sui habitaculum effici mereretur. Respondeo sensum esse, B. Virginem optimè fuisse dispositam per varias gratias, & priuilegia specialia ut esset digna Dei mater, seu quan-

rum eximiæ dignitati matris Dei congruebat, esto talem dignitatem de condigno non promeruerit.

Dices 2. Beata Virgo meruit de condigno eam dispositionem, qua facta est digna Dei mater, ergo etiam meruit de condigno talem maternitatem. Respondeo negando antecedens, fuit enim disposita ad eam dignitatem, per varia auxilia, & priuilegia specialia gratis ei concessa. Negari etiam posse consequentia, cum fieri possit ut quis sit legitimè dispositus ad aliquam dignitatem, quam tamen gratis accipiat.

Secunda pars ostenditur, quia B. Virgo per varios eosque perfectissimos virtutum actus se disposuit ut Christum conciperet, nimirum maxima humilitate, amore feruentissimo, puritate interna & externa valde eximia, & obedientia verbis illis testata, Ecce ancilla Domini: ergo negandum non est, quin ex congruitate aliqua meruerit esse mater Dei. Confirmatur, nam ex communi sententia sumpta ex Genes. 22. Abraham meruit de congruo, ut Christus ex illius stirpe oriretur. Quidni ergo dicemus B. Virginē de congruo meruisse, ut esset mater Christi.

Dices, merita Virginis supponebant incarnationem, & hæc maternitatem, ergo non potuit Virgo mereri, ut esset mater Christi. Respondeo, incarnationem dicere præcisè vnionem Verbi cum hac humanitate, non autem illius assumptionem ex tali femina: atque adeò non supponere maternitatem. Quare intuitu incarnationis potuit Deus dare merita Virgini, per quæ se disponderet ad digni

dignitatem matris Christi.

Confirmatur hæc responsio, nam si dicamus Virginis maternitatem includi in ipsa Christi prædestinatione: cum prius Christus sit prædestinatus quam præuisa sint illius merita, sequeretur aperte Virginem prius fuisse electam ut esset mater Christi, quam præuisa fuerint Christi merita: atque adeo electionem illius ad dignitatem matris, non fuisse factam ex Christi meritis, quod certè affirmari non potest.

CAP V T X V.

De gratia Christi.

Resolutio I. Humanitas Christi fuit formaliter sancta, præcisa gratia habituali, nempe per ipsam vnionem hypostaticam.] Ratio est, quia eò ipso quod Verbum eam assumpsit, & natura diuina fuit illi substantialiter vnita, facta est impeccabilis, Deoque gratissima, opera illius fuerunt infiniti valoris, fuitque digna quolibet dono supernaturali. Confirmatur, nam si humanitas est sancta per gratiam habitualement, quæ est quædã accidetaria participatio diuinitatis, quæq; illi tantũ accidetariò cõiuncta est, priori iure dicendũ est eam sanctificari per Verbum diuinum, quod substantialiter est Deus, quodque nexum cum illa substantialem habet.

Dices 1. effectus formalis non potest esse sine causa formali, atqui esse sanctum est effectus formalis gratiæ habitualis. Vnde Trid. sess. 6. ait, formale causam iustificationis esse inhaerentem

N 5 iusti

iustitiam; ergo effectus ille sine gratia habituali esse nequit.

Respondeo esse sanctum accidentaliter, seu per participationem quandam diuinitatis, esse effectum formalem, & adæquatum gratiæ habitualis, & de tali effectu loqui Trid. At verò esse sanctum substantialiter, est effectus vniōis hypostaticæ & gratiæ increatæ, quæ est ipsa diuinitas humanitati Christi vnita.

Dices 2. non potest Christi humanitas esse formaliter intelligens, per intellectionem Dei; ergo neque sancta, per sanctitatem diuinam. Nō sequitur, quia vt quis denominetur sanctus, sufficit quòd in se habeat aliquid sanctum, aut diuinum; vt autem denominetur intelligens, debet habere intellectionem in se, & à se, seu ab intrinseco: at Christi humanitas habet quidem in se diuinitatem, intellectionem tamen diuinam non habet à se.

Dices 3. vel ea sanctitas venit ab vnione, vel à Verbo, vel à natura diuina: nō ab vnione, quia sicut sanctitas nō prouenit in aliis iustis ex inhærentia gratiæ, ita neque in Christo ex ipsa vnione oriri potest; non à Verbo, quia suppositum Verbi, vt sic, nō videtur posse tribuere sanctitatem naturæ humanæ, sed tantū eā terminare extrinsecè. Non denique à natura diuina, quia hæc nō vnitur humanitati, nisi mediante Verbo. Respondeo hæc omnia suo modo concurrere, vnio est conditio sine qua humanitas non haberet eā sanctitatē, at Verbū vnitū est veluti causa formalis sanctitatis, non per se præcisè, sed ratione suæ naturæ per quam ipsum etiam sanctum est. Resolutio II. In Christo fuit gratia habi-

DE CHRISTO. CAP. XV. 299

tualis, eaque eiusdem speciei cum nostra, & finita in genere entis quæ proinde etsi de lege ordinaria augeri non potuerit, absolute tamen potuit.] Prima pars probatur, quia etsi talis gratia non esset in Christo necessaria ad sanctitatem & meritum, congruum tamen erat ut anima Christi eâ ornaretur, in quia eliciebat actus supernaturales virtutum, qui ex sua natura exigunt principia eiusdem ordinis, quales sunt habitus gratiam comitantes tum quia gratia est semen gloriæ, quare cum Christus gloriam acceperit, æquum fuit ut gratia esset præditus, idque in ipso instanti conceptionis, in quo fuit gloriosus, actusque supernaturales elicit.

Dices 1. Christus esset Filius Dei adoptivus si haberet gratiam, at falsum prius, ergo & posterius. Respondeo maiorem falsam esse, quia ut gratia constituat Filium Dei adoptivum, requiritur ut persona in qua recipitur, sit extranea, siquidem erat eiusdem naturæ cum Deo Patre.

Dices 2. gratia habitualis esset frustra in Christo, cum sine illa sit perfectè sanctus, At neque hoc sequitur, quia ad perfectum statum sanctitatis Christi, requiritur non tantum ut humanitas sit formaliter sancta, quod habere potest per unionem ad Verbum, sed etiam ut sit formaliter proportionata ad gloriam, & ad operationes supernaturales, quod fit per gratiam habituales, & virtutes illi adiunctas, ut dictum est.

Secunda pars patet ex Scriptura, quæ Christum comparat capiti, & viti, nos autem

membris, & palmitibus; quibus metaphoris intelligitur, quod sicut caput, & membra virtutem eiusdem rationis participant, itemque vitis, & palmites; ita Christo & reliquis hominibus gratia eiusdem rationis, & speciei fuit collata. Hec tamen gratia diuersum essendi modum habuit in Christo, & in aliis hominibus, tum quia in eo, de lege ordinaria, intendi nequit, ex iam dicendis; tum maximè quia se habet per modum cuiusdam proprietatis, ab vnione hypostatica moraliter fluentis, & ratione illius connaturaliter debita.

Tertia pars ostenditur, quia ex probabiliori sententia, de qua l. 1. c. 5. non potest dari infinitum actu quoad intensionem; quare gratia Christi est simpliciter finita in genere entis, quamvis dici solear infinita in ratione gratiæ, siue aliis de causis, siue quia respicit vnionem infinitæ perfectionis, tanquam moralis proprietas ab ea fluens, seu illi debita.

Quarta pars suadetur, tum quia Christus erat beatus, tum quia in instanti incarnationis fuit infinitè Deo gratus, quare congruum fuit vt ex tunc illi daretur tota gratiæ plenitudo; quam Deus ei conferre decreuerat, eò quod hæc dabatur ratione vnionis hypostaticæ, quæ tunc peracta est. Quia tamen gratia prædicta ex se erat capax maioris intensionis, potentia verò obedientialis animæ Christi nullum habebat terminum, nulla ratio est cur absolute augeri non potuerit.

Resolutio III. Ex virtutibus Theologicis charitas fuit in Christo & probabiliter spes, non tamen fides.] Prima pars probatur, quia in Chri-

DE CHRISTO. CAP. XV. 301

sto fuit gratia sanctificans, ut supra ostendimus : ergo & charitas, quæ aut idem est cum gratia, aut ab ea non separatur. Confirmatur, nam hæc virtus illius statui, aut perfectioni non repugnat, quin potius est valde illi consentanea, ergo nulla est ratio cur ei denegetur.

Secunda pars non est adeò communis, probatur tamen, quia Christus amabat beatitudinem suam, tanquam bonum proprium, & ut sic de ea gaudebat, sicut & alij beati, actus enim ille nullam inuoluit imperfectionem beatitudini repugnantem; at cum esset supernaturalis, procedere debebat ab aliquo habitu supernaturali, non à charitate, ut constat; quia Christus non tantum amabat beatitudinem suam propter Deum, quod erat charitatis opus, sed etiam ut bonum suum, adeoque ex motivo spei. Nec dicas eiusmodi actum processisse ab auxilio supernaturali, magis enim decet, quòd ortum habuerit à principio magis sibi connaturali, qualis est habitus.

Dices 1. per virtutem spei expectatur fruitio Dei; at Christus Deo fruebatur ab instanti conceptionis, ergo non habuit virtutem spei. Distinguo, non habuit virtutem spei quoad actum illum, concedo; quoad alios, nego; licet enim non expectaret beatitudinem animæ, quia ea fruebatur, eam tamen ut bonum proprium diligebat & præterea expectabat beatitudinem corporis, qua carebat.

Dices 2. ubi non est fides, neque spes, ex Augustino in Enchiridio cap. 7. In Christo autem non fuit fides, ut postea dicemus, ergo nec spes. Respondeo, ubi non est fides, sed clara

clara Dei visio, ibi non esse spem, quoad actum
 primarium, quoad secundarios tamen esse posse.

Tertia pars est communis, eo quod fides est
 cognitio obscura quæ ex lege salutem ordinaria,
 non potest consistere cum clara Dei visione,
 quæ Christo inerat ab instanti conceptionis:
 quare Christus nullum eleuit actum fidei circa
 Deum, aut circa alia mysteria quæ in Deo clarè
 perfectæ habuit.

Dices, illud Isa. 11. Erit fides cinctorium renum
 eius, communiter intelligi de Christo, ac proin-
 de in eo fuisse fidem. Respondeo nomine fidei
 varia significari 1. assensum obscurum, rebus à
 Deo reuelatis præstitum: quomodo hic à nobis
 sumitur. 2. firmam quandam fiduciam, qua ho-
 mines mouentur, ad petenda à Deo necessaria
 ad salutem, imò & interdum miracula. 3. constan-
 tiam, & fidelitatem in promissis seruandis; quo
 sensu dicimus, aliquem nobis fidem non seruasse.
 4. specialem intelligentiam rerum fidei, & fa-
 cilitatem quandam eas proponendi, accommo-
 datæ ad caput vulgi. Cæterum fides non fuit
 in Christo primo modo potuit tamen esse mo-
 dis reliquis, si detrahantur imperfectiones, illius
 statui repugnantes.

Resolutio IV. Christus habuit virtutes
 morales per se infusas, si dantur, & ex suo
 genere acquisitas, quæ ipsi fuerunt infusæ
 in instanti conceptionis.] Prima pars proba-
 tur, quia sicut vnionis hypostaticæ debetur
 perfectæ gratia, ita gratiæ debentur virtutes
 supernaturales, quæ ab ea fluere dicuntur,
 tanquam morales quædam illius propria-
 tes,

DE CHRISTO, CAP. XV. 303

res. Unde cum Christus in instanti conceptionis gratia perfectissima præditus fuerit, consequens est virtutes omnes supernaturales, illius statui non repugnantes, ei tunc in gradu perfecto esse infusas. Dico illius statui non repugnantes, quia poenitentia non fuit in Christo, ut est habitus quo quis dolet de peccato à se commisso, ut est Dei offensa, & pro eo vult satisfacere.

Secunda pars est communis & certa, probaturque hac ratione, quia eiusmodi virtutes sunt eximiae quaedam perfectiones quæ non repugnant maiori perfectioni, quare debebantur Christo, tum consequenter ratione vnionis, tum antecedenter, ut operationes virtutum connaturalius exerceret. Confirmatur, nam in voluntate Christi duas potentias concipimus, alteram in ordine ad actus ordinis supernaturalis, alteram in ordine ad actus naturales, quare sicut priori respectu illi conceduntur virtutes & habitus supernaturales, posteriori illi tribui debent virtutes naturales & per se acquiribiles.

Nota 1. ex S. Thoma 3. p. q. 7. art. 2. ad 3. in Christo fuisse magnificentiam, & liberalitatem in summo gradu; quatenus diuitias contempsit, propter amorem perfectionis: & etiam temperantiam, eò quod prauis concupiscentiis omnino caruit, quod multò perfectius est, quàm eas frenare. Non tamen habuisse continentiam, quatenus hæc est temperantia quodammodo inchoata, quæ affectus immoderatos patitur.

Nota 2. Christum exercuisse actum iustitiæ vindicatiuæ, tum quando petiit ut adultera

ra lapidaretur, juxta legis præscriptum; tum quando flagello de funiculis facto, eiecit vendentes, & eimenes de templo. Hæc enim præstitit ex zelo justitiæ ad observantiam legis & honorem, Dei illæ æm servandum. Remisit autem iniurias sibi, ut personæ privatæ, illatas ut cùm dixit, Pater ignosce illis; & ita nobis remittendæ sunt, quando id expedit ad honorem Dei, etiamsi alioqui vindicta iusta foret.

Tertia pars ex dictis colligitur, nam cum virtutes morales, de quibus agimus, Christo deberentur, consequenter ratione vnionis hypostaticæ, nulla ratio est cur dicamus illas ab eo, successu temporis, propriis actibus acquisitas, quare in instanti conceptionis simul cum aliis supernaturalibus ipsi infusæ fuerunt. Confirmatur, nam Christus in eo instanti habuit omnes animæ potentias optimè dispositas, in ordine ad finem tam naturalem, quàm supernaturalem.

Dices 1. Nobilius est habere aliquod bonum per se, quàm per aliud, ergo cùm omnis perfectio Christo tribuenda sit, fatendum est virtutes prædictas ipsi non fuisse infusas, sed eum connaturali modo eas sibi comparasse. Verùm hoc argumentum retorqueri potest quoad gratiam & virtutes supernaturales. Addendumque est Christum habuisse virtutes prædictas à se, quatenus ratione vnionis hypostaticæ illas sibi deposcebat, tanquàm proprietas quasdam connaturales, ut & alias perfectiones ipsius statui non repugnantes.

Dices 2. Christus haud dubiè exercuit varios

DE CHRISTO. CAP. XV. 305

rios actus naturales virtutum moralium , ergo per tales actus acquisiuit virtutes morales ordinis naturalis , cum hæ frequentatione actuum acquirantur. Negatur consequentia , quia ad acquisitionem virtutū non sufficit frequentatio actuum , sed præterea requiritur vt virtus ipsa nō sit in subiecto : à quo tales actus procedunt. Ostendendum ergo est aliunde , Christum caruisse habitibus virtutum moralium , vt per frequentationem actuum eos potuerit acquirere.

Resolutio V. In Christo nulla fuit de facto gratia excitans , vel adiuuans : in eo tamen fuerunt dona Spiritus sancti , & gratiæ gratis datae.] Prima pars probatur , quia gratia excitans , seu præueniens consistit in sancta cogitatione , & pio voluntatis affectu , quo homo diuinitus excitatur , ad bona opera præstanda , & peccata cauenda. Christus autem non indigebat tali illustratione , aut excitatione , cum ratione luminis , gloriæ , & amoris beatifici sufficienter illustratus esset , & excitatus ad peragenda quæcunque necessaria erant in ordine ad finem supernaturalem , essetque impeccabilis ; quare in eo nullo modo necessaria erat gratia excitans.

Secunda pars ostenditur , quia Christus prædictus erat habitibus supernaturalibus , ad rectas operationes necessariis , ergo non indigebat gratia auxiliante ad operandum supernaturaliter : sequela patet , nam per gratiam adiuuantem homo eleuatur , vt habeat in se principium sufficiens ad actus supernaturales eliciendos , at qui habitibus supernaturalibus prædi

præditus est, habet in se principium sufficiens ad eiusmodi actus, ergo Christus non egebat graia adiunete, ut supernaturales actus eliceret.

Dices, cum actus supernaturales excederent vires animæ Christi, ad eos necessarius erat concursus supernaturalis; ergo & gratia adiuuans. Distinguo antecedens, an eos necessarius erat concursus supernaturalis, generalis concedo: specialis, distinctus ab influxu collato per habitum supernaturalem, nego.

Tertia pars videtur cetera ex fide, propter verba illa Iſaie: 1. Requiescet super eum Spiritus Domini, spiritus sapientiæ & intellectus, &c. quæ à Patribus de Christo communiter intelliguntur. Probatum autem ea ratione, quia ex communi sententia; dona Spiritus sancti sunt quidam habitus supernaturales per se expetibiles, qui à gratia habituali, ut quædam illius passionis moraliter fluunt, quo fit ut omnibus iustis communicentur, quare cum Christus eximia gratia habituali præditus fuerit negari non potest eum simul eiusmodi donis fuisse insignitum.

Dices, non sunt Christo tribuenda ea saltem dona quæ repugnant statui beatitudinis, qualia sunt donum consilij, quod est ad consultandum de rebus dubiis, donum timoris, quod est ad fugiendum malum, & donum fortitudinis, quod in superandis tentationibus & aduersitatibus occupatur. Resp. dona illa non repugnare statui beatitudinis, non consilium, quia ex se non præsupponit dubium, sed dicit tantum iudicium de rebus agendis;

DE CHRISTO. CAP. XV. 307

agendis ; non timorem , quia hic sumitur pro magno reuerentiæ affectu erga diuinam maiestatem , nec denique fortitudinem , quia hoc dono ita quis afficitur, vt paratus sit aduersa tolerare, si quæ occurrerint, Quare beatitudo non obstabat, quin Christus prædicta dona haberet, etiam fortitudinem, præsertim cum simul esset viator, & consequenter multa aduersa ipsi ferenda essent.

Quarta denique pars ostenditur, quia vt dicemus cap. 19. Christus erat caput hominum , è quo charismata gratiarum fluebant , ergo cum hominibus dentur gratiæ gratis datæ , potiori iure Christus eas debuit habere , quia de plenitudine eius omnes accipiunt. Ioan. 1. Deinde probatur inductione , nam Christus multa patrauit miracula, habuit discretionem spirituum, & gratiam sanitarum, futura prædixit & absentia nouit, habuit interpretationem sermonum, aptissimè proponens & explicans veritates fidei, iuxta eorum captum quibuscum agebat, habuit etiam genera linguarum, si enim loquelam cordis nouit , cur non potius linguæ ?

Nec refert, quòd fortè variis linguis usus non fuerit, quia semper egit apud gentem vnus linguæ, vt ait S. Doctor. 3. p. q. 7. art. 7. ad 3. Quam verisimile est ; Christum nonnunquam eo dono usum esse, vt in priuatis colloquiis agendo cum extraneis. Imò si spectat ad donum linguarum, vt fidei Doctor, loquens in propria lingua, ab omnibus intelligatur sic quoque probabile, est, non solum hoc donum fuisse in Christo, sed etiam illum non rarò eo usum , cum prædica-

ret

ret Iudæis quibuscum Gentiles commixti erāt. Vnde tunc omnes intelligebant quæ ab ipso dicebantur, non secus ac si propria cuiusque lingua fuisset locutus. Eò vel maximè, quia simile quid narratur de Apostolis Actor 1.

Dices, Christum, saltem non habuisse donum prophetiæ, tum quia erat Deus, ac Deus non est Propheta, siquidem Propheta à Deo accipit lumen Propheticum: tum quia prophetia est obscura, quò fit vt beatis non competat: tum quia si Christus esset Propheta, esset minor Ioanne Baptista, qui non erat Propheta, sed plusquam Propheta. Verùm hæc nullius sunt momenti, nõ primum, quia etsi Christus non esset Propheta, inquantum Deus, erat tamen quatenus homo. Non secundum, quia ille dicitur Propheta, qui prædicit futura, aut alia valde remota à cognitione eorum quibuscum versatur, siue ea clarè cognoscat, siue non. Ideò autem beati non dicuntur Prophetæ, quia in nullo statum nostrum attingunt, seu quia non sunt viatores, vt notat S. Th. 3. p. q. 7. art. 8. Non tertium, quia Ioannes Baptista dicitur plusquam Propheta, non quod non esset Propheta, sed quia aliis Prophetis excelluit, tum aliis de causis, tum maximè, quia Christum, quem alij futurum prædixerant, præsentem vidit, & digito monstravit: simpliciter tamen fuit inferior Christo, qui potiori iure plusquam Propheta vocari potuit.

CAPVT XVI.

De Scientia Christi.

RESOLVTIO I. Christus vt homo habuit scientiam aliquam, seu cognitionem creatam.] Ratio est, quia quælibet res est propter suam operationem, atqui propria operatio animæ intellectu præditæ, qualem habebat Christus, est actualis cognitio, seu intellectio, ergo Christus talem aliquam cognitionem habuit, aliàs frustra ipsi concessus fuisset intellectus humanus, quod dici non potest. Confirmatur, tum quia nulli creaturæ intellectuali denegatur cognitio proportionata sui intellectui, ergo neque Christo vt homini, tum quia Christus vt homo, eliciebat varios actus voluntatis liberos, ij autem supponebant actus proportionatos, ex parte intellectus.

Dices I. Christus vt homo potuit, intelligere per scientiam increatam, ergo hæc sufficit. Antecedens probatur, quia si diuina essentia potest vniri intellectui creato, sub ratione speciei intelligibilis, seu impressæ, vt constat ex lib. I. c. 8. cur non etiã, poterit illi vniri, sub ratione speciei expressæ, seu actus intelligendi? Respondeo causam esse, quia actus intelligendi procedit ab intrinseco vitæ principio, non autem species intelligibilis, quare essentia Dei cum nequeat procedere ab intellectu creato, nõ potest illi vniri sub ratione intellectionis, aut speciei expressæ, esto illi vniri possit sub ratione speciei intelligibilis.

Dices

Dices 2. Verbum diuinum quia est formalis substantia, potest supplere defectum substantiæ creatæ, ergo etiam cum sit formalis intellectio, potest gerere vices intellectiois creatæ. Non sequitur, quia non est de ratione substantiæ, vt procedat ab intrinseco vitæ principio, sed tantum vt sit terminus naturæ eamque vltimatè compleat.

Quo loco aduerte 1. in intellectu Christi fuisse habitus, & actus naturalis ordinis; actus quidem; quia intellectio actualis est quædam magna perfectio intellectus ad quam ipse tendit, quamque exigit ex natura sua, quare dici nequit quod Christus tali perfectione caruerit. Habitus etiam, quia si in aliis hominibus reperiuntur habitus scientiæ naturalis; ij Christo denegandi non sunt, præsertim quia scientia naturalis erat in Christo permanenter, eaque utebatur quando volebat.

Aduerte 2. fuisse etiam in intellectu Christi actus, & habitus ordinis supernaturalis; actus quidem, tum quia Christus habebat clarâ cognitionem mysteriorum fidei, quæ non poterat non esse supernaturalis, tum quia cum esset beatus, fruebatur visione Dei, quæ est actus supernaturalis. Habitus etiam, quia intellectus Christi ad actus supernaturales eleuari debebat per principium aliquod eiusdem ordinis idque habitualiter permanens, vt Christus ageret quando vellet, & operatio fieret modo magis connaturali.

Resolutio II. Christus habuit in hac vita scientiam beatificam, per quam non videbat in Deo omnia possibilis, videbat tamen per illam, quæcunque Deus nouit scientia visio-

DE CHRISTO. CAP. XV. 311

nis, seu omnia futura.] prima pars probatur ex verbis illis Ioan. 27. Pater, quos dedisti mihi, volo ut ubi sum ego, & illi sint mecum, ut videant claritatem meam quam dedisti mihi. Congruentia variae affectui possunt, præcipua videtur, quod cum Christus esset Deus, & homo, adeoque inter utramque illius naturam esset perfecta unio, congruum erat ut humanitas clare cognosceret obiectum illud infinitum, cui substantialiter unita erat. Tanta etiam est perfectio unionis hypostaticæ, ut merito illam consequi videatur, tanquam proprietas ipsi moraliter debita, scientia beatifica, & perfectiones similes quæ communiter Christo tribuuntur.

Dices, oppositum colligi ex verbis illis Lucæ 22. Nonne oportuit Christum pari, & ita intrare in gloriam suam? & ex illis Ioan. 7. Nondum erat spiritus datus, quia nondum erat Christus glorificatus. Sed frustra, hæc enim communiter intelliguntur de gloria integra & perfecta, quæ præter gloriam animæ, includit gloriam corporis, quam Christus non habuit, nisi post resurrectionem suam.

Secunda pars ostenditur, quia si Christus ut homo, videret in Deo omnia possibilia; sequeretur eum comprehendere omnipotentiâ Dei, atque adeo Deum ipsum, quod repugnat, eò quod Deus cum sit infinitè cognoscibilis, comprehendi nequit per cognitionem finitam qualis est omnis animæ Christi cognitio.

Dices ex Fulgentio, Christus habet plenam suæ Deitatis notitiam, ergo illam comprehendis, & per illam omnia possibilia. Respondeo

spondeo habere plenam Deitatis notitiam, quatenus nihil est formaliter in Deo, quod actu clarè non videatur; non autem quod illud videatur omnibus modis quibus ex se videri potest, quod est eum comprehendere.

Quæres an Christi anima haberet prædictam cognitionem, saltem in habitu; aliqui affirmant, qui tamen addunt, eam non posse simul omnia videre in actu secundo, sed tantum hæc, vel illa pro arbitrato suo, vel prout Deus reuelare voluerit. Hoc tamen non placet, quia sequeretur visionem beatam posse variari, & consequenter Christum mox magis, mox minus beatum esse posse.

Dices id non sequi, quia non contingeret mutatio in visione ipsius Dei, qui est primum visionis obiectum, sed in visione creaturarum, quæ pertinent ad obiectum secundarium. Contrà, nam cum Deus visus sit, ratio videndi creaturas repugnat visionem creaturarum mutari, quin in visione ipsius Dei contingat aliqua variatio.

Tertia pars suadetur, quia ex communi sententia, beati vident in Deo quæcunque spectant ad eorum statum, atqui omnia futura spectant quodammodo ad statum Christi, ergo illa omnia videt. Probatur minor, nam inter futura præcipuè numerari solent cogitationes; quæ ab Angelis, & hominibus per totam æternitatem elicientur, illæ autem quodammodo spectant ad statum Christi, cum ipse sit caput Angelorum, & hominum; iudexque viuorum, ac mortuorum constitutus sit.

Dices 1. si Christus videt quæcunque Deus nouit

DE CHRISTO. CAP XVI. 313

nouit scientia visionis, ille comprehendit eiusmodi scientiam, atque adeò Deum ipsum, Respondeo non sequi, tum quia etsi anima Christi videat Deum, non tamen illum comprehendit, tum quia etsi clarè videat omnes creaturas existentes, non tamen eadem claritate qua Deus eas intuetur.

Dices 2. quæ Deus videt scientia visionis, sunt infinita, ergo non possunt omnia simul ab anima Christi videri, cum illius cognitio sit finita. Nō sequitur, vt enim Christus videat infinita, non opus est quod illius cognitio sit infinita, sed tantum quod sit altior & perfectior quavis alia cognitione, quæ ad tot objecta perungere non possit, vt patet in cognitione ipsius Dei, qui est obiectum infinitum.

Resolutio III. Christus habuit scientiam per se infusam & supernaturalem, à beata distinctam. Ratio est, quia cum res supernaturales clarè, & intuitiue cognosci possint extra Verbum, negandum non est quin eo modo à Christo cognoscerentur, cum hoc ad maiorem illius perfectionem conducatur; at non per scientiam beatam, quia per hanc non cognoscuntur nisi in Verbo; nec per fidem, quia hæc Christo non cōpetebant, & per eam res non cognoscuntur nisi obscure, nec per scientiam naturalem siue acquisitam, siue per accidens infusam, quia hæc terminatur ad objecta naturalia, ergo per scientiam intrinsecè supernaturalem, & per se infusā. Hinc autem constat 1. Christum per scientiam infusam, cognouisse res omnes supernaturales creatas, cum non sit potior ratio de

Liber II.

O

vna,

vna, quam de alia. Neque dicas non posse videri claram visionem Dei, quin Deus ipse videatur, hoc enim falsum est, quia cum visio Dei respiciat Deum, vt aliquid extrinsecum, ea potest videri, etsi Deus non videatur intuitiue. Et idem dic de vnione hypostatica.

Constat 2. per eandem scientiam Christum nouisse Deum vnum & trinum, quantum ad cognitionem quòd sit, quia cum per illà clarè cognosceret res supernaturales quæ immediatè & intrinsecè dicunt ordinem ad Deum vnum & trinum, consequenter per illam cognoscebat Deum vnum & trinum esse. Nihilominus per eiusmodi scientiam non cognoscebat Deum quidditatiue, cum talis Dei cognitio haberi non possit, nisi per lumen beatificum, quod est altioris ordinis.

Constat 3. beneficio eiusdem scientiæ Christū nouisse cordium cogitationes, nam cum eas cognosceret, vt satis patet ex toto Euangelio, neq; tantum per scientiam diuinam, quia cum sit constitutus iudex omnium hominum, quoad omnes eorum cogitationes & actus, ea cognoscere debebat etiam vt homo, quæ vt talis iudicaturus erat: At neque solum per scientiam beatam, quia sic non cognoscuntur nisi in Verbo, decebat autem cognosci in proprio genere; quare reliquum est vt per scientiam infusam earum cognitionem habuerit. Idem autem dicendum ob rationis paritatem, de futuris contingentibus ab hominum libertate pendentibus, quorum plerāque Christus prædixit; negationem Petri, Iudæ proditionem, &c.

Quæres 1. quodnam fuerit principium ef-

DE CHRISTO. CAP. XVI. 315

ficiens, quod cum intellectu Christi concurrebat ad cognitionem rerum, quæ sub scientiam infusam cadunt. Respondeo 1. ad hoc admittendas esse species aliquas cum hæ sint necessariae ad cognitionem, quando saltem obiectum non est præsens intellectui. 2. eas species debere esse multiplices, cum vix credi possit eadem specie posse cognosci res omnes, quæ sub scientiam infusam cadunt. 3. eas species esse supernaturales quibus res supernaturales cognoscebantur, cum illæ sint principium effectuum actus intrinsecè supernaturalis. 4. præter species prædictas dari in Christo habitum scientiæ infusæ, quo scilicet fiat intrinsecè potens ad intelligenda earum obiecta: illa enim duo requisiti satis patet ex aliis scientiis. 5. eiusmodi habitum distinguere à lumine gloriæ, cum Christus ut viator ab actu scientiæ infusæ cessare posset.

Quæres 2. quid dicendum sit de usu scientiæ infusæ. Respondeo 1. non fuisse necesse quod Christus in usu illius se converteret ad phantasmata, quia utebantur speciebus infusis, quæ ut non erant à rebus sensibilibus acceptæ, ita independentes ab iis, earumve phantasmatibus agebant. 2. scientiam illam non fuisse actu discursivam, quia Christus videbat etiam supernaturalia unico intuitu, neque ex unius notitia necessario ferebatur in notitiam alterius. 3. Imò nec propriè potuisse Christum discursu uti, in usu prædictæ scientiæ, quia cum ex communi sententia, omnia supernaturalia intuitivè, & in se immediate cognosceret, non poterat per unius notitiam,

titiam, ad cognitionem alterius tanquam ignoti peruenire.

Resolutio IV. Christus præditus fuit scientia perfectissima rerum omnium naturalium, quæ sub humanam cognitionem cadere possunt.] Ratio est, quia cum eiusmodi scientia magna sit humani intellectus perfectio, nulli maiori repugnans, & natura humana ad eam comparandam naturaliter inclinetur, nulla ratio est cur Christo hominum perfectissimo denegetur.

Dubium est autem, an Christus propriis actibus eiusmodi rerum naturalium scientiam sibi comparauerint, more aliorum hominum; an verò ea ipsi fuerit per accidens infusa, quoad habitus, & species ad ipsam necessarias. Respondeo hoc posterius probabilius videri, tum quia Christus habuit virtutes morales ordinis naturalis per accidens infusas, ut præcedenti capite ostendimus: ergo idem dicendum de scientia rerum naturalium, cum non minus perficiendus esset illius intellectus in ordine naturali, quàm voluntas; tum quia ex communi sententia, scientia rerum naturalium fuit Adæ infusa, ergo & Christo; sequela patet, quia hæc est magna perfectio, quæ non minùs decebat Christum prædictum esse, quàm Adamum; præsertim cum Christus esset caput hominum, longè nobiliori modo quàm primus patens: tum denique quia alias cum Christus non diu vixerit, neque, in multis locis fuerit, neque à viris doctis didicerit, aut multas experientias fecerit, facendum erit eum in naturali philosophia non multum fuisse versatum, & plerosque

DE CHRISTO. CAP. XVI. 317

homines quoad hoc, ipsi fuisse superiores, quod sanè à summa illius dignitate, & perfectione videretur alienum.

Neque dicas, Christum ex iis rebus quas expertus est, in omnium deuenisse notitiam: hoc enim gratis fingitur, quia innumerae sunt, auium, piscium, herbarum, lapillorum, aliarumque eiusmodi rerum species, quarum Christus nullam unquam habuit notitiam per sensus externos. Dicere autem eum visa vna aue, perfectè cognouisse proprietates aliarum omnium auium, & ita de aliis; hoc certè est intellectum illius humanum, qui eiusdem erat speciei cum nostris, sine fundamento nimium extolere. Maxime cum videamus homines acutissimi ingenij, inspecta, & attrectata re aliqua, non posse certò deprehendere illius effectus, etiam longo tempore, sed ad hoc requiri, vt eos per sensum aliquem experiantur. Nemo enim unquam iudicasset, magnetem verbi causa, habere vim attrahendi ferrum, nisi propriis oculis expertus esset, ferrum in certa distantia, & quantitate ab illo trahi. Multò minùs igitur poterit intellectus humanus, visa re aliqua, naturaliter cognoscere res alias innumeras, ab ea specie distinctas: quare ad perfectam earum notitiam longissima opus est experientia, quæ in Christo locum non habuit: nisi forè quis dicat, eum toto illo tempore quo latuit, terras, & maria peragrasse, vt perfectus euaderet Philosophus; quod non minùs absurdum est, quàm quod dicunt aliqui, Angelos ad Christum detulisse species, aut illi applicasse obie-

ita sensibilia omnis generis, ut rerum omnium naturas haberet petiectas.

Dices 1. Lucæ 2. Iesus proficiebat sapientia, & ætate. Respondeo, proficiebat quoad vsum, quia quò grandior fiebat, eò perfectiora opera edebat. Item quia successu temporis cognitionem quandam rerum experimentalem propriis actibus sibi comparabat.

Dices 2. Christus sæpe interrogabat Scribas, & alios, ergo ut ab eis aliquid disceret. Non sequitur, sed potius ut ex eorum responsione sumeret occasionem eos docendi, quæ ignosabant.

Dices 3. si Christus scientiam naturalem non acquisiuit propriis actibus, ergo intellectus agens in eo fuit superfluous. Non sequitur, tum quia intellectus agens idem erat ac possibilis, tum quia Christus scientiam rerum experimentalem acquisiuit, adeoque ipso intellectu agente usus est.

CAPVT XVII.

De voluntate & meritis Christi.

RESOLVTIO I. In Christo, ponenda est duplex voluntas, diuina scilicet & humana.] Est de fide, ut patet ex 6. & 7. Synodo generali, contra Monotheitas, qui vnā tantum admitterebant, propter vnitatem suppositi. Probatum autem, quia Christus est verus Deus, & verus homo, ergo habet voluntatem diuinā, & humanā; imò generatim quæcumque ad veritatem vtriusque naturæ pertinent. Nec refert vnitas suppositi, voluntas enim est proprietas consequens naturam, non

DE CHRISTO. CAP. XVII. 319

non suppositum, aliàs in Deo essent tres voluntates.

Speciatim verò quòd Christus habuerit humanam voluntatem constat, quia vt homo fuit obediens Patri, meruit, satisfecit, &c. Duo autem circa illam quæri hîc possunt: primo an omnis voluntas humana in Christo fuerit conformis diuinæ. Respondeo voluntatem efficacem fuisse illi conformem, quoad rem volitam, & quoad honestatem, seu modum illius, saltem in genere: inefficacē verò interdū discrepasse quoad prædicta, absolutè tamen fuisse illi consentaneam, quatenus Deus efficaciter volebat vt Christus tales motus in se excitaret, ad ostendendam veritatem naturæ humanæ, & pœnarum, quas passus est acerbiter.

Secundò quæri potest, an in Christo fuerit liberum arbitrium. Respondeo fuisse, tam quoad potentiam, quia intellectu & voluntate erat præditus, quàm quoad actum, oblatu enim est quia ipse voluit, operationes meritorias, & satisfactorias exercuit, &c.

Dices, Christus peccare non poterat, ergo non poterat omittere præceptum sibi impositum, ergo nō erat liber in obseruatione præcepti, adeoque liberè non est mortuus, & quod inde fit, per mortem suam nihil meruit. Respondeo 1. quamvis hoc totum daretur, Christus esset liber in rebus non præceptis. 2. etsi Christus absolutè nō posset omittere præceptum, poterat tamen illud omittere, non ponendo eum actum per quem illud impleuit; ac proinde eiusmodi actus positio, eique annexa præcepti obseruatio Christo

fuit libera. Atque hæc responsio manifestè est ad mentem S. Th 3. p. quæst. 18. art. 4. ad 3. ubi ea ratione defendit libertatem Christi, quia etsi voluntas illius sit determinata ad bonum in communi, non tamen est determinata ad hoc, vel ad illud bonum.

In stabis 1. suppositio antecedens tollit libertatem ex dictis l. i. c. 18. at præceptum est suppositio antecedens respectum Christi, ergo, &c. Respondeo maiorem esse tantum veram de suppositione antecedente, qua necessitas imponitur eliciendi talem actum determinatum. At quamvis Christus haberet necessitatem moriendi vagè, non tamen ponendi illum actum determinatum per quem mortem acceptavit, poterat enim illum omittere, etiam in sensu composito cum impeccabilitate, & præcepto. Quare liberè mortuus est. quemadmodum Martyres liberè moriuntur pro Christo, etsi ex naturali conditione, necessitas aliquando moriendi ipsis incubat.

In stabis 2. hinc sequi Christum non observasse liberè quoad substantiam præceptum moriendi, sed tantum quoad modum & circumstantias. Verum id non rectè colligitur, quia Christus liberè posuit eum actum, quo moriendi præceptum observavit quoad substantiam, poterat enim illum non elicere, & alium in illius locum substituere.

Resolutio II. Christus propriè meruit, idque per varios actus, & ab instanti conceptionis, ac deinceps per totam vitam.] Prima pars est de fide, potestque probari ex Scriptura, quæ docet, Christum nos redemisse sanguine

DE CHRISTO CAP. XVII. 321

guine suo, lauisse à peccatis, &c. Ratio petitur à fine Incarnationis, quia Christus venit ut nos redimeret, nobisque gratiam & remissionem peccatorum mereretur. Accedit quod actus illius erant honesti, liberi, à persona grata procedentes, nec deerat promissio Dei, ut colligitur ex illo loco Isa. 53. Si posuerit pro peccato animam suam, videbit semen longævum.

Secunda pars probatur, nam Christus meruit per actum amoris proximi, eò quòd liberè, eum exercebat, item per actus virtutum moralium, quia erant liberi, honesti, &c. & quamvis nonnulli essent præcepti, id non obstabat liberati ex ante dictis. Maior difficultas est de amore Dei, aliqui enim negat Christum per talem actum meruisse, eò quòd non ponunt in illo nisi amorem Dei beatificum, eumque summè necessarium: alij communiter affirmant, sed non ex eodem fundamento, sunt enim qui ponunt in Christo vnum duntaxat actum amoris Dei, scilicet beatificum, quem aiunt non fuisse simpliciter necessarium, sed quodammodo liberum, siue quoad exercitium, siue quoad terminationem ad bona Dei extrinseca. Alij verò facilius rem explicant, nempe affirmando fuisse in Christo duplicem actum amoris erga Deum, quorum alter sequebatur scientiam beatificam, eratque necessarius; alter infusam, qui erat liber, & meritorius.

Tertia pars ostenditur, quia in ipso instanti conceptionis Christus præditus fuit scientia infusa, usuque perfectò rationis, atque virtutibus tam supernaturalibus, quam mo-

ralibus, quare mereri sine dubio potuit. Neque ratio villa est, cur aliquem actum meritorium non elicuerit, cum dici nequeat eum fuisse otiosum, quoad prædicta.

Quarta denique pars suaderetur, quia quòd Christus per totam vitam meruerit, hoc sanè maioris est perfectionis, si fieri potest; at Christus continuo mereri poterat, quia neque per somnum, neque alio modo impediabatur ab exercitio scientiæ & infusæ: unde nihil obstare poterat, quin aliquam virtutem continuo exerceret, etiam dum grauius torquebatur in cruce.

Non meruit autem formaliter per ipsam mortem, ut est separatio animæ à corpore, quia tunc non erat homo, nec viator. Quare cum dicitur nos per mortem redemisse, intellige per tormenta mortem causantia. Ac multò minus meruit per apertionem lateris, resurrectionem, &c.

Neque refert quod dicitur communiter Sacramenta ex Christi latere fluxisse: hoc enim intellige, non de ipsis Sacramentis, sed de aqua, & sanguine quæ erant sacra signa, illa baptismi, hic Eucharistiæ, vel Martyrii.

Resolutio III. Christus sibi, & nobis aliquid promeruit. Prima pars probatur, nam Christus meruit gloriam sui corporis, iuxta illud Luc 24. Nōne opotuit Christū poti, & ira intrare gloriam suam? Item exaltationem sui nominis, de qua est illud Philip. 2. Humiliauit semetipsum, &c. propter quod Deus exaltauit illum, & donauit illi nomen, quod est super omne nomen: sub gloria

DE CHRISTO. CAP. XVII. 323

ria autem corporis comprehendi solet impassibilitas animæ, resurrectio, ascensio, & ultimus aduentus cum potestate, & maiestate, quæ omnia Christus meruit; quia etsi illi deberentur ratione vnionis, tamen opus redemptionis nostræ postulabat, vt iis Christus nostri causa priuaretur, nimirum vt pro nobis pati posset, supposita autem eorum carentia, nulla ratio est cur per opera sua infinite digna, illa promeritus non fuerit. Porro ad exaltationem nominis præter alia reducitur, quicquid ad laudem Christi, siue ab hominibus, siue ab Angelis, siue ab ipso Deo collatum fuit.

Non tamen Christus sibi meruit gloriam animæ, gratiam sanctificantem, aut habitus supernaturales; quia hæc omnia illi concessa sunt, tanquam proprietates moraliter vnioni debitæ, adeoque sine merito. Neque etiam meruit augmentum predictorum donorum, quia cum sint concessa vt proprietates vnioni debitæ, debuerunt conferri in gradu perfectissimo.

Dices, perfectius est aliquid habere cum merito, quam sine merito, ergo Christus dona illa obtinuit per meritum. Respondeo antecedens vt summum verum esse de puro homine, qui simul non est Filius Dei, at falsum est de Christo, in quo perfectius erat habere gratiam, & gloriam ex dignitate Filij Dei, & tanquam proprietatem moraliter debitam, quam ex propriis actibus.

Secunda pars ostenditur, nam in primis Christus nobis meruit omnes dispositiones ad gratiam, cum ex Scriptura, Conciliis, &

Patribus, constet nos nihil posse facere vt oportet ad salutem, sine ipso, seu sine illius merito, 2. nobis meruit gratiam sanctificantem, & remissionem peccatorum, vt patet ex fine Incarnationis; non quidem in alio tantum merendo dispositiones prædictas, sed in se, ita vt acceptis illis dispositionibus, speciale beneficium consequamur, tum in collatione gratiæ habitualis, tum in remissione peccatorum; quia posset Deus absolute dispositiones immittere, sine gratia sanctificante, & hanc conferre non remittendo peccata. 3. nobis meruit gratiæ augmentum, itemque satisfactionem & meritum nostrum, quatenus meruit, tum auxilia ad hæc necessaria, tum vt opera iusti haberent vim merendi, & satisfaciendi. 4. meruit quod homines ab æterno sint prædestinati, & electi ad gloriam, siue vagè offerendo merita sua, vt multi eligerentur ad arbitrium Patris, siue vt alij volunt determinatè merendo vt talis, & talis homo eligeretur. An autem Christus meruerit Angelis, primisque parentibus gratiam & gloriam, resoluendum est iuxta id quod quisque sentit de quæst. illa cap. 14. An Adamo non peccante, futura esset Incarnatio.

CAPVT XVIII.

De potentia, & subiectione Christi.

Resolutio I. Anima Christi non habuit omnipotentiam simpliciter, virtus tamen parandi vera miracula, aliaque opera supernaturalia fuit illi concessa, non quidem physicè, sed mora

DE CHRISTO. CAP. XVIII. 325

moraliter duntaxat.] Prima pars perspicua est, quia res simpliciter omnipotens habet potentiā essentialiter infinitam, cum se extēdat ad alia in infinitum, quibus esse dare potest, quæq; cōtinere debet eminenter: at creatura, qualis est anima Christi, non habet virtutem essentialiter infinitam, cum in se sit essentialiter finita, neque omnia virtualiter continere possit, ergo repugnat quod sit simpliciter omnipotens.

Secunda pars est de fide, ut colligitur ex Euāgelio, quod testatur 1. Christum mortuos suscitasse, cæcos illuminasse, aliāque quā plurima miracula effecisse: 2. gratiam & remissionē peccatorum nonnullis contulisse. Neque dicas cum Iudæis, aut Paganis prædicta miracula nō fuisse vera, sed fictitia, hoc enim falsitatis arguitur, tum quia cæci experiebantur se videre, mortui se comedere, ambulare, aliāq; vitæ munia præstare, tum quia miracula illa diu durabant, & in omni loco, & tempore, omnibusque etiam hostibus, ut veri & reales effectus apparebant.

Quo loco aduerte 1. prædictam potentiā fuisse in Christo permanentem in modum habitus, ut patet à priori, quia ea fuit illi concessa tanquam proprietas aliqua ei debita, propter unionem hypostaticam, quæ fuit in illo permanentem; & à posteriori ex eo deducitur, quia Christus operabatur miracula quando volebat. Nec refert quod ipsius humanitas esset causa tantum instrumentalis, habebat enim ex pacto paratum concursus Dei, ad producendū quicquid veller.

Aduerte 2. virtutem illam, qua Christus miracula patrabat, non fuisse naturalem; non enim

eniam temperamentum, vel imaginatio illius habebat vim restituendi visum ceco, aut virum mortuo. Et idem dicendum de constellationibus, aliisque agentibus naturalibus. Eo vel maxime, quia Christus interdum sola voce, interdum tactu, aliquando spūto, alias sub miracula parabat: sanabat etiam aegrotos longè distantes, & in vnico instanti ea omnia vt plurimum operabatur. Hæc autem efficaciam agentium naturalium, & modum quo in effectus suos prodire solent, longè superant; cum non nisi per media proportionata, & in tempore, & circa obiectum præsens operari possint, Vnde collige, & Christum non fecisse miracula arte magica, & virtute dæmonum, vt Iudæi calumniabantur: cum ex communi Theologorum sententia, dæmones nihil possint circa hæc inferiora, nisi applicando actiua passiuis; adeoque eos tantum effectus producere possint, qui non superant virtutem causarum naturalium, quas ad agendum applicant.

Tertia pars ostenditur, nam ex omnium sententia, Christus vt homo erat causa moralis miraculorum, quatenus infallibiliter à Deo obtinebat, vt efficeret omnia miracula quæ ipse fieri volebat. Ergo non opus est vt simul Christo virtutem quandam physicam miraculorum operatiuam tribuamus; hæc enim est superflua, quia tam certò fiebant miracula siue illa, quam cum illa.

Deinde ideò humanitati Christi tribuitur causalitas physica respectu miraculorum, quia Scriptura, & Patres variis loquendi modis talem causalitatem innuere videntur; ac pro-

DE CHRISTO. CAP. XVIII. 327

fecto hoc nimis leue fundamentum est, vt propterea eiusmodi causalitatem admittamus, cum vix explicari aut intelligi possit in quo ea consistat, & aliunde eadem aut prorsus similia dicantur de passione & resurrectione Christi, aliisque rebus, quæ tamen nullo modo intelligi possunt de causalitate physica, sed tantum de morali, vt omnes facile admittunt, & per se notum videtur.

Dices 1. Christus est caput Ecclesiæ, ergo influit in membra modo perfectissimo, adeoque physice. Respondeo Christum esse caput morale Ecclesiæ, non physicum, ac proinde sufficere quod influat tantum moraliter.

Dices 2. Hic modus agendi spectat ad maiorem perfectionem Christi, ergo illi tribuendus. Respondeo 1. antecedens esse incertum, quia non minus videtur commendari perfectio Christi, ex eo quod ad nutum habeat paratum concursum Dei ad patranda miracula, quam si physice ad ea concurrat. 2. eo dato negandam esse consequentiam, quia non licet Christo assignare perfectionem aliquam, nisi quæ sufficienter aliunde probetur, quod hic non fit.

Dices 3. Verba illa Lucæ 6. Virtus de illo exibat, & sanabat omnes & illa cap. 8. Ego sensi virtutem exire à me, aperte indicant causalitatem physicam, quare ergo de ea non intelligitur? Respondeo, quia redderent sensum absurdum, cum nulla virtus physica in Christi humanitate assignari possit, quæ realiter ab ea fluxerit ad patranda miracula, vt aliàs monui, vbi de causalitate Sacramentorum.

Reso

Resolutio II. Christus ut homo fuit subditus Patri, legique naturali, non autem positivæ. Item quibusdam defectibus corporis, non omnibus.] Prima pars probatur, nam cum humanitas Christi esset creatura, dubitari non potest quin Christus ut homo, esset subditus Patri, siue per subditum intelligas eum, qui est inferior quoad bonitatem & perfectionem; siue eum qui tenetur alterius præcepto obtemperare, siue servum propriè dictum, qui est sub alterius potestate, & dominio.

Vnde collige Christum ut hominem, seu secundum humanitatem, posse dici servum Dei, quia etsi illius humanitas post assumptionem communicet in bonis; & honoribus Domini, & eatenus quendam statum libertatis adepta sit; id tamen non obest quin sit creatura, multo magis à Dei nutu & dispositione pendens, quàm in humanis servus pendeat à domino.

Dices, Foelicem Vrgelitanum, & Elipandum Episcopum Toletanum fuisse olim damnatos, quòd dicerent, Christum esse servum Dei. Respondeo id non debere intelligi de servitute illa naturali, quæ cuiuslibet rei est essentialis, in ordine ad Deum; sed de alia, quæ indigeat regeneratione, per quam status filiationis adoptivæ obtineatur, quæque voluntariam obedientiam excludat, vilemque serviendi necessitatē inuehat; Talem enim servitutē Christo tribuebant prædicti authores, qui consequenter existimabant, Christum non esse filium Dei naturalem, sed adoptivum duntaxat, & Deum nuncupativum,

ut

DE CHRISTO. CAP. XVIII. 329

vt ex Aleuino, & Paulino Aquileiensi colligi potest. Quare obiectio allata quam nonnulli recētiore magni faciunt, non est ad propositum.

Secunda pars ostenditur, quia Christus tenebatur amare Deum, eumque colere, & proximum diligere, non mentiri, non turari, &c. quoad hoc enim est par ratio de illo, ac de aliis hominibus, qui ipsa natura ducē, prædicta obseruare tenentur. Excepi autem legem positiuam, tum diuinam siue veterem, quia erat pro filiis Israël, & ab iis via ordinaria descenderibus, siue nouam, quia eam ipse instituit, tum humanam, quia cum Christus habuerit perfectum dominium supra omnes homines, vt dicitur cap. sequenti, non magis ab illis poterat quàm Rex à suis subditis obligari.

Dices, Christus non venit legem soluere, sed adimplere, ergo erat illi subditus, Non sequitur, quia non ex obligatione eam seruauit, sed sponte. Neque refert illud Pauli ad Galat. 5. Estificor omni homini circumcidenti se, quia debitor est vniuersæ legis faciendæ, debet enim tantum intelligi de puris hominibus.

Nota tamen Christum, ex communi sententia, habuisse speciale præceptum moriendi pro hominibus, vt ex Ioan. 10. colligitur. Quod quidem præceptum non fuit naturale, quia cum vita Christi, vtpote etiam vita Dei, esset multò præstantior quouis bono hominum, non tenebatur Christus naturaliter eam pro illorum salute profandere. Præceptum ergo illud emanauit à Patre æterno, vt declarauit Christus loco citato, adeoque fuit diuinum positiuum. Neque dicas, imprudentes

fuisse impositum; quia cum Deus habeat supremum dominium in res omnes, potuit Christo præcipere, ut pro hominibus mortem sustineret: præsertim cum illa in gloriam ipsius Dei ultimè referrentur.

Tertia pars manifesta est ex Evangelio. Christus enim elurrit, sitiit, fatigatus est, & passus varios dolores. Atque hoc fuit congruum fini Incarnationis, quia licet vno actu interno posset satisfacere, consentaneum fuit ut assumeret poenalitatem tali fini non repugnantem: eò quod satisfactio præcipuè exhibetur per opera poenalia. Itè ut veritatè humanæ naturæ clariùs ostenderet hominibus, qui multis defectibus sunt obnoxij.

Quarta denique pars suadetur, nō enim Christus fuit deformis, quia conceptus est virtute Spiritus sancti, ex purissimo Virginis sanguine, quare decebat ut apud eum esset compositus, rectè proportionatus, & optimi temperamentis, ex quibus oritur pulchritudo. Neque dicas assumpsisse naturam, atque adeò deformitatem, non enim hæc sequitur naturam præcisè, sed causas particulares; unde non assumpsit morbos ex mala complexione, aut ex imprudentia in victu, & actionibus procedentes. Neque potuit incurrere in morbum ex cæli intemperie, quia optimè sciebat corpus gubernare contra hæc; aliaque agentia extinsecæ.

Dices, potuit naturaliter mori, ergo & ægrotare, Non sequitur, quia mors contingere potest sine prævio morbo, nimirum calore naturali paulatim deficere; & humido radicali consupto.

Resolutio III. Christus nec peccavit, nec pecca

DE CHRISTO. CAP. XVIII. 331

peccare potuit, neque habuit fomitem peccati, vel ignorantiam, variis tamen animi motibus, seu passionibus subditus fuit.] Prima pars patet ex Ioan. 8. Quis ex vobis arguet me de peccato? Secunda probatur, quia Christus ab initio conceptionis beatus erat, ergo nec per absolutam potentiam peccare poterat in eo statu.

Sed quid, si Verbum humanitatem assumpsisset sine gloria, aliisque donis creatis, fuisset ne impeccabilis præcisè ex ipsa vnione hypostatica? Respondeo affirmatiuè, quia si humanitas Verbo vnita posset peccare; peccatum Verbo tribui posset, quod repugnat: sequetur patet, quia humanitas est natura Verbi, ergo ad ipsum spectat eam dirigere, ne à recto deflectat: quod nifaciat cum possit, peccatum illi propriè imputabitur, aliàs non peccaret nostra voluntas, quando non refrenat motus appetitus sensitui. Neque est idem de aliis hominibus, quia respectu illorum se habet tantum vt causa prima & generalis gubernator, cuius est permittere vt quælibet res suis motibus feratur.

Dices, si mors de Deo dici potest, cur non peccatum, cum non minùs illa, quàm hoc ipsi repugnet? Resp. causam esse, quia quòd Deus permittat, patres quas assumpsit, dissolui, in eo non interuenit vlla deordinatio contra rationem. At oppositum sequeretur, si permetteret naturam humanam peccare. Vnde potest dici, per communicationem idiomatum, Deus mortuus est, non tamen, Deus peccauit.

Tercia pars per se clara est, si loquamur de fomite actuali, seu de moribus appetitus sen-

si. ui

sitiui allicientis voluntatem contra rectam rationem, vt patet ex iam dictis. Idem etiam dicendum est de fomite in actu primo, de quo communiter hic agitur; per fomitem enim intelligitur ipse appetitus, non præcisè secundum se, sed inque naturalem inclinationem spectatus, sed vt est proximè expeditus ad eliciendum aliquem actum, ex se rectæ rationi repugnantem; qua ratione semes non fuit in hominibus in statu innocentiae, nec est in beatis, ac proinde nulla ratio est cur fuerit in Christo, qui erat perfectissimè sanctus adeoque optimè dispositus ne appetitus ipsius in actum aliquem, ex se inordinatum, proximè exire posset.

Quarta pars suadetur, quia cū essent in Christo omnes thesauri sapientiae, & scientiae absconditi, ex supradictis; manifestum est, nullam in illius intellectu fuisse ignorantiam, vel errorem siue speculatiuum, siue practicum.

An autem de potentia absoluta, error potuerit esse in Christo, in dubium vertitur. Respondeo 1. ignorantiam puræ negationis ei, vt homini, non repugnare, quia illius humanitas præcisè, ex vnione ad Verbum, non haberet rerum cognitionem: quare si aliunde habitibus naturalibus, & supernaturalibus scientiæ destitueretur, multa ignoraret.

Respondeo 2. non posse reperiri in Christo errorem practicum, inclinantem ad peccatum: quia cum voluntas sequatur iudicium intellectus, humanitas Christi posset peccare, & tale peccatum in Verbum ipsum refunderetur. Hoc autem impossibile est ex supradictis.

Respon

DE CHRISTO. CAP. XVIII. 333

Respondeo 3. probabilius esse, Christum non potuisse falsum iudicium proferre, in re merè speculatiua: quia iudicium proferre, sine sufficienti cognitione præuia, leuitatem quandam & imprudentiam continet. Quare nullatenus Verbo diuino tribui potest, aut naturæ ipsi coniunctæ.

Quinta pars ostenditur, nam in primis quòd generatim anima Christi fuerit passibilis, satis patet ex Euangelio. Ratio verò est, quia cùm Christus esset homo præditus imaginatione, & appetitu sensitiuo, poterat apprehendere læta, & disconuenientia, & ab iis moueri. Non tamen ferebantur motus illi in illicita, neque rationem præueniebant, aut voluntatem pertrahebant, vt sit in nobis, esto haberent adiunctam commotionem aliquam, & alterationem corporis, vt dum Christus infremuit spiritu, quò fit vt verè passiones dici possint, quamquam vulgò propassiones, ex Hieronymo appellentur, eo quòd nomen passionis ad motus rationi dominantes extendi solet.

Rursus quòd speciatim in Christo fuerit dolor sensibilis, patet, quia dolor oritur ex læsione, & diuisione continui; at Christus grauiter fuit læsus, & vulneratus illiusq; caro clauis, spinis, & flagris diuisa fuit. Quòd etiã tristitia, constat tū ex illo Matth. 26. Tristis est anima mea, tū quia tristitia oritur ex apprehensione rei nociuæ tanquā præsentis, at Christus mortē imminente apprehendebat, tanquā naturæ nociuam. Nec obfuit delectatio volūtaris, quæ erat beata; ex dispensatione enim nō redūdabat in appetitum

tum sensitivum, sicut neque, gloria animæ in corpus, unde illius tristitiam non impediēbat. Tandem ut alia præteream, Christus timere potuit, ut patet ex illo Marci 24. **C**œpit Iesus pavere & tædere; ratio est, quia si tristari potuit de malo præsentī, cur non timere futurum?

Nec refert quod illud esset certò euenturum, sufficit enim quod esset malum disconueniens, & futurum: sicut econtrà animæ purgatorij sperant beatitudinem, etsi certò euenturam. **H**inc Christus de morte tristabatur; eamque timebat, quia per apprehensionem fiebat ei veluti præsens, & re ipsa erat futura.

Dices, in Christo erat fortitudo, ergo non timor. Distinguo, non timor rationem præueniens, voluntatemque alliciens ut à recto deflectat, concedo: non timor voluntariè excitatus ex apprehensione mortis, ad ostendendam illius acerbiteriam & veritatem naturæ, nego.

Quæres, an admiratio fuerit in Christo. Respondeo aliquo sensu fuisse, ut patet ex illo Matth. 8. Audiens miratus est. Et ratio est, quia etsi omnia sciret, quædam tamen insolita erant ipsius experientiæ, quod satis est ad admirationem: ut patet, nam Astrologus miratur insolitam eclypsim quam ante præviderat. Admiratio tamen non erat in Christo, quatenus hæc sumitur pro actu intellectus, quo quis iudicat, rem aliquam superare suam notitiam.

CAPVT XIX.

De quibusdam officiis Christi.

Resolutio I. Christus est caput Ecclesiæ. I Hoc patet ex Paulo ad Ephes. 1. dum ait, ipsum dedit caput super omnem Ecclesiā. Accedit ratio nam proprium capitis est influere in alia membra, iisque virtutem & motum communicare; ac Christus insuit gratiam, adeoque vitam & motum supernaturalem in omnia membra Ecclesiæ, iuxta illud Ioan. 1. De plenitudine eius nos omnes accepimus; ergo recte dicitur caput Ecclesiæ.

Quo loco aduerte 1. Christum vt Deum esse simul cum Patre, & Spiritu sancto caput inuisibile Ecclesiæ, at verò vt Deum hominem esse caput visibile illius, adeò vt ipsa humanitas sit veluti ratio formalis qua Christus constituitur in esse capitis visibilis, illiusque officium exerceat. 2. Christum secundum humanitatem, posse dici membrum capitis illius inuisibilis, cuius ratio ipsi vt Deo competit; vt autem est Deus homo, atque adeò caput visibile Ecclesiæ, non debere dici membrum, sed tantum caput, cum nulum influxum recipiat ab aliis membris, sed à Deo duntaxat. 3. Christum secundum totam humanitatem esse caput hominum quoad corpus, & animam, quatenus opus redemptionis perfecit per suam carnem, nosque bene operamur ministerio corporis, nostraque corpora ex meritis Christi resurgent. 4. etsi Christus sit primariò eorum caput, qui ipsi actu

uiuntur, siue per fidem, siue per charitatem, siue per fruitionem patriæ, cum tamen secundum quadam ratione esse caput eorum, qui ipsi tantum uiuntur in potentia, siue aliquando, siue nunquam reducend: ad actum perfectum.

Rursus aduerte Christum non tantum hominum, sed etiam Angelorum esse caput, ut sumitur ex verbis illis Pauli ad Coloss. 2. qui est caput omnis principatus, & potestatis. Ratio autem est quia Christus est caput totius Ecclesiæ, at Ecclesia coalescit non modo ex hominibus, sed etiam ex Angelis, siquidem hæc Ecclesia late vocatur vna multitudo ordinata in vnum finem, secundum diuersos actus & officia: homines autem & Angeli ordinantur ad vnum finem diuinæ fruitionis, quare ad eandem Ecclesiam pertinent, Christusque eorum omnium est caput: cum vni corpori plura capita assignari non debeant.

Cæterum qua ratione Christus sit caput Angelorum, controuertitur inter authores; qua in re illud videtur certum, Angelos spiritualem quendam influxum accipere a Christo, scilicet reuelationes quasdam & illuminationes, & eo saltem modo Christum esse eorum caput. An autem ab illo, seu ex illius meritis etiam acceperint gratiam, hoc ab alia quæstione pendet, ut iam supra obseruauimus.

Dices, Ecclesia debet constare ex capite homogeneo, seu quod sit eiusdem naturæ cum membris suis; at Christus non est eiusdem naturæ cum Angelis: ergo non est eorum caput. Respondeo ad rationem capitis moralis seu mystici, de quo hic agimus; suf-

DE CHRISTO. CAP. XIX. 337

ficere quòd in membra influat: siue cum illis in natura specifica conueniat, siue non.

Aduerte prætereà non modo Christum, sed etiam dæmonem esse caput malorum, quatenus sunt in hac vita. Cum eo tamen discrimine, quòd Christus est eorum caput, quatenus in illos interiùs influit gratias actuales, vel etiam fidem; dæmon verò quatenus illos gubernat, & quò vult ducit malitiam eis exterioriùs luadendo. Et quamvis monstrosum sit in rebus naturalibus, eidem corpori varia assignare capita; in moralibus tamen & politicis non repugnat sub vario respectu. Imò neque quòd detur caput capitis, adeòque etsi dæmon sit caput malorum omnium, id non impediatur quo minùs vnus illorum, nempe Antichristus dicatur reliquorum caput, quatenus eos malitia superabit.

Resolutio II. Christus fuit Sacerdos, & Rex.] Prima pars est de fide, & probatur, tum quia Christus se obtulit in ara crucis, & sub speciebus panis, tum quia in sacrificio altaris est primarius offerès, vt dicemus in tractatu de Sacramentis. Neque refert quòd se non occiderit in cruce, satis enim est quòd permiserit se occidi, cum id impedire posset, & ita se obtulerit.

Non tamen licet inde colligere, martyres sacrificium offerre, quando pro Christo mortem subeunt: quia non sunt à Deo sacerdotes destinati ad tale sacrificium. Sicut enim potest Deus præscribere cultum sibi exhibendum, adeò vt nullus alius censeatur legitimus; ita ministrum eiusmodi cultus designare potest: quales sunt in noua lege

Liber II.

P

foli

soli Sacerdotes, in veteri verò, ex tribu Leui.

Vt autem hæc clariùs intelligas. Nota 1. Christum fuisse Sacerdotem, non successionem, aut vnctione olei, sed ex vnione Verbi quia humanitas illius fuit delibuta oleo diuinitatis. Cæterùm per potestatem excellentiæ Christus potuit non solum sacrificium offerre, sed etiam Ecclesiam instituere, & Sacramenta ad salutem necessaria, leges condere pro bono animarum, varias gratias conferre, vicarios constituere ad regendam spiritualiter Ecclesiam, modis ab eo præscriptis; vnde non tantum Sacerdotis, sed etiam Legislatoris perfectè munus obijt.

Nota 2. effectum primarium sacrificij esse expiationem peccatorum, vt liquet de sacrificio crucis, quia Christus mortuus est, vt nos liberaret à peccato; & de sacrificio altaris constabit ex tract. citato. Vnde cum Christus fuerit impeccabilis, non potuit esse particeps talis effectus: alios tamen participauit, nempe gloriam proprii corporis, sui que nominis exaltationem.

Dices, si Christus participauit fructum aliquem sacrificij; ergo & pro se sacrificium obtulit: Hoc autem repugnat Concilio Alex. epistola ad Nestorium, approbata in Synodo Ephesina. Respondeo 1. negari posse sequelam maioris, nos enim, omnium consensu, de fructu sacrificij participamus, etsi pro aliis directa intentione illud offeramus. Quidni ergo simile quid de Christo dici poterit? Respondeo 2. non incongruè concedi posse, Christum etiam pro se obtulisse sacrificium, vt impetratorium noui alicuius beneficii, sicut illud obtulit quatenus est Eucharisticum,

DE CHRISTO. CAP. XIX. 339

seu continens gratiarum actionem, pro beneficiis acceptis: neque hoc repugnare Conciliis citatis, quia agunt aperte de sacrificio, ut propitiatorio.

Instabis, ergo etiam dici poterit, Christum pro se mortuum esse. Respondeo, non sequi, quia Christus pro se mortem non assumpsit, sed pro hominibus assumptam, etiam pro se obtulit, ad obtinendam gloriam corporis nominisque exaltationem.

Secunda pars ostenditur, quia etsi Christus non fuerit Rex quoad usum, cum pauperem vitam duxerit, habuit tamen in actu primo regiam potestatem in omnes res mundi, quod vel inde constat, quia cum tot aliis prerogatiuis insignitus fuerit, nulla ratio est cur hæc illi denegetur: præsertim quia aliæ excellentiæ ipsi debebantur ratione unionis hypostaticæ, qui titulus sufficit, ut ea etiam de qua agimus, ipsi concessa fuerit. Quid, quod per se absurdum videtur, eò autoritate Christi restringere, ut quatenus homo non potuerit siue Angelis siue hominibus quicquã præcipere, spectans ad regiminen temporale, aut politicum vniuersi: Hoc autem non potuisset, si fuisset tantum rex spiritualis, ut volunt aliqui.

Neque dicas 1. quod si Christus esset Rex, etiam in temporalibus, & politicis, eadem potestas summo Pontifici tanquam ipsius Vicario competere; hoc enim non sequitur, quia Christus non dedit illi totam suam potestatem, etiam in spiritualibus.

Neque dicas 2. frustra poni in Christo potestatem regiam, ad actum nunquam reducendam.

cendam. Nam in primis idem vrgeri potest de plerisque aliis facultatibus Christo concessis, quarum vsum non habuit. Deinde cum Christus acceperit potestatem regendi Angelos, & homines, tam in spiritualibus, quàm in temporalibus, dici potest, eam potestatem non fuisse omnino sine vſu: cum Christus, ex parte, seu quoad spiritualia, eam exercuerit.

Vnde collige, Christum habuisse dominium in res omnes, & singulas vniuersi. Non enim congruum erat, vt haberet potestatem regiam, omni proprietatis dominio destitutam: cum nullus sit rex, qui tale aliquod dominium non habeat. Hoc etiam ad maiorem Christi perfectionem conducit, pleniusque inde verificatur, quod ipse ait Matth. vltimo, sibi datam esse omnem potestatem in cœlo, & in terra; & quod alibi dicitur, eum esse Regem regum & Dominum dominantium. Hoc autem intellige de dominio radicali, non de proximo; cum Christus de facto, res omnes vniuersi, tanquàm proprias, sibi non applicuerit, adeoque aliorum dominium non excluderit: sicut neque supremum, & absolutum dominium quod habet Deus in omnia, impedit quo minus homines aliquid possideant, titulo Domini.

Resolutio III. Christus verus fuit mediator.] Probat, nam ille dicitur mediator, qui pacem inter duos dissidentes vult stabilire, qui orat, & satisfacit pro offendente: at Christus hæc præstitit pro nobis, ergo, &c. Hinc duo sequuntur. 1. munus mediatoris non distingui reipsa à munere redemptoris. 2. neminem

DE CHRISTO CAP. XIX. 341

neminem esse posse tam perfectè hominum mediatorem, ac Christus fuit, eò quòd nullus potest pro nobis tam perfectè satisfacere. Alij tamen facti dicuntur mediatores, quia pro nobis orant, gratias nobis obtinent, & ad reconciliationem disponunt.

Vbi nota, non solum humanitatem fuisse mediatricem, sed ipsummet Christum fuisse mediatorem, & redemptorem nostrum, ita scilicet, ut per humanitatem tantum elicuerit omnes actus mediatoris, & redemptoris, ratione vero divinitatis, valorem infinitum illis communicaverit.

Porro, cum ad mediatorem spectet orare, ut iam dictum est, quæri hîc potest, an Christus in hac vita oraverit, & adhuc pro nobis oret in cœlo, Respondeo 1. Christum in hac vita orasse, ut patet ex Euangelio, quod intellige ut oraaverit propriè, nempe aliquid petendo, & non tantum gratias agendo, aut Deum laudando, constat enim aliquid petiisse pro Petro, pro aliis discipulis, pro crucifixoribus, ac pro seipso.

Respondeo 2. probabilius videri Christum in cœlo propriè, & formaliter orare, & non solum interpretatiuè repræsentando passionem suam. Hunc enim non obscure colligitur ex Scriptura, cum ait, Christum in cœlo pro nobis interpellare, esse nostrum aduocatum apud Patrè, &c. Quid quòd ipse Christus Ioan. 14. Ego, inquit, rogabo Patrem, & alium Patrem dabit vobis; quæ, & similia, sine incommodo, de propria, & formali oratione intelligi possunt. Et ratio idem suadet, quia oratio est excellentissimus Dei

P 3 cultus;

cultus, & actus religionis qui valdè decet Christum; aliunde verò charitas qua nos diligit, eum mouet vt actu interpellet pro nobis, sicque munus aduocati, & mediatoris erga nos melius exerceat.

Dices 1. Data est Christo omnis potestas in cœlo, & in terra, Matth. 18. ergo non opus est vt ille recurrat ad Patrem, ea petendo quæ ipse per se præstare potest. Verum etsi id non sit absolutè necessarium, non sequitur quòd Christus non possit congruè orare, aliàs neque opus erit quòd oret interpretatiuè. Accedit, quòd cum tota illa potestas data sit Christo; ex vi Incarnationis, sequeretur eum, etiam in hac vita, superfluè orasse.

Dices 2. nunquam Ecclesia petit à Christo, vt oret pro nobis, sed tantum vt misereatur nostri. Respondeo neque etiam petere, vt pro nobis oret interpretatiuè: abstinet ergo à tali petitione, non quòd putet Christum non orare, sed ne detur occasio errandi simplicioribus, qui faciliè existimarent; Christum esse merum hominem. Deinde magis honoramus Christum precādo, vt nostri misereatur, quàm si rogemus, vt oret pro nobis, atque ita nostra oratio, cæteris paribus, potest ipsi esse gratior nobisque utilior.

CAPVT XX.

De filiatione, prædestinatione, & adoratione Christi.

RESOLVTIO I. Christus vt homo non debet dici Filius Dei adoptiuus.] Probat-
tur

DE CHRISTO. CAP. XX. 343

tur 1. ex definitione Adriani 1. in epistola ad Episcopos Hispaniæ, & Concilij Francofordiensis ad eisdem, contra Elipandum qui oppositum docebat 2. ratione, quia vt quis dicatur Filius adoptiuus debet esse persona extranea adoptanti, quo fit vt nemo possit adoptare Filium suum naturalem, at Christi persona non est extranea Deo, ergo, &c. Nec refert quod subsistat in natura extranea, inde enim non fit quod ipsa sit extranea, cum sit naturaliter coniuncta Patri.

Dices, Christus vt homo non est filius Dei naturalis, ergo est adoptiuus, non enim datur medium Antecedens ostenditur, quia aliàs in Christo essent tres filiationes naturales, quod hactenus apud Patres inauditum fuit. Respōdeo negando antecedens ad cuius probationem negatur sequela; Christus enim vt homo, potest dici filius Dei naturalis, eadem illa filiatione quam per generationem æternam à Patre obtrinit; siquidem vox homo, incēdit naturam & suppositum, quod in Christo vt homine; non aliud est, quàm Verbum ipsum ab æterno genitū.

Resolutio II. A quo sensu dici potest de Christo, quod sit prædestinatus, alio minime.] Hoc ita explico: In primis dici propriè non potest, Verbum fuisse prædestinatum vt esset homo, quia illud tantum dicitur prædestinari ad aliquod, quod subiaceret diuinæ gubernationi, quodque in tempore recipit donum aliquod gratiæ; hæc autem Verbo non competunt. Quia tamen Verbum in tempore factum est homo, dici potest, prædestinatum, seu decretum esse, vt Verbum fieret homo.

Dici etiam potest absolute, Christum esse prædestinatum. Deus enim ab æterno præordinavit, ut Verbum vniretur humanitati, in tempore; ergo ab æterno prædestinatus est Christus, qui est terminus illius vnionis. Imò, quia tale compositum incepit esse in tempore, dici potest, Christum fuisse prædestinatum ad esse.

Rursus dici potest, Christum esse prædestinatum ad gratiam & gloriam; quia etsi Verbum non subiaceret diuinæ providentiæ, neque dona recipere posset, secus dici debet de Christo, seu composito ex Verbo, & humanitate, cui verè concessa est gratia, & gloria. Cur ergo ad ea dona prædestinatus dici non poterit? Neque refert quòd ea essent Christo debita ex quadam congruitate, absolute enim non erāt ei debita, adeoque simpliciter ipsi gratis concessa fuerunt; quod sufficit ut ad ea prædestinatus dicatur. Hinc potest admitti illa propositio, Filius Dei prædestinatus fuit ad gloriam, si Filius Dei sumatur materialiter, pro supposito Verbi subsistente in natura humana, non si sumatur formaliter, ut sumi solet.

Præterea dici potest naturam humanam fuisse prædestinatam ad vnionem hypostaticam, quia hoc est maximum donum quod accepit in tempore; ergo dici potest quòd Deus ab æterno eam destinavit ad illam dignitatem. Nec refert quòd non dici possit prædestinata ad gloriam; nam quod prædestinatur ad videndum Deum, prædestinatur ad agendum, & actiones sunt suppositorum: in alio verò casu, destinatur humanitas ad recipiendam vnionem.

Tan

Tandem non potest dici absolute, absque additamento, Christum esse prædestinatum ut sit Filius Dei, quia eò ipsò quòd est Christus, est Filius Dei, ergo Christus non potest prædestinari ut sit Filius Dei, siquidem res non prædestinatur, nisi ad aliquid quod non habet.

Resolutio I I I. Christi humanitas adorari potest, eadem quoad substantiam adoratione latræ qua ipsum Verbum adoratur, potest etiam aliter quàm per latræ adorari.] Prima pars apertè colligi videtur ex variis Conciliis, & Patribus quorum verba à plerisque afferuntur. Item ex S. Tho, 3. p. q. 25. art. 1. & 2. Ratio verò est, quia ex Verbo, & humanitate fit vna persona Christi, eadem autem adoratione qua adoratur persona aliqua, adoratur & natura eius, ut experientia ostendit, quare cum persona Verbi adoretur suprema latræ adoratione, idem de ipsius humanitate sentiendum est.

Cum eo tamen discrimine, quod Verbum per se adoratur, seu propter propriam excellentiam, eius verò humanitas per aliud, seu ratione excellentiæ Verbi. Vnde illa non tam dicitur adorari, quàm coadorari, sicut coadoratur per summi Pontificis, in quo pontificia dignitas, propter quam fit adoratio, per se primò inest.

Secunda pars ostenditur, quia etsi de facto humanitas Christi vnita sit Verbo, possumus mente præscindere ab eiusmodi vnione, & considerare illam humanitatem cum donis gratiæ, & gloriæ quæ ipsi in perfectissimo gradu concessa, atque ita conceptæ exhibere cultum hyperdulæ.

Dubium est autem, an liceat eo modo Christi humanitatem adorare: nonnulli negant, quia cum humanitas Christi mereatur adorationem patriæ ratione vnionis: non potest sine indecentia minor adoratio ei exhiberi. Verum hæc ratio si quid probat: vt summum probat, non debere ita Christi humanitatem adorari, vt solus cultus hyperdulæ exhibeatur, quia aliquid amplius meretur. At non probat, nefas esse adorare humanitatem illam, omnibus modis quibus honorem meretur, atque adeo latria propter vnionem cum Verbo, & hyperdulia propter dona inferiora, in hoc enim nulla est indecentia. Quare probabilius existimo, posse Christi humanitatem, non modo physicè, sed etiam moraliter & licitè adorari hyperdulia, dummodò saltem superior cultus ei non denegetur: quod sufficit vt absolutè aliter quam latria adorari possit, contra arguentes.

Dice, eos damnari à conciliis, qui duas Christi adorationes inducunt. Sed hoc nihil refert, agitur enim de duabus adorationibus Nestorianis, quæ scilicet tendunt ad duas personas in Christo colendas.

Resolutio IV. Imago Christi dupliciter adorari potest, itemq; crux illius.] Prima pars probatur, suppositâ doctrinâ Catholicâ quæ asserit imagines verè, & propriè adorari, nam in primis fieri potest, vt idē actus adorationis terminetur ad Christū, & ad illius imaginem, quia hoc totū possumus concipere per modū vnus. Tunc autem imago Christi non tantum terminat actum externum qui circa illam fit, sed etiā partialiter affectū internū submisionis huic actui externo

DE CHRISTO. CAP. XX. 347

coniunctū quia aliās imago nō verē adoraretur, cū adoratio notā externā submissionis internā, idque respectu eiusdem essentialiter includat.

Dices, imago non habet in se dignitatem aliquam ratione cuius debeam illi me submittere tanquam digniori. Respondeo satis esse quod illud totum aggregatum quod adoro, sit dignus me, ut singulis illius partibus me subiiciam; aliās caro Christi non esset adoranda, cum per se non sit dignior homine à quo adoratur.

Secundò imago Christi potest adorari, etiam si ipse Christus non adoretur in recto, sed in obliquo tantum. Pater à simili, quia etsi proximus ametur, propter Deum, non tamen opus est ut eodē actu Deus in recto, & ut obiectum quod, ametur; quamvis etiam propter revelationem Dei assentiat mysterio Trinitatis, non est necesse ut idem fidei actus directē feratur in ipsam revelationem. Ergo similiter etsi imago Christi non sit adoranda, nisi propter Christū, eiusque excellentiam, ea poterit adorari; licet eodem actu Christus ipse in recto non adoretur, sed tantum in obliquo.

Dices, Cōcilia statuunt, per imagines & in imaginibus adorari exemplaria, adorationem imaginis esse adorationem exemplaris, & similia. Verū ista verificari possunt, etiā quando imago sola directē adoratur, quia neque tunc adoratur propter intrinsecā excellentiam, sed ratione exemplaris, & propter dignitatem illius, quod tantum Concilia intendebant contra hæreticos.

Ex his collige, adorationem esse respectivam, quando imago adoratur illo posteriori modo.

Dubium est autem, an sit etiam respectiva respectu ipsius imaginis, quando fit priori modo. Plerique negant, quia illud totum adoratur propter excellentiam quam in se habet, & non propter excellentiam alterius, ergo adoratio est absoluta, non respectiva. Malim tamen distinguere, nam etsi adoratio quatenus totum illud respicit, dici possit absoluta, propter rationem allatam, quatenus tamen partialiter terminatur ad imaginem, congruentius dicenda videtur respectiva, quia etiam tunc imago adoratur propter excellentiam alterius. Porro quæ hætenus de imagine Christi speciatim dicta sunt, proportionem servata de imaginibus Sactorum, & adoratione illis exhibita intelligi debent.

Secunda pars ex dictis facile suadetur, nam cū crux Christi sit quedā imago ipsius Christi crucifixi, ea duplici modo adorari potest, nempe aut simul cum Christo, aut ita ut actus adorationis directè ad illam tantū terminetur, ad Christum, verò indirectè, ut de imagine diximus, Licet autem nonnulli putent adorationem quando fit priori modo, esse absolutā respectu crucis, probabilius tamen videtur, in utroque casu esse respectivā, ut ad ipsam crucem terminatur, quia hæc nō adoratur, nisi propter excellentiam Christi.

Vbi nota illud discrimen inter crucem, in qua Christus pependit, & alias ad illius similitudinem effictas, quod prior adoratur non solum ut est Christi crucifixi imago, sed etiam quia ob contactum sacratissimi ipsius corporis, inter reliquias illius computatur, aliæ vero ob priorem tantum rationem adorari debent: unde si amittant figuram crucis, non

DE CHRISTO. CAP. XX. 349

amplius debent adorari, cum tamen ipsa Christi crux adoretur, etiam quando in minimas partes secatur, etsi tunc non referat Christum crucifixum, quia per contactum ipsius fuit quodammodo consecrata, & sanctificata, quod aliae cruces non habent.

Resolutio V. Beata Virgo non est adoranda latriâ propriè, sed tantum hyperduliâ.] Prima pars probatur, quia Virgo non est Deus, neque illius imago auctoritate Ecclesiæ designata ad eum repræsentandum, neque illius reliquia. Quandiu tamen Christus erat in illius utero, ea poterat latriâ adorari, modo Christus cum illa adoraretur, & ratio adorandi esset increata excellentia Christi, quia tunc accipiebantur per modum vnus. Potuit etiam latriâ adorari, tanquam reliquia Christi propter contactum eius. Verum Ecclesia non consuevit eam hoc modo adorare, propter periculum errandi, & quia ipsa digna est speciali adoratione.

Secunda igitur pars ostenditur, quia sancti communes adorantur duliâ propter dignitatem & sanctitatem quam habent; quare Virgo debet adorari modo perfectiori, cum reliquis omnibus sanctis multò sit dignior, & sanctior.

Dices 1. Epiphanium hæresi 79. improbare, quod feminae quædam obtulerint tortam panis, aut placentulas Virgini, ergo ea non debet adorari. Non sequitur, quia Epiphanius non aliud improbare intendit, quàm quòd prædicta Virgini offerrentur tanquam sacrificia, hæc enim soli Deo debentur.

Dices 2. si Virgo adoranda est, ei debetur aliquis

quis cultus distinctus ab hyperdulia, cum hæc tribuatur Apostolis, aliisque viris eximiis. Verum hinc tantum potest colligi, deberi beatæ Virgini excellentiorem hyperdulam, quàm quæ aliis competat.

Resolutio V. Reliquiæ sanctorum sunt adorandæ. Ita definitum fuit in variis Cōciliis, & patet ex miraculis, translationibus reliquiarum, honore ipsis exhibito, & communi fidelium sensu. Ratio idem suadet, quia cum Sāctos adoremus, meritò possumus reuerentiam exhibere eorum corporibus, aliisque ad ipsos spectantibus.

Dubium est autem, qualis cultus reliquiis exhibendus sit. Nonnulli existimant, nō posse reliquias adorari, nisi simul adoretur persona, cuius sunt reliquiæ, ita scilicet ut sola actio extrema terminetur ad reliquias, ad personam verò tota submissio interna. Alij dicunt reliquias posse adorari, vel simul cum persona, eademq; adoratione absoluta, vel ita ut adoratio terminetur solum a reliquiis in recto, ad personam verò in obliquo adeoque adoratione respectiva.

Verùm ij probabilius loqui videntur, qui contra priores existimant, non tantum cultum externum, sed etiam internum honestè, & licitè ad reliquias terminari. Contra posteriores verò contendunt, adorationem reliquiarum esse respectivam, siue solæ in recto, siue simul cum persona adorentur, eò quòd non debetur illis adoratio propter ipsas, sed tantum propter excellentiam personæ cuius sunt reliquie, ut in simili de imagine, & cruce Christi supra dictum est.

APPENDIX.

De communicatione idiomatum, seu, de modo loquendi in hac materia.

Resolutio Unica. In Christo admittenda est communicatio idiomatum.] Probatum, nam cum Verbum sit unitum humanitati, ut satis patet ex toto hoc libro, sequitur naturam diuinam, & humanam esse unitas in Verbo in unitate personæ. Unde fit ut de eadem persona duæ naturæ, itemque earum proprietates prædicentur in concreto, adeoque duplex communicatio idiomatum in Christo locum habeat.

Propter primam duplicis naturæ communicationem in unica persona, vera est illa propositio, Verbum est Deus, & illa, Verbum est homo. Item quia verbum est Deus, vera est illa propositio, Deus est homo, in qua etsi nomen, Deus, videatur supponere indeterminatè pro subsistente in natura diuina, non tamen verificatur nisi de Verbo; imò ex usu communi, nomen, Deus, accipitur ibi determinatè pro Verbo.

Vbi nota est illam propositionem, Deus est homo, differre ab hac, Iesus est homo, & ab ista, Christus est homo, quia etsi Deus, Iesus, & Christus ibi significant personam Verbi, tamen cum discrimine; quatenus Deus significat Verbum ut suppositum naturæ diuinæ, Iesus ut suppositum humanæ, Christus vero ut suppositum utriusque. Hinc autem sequitur primam propositionem esse contingentem, & duas alias necessarias; item primam esse quidem

quidem substantialem, alias verò essentielles, quia essenziale est supposito naturæ humanæ, esse hominem, siue simul aliam naturam terminet, siue non.

Nota 2. non tantum veram esse propositionem illam Deus est homo sed etiam istam, Deus factus est homo, quia scilicet in tempore assumpsit humanitatem; item illam, Deus factus est hic homo, quia assumpsit hanc humanitatem. Neque sensus est, Deum factum esse hoc suppositum, sed tantum, factum esse ut Deus hanc humanitatem assumpserit.

Nota 3. veram etiam esse propositionem illam, homo est Deus, quia nomen homo supponit pro supposito naturæ humanæ, persona autem Verbi, quæ verè essentialiter, est Deus, est suppositum naturæ humanæ Christi. Non tamen solet admitti illa altera propositio, homo factus est Deus, quia cum vox, homo, supponat pro persona, in Christo autem nulla sit persona præter Verbum, quod per æternam generationem est Deus, neque unquam incepit habere diuinitatem, hinc propriè dici non potest, quod homo factus sit, Deus.

Dices, interdum Patres illam propositionem vsurpant. Verum ij nihil aliud volunt, quam per Incarnationem factum esse, ut homo sit Deus, qui sensus bonus est.

Propter alteram communicationem dici potest, Christus est æternus, & temporalis; finitus, & infinitus, &c. scilicet ratione diuersarum naturarum. Similiter Christus in rigore dici potest, creatura, eò quod illius humanitas in tempore producta est. Nec re-

DE CHRISTO. APPENDIX. 353


fert quod quidam Patres negent Christum esse creaturam, loquantur enim de Christo ratione diuinitatis, contra Arianos, qui eum etiam ut est persona diuina, minorem faciebant Patre. Ne tamen illis fauere videamur, dicendum non est simpliciter Christum esse creaturam, sed tantum secundum humanitatem, quamvis simpliciter dici possit, Christum esse passum, mortuum, & sepultum; quia periculum non est quod hæc, aut similia dicantur de Christo, ratione personæ diuinæ.

Quo loco aduerte, quod etsi per communicationem idiomatum, quæ dicuntur de Deo, dici possint de homine, & vice versa; non tamen quæ conueniunt naturæ diuinæ, dici possunt de humana in abstracto, aut e contra; cum enim sint naturæ realiter distinctæ, habeantque proprietates realiter distinctas, non nisi falso dici potest, vnā esse alteram, aut quod prædicatur de vna, alteri competere. Vnde quamvis propter vnitatē suppositi subsistentis in natura diuina: & humana, rectè dicamus, Deus est homo & homo est Deus, item Deus est passibilis, & homo est impassibilis; non tamen dici potest diuinitas est humanitas, diuinitas est passibilis; aut, humanitas est diuinitas, humanitas est impassibilis.

Lutherani aliter explicant hanc communicationem idiomatum. Volunt enim proprietates naturæ diuinæ esse formaliter communicatas humanitati, nempe omnipotentiam, vbiquitatem, &c. sed errant ut patet ex variis Conciliis, quæ statuunt, vtramque naturam suas retinisse proprietates. Deinde
non

non est potior de vno attributo, quam de aliis; at humanitas non potest dici actus purus, immortalis, independens, &c. Rursus si humanitas esset omnipotens, contereret rerum omnium possibilium perfectiones, ageret independenter à quovis alio, &c. Denique si esset vbique, Christus non posset moveri secundum locum, & ita non esset natus in præsepio, suspensus in cruce, &c.

Dices Christus est vbique, Christus est homo, ergo homo est vbique, ergo humanitas est vbique. Hic est cavillatio, nam in prima propositione Christus sumitur pro ipsa persona Verbi, & in secunda pro Verbo ut vnito humanitati: priori modo est vbique, non posteriori, quia etsi Verbum sit vbique, non tamen vbique est vnitum humanitati, sed in certo loco duntaxat. Vnde & ibi tantum habet rationem Christi.





LIBER III.

DE ANGELIS.

CAPVT I.

De substantia Angelorum secundum se.

RESOLVTIO I. Certum est, ex fide Angelos existere.] Id enim manifestum est ex sacra Scriptura, quæ Gen. 16. & 19. itemque: Lucæ 1. & Actorum 12. aliisque non paucis locis vtriusque testamenti Angelorum meminit, & de iis agit tanquam de substantiis quibusdam intellectu præditis, ipsoque homine nobilioribus. Quamquam nomen, Angelus, ex propria vi talem naturam non significet, sed sit nomen officij, nuncium significans.

Verum quod existant Angeli ratione naturali euidenter probari non posse videtur, hoc enim nec ostendi potest à priori, per eorum existentiam cum non sit de essentia Angeli ut existat: nec à posteriori per effectus, cum motus cælorum, operationes extraordinariæ energumænorum, alique effectus, ex quibus Angelorum existentia colligi solet, in Deum, vel in animas separatas, aliæque causas faciliè reduci possint.

Vbi

Vbi observandum occurrit, in Conc. Later. relato in cap. firmiter, de summa Trinitate, statutum esse, Deum ab initio temporis, simul utramque de nihilo condidisse creaturam, spirituales, & corporales, Angelicam videlicet & mundanam. Dubium est autem, an propter hæc verba certum sit ex fide, Angelos non esse productos ante mundum corporeum, quia in re tria dicenda videntur. 1. ex iis quidem ut de fide certum colligi, Angelos de facto non esse creatos ab æterno sed in tempore, 2. non propterea videri esse ex fide certum, Angelos tanta simultate productos esse cum rebus corporeis, ut ne per brevissimum quidem tempus ante illas extiterint; quia parum pro nihilo reputatur, & ea accommodè dici possunt simul creata, saltem similitudine morali quorum unum paulò ante aliud produm est 3. non tamen sine aliqua temeritate affirmari posse, Angelos esse creatos ante mundum corporeum, quia ex communi Theologorum sententia, particula, simul, in dicto Conc. de similitudine Physica temporis intelligi debet.

Resolutio II. Angeli sunt spirituales, seu incorporei.] Hoc dupliciter potest intelligi 1. ut Angeli non sint creaturæ omnino corporeæ, sed saltem aliquid spirituale essentialiter adiunctum habeant. 2. ut totaliter sint incorporei, neque intrinsecè consistant ex parte aliqua corporea; & quoad utrumque certa est resolutio. Nam in primis quod Angeli non sint res omnino corporeæ, efficaciter deducitur ex duobus principiis communiter receptis, quorum alterum est, Angelos quoad

con

DE ANGELIS. CAP. I: 357

conditionem naturæ esse perfectiores homine, vt sufficien: et ex illo Psal. 8 Minuisti eum, id est, hominem, paulò minùs ab Angelis; Alterum est, hominem non esse rem planè corpoream, sed constare anima incorporea, & spiritali.

Deinde quòd Angeli sint omnino incorporei & spiritalis probatur, tum ex Script. quæ Heb. 1. Matt. 8. aliisque locis Angelos siue bonos, siue malos vocat spiritus; tum quia in Concil. Later. relatò in cap. firmiter, de summa Trinit. statuitur, Deum vtramque de nihilo condidisse creaturam, spiritualem, & corporealem, Angelicam videlicet & mundanam, ac deinde humanam quasi communem, ex spiritu & corpore constantem; tum denique, quia Angeli boni cælos penetrant vt ad nos descendant, quod non posset fieri sine miraculo, si essent corporei: dæmones etiam ex inferno ad nos remeant & per consequens terram penetrant, ingrediuntur cubiculum vndique occlusum, simulque quamplurimi eiusdem hominis corpus inuadunt, vt patet ex illo dæmoniacò qui Lucæ 8. ab integra dæmonum legione, id est à 6666. dæmonibus possidebatur.

Nota 1. Patres qui dixerunt Angelos esse corporeos, minùs probabiliter de Angelis sensisse, non tamen errasse contra fidem, cum eorum temporibus controuersia de qua agimus, esse: satis ambigua, nondumque ab Ecclesia sic definita, vt auctores communiter censent: meritò tamen temeritatis arguantur ij, qui post Concil. Lateran. citatum, scripserunt Angelos esse corporeos.

Nota

Nota 2. in 7. Synodo approbatam esse sententiam Episcopi Theſſal quatenus dicebat, Angelos poſſe depingi, agebatur enim de adoratione imaginum; non quoad rationem quam attulit, quia tenui corpore ſunt præditi.

Reſolutio III. Angeli non ſunt compoſiti ex materia & forma.] Probat, quia ſi Angeli componuntur ex materia; vel ea eſt corporea, vel incorporea. Neutrum dici poteſt; non primum, quia ſic Angeli eſſent corporei contra prædicta: non ſecundum, tum quia Angelus eſt eſſentialiter perfectior, adeoque ſimplicior anima rationali, hæc autem eſt forma ſimplex, nec conſtat intrinſeca materia ſpirituali, ſed tota eſt forma ſeu actus corporis; tum quia materia illa eſſet ſuperflua, cum Angelus ſine illa ſuas omnes operationes nempe intellectiōem, volitionem; & motum localem exercere poſſit, ut conſtat ex anima ſeparata; quæ ea omnia præſtat ſine materia.

Nota ibi eſſe materiam; ubi eſt tranſmutatio ſubſtantialis; & non ubi eſt tantum accidentalis, qualis reperitur in Angelis; ut cum ab una intellectiōe, aut volitione tranſeunt ad aliam, vel ab vno loco in alium.

Hinc autem collige in Angelo non eſſe compoſitionem ex partibus extenſivis; talis enim compoſitio non comperit niſi rebus quantis; & corporeis Angelus tamen habet quandam extenſionem virtualem reſpectu loci quem occupat; cum ſit totus in toto, & totus in qualibet illius parte; ſimiliter etſi non ſit in Angelo formalis compoſitio ex partibus intenſivis, qualis reperitur in albedine, frigore,

DE ANGELIS. CAP. I. 359

aliisque qualitatibus quæ possunt in eodem subiecto augeri, vel minui, est tamen in illo quædam intensio virtualis, quatenus vnius Angeli perfectio tanta esse potest, vt multis æquiualeat, easque virtualiter contineat.

Vbi nota Angelos, etsi non sint compositi ex materia & forma, tamen habere alias quasdam compositiones: constant enim ex essentia & existentia: ex natura singulari, & supposito; ex natura specifica & differentia indiuiduali; ex genere & differentia, ex subiecto, & accidente, quæ omnia dicunt compositionem aliquam, vel realem, vel rationis, realem, quando inter extrema est distinctio realis, rationis, quando extrema non nisi ratione distinguuntur. An autem extrema ipsa distinguantur realiter, vel tantum ratione, ex Philosophia repetendum est.

Resolutio IV. Angeli ab intrinseco, & ex natura sua sunt incorruptibiles.] Probat, nam illud dicitur incorruptibile ex natura sua quod neque ab agente creato, neque à Deo ex lege ordinaria corrumpi, seu destrui potest. Angeli sunt tales, ergo, &c. Minor ostenditur. Nam in primis cum Angeli non constent ex materia & forma, sed sint substantiæ simplices physice, vt ostensum est, perspicuum est eos non posse corrumpi ab vlllo agente, si corruptio propriè & strictè sumatur pro destructione qua forma substantialis rei deperditur, manente materia illius, vt contingit, verbi causa, in corruptione ligni quod in ignem conuertitur.

Rursus si corruptio accipiatur latè, & minus propriè pro tali rei desitione, quæ annihilatio

hilatio vocatur, sic etiam certum est Angelos non posse corrumpi ab ullo agente creato, eò quòd non pendent in fieri, & conseruari ab eiusmodi agentibus, neque ab iis aliquid accipere possunt, quod repugnet eorum existentiae; & quo posito teneatur Deus consentaneè ad naturas rerum subtrahere influxum quo illas conseruat: vnde etiam sequitur, Angelos esse natura sua incorruptibiles respectu potentiae ordinariae Dei, quia Deus ex tali potentia nihil destruit, denegando ei suum influxum conseruationis, nisi ad exigentiam, alicuius agentis contrarij, quod illius destructionem postulet. Quare sicut cœli dicuntur naturâ suâ incorruptibiles, eò quòd cum careant contratio, cuius vi dissoluantur, postulant à Deo perpetuò conseruari; ita Angeli, &c.

Confirmatur. Nam ex Conc. Later. sess. 8. anima rationalis natura sua est immortalis, ergo idem dicendum de Angelis, cum sint substantiae non minus spirituales, & simplices quàm anima. Nec refert quòd in 6. Synodo actione 11. dicitur Angelos, & animam rationalem Dei gratia habere immortalitatem, ibi enim per Dei gratiam nihil aliud intelligitur, quàm liber concursus Dei, qui animas & Angelos conseruat, vt possit absolute si velit eos in nihilum redigere. Hoc tamen non impedit quo minus eiusmodi conseruatio sit naturis rerum consentanea, quod satis est vt Angeli, & animae rationales dicantur natura sua immortales, & incorruptibiles in ordine ad potentiam Dei ordinariam.

Resolutio V. Possunt dari plures Angeli
&

DE ANGELIS. CAP. I. 361

& diuersæ, & eiusdem speciei.] Primum patet ; quia nihil denegandum est potentia Dei, nisi quod manifestam inuoluit repugnantiam, at non repugnat Angelos multiplicari quoad speciem, cum nulla ratio sit cur substantia spiritualis ex se non possit esse genus contrahibile per varias species, aut cur cum Angelica natura finita sit, non possit dari plures Angelorum species, quæ gradum genericum substantiæ spiritualis inæqualiter participant.

Secundum eodem modo ostenditur, quia sicut non repugnat quod vnus Angelus habeat conuenientiam genericam cum alio Angelo, & differentiam specificam ab illo ; ita nihil obstat quin habeat conuenientiam specificam cum alio Angelo, & differentiam numericam ab illo : si quidem natura Angeli etsi realiter simplex, propter varias rationes obiectiuas sufficiens præbet fundamentum in intellectui, ut iudicet eam cõuenire specie cū aliquo, & ab illo distingui numero.

Nota 1. non opus esse ut quæcumque numero distinguuntur consent materia, ut manifestè patet exemplo animarum rationalium, quæ etsi sint immateriales, solo numero differunt. Neque dicas animam rationalem dicere essentialiter ordinem ad materiam, hoc enim non sufficit ut animæ numero multiplicentur, per ordinem ad materiam ; cum singulæ sint indifferentes ad hanc vel illam numero materiam.

Nota 2. aliud esse distinctionem formarum, aliud distinctionem formalem, ad illam enim sufficit quòd duæ formæ distinguantur realiter quoad entitatem, ad istam verò

Liber III.

Q

requiri

requiritur vt inter formas sit distinctio essentialis. Hinc inter duas animas rationales est distinctio formarum, non formalis, vel essentialis; ita ergo possunt creari duo Angeli, qui etsi realiter per se quoad suas entitates distinguantur, non tamen formaliter, seu essentialiter.

Resolutio VI. De facto dantur plures Angeli distincti specie, & plures distincti solo numero.] Prior pars probatur, tum quia ordo & pulchritudo vniuersi talem varietatem postulare videtur, vt liquet ex gradibus rerum inferioribus; tum quia cum fides doceat inter Angelos varias esse hierarchias, & ordines, adeoque magnam dignitatis diuersitatem, hinc valde probabiliter colligitur essentialis, & specifica diuersitas inter illos. Præsertim cum ex communi Theologorum sententia gratuita sint Angelis collata; iuxta proportionem donorum naturalium.

Posterior pars ostenditur ex iam dictis, quia ad perfectionem vniuersi spectare videtur, non modo sufficiens distinctarum specierum multiplicatio, sed etiam nonnulla singularum specierum dilatatio, per multiplicationem indiuiduorum: & quia alias cum innumeri Angeli defecerint, eorum ordines valde imperfecti remansissent, vt potest et speciebus destituti, quot Angeli ceciderunt.

Vbi nota Angelorum numerum esse maximum, quamvis incertum, vt patet ex verbis illis Danielis 7. Millia millium assistebant ei. Quare autem Deus tantam Angelorum multitudinem creare voluerit, S. Thomas probat. quæst. 50. artic. 3. quia cum Deus in
creatio

DE ANGELIS. CAP. II. 363

creatione rerum perfectionem vniuersi intendere, quò aliqua sunt perfectiora, eò in maiori excessu produci debuerunt, vel secundum magnitudinem, vt cœli, vel secundum multitudinem, vt substantiæ spirituales. Adde quod sicut terreni reges quo sunt potentiores & ditiores, eò maiori seruatorum, & militũ caterua stipati incedunt; Ita cum Deus sit Rex regum, & Dominus dominantium, cuius potestas est infinita, & immensa maiestas, congruum fuit vt innumeram Angelorum multitudinem crearet, qui ipsi assisterent, eiusque iussa capefferent.

CAPVT II.

De substantia Angelorum, in ordine ad corporalia.

Resolutio I. Angeli non habent corpora sibi naturaliter vnita, interdum tamẽ assumunt corpora.] Prior pars probatur, quia Angeli sunt substantiæ perfectæ. Posterior ostenditur ex Scriptura quæ Genes. 18. & 10. & c. introducit Angelos ita apparentes hominibus, vt ab iis viderentur, audirentur, & tangerentur: hæc autem omnia saltem coniunctim spectata, planè indicant, non fuisse visionem imaginatiuam, sed alicuius corporis sub sensum cadentis.

Nota 1. Angelos posse assumere tum corpora animata, vt patet in dæmoniis, & in grege porcorum, de quo in Euangelio; tum à fortiori corpora mortuorum, cum hæc minus resistent; tum corpora ex aëre aliave materia confecta, norunt enim condensare vapores,

Q 2

res,

res, & exhalationes in modum nubium, aliorumque corporum consistentium, & impedire ne talis materia dissoluatur, aut diffuatur: non tamen concedendum est Angelos producere corpus aliquod ex nihilo, ut in eo appareant, cum talis productio soli Deo competat, ex S. Th. I. p. q. 45. art. 5.

Nota 2. formationem illam corporum non excedere virtutem naturalem Angelorum, quare satis est quod dicamus, Deum ad illam concurrere tantum per influxum generalem; præsertim quia cum dæmones assumant corpora ob malos fines non est cōueniens dicere Deum, ut causam specialem propriam illis talia corpora præparare.

Nota 3. non esse rationem cur dicamus Angelos bonos, & malos differre quoad materiam corporum assumptorum; cum eadem ad diuersos fines valere possint, ut patet, nam homines interdum similibus corporibus male vtuntur, aliàs bene; & dæmones nonnumquam induunt corpora pulchra, ac maiestatis plena: quare sine fundamento dices bonos ex cœlesti, malos vero ex terrestri materia corpora conficere.

Nota denique ex Angelo, & corpore non fieri vnum compositum per se, aut vnum suppositum; quia ad primum, opus esset quod Angelus haberet rationem formæ, & corpus materiæ. Ad secundum quod corpus assumptum priuaretur propria subsistentia, & à subsistentia Angeli terminaretur, quod naturaliter est impossibile, ut constat ex lib. 2.

Resolutio II. Non potest Angelus in corpore assumpto exercere actiones vitales quo-

DE ANGELIS. CAP. II. 365

ad substantiam: eas verò quæ sunt vitales quoad modum*, exercere potest quoad entitatem realem, non tamen quoad modum vitalitatis.]

Prima pars ostenditur, quia cum Angelus non informet substantialiter, & vitaliter corpus quod assumit, sed tantum per accidens illi coniunctus sit, sicut motor mobili, hinc fit ut nequeat in tali corpore exercere operationes vitales: siquidem operationes sunt vitæ actualis, quæ potentiam vitalem, vitamque radicalem & substantialem necessariò supponit.

Præterquam quoad operationem vitæ exercendam, non tantum requiritur principium vitaliter informans, sed etiam corpus organis distinctum, & ritè dispositum ad actus vitales elicendos. Hæc autem distinctio, & dispositio vere non habet locum in iis corporibus quæ ab Angelis assumi solent, sed tantum fictè & apparenter: quare repugnat quòd Angeli in eiusmodi corporibus exerceant operationes vere, & & substantialiter vitales.

Dices generatio hominis est actio vitalis substantialiter; At potest Angelus in corpore assumpto generare hominem, ergo, &c. Respondeo minorè falsam esse loquendo de potentia propria & per se, tū propter rationes a latas, tum quia generatio de qua agitur, est processio viuentis à viuentem coniuncto in similitudinē naturæ. Quæ autē ratione possit Angelus efficere ut homo generetur, explicat. 5 Doct. 1. p. q. 51. art. 3. ad 6.

Secunda pars probatur, nam ex Scriptura constat Angelos in assumptis corporibus loqui, ambulare, comedere, aliasve opera-

Q 3 tiones

tiones reales exercere, quæ quoad entitatem & substantiam magnam habent convenientiam cum actionibus, quæ nos vitaliter exercemus, loquendo, ambulando, & comedendo.

Tertia pars suadetur, quia ut prædictæ operationes fiant modo vitali, debent procedere à potentia vitali, & per certa instrumenta ad id à natura destinata: hoc autem non habet locum in casu de quo agitur, ut patet ex dictis, quare, etsi Angelus in corpore assumpto proferat sonos similes humanæ locutioni, non tamen propriè loquitur: sicut etiam non propriè comedit, aut ambulat, etsi cibos terat, & corpus quoddam motu progressivo ciat: istæ enim actiones propriè acceptæ præter entitatem materiale, dicunt maximè ordinem ad virtutem quandam vitalem in membris existentem per quam fiunt, & ad phantasiam per quam diriguntur: quare ut sic, tribui non possunt Angelis, quando in corporibus assumptis tale quid operari videntur. Vnde Angelus Raphaël Tobie 12. Videbar quidem (inquit) vobiscum manducare & bibere, sed ego cibo invisibili & potui, qui ab hominibus videri non potest, vtor; ubi verbum videbat, satis indicat manducationem illam non fuisse veram sed tantum apparentem.

Resolutio III. Angelus est in loco per præsentiam ad locum, seu per indistantiam suæ substantiæ à spatio in quo est.] Ratio est, quia prius est quod Angelus sit præsens spatio per substantiam suam, quam quod virtutem suam spatio applicet, aut in eo operetur; ergo per suam substantiam primò est in loco,

non

DE ANGELIS. CAP. II. 367

non autem per applicationem suæ virtutis, aut per operationem.

Confirmatur, nam Angeli beati sunt in celo empyreo, neque tamen ibi sunt in loco per applicationem suæ virtutis, cum illud cælum non moueant, nec probabiliter dici possit eos circa illud aliter operari; ergo sunt in eo per suam substantiam, & realem præsentiam.

Nota 1. Angelum non posse simul esse in pluribus locis totalibus & adæquatis; quia locus Angeli adæquatus est ille, qui toti ipsius perfectioni responderet, eique commensuratur. At non potest Angelus simul esse in pluribus eiusmodi locis, quia iam singula non essent adæquata & totalia, contra hypothesim, & Angelus esset in maiori loco quàm ab ipso occupari possit, quod aperte repugnat.

Nota 2. posse tamen Angelum simul esse in pluribus locis partialibus & inadæquatis; quia cum Angelus sit spiritalis, & ad minimum spatium se totum reducere possit. ut infra dicemus, nihil impedire potest quin totius spatij quod occupat, possit alias partes deferere, & alias occupare: oportet tamen ut eiusmodi loca partialia sint inter se contigua, quia aliàs ad ea simul occupanda substantia Angeli divideretur à seipsa, quod planè est impossibile.

Nota 3. non repugnare quin plures Angeli simul sint in eodem loco per præsentiam substantialem, quia cum eorum substantia sit spiritalis, & indiuisibilis, ea locum non occupat; adeoque vna non excludit aliam ab eodem loco.

Q 4

Confir

Confirmatur, nam anima rationalis, quia est indivisibilis, est simul in eodem loco cum corpore, ergo à fortiori poterit vnus Angelus esse in eodem loco cum alio Angelo. Constat etiam ex Euangelio, integram dæmonum legionem eiusdem hominis corpus simul occupasse.

Resolutio IV. Non habet Angelus terminū paruitatis quoad locum habet tamen magnitudinis.] Prima pars probatur, quia potest Angelus se reducere ad punctum, ita vt non sit extra illud: Cum enim sit indivisibilis, & partibus carens neque corpus à quod informet, nulla ratio est cur necessario debeat occupare locum quantum, & quamvis esset forma alicuius corporis, & vt sic deberet illi quodammodo commensurari quoad locum, nihil tamen obesset quin ex se posset existere extra tale corpus, & in eo statu præsentiam suam ad paruum locum, imò ad punctum contrahere.

Secunda pars ostenditur, nam si Angelus nullum haberet terminum quoad locum, sequeretur eum esse in omni loco, & consequenter dæmones esse in cœlo, & Angelos beatos in inferno: hoc autem repugnat Scripturæ sacræ, ex qua satis constat Angelos venire, discedere, ab vno loco in alium migrare, quæ & similia non bonè dicerentur si Angeli omnem locum occuparent. Deinde ex communi omnium Patrum sententia, proprium Dei est omnem locum occupare, vnde à nonnullis Diuinitas Spiritus sancti probatur ex eo quòd sit vbiq; ergo dicendum non est talē vbiuitatem alicui creaturæ de facto competere.

Nota

DE ANGELIS. CAP. II. 369

Nota non esse verisimile quòd possit Angelus tantum spatij occupare quoad longitudinem, quantum ex illo deferat, quantum ad latitudinem; cum enim substantia illius sit perfectionis limitatæ, locus etiam illi naturaliter debitus, quoad omnem dimensionem limitatus esse debet. Unde cum probabiliter Angeli præsentia, qua potest occupare spatium, sit ad Sphæram, maiorem, vel minorem, iuxta cuiusque proportionem, dici potest nullum Angelum posse suam præsentiam extendere ultra diametrum suæ Sphærae, etsi quoad latitudinē se ad lineam contrahat.

Resolutorio V. Angeli possunt moueri localiter.] Probatür 1. ex Scriptura sacra quatenus Tobia: 12. Raphaël ait tempus esse ut reuertatur ad eum qui misit illum, & Luca: 1. Angelus Gabriel ingressus est ad salutandum beatam Virginem, & postea ab ea recessit, & c. 2. quia cum Angeli non sint vbique, sed in loco certo, & determinato, dici nequit quòd non possint se transferre ab vno spatio ad aliud, cum talis facultas rebus multò inferioribus tribuatur.

Vbi nota Angelum ex communi sententia, posse moueri motu contiguo, quia licet substantia sit indiuisibilis & partibus carens, habet tamen virtuales quandam extensionem, ratione cuius potest ad certam Sphæram spatij præsentiam suam diffundere; sicque potest locum quem occupat paulatim relinquere, & vicinum similiter motu continuo, & non interrupto subire.

Potest etiam Angelus ex communi sententia moueri motu discreto, ita scilicet ut

Q. 5

eodem

eodem instanti temporis totum locum adequatum deserat, & simul totum alium occupet; tum quia oritur ex imperfectione corporum, quod sic moueri nequeant, quia nempe cum variis consent partibus, necessario debent priores partes loci prius occupare, quam posteriores; tum quia potest Angelus totum aliquem locum simul deserere, & permanere in puncto illius, quidni ergo simile spatium totum simul occupare poterit? atque ita talis motus fiet in instanti, & non transeundo per medium participans.

Hoc tamen non caret difficultate, quia ad primum dici poterit, non tantum oriri ex diuisibilitate corporis, quod non possit totum simul locum occupare, sed etiam & maxime, quia debet mobile prius peruenire ad partes loci proximas, quam ad remotas. Ad 2. vero non esse parem rationem, quia ut Angelus totum locum deserat, se reducendo ad vnicum illius punctum, non requiritur medium: ut autem occupet partes remotas noui spatij, requiritur medium, quod proinde prius traiciendum est, quam perueniatur ad extremum. Vnde videtur Angelum non posse transire de loco in locum, nisi transeundo per medium tam participans, quam non participans: neque Angelum posse aliter moueri motu discreto, quam in ipso motu successiuo, quo continuè mouetur, breues aliquas morulas interponendo.

CAPVT. III.

*De iis qua spectant ad intellectum
Angelorum.*

Resolutio I. Angeli intelligere non est illius substantia, sed accidens ab ea realiter distinctum.] Probatur 1. quia Angelus est mutabilis ab intrinseco in actibus intelligendi, & non in substantia ergo substantia Angeli non est actus intelligendi: antecedens probatur, nam Angelus beatus potest carere visione beatifica, aliisque intellectionibus supernaturalibus, quæ proinde non sunt idem cum substantia Angeli; cumque intellectiones istæ nobilissimæ sint superadditæ substantiæ, sintque accidentia, dici non potest quod aliæ intellectiones inferioris ordinis cum ipsa Angeli substantia identificentur.

Secundò non magis intellectio identificatur cum substantia Angeli, quàm eius volitio: at hæc cum illa non identificatur, ut patet, quia aliàs Angeli mali naturaliter essent mali. Neque dicas hinc tantum sequi, aliquam intellectionem non identificari cum substantia Angeli. Nam si una volitio distinguitur ab Angeli substantia, cur aliæ volitiones ab eadem non distinguantur? quòd si omnes volitiones sunt distinctæ ab Angeli substantia; eiq; superadditæ, idem à pari de omnibus intellectionibus affirmandum est.

Resolutio II. Intellectus Angeli, distinguitur ab illius substantia.] Probatur, quia cum experientia constet, res multas creatas

Q 6

p. 100

prædixas esse facultatibus accidentariis ad agendum, ignem calore, aquam frigore, &c. Idem est dicendum de aliis rebus creatis, adeoque de anima rationali. Itemque de Angelis, ita scilicet ut habeant intellectum realiter à substantia distinctum, & in ea radicatum; per quem ut principium proximum intelligant, & voluntatem per quam proximè actum volitionis eliciant.

Præsertim quia satis videtur durum, quòd eadem substantia creata, limitata, & composita simul sit formaliter intellectus, voluntas, &c. cum identitas substantiæ intellectus, & voluntatis in Deo, maximè ratione suæ simplicitatis, & infinitatis constitui soleat.

Nota in Angelo non esse intellectum agentem & possibilem: siquidem proprium munus intellectus agentis est, fabricare species intelligibiles, easque educere ex phantasmatibus; hoc autem competere nequit Angelis, cum sint incorporei, & phantasmata non habeant.

Deinde ille dicitur intellectus possibilis, qui in sui productione postulat ex se carere speciebus intelligentibus, etsi fortè per accidens eas infusas habeat: at Angeli ex natura sua postulant species in creatione infusas, cum non possint eas vi sua naturali producere & recipere ad modum animæ rationalis; quare in illis non est propriè intellectus agens, aut possibilis.

Resolutio III. Angelus indiget specie aliqua, ad intelligendas alias res creatas à se distinctas.] Probat, nam tribus tantum modis concipi potest, quòd Angelus res prædictas intelligat, nimirum

DE ANGELIS. CAP. III. 373

mirum aut per suam substantiam, aut immediatè per ipsa objecta intellecta, aut mediantibus quibusdam earum speciebus: at primus modus non est probabilis, cum Angelus non omnia quæ intelligit, in sua substantia virtualiter contineat. Secundus, verò refellitur, quia experientia constat res materiales non concurrere per se immediatè ad visionem corpoream, sed mediantibus speciebus, unde sequitur eas etiam per se effectiue non concurrere ad productionem intellectus siue humanæ siue Angelicæ, cum hoc difficilius sit.

Nota, species per quas Angeli intelligunt, fuisse ipsis à Deo infusas in instanti creationis; nam tribus tantum modis concipi potest, eiusmodi species Angelis competere, vel ita ut producantur ab objectis vel ita ut naturaliter fluant ab ipso intellectu Angelorum, vel ita denique ut cum ipsis Angelis concretæ fiant. At primum dici non potest, quia objecta materialia non habent vim producendi effectum spirituale, quales sunt species Angelicæ; aliunde verò nō possunt Angeli recipere species materiales cum in se sint omnino spirituales, neque habeant corpora sibi naturaliter vnita. Nec secundum, quia quæ incōmoda sequerentur, si Angelus per suam substantiam res omnes intelligeret, eadem occurrerent, si omnium rerum species ab illius intellectu natura ier fluerent. Utroque enim modo deberet virtualiter res omnes continere, adeoque esse infinitæ perfectionis: maximè cum Angelus non magis respiciat ut objectum intelligibile, res aliquando existentes, quàm possibiles

sibiles nunquam futuras: sequitur ergo tertium, nempe species per quas Angeli intelligunt, ipsis esse in instanti creationis à Deo infusas.

Resolutio IV. Possunt dari species aliæ aliis vniuersaliores in representando, & verisimile est eas quæ sunt vniuersaliores, perfectioribus Angelis de facto fuisse collatas.] Prior pars probatur primo, quia essentia diuina per modum ideæ infinita representat, species autem intelligibiles sunt quædam participationes ideæ diuinæ; quare non repugnat quod multa representent in suo gradu, & ordine. Secundò quia, si potest dari species expressa plurium rerum representatiua, poterit & impressa; at illa est possibilis, & de facto datur in beatis, qui eodem actu quo vident Deum, vident etiam plures creaturas. Tertiò quia nulla ratio afferri potest, quæ ostendat efficaciter tales species repugnare.

Dices, si tales species essent possibiles, deueniri posset, ad vnum aliquem Angelum; qui omnia intelligeret per vnicam speciem; quo si alius perfectior crearetur, ille omnia intelligeret sine vlla specie, adeoque per suam substantiam, quod admitti non potest? Respondeo id minime sequi, quia in ea hypothesi Deus Angelo prius existenti infunderet speciem Angeli de nouo creati, vnde ille iam haberet duas species per quas intelligeret; ac proinde non opus esset ut nouus Angelus omnia intelligeret per suam substantiam, quia posset habere vnicam speciem rerum inferiorum representatricem.

Posterior pars ostenditur, quia etsi Deus
in

DE ANGELIS. CAP. III. 375

in prima rerum creatione liberè operatus sit, certum tamen est eum valde congruenter omnia fecisse, quare cum Angeli non fuerint creati in mera potentia, ad intelligendas res creatas ab ipsis distinctas, sed variis speciebus intelligibilibus instructi fuerint, decuit ut illa infusio fieret iuxta proportionem naturalis perfectionis Angelorum, ita ut quo vnus Angelus est alio perfectior, eò intelligat per species simplices, & vniuersaliores.

Dices, quod cognoscitur in speciali, distinctius cognoscitur quam quod cognoscitur in vniuersali, si ergo Angeli superiores cognoscunt per formas magis vniuersales, quam inferiores, sequitur Angelos superiores habere scientiam minus perfectam quam inferiores, quod est absurdum. Respondet S. Doctor. 1. p. q. 55. art. 3. ad 2. cognoscere aliud in vniuersali dici dupliciter. 1. ex parte rei cognitz, ut si cognoscatur solum vniuersalis gradus rei, & sic cognoscere aliquid in vniuersali est imperfectius. 2. ex parte medij cognoscendi, & sic est perfectius cognoscere aliquid in vniuersali; perfectior enim est intellectus, qui per vnum vniuersale medium potest singula propria cognoscere, quam qui non potest.

CAPVT IV.

De obiecto intellectus Angeli.

RESOLVTIO I. Angelus se cognoscit, idque per suam substantiam.] De primo non est difficultas. Secundum probatur, quia cum

cum substantia Angeli sit intinè vnita ipsius intellectui, eaque sit per se spiritalis & intelligibilis, nulla ratio est, cur non possit Angelus se per substantiam, absque specie media intelligere.

Quo loco breuiter obseruanda sunt. 1. iam dicta intelligenda esse de facto, nam si agatur de possibili, certum esse videtur Angelum se posse cognoscere per aliquam sui speciem; cum non repugnet talem aliquam speciem à Deo produci, & Angelo cōmunicari. Confirmatur, quia quilibet Angelus habet species infusas aliorum Angelorum, per quas eas cognoscit: sicut ergo Angelus Gabriël habet speciem Michaëlis, ita non repugnat quòd ipsemet Michaël suam ipsius speciem accipiat, & per eam se intelligat.

Obseruandum 2. etsi probabile sit Angelum non posse cessare ab actuali sui ipsius cognitione, non tamen id posse efficaciter probari; nam quod aliqui dicunt, omnia viuientia habere propriam aliquam operationem, à qua nūquam cessant; nō est magni momenti, quia hinc vt summum colligitur, Angelum non posse abstinere ab omni operatione vitali, adeòq; debere aut se, aut aliquid aliud necessario cognoscere: quòd autem debeat Angelus necessario hanc determinatam operationem vitæ exercere neque ab ea vnquā cessare possit, hoc sanè deduci inde minimè potest; sicut neque ex eo quòd Angelus sit obiectum maximè sibi proportionatum, & semper præsens, idē enim dici posset de aliis omnib⁹ rebus quas potest Angelus intelligere, quia cum habeat earū omniū species præsentes,

DE ANGELIS. CAP. IV. 377

sententia, va deq; proportionatas, deberet esse cōtinuo, idque necessario in actu. 2. in electionis respectu rerum omnium quæ intelligi potest.

Resolutio II. Vnus Angelus a iam cognoscit & superior comprehendit inferiorem, non vice versa.] Prima pars non habet difficultatem, tum quia Scriptura inducit Angelos inter se colloquentes, pugnantes, sibi que inuicem resistentes: tum quia Angeli constituunt vnā quandam rempublicam ex variis gradibus & ordinibus constantem, tum denique, quia cum Angeli sint spirituales, & intellectu præditi, habent quicquid requiritur vt vnus alium cognoscere, & ab alio cognosci possit.

Secunda pars ostenditur, quia quilibet Angelus potest comprehendere, cum habeat vim intelligendi suæ naturæ proportionatam: ergo cū Angelus illo superior, vt naturam, ita & vim intelligendi nobiliorem habeat, à fortiori ab eo comprehendere poterit. Quod intellige de comprehensione essentia, & proprietatum naturaliter ab ea manantium, nam quod spectat ad cogitationes cordis, quid de his sentiendum sit, inferius dicitur. Quod verò attinet ad ea quæ per potentiam obedientialem siue actiuam, siue passiuā ab Angelo, aut in Angelo supernaturaliter fieri possunt, certum est ea à nullo Angelo quantumvis perfecto naturaliter comprehendendi posse, propter improprietatem quæ est inter intellectum cuiuscunque Angeli & tale obiectum.

Tertia pars suadetur, quia est eadem improprio inter vnū intellectum inferioris Angeli, & essentiam Angeli superioris, quæ est inter eorum naturas: quia scilicet quilibet ha-

bet vim intelligendi proportionatam suae naturae: sicut ergo natura Angeli inferioris non adaequat naturam superioris, ita neque illius vis intellectiva eam adaequare potest, ac proinde fieri nequit quod Angelus inferior superiorem comprehendat.

Resolutio III. Angelus per sua naturalia Deum cognoscit. Ita S. Th. 1. p. q. 56. art. 3. quod probat, quia Angeli sunt potentiores in cognoscendo, quam homines, sed homines per sua naturalia Deum cognoscere possunt, iuxta illud Rom. 1. quod notum est Dei, manifestum est in illis, ergo multo magis Angeli.

Vt autem explicet modum quo Angeli Deum cognoscunt, Notat aliquid tripliciter cognosci posse, 1. per suam essentiam, sicut si lux videatur in oculo. 2. per ipsius speciem ab eo acceptam, ut cum videtur lapis. 3. per eiusdem similitudinem ab alio in quo resultat, acceptam, ut cum homo videtur in speculo. Ait ergo primae cognitioni assimilari cognitionem, qua Deus per essentiam videtur scilicet à Beatis, tertiae vero eam quam in hoc statu habemus de Deo per creaturas, in quibus relucet, & secundae cognitionem quam Angelus naturaliter de Deo habet; videns enim suam essentiam, quae est quaedam Dei imago sibi impressa, per illam in cognitionem Dei assurgit.

Dices 1. cognitio naturalis Angeli non est discursiva, ac cognitio Dei ex creaturis est discursiva. Respondeo minorem in Angelo esse falsam, quia eodem actu quo Angelus seipsum cognoscit, videt se non esse à se, sed à supremo aliquo ente pendere.

Dices 2.

DE ANGELIS. CAP. IV. 379

Dices 2. si Angelus per suam substantiam Deum cognosceret, de eo non haberet nisi valde confusam cognitionem. Respondeo Angelum per suam substantiam, imò per cognitionem cuiuscunq; creaturæ clarè Deum cognoscere, quoad an est, etsi non quoad quid est.

Resolutio IV. Cognitio rerum materialium, & singularium est in Angelis.] Vt hoc clariùs percipias nota, circa eiusmodi cognitionem aliquid esse certum, & aliud de quo controuertitur. Certum est 1. Angelum res materiales & singulares cognoscere. 2. talem cognitionem esse claram & distinctam, imò & comprehensiuam, quia cum Angelus seipsum, Angelosque inferiores possit comprehendere; nulla ratio est cur non possit etiam comprehendere res materiales quoad earum essentias, & virtutes ipsis naturaliter inditas. 3. certum est cognitionem rerum materialium naturaliter Angelis competere, cum enim homines eas naturaliter cognoscant, verisimiliter dici non potest, vim intellectiuam naturalem Angelorum ad eas non posse pertingere, præsertim cum ex Scriptura non tantum constet, bonos Angelos cognoscere materialia, sed etiam malos, quibus probabiliter dici non potest conferre lumen aliquod supernaturale, ad percipienda eiusmodi objecta. 4. Angelos non cognoscere res materiales, & singulares per solam earum præsentiam sine specie, aut per earum species ab ipsis objectis acceptas, sed per species à Deo infusas.

Verum cum duobus modis intelligi possit, rerum species fuisse Angelis à Deo concessas
nempe

nempe aut totas simul in instanti creationis, aut successiue prout ob ecta successu temporis existuat, fiuntq; apta v. intuitiue cognoscantur. Dubium est vtro ex his modis concessa fuerint Angelis species rerum materialium. Missis autem controuersis, tenenda est sententia affirmas, species omnes fuisse, simul Angelis in instanti creationis a Deo infusas. Quod vel inde probatur, quia non appareret ratio, cur Angeli successiue debeant accipere species rerum materialium, nisi eiusmodi rerum existentia expectanda sit: at quod illarum existentia expectanda non sit, patet, quia non sumunt ab illis species, sed à Deo quare multo congruentius est quod eas simul, idque in instanti creationis, accipiant.

No a, species Angelis concreatas esse ex se veluti indifferentes ad repræsentandam rem, vel abstractiue, vel intuitiue, easque à rei præsentia obiectiue determinari, vt rem intuitiue, seu tanquam existentem, & actu præsentem referant: adeò vt licet obiectum existens non immitat nouas species, aut aliter non concurrat effectiue ad intellectionem, si tamen conditio sine qua ipsius species non habet vim ducendi intellectum in cognitionem illius intuitiuam.

Resolutio V Potest Angelus naturaliter certò cognoscere effectus ex solis causis naturalibus cōtingēter futuros. [O autē eos qui ex libero arbitrio cōtingēt & futuri sūt] Prima pars probatur, quia eiusmodi effectus sūt determinati in suis causis, ergo non sūt certò cognosci ab Angelo non minus quā ij qui ex necessitate à causis naturalibus oriūtur. Neque refert quòd effectus illi cōtingētes

DE ANGELIS. . CAP. IV. 381

possunt impediri ab aliis causis naturalibus, nouit enim Angelus eos per eiusmodi causas, quarum vim perfecte cognitam habet, nequaquam impediendos.

Secunda pars est certa ex fide, ut omnes communiter colligunt ex verbis illis Isa 42. Annuntiate quæ ventura sunt in futurum, & sciemus quia Dicitur Ratione autem ostenditur, quia operationes ex libertate futuræ non possunt cognosci ab Angelo in suis causis cum hæ sint indifferentes ad utrumlibet, neque in seipsis, quia rem quæ nondum existit, intellectu attingere, eamque ut aliquando in seipsa erit cognoscere, hoc proprium est intellectus infiniti, & æterni qui suo obtutu potest anteuertere omnes temporum differentias.

Dices, Angelus habet species concreatas futurorum contingentium, quare ergo non poterit ea cognoscere? Respondeo, quia non repræsentantur Angelo ut hic, & nunc pro tali tempore futura, sed tantum simpliciter, & abstractè ut sunt possibilis.

Resolutio VI. Angeli non cognoscunt de facto cogitationes cordium, nisi dependenter à voluntate alterius.] Probat, quia talis cognitio soli Deo tribui solet, ut cum dicitur 1. Paralipomenon 6. Tu enim solus nosti corda filiorum hominum, & Ieremiæ 7. Præuatum est cor hominis & inscrutabile, quis cognoscet illud? Ego Dominus scrutans cor, & probans renes. Dubium est autem 1. utrum Angeli possint naturaliter cognoscere cogitationes cordium 2. si possunt, unde oritur quod eas de facto non cognoscant.

Respon

rum Trinitatis, sed etiam circa mysterium futuræ Incarnationis: quia cum Christus esset futurus caput Angelorum, eorumque Iudex, æquum erat ut ipsi ex tunc eum cognoscerent, & in eum crederent; præsertim si vera eorum esset sententia, qui non sine fundamento aliquo existimant gratiam & gloriam fuisse Angelis collatam ex meritis Christi præiudis.

CAPVT V.

De modo cognitionis Angelorum.

Resolutio I. Probabile est Angelum posse multa simul intelligere, siue simul sumatur pro eodē actu siue pro eodē tēpore.] Primum patet, supposito quod Angelus habet species vniuersales quæ plura repræsentant, ut superius diximus; si enim Angelus habet, verbi causa, vnā speciē quæ simul repræsentet Bouem, & Equū, nulla est ratio cur nō possit vti tali specie ad intelligēdū simul, seu eodē actu Bouē, & Equum. Secundū etiam perspicuum est in actibus diuersi ordinis: Angelus enim beatus Deum videt, seipsum, ac res creatas simul, id est, eodem tempore & per actus distinctos intelligit. Idem patet in actibus eiusdem ordinis, cum nulla ratio sit cur possit Angelus simul actu supernaturali Deum cognoscere, & seipsum, vel aliquid aliud actu naturali; non possit autem duos actus naturales intellectus simul elicere, quorū altero, verbi causa, Angelum, altero hominem cognoscat.

Confirmatur, nam non est difficilius, quod Angelus

Angelus eodem tempore duo obiecta intelligat, per duas species, quàm quòd seipsum intelligat per suam substantiam gerentem vices speciei, & simul aliquod aliud obiectum per speciem illius intelligat. At omnium consensu potest posterius, maximè in eorum sententia qui existimant Angelum à sui cognitione cessare non posse, ergo prius illi merito negari non potest.

Dices, species intelligibiles sunt proportionatae virtuti intellectivæ Angelorum, ergo poterit Angelus tantum cognoscere quod repræsentatur per unam speciem. Respondeo hoc verum esse, si Angelus totam suam vim intellectivam effundat in vñu unius speciei; nihil autem vetat quin habens, verbi causa, duas species uniuersales, illis inadæquatè utatur, adeoque simul variis actibus feratur in partialia vtriusque obiecta.

Resolutio II. Angelus propriè non discurrit circa obiecta naturalia, quorum propriam habet speciem: probabile tamen est eum discurrere circa supernaturalia, & alia quæ euidenter non cognoscit.] Prima pars probatur, quia discurrere est ab vna cognitione transire ad aliam, ita vt vna cognitio sit causa alterius: atqui iste transitus non reperitur in cognitione quam habet Angelus de rebus naturalibus, quarum proprias habet species: siquidem per eandem speciem ipsi in actu primo repræsentantur essentia rei, & proprietates illius, quare vnico intuitu, eodemque actu potest tam has, quàm illam percipere: adeoque sine discursu.

Confirmatur, nam cum ex communi sen-

Liber III.

R

tea

rum Trinitatis, sed etiam circa mysterium futuræ Incarnationis: quia cum Christus esset futurus caput Angelorum, eorumque Iudex, atque erat ut ipsi ex tunc eum cognoscerent, & in eum crederent, præsertim si vera eorum esset sententia, qui non sine fundamento aliquo existimant gratiam & gloriam fuisse Angelis collatam ex meritis Christi præiudis.

CAPVT V.

De modo cognitionis Angelorum.

Resolutio I. Probabile est Angelum posse multa simul intelligere, siue simul sumatur pro eodē actu siue pro eo ē tēpore.] Primum patet, supposito quod Angelus habet species vniuersales quæ plura repræsentant, ut superius diximus; si enim Angelus habet, verbi causa, vnā speciē quæ simul repræsentet Bouem, & Equū, nulla est ratio cur nō possit vti tali specie ad intelligendū simul, seu eodē actu Bouē, & Equum. Secundū etiam perspicuum est in actibus diuersi ordinis: Angelus enim beatus Deum videt, seipsum, ac res creatas simul, id est, eodem tempore & per actus distinctos intelligit. Idem patet in actibus eiusdem ordinis, cum nulla ratio sit cur possit Angelus simul actu supernaturali Deum cognoscere, & seipsum, vel aliquid aliud actu naturali; non possit autem duos actus naturales intellectus simul elicere, quorū altero, verbi causa, Angelum; altero hominem cognoscat. Confirmatur, nam non est difficilius, quod Angelus

Angelus eodem tempore duo obiecta intelligat, per duas species, quàm quòd seipsum intelligat per suam substantiam gerentem vices speciei, & simul aliquod aliud obiectum per speciem illius intelligat. At omnium consensu potest posterius, maximè in eorum sententia qui existimant Angelum à sui cognitione cessare non posse, ergo prius illi merito negari non potest.

Dices, species intelligibiles sunt proportionatæ virtuti intellectivæ Angelorum, ergo poterit Angelus tantum cognoscere quod repræsentatur per unam speciem. Respondeo hoc ut summum verum esse, si Angelus totam suam vim intellectivam effundat in usu unius speciei; nihil autem vetat quin habens, verbi causa, duas species uniuersales, illis inadæquatè utatur, adeoque simul variis actibus feratur in partialia utriusque obiecta.

Resolutio II. Angelus propriè non discurret circa obiecta naturalia, quorum propriam habet speciem: probabile tamen est eum discurrere circa supernaturalia, & alia quæ euidenter non cognoscit.] Prima pars probatur, quia discurrere est ab una cognitione transire ad aliam, ita ut una cognitio sit causa alterius: atqui iste transitus non reperitur in cognitione quam habet Angelus de rebus naturalibus quarum proprias habet species: siquidem per eandem speciem ipsi in actu primo repræsentantur essentia rei, & proprietates illius, quare vnico intuitu, eodemque actu potest tam has, quàm illam percipere: adeoque sine discursu.

Confirmatur, nam cum ex communi sen-

Liber III.

R

ten

rum Trinitatis, sed etiam circa mysterium future Incarnationis: quia cum Christus esset futurus caput Angelorum, eorumque Iudex, æquum erat ut ipsi ex tunc eum cognoscerent, & in eum crederent; præsertim si vera eorum esset sententia, qui non sine fundamento aliquo existimant gratiam & gloriam fuisse Angelis collatam ex meritis Christi præiudis.

CAPVT V.

De modo cognitionis Angelorum.

Resolutio I. Probabile est Angelum posse multa simul intelligere, siue simul sumatur pro eodē actu siue pro eodē tēpore.] Primum patet, supposito quod Angelus habet species vniuersales quæ plura repræsentant, ut superius diximus; si enim Angelus habet, verbi causa, vnā speciē quæ simul repræsentet Bouem, & Equū, nulla est ratio cur nō possit vti tali specie ad intelligendū simul, seu eodē actu Bouē, & Equum.

Secundū etiam perspicuum est in actibus diuersi ordinis: Angelus enim beatus Deum videt, seipsum, ac res creatas simul, id est, eodem tempore & per actus distinctos intelligit. Idem patet in actibus eiusdem ordinis, cum nulla ratio sit cur possit Angelus simul actu supernaturali Deum cognoscere, & seipsum, vel aliquid aliud actu naturali; non possit autem duos actus naturales intellectus simul elicere, quorū altero, verbi causa, Angelum, altero hominem cognoscat.

Confirmatur, nam non est difficilius, quod Angelus

DE ANGELIS. CAP. V. 385

Angelus eodem tempore duo obiecta intelligat, per duas species, quàm quòd seipsum intelligat per suam substantiam gerentem vices speciei, & simul aliquid aliud obiectum per speciem illius intelligat. At omnium consensu potest posterius, maxime in eorum sententia qui existimant Angelum à sui cognitione cessare non posse, ergo prius illi merito negari non potest.

Dices, species intelligibiles sunt proportionatae virtuti intellectivæ Angelorum, ergo poterit Angelus tantum cognoscere quod repræsentatur per vnam speciem. Respondeo hoc ut summum verum esse, si Angelus totam suam vim intellectivam effundat in vñu vnius speciei; nihil autem vetat quin habens, verbi causa, duas species vniuersales, illis inadæquatè utatur, adeoque simul variis actibus feratur in partialia vtriusque obiecta.

Resolutio II. Angelus propriè non discurret circa obiecta naturalia, quorum propriam habet speciem: probabile tamen est eum discurrere circa supernaturalia, & alia quæ euidenter non cognoscit.] Prima pars probatur, quia discurrere est ab vna cognitione transire ad aliam, ita ut vna cognitio sit causa alterius: atqui iste transitus non reperitur in cognitione quam habet Angelus de rebus naturalibus, quarum proprias habet species: siquidem per eandem speciem ipsi in actu primo repræsentantur essentia rei, & proprietates illius, quare vnico intuitu, eodemque actu potest tam has, quàm illam percipere: adeoque sine discursu.

Confirmatur, nam cum ex communi sen-

Liber III.

R

ten

rum Trinitatis, sed etiam circa mysterium future Incarnationis: quia cum Christus esset futurus caput Angelorum, eorumque Iudex, æquum erat ut ipsi ex tunc eum cognoscerent, & in eum crederent; præsertim si vera eorum est sententia, qui non sine fundamento aliquo existimant gratiam & gloriam fuisse Angelis collatam ex meritis Christi præiudis.

CAPVT V.

De modo cognitionis Angelorum.

Resolutio I. Probabile est Angelum posse multa simul intelligere, siue simul sumatur pro eodē actu siue pro eo ē tēpore.] Primum patet, supposito quod Angelus habet species vniuersales quæ plura repræsentant, ut superius diximus; si enim Angelus habet, verbi causa, vnā speciē quæ simul repræsentet Bouem, & Equū, nulla est ratio cur nō possit vti tali specie ad intelligēdū simul, seu eodē actu Bouē, & Equum.

Secundū etiam perspicuum est in actibus diuersi ordinis: Angelus enim beatus Deum videt, seipsum, ac res creatas simul, id est, eodem tempore & per actus distinctos intelligit. Idem patet in actibus eiusdem ordinis, cum nulla ratio sit cur possit Angelus simul actu supernaturali Deum cognoscere, & seipsum, vel aliquid aliud actu naturali; non possit autem duos actus naturales intellectus simul elicere, quorū altero, verbi causa, Angelum, altero hominem cognoscat.

Confirmatur, nam non est difficilius, quod
Angelus

DE ANGELIS. CAP. V. 385

Angelus eodem tempore duo obiecta intelligat, per duas species, quàm quòd seipsum intelligat per suam substantiam gerentem vices speciei, & simul aliquod aliud obiectum per speciem illius intelligat. At omnium consensu potest posterius, maximè in eorum sententia qui existimant Angelum à sui cognitione cessare non posse, ergo prius illi merito negari non potest.

Dices, species intelligibiles sunt proportionatæ virtuti intellectivæ Angelorum, ergo poterit Angelus tantum cognoscere quod representatur per unam speciem. Respondeo hoc vti summum verum esse, si Angelus totam suam vim intellectivam effundat in vñu unius speciei; nihil autem vetat quin habens, verbi causa, duas species uniuersales, illis inadæquatè utatur, adeoque simul variis actibus feratur in partialia vtriusque obiecta.

Resolutio II. Angelus propriè non discurret circa obiecta naturalia, quorum propriam habet speciem: probabile tamen est eum discurrere circa supernaturalia, & alia quæ euidenter non cognoscit.] Prima pars probatur, quia discurrere est ab vna cognitione transire ad aliam, ita vt vna cognitio sit causa alterius: atqui iste transitus non reperitur in cognitione quam habet Angelus de rebus naturalibus quarum proprias habet species: siquidem per eandem speciem ipsi in actu primo representantur essentia rei, & proprietates illius, quare vnico intuitu, eodemque actu potest tam has, quàm illam percipere: adeoque sine discursu.

Confirmatur, nam cum ex communi sen-

Liber III.

R

ten

nempe aut totas simul in instanti creationis, aut successiue prout obiecta successu temporis existunt, sicutq; apta v. intuitiue cognoscantur. Dubium est vtro ex his modis concessæ fuerint Angelis species rerum materialium. Missis autem controuersis, tenenda est sententia affirmas, species omnes fuisse, simul Angelis in instanti creationis a Deo infusas. Quod vel inde probatur, quia non appareret ratio, cur Angelis successiue debeant accipere species rerum materialium, nisi eiusmodi rerum existentia expectanda sit: at quod illarum existentia expectanda non sit, patet, quia non sumunt ab illis species, sed à Deo quare multo congruentius est quod eas simul, idque in instanti creationis, accipiant.

Nota, species Angelis concreatas esse ex se veluti indifferentes ad repræsentandam rem, vel abstractiue, vel intuitiue, easque à rei præsentia obiectiue determinari; vt rem intuitiue, seu tanquam existentem, & actu præsentem referant: adeo vt licet obiectum existens non immitat nouas species, aut aliter non concurret effectiue ad intellectionem, si tamen conditio sine qua ipsius species non habet vim ducendi intellectum in cognitionem illius intuitiuam.

Resolutio V Potest Angelus naturaliter certo cognoscere effectus ex solis causis naturalibus contingentes futuros: & autē eos qui ex libero arbitrio contingēt & futuri sūt] Prima pars probatur, quia eiusmodi effectus sūt determinati in suis causis, ergo potest certo cognosci ab Angelo non minus quā ij qui ex necessitate causis naturalibus oriuntur. Neque prestat quod effectus illi contingēs

DE ANGELIS... CAP. IV. 381

possunt impediri ab aliis causis naturalibus, non enim Angelus eos per eiusmodi causas, quarum vim perfecte cognitam habet, nequaquam impediendos.

Secunda pars est certa ex fide, ut omnes communiter colligunt ex verbis illis Isa 42. Annuntiate quæ ventura sunt in futurum, & sciemus quia Dī estis Ratione autem ostenditur, quia operationes ex libertate futuræ non possunt cognosci ab Angelo in suis causis cum hæ sint indifferentes ad utrumlibet, neque in seipsis, quia rem quæ nondum existit, intellectu attingere, eamque ut aliquando in seipsa erit cognoscere, hoc proprium est intellectus infiniti, & æterni qui suo obtutu potest antevertere omnes temporum differentias.

Dices, Angelus habet species concreatas futurorum contingentium, quare ergo non poterit ea cognoscere? Respondeo, quia non repræsentantur Angelo ut hic, & nunc pro tali tempore futura, sed tantum simpliciter, & abstractè ut sunt possible.

Resolutio VI. Angeli non cognoscunt de facto cogitationes cordium, nisi dependenter à voluntate alterius.] Probat, quia talis cognitio soli Deo tribui solet, ut cum dicitur 1. Paralipomenon 6. Tu enim solus nosti corda filiorum hominum, & Ieremiæ 7. Præsumptum est cor hominis & inscrutabile, quis cognoscet illud? Ego Dominus scrutans cor, & probans renes. Dubium est autem 1. utrum Angeli possint naturaliter cognoscere cogitationes cordium 2. si possunt, unde oritur quod eas de facto non cognoscant.

Respon

per se loquendo, non superare facultatem naturalem Angelorum, ut patet, tum quia Angelus naturæ vi cognoscit nostrum intellectum, & species in eo receptas, nostramque voluntatem, quidni ergo poterit naturaliter cognoscere actum ab iis elicitum, si sit naturalis ordinis ut supponimus? tum quia Angelus maiori intelligendi vi præditus est, quam homo: at homo suos actus internos intellectus, & voluntatis intelligit. Quare ergo eisdem actus non poterit Angelus virtute naturali intelligere? Tum denique, quia Angelus cognoscit meas cogitationes, quando consentio; at meus consensus non augeat facultatem naturalem intellectus Angelici, neque alio modo efficit ut sit magis proportionatus ad intelligendas meas cogitationes quam antea.

Respondeo 2. idcirco Angelum non posse cognoscere humanorum cordium cogitationes, quia licet habeat species earum; neque superet illius facultatem eas cognoscere, Deus tamen ob suavem, suæ providentiæ in creaturæ rationalis gubernatione dispositionem, non vult cum illo concurrere ad earum cognitionem, nisi quando homo consentit, ut ipsi innotescant. Non enim apparet, ex quo alio capite oriri possit prædicta impossibilitas.

Resolutio VII. Angeli naturæ viribus cognoscunt mysteria, quæ sunt tantum supernaturalia quoad modum, non autem ea quæ sunt supernaturalia quoad substantiam: probabile tamen est Angelis communicatam fuisse in via, cognitionem aliquam mysterij incarnationis.} Prima pars probatur, quia ocu-

DE ANGELIS. CAP. IV. 383

lus cæco restitutus, est ens naturale quoad substantiam, ergo, ut sic potest naturaliter ab Angelo cognosci, non minùs quàm si per generationem productus esset. Imò non tantum cognoscit Angelus visum miraculosè restitutum; quoad id quod naturale habet: sed etiam aliquo modo, & confusè quoad id quod habet supernaturale; quia intelligit eum miraculosè, & non per vires naturæ restitutum esse, cum à potentia ad habitum naturaliter non detur regressus.

Secunda pars ostenditur, quia res, in substantia supernaturales, quales sunt gratia sanctificans, virtutes Theologice, &c. quoad propriam entitatem sunt supra ordinem rerum naturalium; adeoque ut sic excedunt vires naturales intellectus Angelici, eique sunt impropportionatæ; quare non potest Angelus propriis viribus eiusmodi objecta intelligere. Vnde collige non omnes species entium ab Angelo naturaliter cognosci posse, ac proinde totum ens creatum non esse obiectum cognitionis Angelicæ. Neque dicas supernaturale distingui a naturali, per comparisonem duntaxat ad agens: hoc enim falsum est, quia etsi supernaturale habeat causam supernaturalem, differt tamen per se à naturali, ut patebit ex l. 4. ac proinde etiam ut sic excedit facultatem naturalem intellectus Angelici.

Tertia pars est S. Thomæ infra q. 64. art. 1. ad 4. potestque ex eo probabiliter suaderi, quia ex communi sententia, boni Angeli per fidem supernaturalem sunt adepti beatitudinem, sicut & nos illam assequimur: talis autem fides verisimiliter versabatur non modo circa mysterium

rum Trinitatis, sed etiam circa mysterium futuræ Incarnationis: quia cum Christus esset futurus caput Angelorum, eorumque Iudex, æquum erat ut ipsi ex tunc eum cognoscerent, & in eum crederent; præsertim si vera eorum esset sententia, qui non sine fundamento aliquo existimant gratiam & gloriam fuisse Angelis collatam ex meritis Christi præiudis.

CAPVT V.

De modo cognitionis Angelorum.

Resolutio I. Probabile est Angelum posse multa simul intelligere siue simul sumatur pro eodē actu siue pro eo ē tēpore.] Primum patet, supposito quod Angelus habet species vniuersales quæ plura repræsentant, ut superius diximus; si enim Angelus habet, verbi causa, vnā speciē quæ simul repræsentet Bouem, & Equū, nulla est ratio cur nō possit vti tali specie ad intelligendū simul, seu eodē actu Bouē, & Equum.

Secundū etiam perspicuum est in actibus diuersi ordinis: Angelus enim beatus Deum videt, seipsum, ac res creatas simul, id est, eodem tempore & per actus distinctos intelligit. Idem patet in actibus eiusdem ordinis, cum nulla ratio sit cur possit Angelus simul actu supernaturali Deum cognoscere, & seipsum, vel aliquid aliud actu naturali; non possit autem duos actus naturales intellectus simul elicere, quorū altero, verbi causa, Angelum, altero hominem cognoscat.

Confirmatur, nam non est difficilius, quod Angelus

DE ANGELIS. CAP. V. 385

Angelus eodem tempore duo obiecta intelligat, per duas species, quàm quòd seipsum intelligat per suam substantiam gerentem vices speciei, & simul aliquod aliud obiectum per speciem illius intelligat. At omnium consensu potest posterius, maximè in eorum sententia qui existimant Angelum à sui cognitione cessare non posse, ergo prius illi merito negari non potest.

Dices, species intelligibiles sunt proportionatae virtuti intellectivæ Angelorum, ergo poterit Angelus tantum cognoscere quod repræsentatur per unam speciem. Respondeo hoc vti summum verum esse, si Angelus totam suam vim intellectivam effundat in usu unius speciei; nihil autem vetat quin habens, verbi causa, duas species uniuersales, illis inadaquatè utatur, adeoque simul variis actibus feratur in partialia utriusque obiecta.

Resolutio II. Angelus propriè non discurret circa obiecta naturalia, quorum propriam habet speciem: probabile tamen est eum discurrere circa supernaturalia, & alia quæ euidenter non cognoscit.] Prima pars probatur, quia discurrere est ab una cognitione transire ad aliam, ita ut una cognitio sit causa alterius: atqui iste transitus non reperitur in cognitione quam habet Angelus de rebus naturalibus, quarum proprias habet species: siquidem per eandem speciem ipsi in actu primo repræsentantur essentia rei, & proprietates illius, quare unico intuitu, eodemque actu potest tam has, quàm illam percipere: adeoque sine discursu.

Confirmatur, nam cum ex communi sen-

Liber III.

R

ten

tentia, Angelus habeat species repræsentantes diuersas naturas, quidni poterit habere species quæ simul repræsentent naturam aliquam; & proprietates illius? aliunde verò verisimiliter dici non potest quòd species repræsentans naturam aliquam, illiusque proprietates, excedat virtutem actiuam intellectus Angelici; quare etiam negari nequit, quin Angelus vnico actu, atque adeò sine discursu feratur circa obiecta naturalia, quorum propriam habet speciem.

Secunda pars ostenditur, quia ibi est discursus, vbi vna cognitio deducitur ex alia, & ab ea causatur; at hoc contingere potest in materia de qua agimus, vt patet quando dæmon ex eo quòd videt Christum esse hominem, colligit eum non esse Deum; aut si videns mortuum, iudicet eum non resurrecturum: tunc enim reperitur deductio vnius cognitionis ex alia: & istæ cognitiones haud dubiè sunt distinctæ, cum vna sit vera, & altera falsa. Potest ergo Angelus propriè discurrere circa supernaturalia.

Nota, vt proprium sit hominis ratiocinari, & discurrere, non Angeli, satis esse quòd Angeli quoad cognitionem rerum naturalium, quarum habent species concreatas, non discurrant; sed tanta vi polleant, vt vnico & simplici intuitu videant in obiecto, quicquid in eo cognosci potest: talis enim modus intelligendi longè superat facultatem naturalem hominis, cum tamen Angelo sit valde connaturalis.

Resolutio III. Angeli plerumque intelligunt sine compositione & diuisione, non tamen

DE ANGELIS. CAP. V. 387

men semper,] Hoc ita explico, in primis certum est Angelum multa cognoscere non componendo, ut cum, verbi causa, per speciem hominis perfectè cognoscit, & iudicat hominem esse animal rationale. Nam cum distinctè cognoscat essentiam & quidditatem hominis, eodem actu videt attributum non distingui à subiecto, proindeque quando dicit vnum esse aliud, hoc non facit componendo, sed vnico simplici intuitu.

Potest etiam Angelus ex hypotesi quòd habeat species vniuersales repræsentantes varias naturas, verbi causa, Equum, & Leonem, simplici intuitu & sine vlla formali diuisione iudicare, Equum non esse Leonem: cum enim per eandem speciem repræsentetur clarè vtraque natura, tam secundum prædicata communia; quam secundum propria, utque vna ab altera distinguitur, possitque Angelus vnico actu adæquare totam vim talis speciei, & percipere distinctè omnia & singula illius obiecta, idem facillè poterit eodem intuitu quo cognoscit Equum, & Leonem, simul iudicare vnum non esse aliud.

Secundò certum videtur, Angelos vti diuisione, & compositione quando cognoscunt res in euidenter, seu quatum non habent proprias species: tunc enim formant vnum conceptum de subiecto, cumque illud non penetrent, adeoque clarè & eodem intuitu non percipiant, quæ possunt ei attribui, vel ab eo remoueri, necesse est, ut si quid de eo affirmant, aut negant, id fiat per distinctum conceptum; & consequenter componendo, aut diuidendo.

R 2

Hinc

Hinc cum nequeat Angelus certo cognoscere, an Petrus sit cras peccaturus, necne, si affirmet eum peccaturum, hoc fiet cum aliqua conceptuum compositione; si verò neget eum peccaturum, id fiet cum diuisione; & sic aliis.

CAPVT VI.

De voluntate & amore Angelorum.

RESOLVTIO I. In Angelis est voluntas & liberum arbitrium, non tamen appetitus irascibilis. Ita S. Thomas 1. p. q. 59. Primum probat art. 1. in hunc modum. In iis est voluntas quæ habent inclinationem ad ipsum bonum vniuersaliter apprehensum, talis siquidem inclinatio est voluntas; sed Angeli inclinantur ad ipsum bonum vniuersaliter apprehensum, quatenus sunt creaturæ intellectuales, ergo in iis est voluntas. Probatur minor, nam quælibet res inclinatur ad bonum, sed cum discriminē, quædam enim inclinantur in bonum per solam naturalem habitudinem, sine cognitione, ut plantæ, & talis inclinatio vocatur appetitus naturalis; quædam verò inclinantur ad bonum cum aliqua cognitione, non quidē sic ut cognoscant ipsam rationem boni in communi, sed ita ut tantum cognoscant aliquod bonum particulare, sicut sensus qui cognoscit dulce, & album; & inclinatio hanc cognitionem sequens dicitur appetitus sensitivus ita denique inclinantur ad bonum, cognoscendo ipsam rationem boni, & hæc cognitio est propria intellectu

DE ANGELIS. CAP. VI. 389

rellectus, quam sequitur inclinatio in bonum ipsum vniuersale, quæ est voluntas.

Secundum probat art. 3. tum quia liberum arbitrium est in hominibus, ergo multò magis in Angelis, siquidem libertas pertinet ad perfectionem, Angeli autem sunt perfectiores hominibus: tum quia in eo est liberum arbitrium, quod potest agere ex iudicio libero, atqui Angeli possunt agere ex iudicio libero, quia cum sint intelligentes, cognoscunt vniuersalem rationem boni ex qua possunt iudicare hoc vel illud esse bonum; ergo habent liberum arbitrium.

Confirmatur, nam sunt nonnulla quæ non habent liberum arbitrium, quia non agunt ex aliquo iudicio, sed quasi ad aliis acta, & mota, sicut sagitta à sagittam mouetur ad scopum: aliqua verò agunt ex quodam arbitrio, sed non libero, sicut animalia irrationalia, Ovis enim fugit Lupum, ex quodam iudicio minimè libero, sed à natura determinato, quo existimat eum sibi esse noxium, adeoque non habet liberum arbitrium: Contrà ergo quia in Angelis est liberum iudicium, in his etiam est liberum arbitrium, idque nobiliori modo quàm in hominibus cum perfectiori intellectu præditi sint.

Tertium probat art. 4. quia in Angelis est solus appetitus intellectiuis, ille autem non diuiditur in irascibilem, & concupiscibilem, siquidem potentia non distinguuntur per materiale distinctionem obiectorum, sed solum secundum diuersam formalem rationem eorum, vt patet in visu, qui non distinguitur in varias potentias secundum diuersi-

tatem colorum , quia fertur in colorem secundum rationem communem coloris: at qui appetitui intellectiuo respondet vnum obiectum secundum vnā rationem formalem communem; scilicet bonum in ratione boni : ergo appetitus Angeli non distinguitur in irascibilem , & concupiscibilem.

Resolutio II. In Angelis est dilectio naturalis, & electiua.] Vtraque pars est S. Thomæ i. p. q. 60. Priorem autem probat art. 1. quia prius semper saluatur in posteriori , natura autem prior est quam intellectus, quia natura cuiusque rei est essentia eius: vnde id quod est naturæ oportet saluari etiam in habentibus intellectum ; est autem hoc commune omni naturæ, vt habeat aliquam inclinationem , quæ est appetitus naturalis vel amor , diuersimodè tamen secundum cuiusque modum; & quidem in natura intellectuali secundum voluntatem , in sensitua , secundum appetitum sensitium , in natura verò carente cognitione , secundum ordinem naturæ in aliquid: cum ergo Angelus sit naturæ intellectualis, oportet quod in voluntate eius sit naturalis dilectio.

Posteriorem probat art. 2. tum quia Angeli sua dilectione aliquid merentur , vel demerentur, non naturali , ergo electiua ; tum quia hoc nullam in Angelo dicit imperfectionem , vt patet , quia actus appetitiuæ virtutis , est secundum ordinem appetentis ad res , quarum aliquæ sunt secundum se appetibiles vt finis; alix tantum per ordinem ad aliud , vt media. Vnde non oritur ex imperfectione appetentis , quod naturaliter aliquid appetat vt finem, & aliquid

DE ANGELIS. CAP. VI. 391.

per electionem ut medijs ac proinde nihil vetat quin ponatur in Angelis dilectio non modo naturalis, sed etiam electiva.

Nota 1. ex art. 3. Angelum seipsum diligere dilectione naturali, & electiva, quia res quælibet etiam cognitione carens, naturaliter appetit consequi id quod est sibi bonum, sicut ignis locum sursum. Unde Angelus, & homo naturaliter appetunt suum bonum, & suam perfectionem: cumque sibi velle bonum sit amare seipsum, consequens est Angelum seipsum dilectione naturali diligere. Quia verò aliunde Angelus sibi desiderat aliquod bonum per electionem, hinc seipsum amat dilectione electiva.

Nota 2. ex probabiliori sententia: Angelum se liberè amare quoad exercitium, si enim potest abstinere ab actuali sui ipsius consideratione, ut supra ostensum est, consequenter potest seipsum actu non diligere; cum impossibile sit ut se actu diligat quin actu de se cogitet.

Resolutio III. Vnus Angelus naturaliter alium diligit sicut seipsum, & Deum plusquam seipsum.] Priorem partem tradit S. Th. 1. p. q. 90. artic. 4. quia cum Angelus naturaliter diligat seipsum, consequenter diligit id omne cum quo est vnum in naturalibus. Atqui omnes Angeli sunt vnum in natura, cum conveniant in eodem genere, ergo unus alium naturaliter diligit tanquam seipsum; ita scilicet ut hæc particula, tanquam, significet similitudinem, non æqualitatem. In quantum tamen unus Angelus convenit cum altero in quibusdam alijs, vel in quantum unus ab

altero differt, sic non diligit cum dilectione naturali.

Nota, amorem quo unus Angelus alium diligit ratione naturæ, esse necessarium quoad specificationem, quia sub eo respectu non potest eum odio habere; non tamen esse necessarium quoad exercitium, quia si Angelus potest cessare ab amore actuali quo seipsum diligit, multò magis poterit abstinere ab amore naturali quo alium prosequitur; cum propria bonitas & perfectio, sit illi magis intrinseca, adeoque magis proportionata, ut eum in sui amorem necessario rapiat, quàm bonitas cuiusvis alterius Angelii, quantumvis perfecta sit.

Posteriorem verò partem tradit art. 5. & probat 1. quia omne illud quod secundum id quod est, alterius est; naturaliter magis inclinatur in id cuius est, quàm in seipsum: sed Angelus secundum id quod est, Dei est: ergo, &c. Maior ostenditur exemplo rerum ratione carentium, quæ magis inclinantur in id cuius sunt, quàm in seipsas, manus enim se exponit ictui absque deliberatione pro conservatione suppositi. 2. quia si Angelus plus se quàm Deum naturaliter diligeret, sequeretur naturalem illius inclinationem esse peruersam. Item naturalem dilectionem per charitatem non perfici, sed potius destrui, quia scilicet charitas inclinat ad Deum magis amandum quàm se.

Nota 1. amorem amicitix quo Angelus naturaliter Deum diligit, esse necessarium quoad specificationem, quatenus non potest Angelus considerans, Deum esse ens summè bonum,

DE ANGELIS CAP. VII. 393

num, infinite perfectum, ac per se amabile, in illum ferri actu odij. 2. talem amorem non esse necessarium quoad exercitium, quia Angelus cognoscendo se, veluti reflexè cognoscit Deum: sicut ergo non se cognoscit necessario quoad exercitium, ita nec Deum; ac proinde ab actuali illius amore vacare potest. Et idem dici potest de amore concupiscentiæ.

CAPVT VII.

De gratia & gloria Angelorum.

Resolutio I. Angeli fuerunt creati in beatitudine naturali, non in supernaturali.] Ita S. Thom. 1. p. q. 62. art. 1. quod probat hoc discursu. Nomine beatitudinis intelligitur vltima perfectio rationalis, seu intellectualis naturæ, quæ perfectio duplex est. Vna quidem quæ naturali virtute acquiri potest, quæque in perfectissima Dei contemplatione naturali posita est, alia quæ excedit vires cuiuscunque intellectus creati, & consistit in clara visione Dei, quam in futura vita expectamus. Quantum ergo ad primam beatitudinem, Angelus creatus fuit beatus, quia eiusmodi perfectionem non acquirit, per aliquem motum discursiuum, sicut homo, sed statim ei adest propter naturæ suæ dignitatem: quoad alteram verò, Angeli non statim in principio suæ creationis fuere beati, quia hæc beatitudo, non est aliquid naturæ, sed naturæ finis, & ideo vò statim à principio eā habere debuerūt. Potest hoc posterius confirmari, quia Angeli mali non peccassent, nec è statu beatitudinis

R

5

exci

excidissent, si fuissent beati. Boni verò æquè poterant peccare ac alij, & cum illis damnari.

Nota 1. ex art. 2. Angelum indiguiffe gratia ad hoc vt conuerteretur in Deum, provt est obiectum beatitudinis, quia voluntas non potest ferri in id quod est supra naturam, nisi ab aliquo principio supernaturali adiuta: At videre Deum per essentiam, in quo vltima beatitudo creaturæ intellectualis consistit, est supra naturā cuiuslibet intellectus creati, quare Angelus non potest in illam beatitudinem voluntate conuerti, nisi per supernaturale auxilium gratiæ.

Nota 2. ex responsione ad 3. triplicem esse conuersionem in Deum, vnam quidem per dilectionem perfectam; quæ est creaturæ iam Deo fruientis, ad quam requiritur gratia cōsummata: aliā quæ est meritū beatitudinis, ad quā requiritur gratia habitualis, quæ est merendi principium, tertiam verò per quam aliquis se præparat ad gratiam, scilicet habitualement habendam, & ad hanc non requiritur aliqua habitualis gratia, sed operatio Dei ad se animam conuertentis, id est auxilium gratiæ actualis.

Resolutio II. Angeli fuerunt creati in gratia.] Hoc probat S. Thomas prædictæ quæstionis artic. 3. tum ex Augustino libro 12. de Ciuit. cap. 9. vbi ait, Deum creasse Angelos simul in eis condendo naturam & largiendo gratiam, tum quia res aliæ initio sunt productæ secundum quasdam seminales rationes, sicut arbores, & animalia aliaque eiusmodi. Manifestum est autem quod gratia gratiam faciens hoc modo comparatur ad beatitudinem

DE ANGELIS. CAP. VII. 395

rudinem, sicut ratio seminalis in natura ad effectum naturalem; unde 1. Ioan 3. Gratia semen Dei nominatur: ergo congruum fuit ut Angeli à principio fuerint creati in gratia.

Potest hoc confirmari quia boni Angeli meruerunt beatitudinem, mali verò eam poterant mereri: at hoc meritum supponit statum gratiæ: neque ratio est cur Deus potius in secundo, quàm in primo instanti viæ Angelorum, gratiam ipsis contulerit.

Notandum autem Angelos ex communiori sententia, per proprios actus se disposuisse ad primam illam receptionem gratiæ sanctificantis, quia cùm in instanti creationis vsum libertatis habuerint, & per actum supernaturalem ad Deum conuersi sint, nihil videtur potuisse obstat, quominus eiusmodi actus fuerint dispositio ad gratiam sanctificantem tunc infusam.

Neque refert quod infra dicemus, gratiam Angelis fuisse primo collatam, iuxta proportionem naturalium. Hoc enim proximè potest intelligi de gratia actuali, & remotè de gratia sanctificante; ita scilicet ut Deus ex mera sua voluntate, eò maiora gratiæ auxilia Angelis contulerit in instanti creationis, quò vnus altero est perfectior in natura; quilibet autem Angelus secundum totam vim auxilij accepti, ad Deum se conuerterit; atque ita cum gratia sanctificans collata sit iuxta vniuscuiusque dispositionem, consequenter, quò vnus altero est perfectior in donis naturalibus, eò maiorem gratiæ sanctificantis habitum receperit.

Resolutio III. Angelus beatus suam bea-

R 6 titudi

titudinem meruit.] Hoc probat S. Doctor eadem q. art. 4. tum ex Apocal. 21. vbi dicitur, quod mensura Angeli in illa coelesti Hierusalem est mensura hominis, sed homo ad beatitudinem perungere non potest sine merito, ergo neque Angelus: tum quia Angelus aut habet beatitudinem, quia est ei naturalis, aut eam consequitur per naturalem suam operationem, aut ex merito; at primum dici non potest, quia naturaliter esse beatum conuenit soli Deo, in quo idem est esse, & beatum esse: nec secundum; quia beatitudo excedit vires naturæ: ergo tertium verum est, nempe beatitudinem Angelo per meritum competere.

Nota 1. ex art. 5. Angelum statim post vnum actum meriti beatitudinem habuisse, quia gratia perficit naturam secundum modum naturæ. Est autem hoc proprium naturæ Angelicæ, quod naturalem perfectionem non per discursum acquirit, sed statim per naturam habeat: sicut autem ex sua natura Angelus habet ordinem ad perfectionem naturalem: ita ex merito habet ordinem ad gloriam, & ita statim post meritum consecutus est gloriam; cumque per vnicum actum possit mereri, sequitur quod statim post vnum actum charitate formatum, beatus fuit:

Hac sententia est difficilis, quatenus docet, moram qua Angeli fuerunt viatores, non durasse nisi per vnicum instans: siquidem etiam mali fuerunt creati in gratia, & ad eam per bonos actus se disposuerunt, non secus ac boni, per peccatum verò exciderunt à gratia; atqui prædicti actus boni non potuerunt esse simul,

simul & in eodem instanti cum actu peccati ; quare necesse est ut via malorum Angelorum , saltem per breuissimum aliquod tempus durauerit. Et idem dicendum de via bonorum : cum nulla sit ratio cur boni beatitudinem adepti sint priusquam mali æternis suppliciis addicti fuerint.

Nota 2. ex art. 6. Angelos consequutos esse gratiam, & gloriam secundum quantitatem suorum naturalium, quod probatur 1. ex parte Dei. Nam Deus condidit per suam sapientiam, naturam Angelicam secundum diuersos gradus , & ipsam ordinauit ad beatitudinem ; ergo & diuersos gradus eiusdem naturæ ordinauit ad diuersos gradus gratiæ & gloriæ : sicut enim ædificator construens domum ex hoc quod aliquos lapides pulchrius & decentius aptat, videtur eos ad honoratiorem partem domus ordinare ; sic etiam videtur quod Deus Angelos quos altioris naturæ fecit, ad maiora gratiarum dona & ampliorem beatitudinem ordinauerit.

Secundò ex parte ipsius Angeli. Nam Angeli supposito gratiæ auxilio , iuxta dicta in præcedenti resolutione , toto conatu in Deum feruntur , quia non componuntur ex diuersis naturis , quarum vna imperum alterius retardet , ut fit in nobis ; ergo qui meliorem habent naturam , & virtutem , efficacius feruntur in Deum : at secundum intensiorem conuersionis in Deum , datur maior gratia , & gloria etiam in hominibus : ergo Angeli qui nobiliorem habuerunt naturam , maiorem habuerunt gradum gratiæ, vel gloriæ , & sic

sic secundum gradum naturæ, datur gradus gratiæ, vel gloriæ.

Resolutio IV. In Angelis beatis remanet cognitio, & dilectio naturalis, illi tamen peccare nequeunt, vel in beatitudine proficere.] Primam partem probat S. Doct. art. 7. quia sicut se habent principia operationum ad inuicem, ita se habent & operationes ipsæ, Manifestum est autem, quod natura ad beatitudinem comparatur, sicut primum ad secundum, quia beatitudo naturæ additur: semper autem oportet saluari primum in secundo, unde oportet ut natura saluetur in beatitudine, & similiter actus naturæ in actu beatitudinis.

Secundum probat art. 8. quia beatitudo Angelorum in eo consistit, quod per essentiam vident Deum: essentia autem Dei est ipsa essentia bonitatis, unde hoc modo se habet Angelus videns Deum, ad ipsum, sicut se habet quicumque non videns Deum, ad communem rationem boni. Impossibile est autem quod aliquis quidquā velit, vel operetur, nisi attendens ad bonum, vel quod velit diuertere à bono; in quantum eiusmodi: Angelus igitur beatus non potest velle, vel agere nisi attendens ad Deum: sic autem volens, vel agens non potest peccare: unde Angelus beatus nullo modo peccare potest.

Tertiam probat art. 9. tum quia mereri & proficere pertinet ad statum vitæ, Angeli autem beati non sunt viatores, sed comprehensores; tum quia sic unaquæque creatura rationalis à Deo perducitur ad finem beatitudinis, ut etiam ad determinatum beatitudinis gradum ex prædestinatione Dei perducatur.

DE ANGELIS. CAP.VIII. 399

tur ; vnde conſequuto illo gradu , ad altio- rem tranſire non poteſt.

Nota 1. ex reſponſione ad 3. poſſe augeri Angelorum gaudium de ſalute eorum qui per eorum minuterium ſaluantur , iuxta illud Lucæ 15. Gaudium eſt Angelis Dei, ſuper vno peccatore pœnitentiam agente. 2. hoc gaudium ad præmium accidentale pertinere , quod quidem augeri poteſt vſque ad diem iudicii. 3. Angelos non mereri propriè cuiſmodi gaudium, ſed potiùs illud acquirere ex virtute beatitudinis; quia beatus nullo modo mereri poteſt , niſi ſimul ſit viator & comprehenſor, vt fuit Chriſtus.

C A P V T V I I I.

De peccato demonum.

R eſolutio I. Multū culpæ poteſt eſſe in Angelis.] Ita S Thom. 1. p. q. 63. art. 1. quod probat, tum ex eo quòd dicitur Iob. 4. in Angelis ſuis reperit prauitatem : tum quia peccare nihil eſt aliud quàm decligare à rectitudine quā actus debet habere ; ſolus autem ille actus non poteſt à rectitudine declinare cuius regula eſt ipſa virtus agendi ; atqui diuinā voluntas ſola eſt regula ſui actus, quid ad ſuperiorem finem non ordinatur : omnis autem voluntas cuiuſlibet creaturæ rectitudinem in ſuo actu non habet, niſi vt regulatur à voluntate diuina , ad quā pertinet vltimus finis : vnde in ſola diuina voluntate peccatum eſſe non poteſt , in qua ibet autem voluntate creaturæ poteſt eſſe peccatum, ſecundum conditionem ſi æ natu: æ.

Nota 1. aliud esse quòd Angelus ex conditione suæ naturæ possit esse malus, aliud, quòd ex conditione suæ naturæ malus sit. Prius enim verum est, & à S. Doctore intentum, Posterius verò falsum, & hæreticum, cum certum ex fide sit, dæmones à Deo quoad naturam creatos, esse bonos, ipsos autem per se factos, esse malos, ut patet ex cap. firmiter de summa Trinit. & fide Catholica. Certum etiam sit Angelos malos iustè in inferno cruciari quod non contingeret, si ex naturæ conditione. & non potius ex libertate propriâque electione mali essent.

Nota 1. quod dicitur in responsione ad 3. Angelos peccasse ex defectu considerationis, nō carere difficultate, tum quia Angelus non peccavit in primo instanti quo creatus fuit, sed postea, ergo nihil obesse potuit, quo minùs dum peccavit, habere plenum usum libertatis, adeòq; perfectam notitiam & considerationem eorum ad quæ debebat attendere, tum quia si Angelus peccasset ex inconsideratione, primum illius peccatum non tam esset ex superbia, ut Patres communiter docent, quàm ex aliqua negligentia applicandi intellectum, ad ea quæ tunc consideranda erant.

Nota 3. probabile esse, Angelum secundum suam naturam spectatum, posse peccare venialiter; ad hoc enim ut sic possit peccare, duo ad summum requiruntur ut aliqua illius electio sit tantum venialiter mala; primo ut seruetur circa materiam leuem, secundo ut non interueniat circumstantia aliqua mortaliter aggrauans, nulla autem ratio efficaciter ostendit, cur non possit Angelus pro sua li-

DE ANGELIS. CAP. VIII. 401

bertate, habere electionem circa materiam aliquam leuem, verbi causa, inducendo hominem ad verbum oriosum, aut leue mendacium, & nullam adhibendo circumstantiam, quæ eiusmodi suasionem ex se venialem, in mortalem conuertat.

Resolutio II. Primus Angelus peccauit ex superbia.] Hoc certum est communiter apud Theologos, itemque superbiam fuisse de facto primum illius peccatum: & ex superbia ortam esse inuidiam de bono alterius. Dubium est autem 1. an absolutè verum sit, in Angelis nullum esse posse peccatum quoad affectum, præter superbiam, & inuidiam, qua in re pars negatiua videtur probabilior. Non enim apparet ratio, cur non possit esse in Angelo formale odium Dei, vel hominis, formalis voluntas non obediendi præcepto superioris, formalis affectus iniustitiæ erga hominem, illum bonis, aut vita priuando; hæc autem aliæque peccata distinguuntur à superbia, & inuidia: neque repugnat S. Th. art. 2. quia hæc peccata non oriuntur in Angelis, nisi ex superbia, & inuidia.

Dubium est 2. quodnam fuerit obiectum primi peccati Angelorum. S. Thom art. 3. docet fuisse eorum beatitudinem, aut naturalem, quatenus in illa ut in ultimo fine voluerunt conquiescere, auertendo suum affectum ab ulteriori felicitàte: aut supernaturalem, quatenus hanc per vires naturales, non per Dei gratiam habere voluerunt.

Verùm hæc sententia videtur difficilis quoad vtramque partem, Quoad priorem quidem, quia ex mente S. Doctōris, primum Angeli pec-

catum fuit superbia, vt dictum est, atqui Angelum ita conquiescere in beatitudine naturali, vt ad supernaturalem nolit tendere, hoc non tam videtur tribuendum superbix, quàm pusillanimitati. & defectui spei. Accedit quòd cum Angelus in instanti creationis habuerit reuelationem Dei, vt beatitudinis supernaturalis auctoris, & in eum vt sic fide infusa crediderit, verisimile non est quòd omne desiderium tanti boni assequendi abiecerit.

Quoad posteriorem verò partem est difficultas, quia Angelus ex reuelatione diuina probè nouerat se indigere supernaturali gratiæ auxilio, ad Deum clarè videndum, ad eoque beatitudinis supernaturalis consequutionem sibi per vires naturæ esse impossibilem: què ergo fieri potuit, vt Angelus peccauerit appetendo saltem actu absoluto, & ex se efficaci talem beatitudinem, tanquam solis naturæ viribus, & sine adiutorio supernaturali possibilem.

Propter has, aliasve difficultates multi docent, obiectum primi peccati Angelorum fuisse dominatum in alias creaturas. & exemptionem ab actuali cuiuscumque superioris imperio. Alij verò existimant. vnionem hypostaticam Verbi diuini cum humanitate, fuisse obiectum peccati Angelorum. Verùm quamvis Angelus hoc, vel illo modo peccare potuerit: an tamen ita de facto peccauerit. planè incertum est: speciatim verò contra posteriorem modum militare videtur communior sententia, quæ statuit, Christum non venturum nisi Adam peccasset, atque ita hac in re nihil certi potest affirmari.

Resolutio III. Angeli de facto non pecc-

DE ANGELIS. CAP. VIII. 403

carunt in instanti creationis, potuerunt tamen per se loquendo in eo instanti peccare.] Prior pars communiter admittitur, quia Angeli in instanti creationis acceperunt gratiam sanctificantem, idque per propriam dispositionem, ut suprà dictum est.

Posterior pars probatur, quia cum Angeli in instanti creationis habere potuerint sufficientem deliberationem, consequenter etiam potuerunt uti libertate ad peccandum. Confirmatur, nam facilius est peccare, quàm mereri, atqui Angeli in primo instanti creationis potuerunt mereri, ex supradictis, ergo & peccare.

Dices primò, res priùs esse debet quàm operari, quia hoc pendet ab illo. Respondeo, priùs esse debet naturâ, concedo; tempore, nego; sic sol eodem momento quo est illuminat.

Dices secundò, Angelus fuit creatus in gratia, ergo in instanti non potuit peccare, aliàs simul fuisset iustus, & peccator; item peccatum simul esset cum gratia, quod repugnat,

Resp. nos hîc agere de Angelo secundû se spectato, non in sensu cõposito cum gratia, & cum actuali Dei amore, quo ad gratiam se disposuit.

Dices tertio, si Angelus in instanti creationis posset peccare, Deus posset dici causa peccati, quod repugnat. Respondeo id non sequi, quamvis enim quod necessariò oritur à re genita, tribuatur generanti, non tamen quod ab ea oritur liberè, ei tribui debet.

Resolutio IV. Via tam bonorum, quàm malorum Angelorum tribus instantibus conclusa fuit] Ut hoc melius probetur, breuiter refellendi sunt quidam modi dicendi minus

brobables. In primis nonnulli ponunt tria instantia, in quorum primo Angeli omnes creati sint in gratia, nullus tamen meruerit: in secundo boni meruerint, mali verò peccauerint: in tertio boni gloriam acceperint, mali verò supplicio affecti sint. Verùm hic modus non placet, cum ex communi sententia, Angeli omnes in primo instanti actum meritorium ediderint.

Alij 2. ponunt duo tantum instantia pro omnibus Angelis, & in primo aiunt omnes Angelos meruisse, neque in eo potuisse peccare: in secundo verò bonos iterum meruisse, & beatitudinem accepisse, malos autem peccasse, & simul punitos fuisse. At neque hoc probatur, tum quia gratis supponit, Angelos in primo instanti non potuisse peccare; tum quia gratis miscet in unico & eodem instanti, statum viatoris cum statu comprehensoris, ex vna parte, & ex alia statum viatoris cum statu damnati: hinc enim ut alia omittam, sequeretur Angelos bonos simul fuisse beatos; & potuisse peccare, ac à beatitudine excidere; contra verò malos simul fuisse damnatos, & potuisse mereri, ac consequi beatitudinem, quod nullo modo affirmari potest.

Alij 3. duo ponunt instantia pro bonis Angelis, in quorum primo meruerint, & in secundo beatitudinem adepti sint. Tria verò pro malis, in quorum primo meruerint, in secundo peccauerint, in tertio denique, supplicio affecti fuerint: hoc autem duobus modis intelligi potest, vel ita ut per ordinem ad nostrum tempus, mora bonorum Angelorum fuerit breuior mora malorum, vel ita ut ytraque

DE ANGELIS. CAP. VIII. 405

quæ habuerit æqualem durationem respectu nostri, adeò ut primum instans bonorum protractum fuerit per duo maiorum instantia, sicque boni gloriam, & mali supplicium simul acceperint. Non est autem verisimile, bonos Angelos priùs fuisse beatos, quàm mali damnati sint: unde enim eiusmodi prioritas colligi potest? quare eo tantum sensu poni debent duo instantia in via bonorum Angelorum, quatenus in actu meritorio in instanti creationis elicitò perseverauerunt, quamdiu mali à bono proposito deflectentes, sibi aliud instans fecerunt, per transitum ad operationem malam.

Et iuxta hunc sensum, tertius iste dicendi modus videtur reliquis præferendus. Maioris tamen claritatis causa primum illud instans bonorum Angelorum duobus instantibus malorum, per comparisonem ad nostrum tempus respondens, distinguendum est in duo instantia, in quorum primo boni Angeli meruerint, in secundo tentationi restiterint, in tertio verò glorificati fuerint: sicque tam pro bonis, quam pro malis Angelis, tria instantia assignanda, quibus totum eorum negotium peractum sit.

Resolutio V. Supremus Angelus inter peccantes, fuit supremus inter omnes, illiusque peccatum fuit aliis causa peccandi.] Prior pars probatur ex art. 7. quia probabilius est eum Angelum fuisse primum inter peccantes, qui maius habuit motiùm peccandi, sed supremus Angelus inter omnes, habuit maius motiùm ad peccandum, siquidem peccatum Angelorum fuit superba, cuius motiùm est excellen

excellencia, quæ maior fuit in supremo, quàm in inferioribus. Quod autem in Scriptura vocetur Cherub, non Seraphim, ratio est, quia scientiam non amisit, sed charitatem.

Posterior pars suadetur ex art. 8. quia hoc habet ordo diuinæ iustitiæ, ut cuius suggestioni aliquis consentit in culpa, eius potestati subdatur in pœna, secundum illud. 1. Petri 2. à quo quis superatus est, huic seruus addictus est. At omnes dæmones illi supremo subduntur, ut patet ex verbis illis Domini, Matth. 23. Ite maledicti in ignem æternum, qui paratus est diabolo. & Angelis eius; ergo peccatum primi Angeli fuit aliis causa peccandi: non quidem cogens, sed quadam quasi exhortatione inducens.

Ex his autem verbis oritur difficultas: supposita responsione ad primum in qua S. Tho. ait Angelos inferiores peccasse in eodem instanti quo primus Angelus peccauit. Quomodo enim fieri potuit, ut primus Angelus eodem instanti peccauerit, alios omnes propè innumeros alloquutus fuerit, sique proposuerit quod mente conceperat, & ad sui imitationem eos hortatus fuerit, tandemque illi in idem facinus consenserint? Propter hanc rationem dicendum videtur, Angelos omnes non peccasse in eodem instanti respondenti instanti indiuisibili nostri temporis, sed in instanti temporis discreti, virtualem aliquam successionem habente, ita ut peccata omnium Angelorum, si non inchoata, simul tamen continuata, & completa fuerint.

Nota ex art. 9. non tot Angelos peccasse, quot perseuerauerunt, quia peccatum est contra

tra

DE ANGELIS. CAP.VIII. 407

tra naturalem inclinationem. At ea quæ contra naturam fiunt, vt in paucioribus accidunt, natura enim consequitur suum effectum vel semper, vel in pluribus. Cæterum quatenus sit numerus bonorum Angelorum, vel quo excessu superet multitudinem dæmonum, certo definiti non potest.

CAPVT IX.

De pœna dæmonum.

Resolutio I. Intellectus dæmonis non est obtenebratus per priuationem cognitionis cuiuscunque veritatis.] Hoc potest explicari per distinctionem illam quam S. Doct. 1. p. q. 64. art. 1. adhibet. Nam si quæstio sit de cognitione veritatis, quæ habetur per naturam, ea in dæmonibus nec est ablata, nec diminuta; consequitur enim ipsam naturam Angeli, quæ est intellectualis, & à qua propter eius simplicitatem nihil subtrahi potest, vt sic per subtractionem naturalium puniatur; sicut homo punitur per subtractionem manus, aut pedis. Si verò agatur de cognitione quæ habetur per gratiam, adhuc distinguendum est, nam alia est speculatiua, vt cū alicui secreta diuinorum reuelantur, & hæc non est in dæmonibus totaliter ablata, sed diminuta, quia de secretis diuinis tantum reuelantur eis, quantum oportet, vel per Angelos bonos, vel per aliqua signa, & effectus diuinæ virtutis: alia autem est effectiua producens amorem Dei, & hæc nullo modo remansit in malis Angelis, sicut neque charitas.

Nota tamen, quando S. Thomas ait, man-

fisse in malis Angelis saltem ex parte, cognitio-
nem quę haberetur per gratiam non esse sensum,
quod in eis manserit cognitio aliqua quoad en-
tinitatem supernaturalis, siquidem ex communi
Theologorum sententia etsi in dæmonibus na-
turalia integra remanserint, in iis tamen nullum
post peccatum remansit donum ordinis super-
naturalis, siue actuale, siue habituale: quia cū
eiusmodi dona vel proximè, vel remotè ordi-
nentur ad beatitudinem, congruum non est ut
in iis remaneant, qui ab omni spe consequendę
salutis sunt deiectioni. Neque refert illud Iacobi 2.
Dæmones credunt, & contremiscunt, non enim
id debet intelligi de fide infusa, & supernatura-
li, qua quis ex pio affectu voluntatis credit re-
uelatis, eò quod à Deo reuelata sunt, sed de alia
fide inferiori, & quoad substantiam naturali,
qua dæmones credunt aliquid conuicti signorū
euidentiā. Itaque S. Doctor suprà per cognitio-
nem illam quam dicit haberi ex gratia, non
debet intelligi cognitio supernaturalis, sed co-
gnitio naturalis rei supernaturalis; tali siquidem
cognitione Angeli mali præditi sunt, tum quia
recordatio quædā rerū supernaturalium, quarū
in via reuelationem habuerant, in iis remansit;
tum quia successu temporis varia cognoscunt,
conuicti signorum euidentiā, ut dictum est.

Resolutio II. Voluntas dæmonum est ob-
stinata in malo.] Hoc probat S. Doctor art. 2.
tum ex illo Psalm 73. *Superbia eorum qui re-
oderunt, ascendit semper*; tum quia vis ap-
petitiua in omnibus proportionatur appre-
hensiua à qua mouetur, sicut mobile à mo-
tore: differt autem apprehensio Angeli, ab ap-

DE ANGELIS. CAP. IX. 409

prehensione hominis, in hoc quòd Angelus apprehendit immobiliter per intellectum, homo verò per rationem apprehendit mobiliter, discurrendo ex vno ad aliud: vnde voluntas hominis adhæret alicui mobiliter, quasi potens etiam ab eo ducederè & contrario adhærere: voluntas autem Angeli adhæret fixè, & immobiliter postquam adhæsit; etsi ante adhesionem possit liberè adhærere huic, vel opposito.

Vbi nota 1. S. Doct. videri reuocare obstinationem daemonum, in naturalem conditionem eorū; quod paulo durum videtur; quia cū omnes Angeli in primo creationis instanti bene operati fuerint, etiam ex mente S. Th. & statim aliis in bono perseuerantibus, alij peccauerint, sanè sicut isti ob innatam agendi libertatem, a bono ad malum deflexerunt, ita poterunt per se loquendo, malum quod patrauerunt retractare, & bonum aliquem actum elicere, cum per peccatum non amiserint libertatem arbitrij, aut aliquam diminutionē in ea passi fuerint. Quare dicendum videtur causam obstinationis in Angelis damnatis, proximè ex eo repetendam esse, quòd Deus decreuerit illis non conferre auxilia gratiæ, quibus possent ad poenitentiam salutarem excitari, & iuari.

Nota 2. probabile esse daemones, antequam essent damnati, adeoque statim post peccatum commissum, fuisse in malo obstinatos, vt non obscure ex plerisque Patribus eruitur. Cur autem Deus decreuerit illis non conferre gratiam ad resurgendum necessariam, causa esse potuit, tum quia tantò maior erat Angeli culpa, quantò

Liber III.

S

ma

maior dignitas, intelligentia, libertas, & gratia illi collata fuerat; tum quia sine ulla sensibili passione, adeoque ex mera malitia peccauit. Cōtra verò homines erāt lōgē Angelis inferiores, tā quoad naturā & vim intelligendi, quā quoad gratiæ dona; præterea ex passione sensibili ad malum trahebantur, adeoque non ex malitia, sed ex infirmitate peccauerunt. Accedit quod per peccatum Angelorū tota natura Angelica non periit. At verò per peccatum Adæ tota natura humana periit, quare voluit Deus ex suā misericordia, hominem vocare ad pœnitentiā, & ex iusto iudicio Angelum sine remedio relinquere.

Resolutio III. Dolor vno sensu est in dæmonibus, non alio.] Probat, nam ut ait S. Thom. quæst. cit. art. 3. Dolor ut passio non est in dæmonibus, cū careant appetitu sensitivo; Est autem in illis, ut dicit simplicem actum voluntatis qua ratione est renisus voluntatis ad id quod est, vel non est, quatenus multa sunt quæ vellet non esse, & multa non sunt quæ vellet esse.

Nota 1. cū S. Th. in responsione ad primū concedit, in dæmonibus esse gaudium, hoc non debere intelligi de vero aliquo gaudio, sed tantum de gaudio ficto & apparente; cum enim dæmones acerbissimè crucientur, & doleant, hinc fit ut nullo vero afficiantur gaudio, etsi res interdum ex voto ipsis succedere videantur, ut verbi causa, cum homines in peccatum pertrahunt; hoc enim non est tanti momenti, ut ab ipsis apprehendi possit tanquam bonum aliquod, de quo meritò lætari debeant.

Nota 2. ex art. 4. in responsione ad primum, & ad tertium colligi, dæmones non ali-

DE ANGELIS. CAP. IX. 411

ter torqueri ab igne infernali, quàm per alligationem. Hoc autem non videtur sufficienter explicare vehementissimos illos dolores & cruciatus, quibus ex Scriptura, & Patribus constat dæmones torqueri.

Ad hoc responderi potest Scripturam, & Patres exaggerare cruciatum & dolorem dæmonum, non quod talis dolor causetur per actionem aliquam realem, & physicam ignis, sed quia dæmones per virtutem diuinam potentissimè adiguntur, vt ignem apprehendant tanquam horrendum carcerem, in quo per totam æternitatem omni exeundi libertate destituti, in poenam suorum scelerum sunt commoraturi. Ea enim cogitatio quam nullo modo exequere possunt, non minus eos cruciat, quàm si verè & physicè ab ipso igne comburerentur, præsertim spectata ea nobilissima facultate agendi, & seiplos mouendi, qua naturaliter præditi sunt.

Neque refert quòd Patres dicunt, dæmones vti igne infernali; hoc enim in nulla sècteria potest intelligi de propria vstione, cū spiritus illius capax nō sit, sed tantum de quadā vstione metaphorica, seu de quodam dolore acutissimo qui animum peruadit, & veluti incendit.

Neq; etiam obstat, quòd eiusmodi dolor æquè possit causari ab aqua, vel ab aëre, hoc enim cōcedendum est etiā in sententia, quæ docet, ignē eleuari ad agendū physicè in spiritus, per qualitatem aliquā in eo productā; cū quælibet alia res similis eleuationis sit capax, in ordine ad omnipotentiam Dei. Itaq; quòd Deus de facto voluerit dæmones ab igne torqueri, potiùs quā

ab aqua, vel aëre, hoc sufficit ut verificari possit quod de eorum poënis dici solet. Et sanè cum ignis paratus sit ad comburenda hominum damnatorum corpora, æquum erat ut Deus eodem instrumento uteretur, ad torquendos ipsos dæmones, modo possibili.

Si quis tamen in sententia S. Thomæ sic explicata nōdum plenè quiescere possit, dicat cum Augustino 21. de Ciuit. c. 10. Spiritus torqueri ab igne, veris quidem, sed miris modis, id est nobis ignotis, quosq; suspicere licet, non curiosius indagare.

CAPVT X.

De illuminatione, & locutione Angelorum.

RESOLVTIO I. Vnus Angelus, illuminat alium.] Ita S. Thom. 1. p. q. 106. art. 1. quod probat, tum ex Dionys. cap. 8. Cæ est. Hierarchiæ: vbi ait, Angelos secundæ Hierarchiæ purgari, illuminari, & perfici per Angelos primæ; tum quia qui manifestat alteri veritatem quam ipse cognoscit, dicitur eum illuminare, sed vnus Angelus manifestat alteri veritatem quam ipse cognoscit, ut patet ex eodem Dionysio c. 7. lib. cit. ergo vnus Angelus illuminat alium.

Nota 1. illud esse discrimen inter locutionem, & illuminationem Angelorum, quòd locutio est manifestatio cuiuscunq; veritatis: illuminatio autem est manifestatio veritatis, ad Deum ordinatæ, ut tradit S. Doctor. 1. p. q. 107. art. 2.

Nota 2. veritates naturales non esse materiam illuminationis, ut indicat S. Thom. q. 109. art. 3.

DE ANGELIS. CAP. X. 413

art. 3. ad 2. quia scilicet omnes Angeli habent perfectam cognitionem rerum omnium naturalium.

Nota 3. ex q. 106. art. 2. ad 1. vnum Angelum eodem actu alium illuminare, purgare, & perficere, nam quatenus illi veritatem aliquam manifestat, dicitur eum illuminare; quatenus à nescientia liberat, purgare, perficere verò, quatenus perducit ad finem intellectus, qui est veritatis cognitio.

Nota 4. ex art. 3. quòd licet Deus interdum operetur, præter ordinem in rebus corporeis positum quia per hoc perducitur homo in maiorem Dei cognitionem: nunquam tamen ordinem in spiritualibus substantiis constitutum prætermittit; quia cum operationes eorum hominibus non innotescant, non potest illius prætermitti ad maiorem Dei notitiam conducere quare Angeli inferiores semper illuminantur per superiores, & non vice versa, quod intellige, nisi in casu aliquo extraordinario.

Nota ultimò quod ait S. Doctor art. 4. Angelum superiorem illuminare inferiorem de omnibus quæ ipse nouit, non esse sic accipiendum, vt Angelus superior inferioribus veritates manifestet, statim atque ipsarum cognitionem acquirit, sed ita vt quicquid reuelatur Angelo superiori, ipse pro loco & tempore inferioribus declaret, seu quando id expedire iudicat.

Re sol. II. Vnus Angelus alteri loquitur. Jta S. Tho. 1. p. q. 107. art. 1. quod probat, tñ ex verbis illis 1. Cor. 13. Si linguis hominũ loquar & Angelorũ, tñ quia hñc non agitur de locutione corporea, sed de spirituali, quæ in eo posita est, quod

quis ordinet suum conceptum ad hoc vt innotescat alteri; itqui potest vnus Angelus per imperium voluntatis ordinare suum conceptum, ad hoc vt Angelo innotescat; ergo potest vnus Angelus loqui alteri.

Nota circa hanc rationem, vnum esse certum, & aliud de quo controuertitur, certum est requiri ad locutionem, vt qui loquitur alteri, ad eum verbum suum dirigat: siquidem aliud est dicere apud se, & aliud loqui alteri: nam vt apud se aliquis dicat, satis est si apud se verbum & conceptum producat: vt verò dicat alteri, necesse est vt conceptum suum ad eum dirigat, eumque ita exponat, vt ab eo percipi velit; aliàs ficta, aut frustranea erit ea locutio, vt dum quis alloquitur inanimata: imò licet qui dicit, percipiat ab alio, potest asserere se non loqui illi, si ad eum verbum suum non ordinet.

Grauis autē dubitatio est, an sufficit ad locutionem, quòd vnus Angelus conceptum suum ad alium dirigat. Non pauci negant sufficere, adeoque existimant Angelum loquentem alteri, debere illi conceptum suum indicare per signū aliquod siue spirituale, siue materiale. Alij tamē melius affirmant, partim quia ex communi sententia nihil possunt Angeli actione transeunte immediatè efficere præter motum localem, possunt etiam inter se loqui in vacuo, & quamuis ab aliis præsentibus non intelligantur; partim quia cum cogitationes cordium ex se possint naturaliter ab Angelo cognosci, vt superius ostendimus, tantumque requiratur vt Deus ad earum cognitionem cum illo velit concurrere, hinc sa-

na

DE ANGELIS. CAP. XI. 415

nè consequens est, Angelos loqui eo ipso quòd velint conceptum suum aliis innotescere, sicut iuxta modos allatos Angelus alteri loquitur, quatenus format aliquid per quod vult conceptum suum ipsi innotescere. Neque in hoc est aliqua difficultas, suppositâ prædictâ sententiâ, ut intuenti perspicuum fiet.

Ex hac autem resolutione colligitur. 1. Angelum inferiorem posse loqui superiori. 2. quilibet Angelum posse loqui Deo. 3. localem distantiam non impedire, quominus vnus Angelus loquatur alteri. 4. vnum posse loqui alteri, etsi ab aliis non intelligatur.

CAPVT XI.

De ordinatione, & potestate Angelorum.

Resolutio I. Inter Angelos sunt tres Hierarchiæ, in qualibet Hierarchia sunt tres ordines, & in quolibet ordine plures Angeli.] Primam partem probat S. Th. 1. p. q. 108. art. 1. tum ex Dionysio. c. 6. Cœlestis Hierarchiæ, tum quia Hierarchia idem est ac sacer principatus, sub quo nomine intelligitur tam ipse princeps, quàm multitudo sacra ordinata sub principe: licet autem sit vna Angelorum, & hominum Hierarchia, si hæc spectetur per respectum ad principem cui est subiecta, si tamen attendatur ad ipsam multitudinem ei subditam, distinguenda est Hierarchia humana, ab Angelica, & in Angelis tres hierarchiæ constituendæ sunt: quia scilicet aliter homines gubernantur quàm Angeli, & in Angelorum gubernatione triplex discrimen reperitur, iuxta triplicem vniuersa-

salitatis gradum qui in eorum speciebus considerari potest.

Secundam partem probat art. 2. quia in qualibet Hierarchia diuersitas ordinum petitur ex diuersis officiis, & attributis. At omnes ordines ad tres possunt reduci, secundum quod quælibet multitudo perfecta habet principium, inmedium, & finem, vt patet in ciuitate, in qua quidam sūt supremi, vt Optimates: quidam infimi, vt vilis populus; alij autem medij, vt populus honorabilis. Vnde cum tres sint Hierarchiæ Angelorū, nouem esse ordines eorum intelligitur, qui quidē communiter ita numerantur, vt in infima Hierarchia sint Angeli, Archangeli, & Principatus. In media Potestates, Virtutes, & Dominationes. In suprema Throni, Cherubim, & Seraphim.

Tertiam partem probat art. 3. tum ex c. 6. Isai. ubi dicitur, quod Seraphim clamabant alter ad alterum; tum quia cum imperfectè cognoscamus Angelos, & eorum officia, non possumus distinguere ordines, & officia Angelorum nisi in communi, qua ratione multi Angeli sub vno ordine continentur. Notat tamen quod si perfectè cognosceremus officia Angelorum, & eorū distinctiones, perfectè sciremus quod quilibet Angelus habet suum proprium officium, & suum proprium ordinem in rebus, multò magis quàm quælibet stella.

Resolutio II. Distinctio Hierarchiarum, & ordinum est quodammodo à natura, permanebit post diem iudicij, ipsique homines secundum quid ad ordines Angelorum assumuntur.] Prima pars traditur art. 4. Nam si ordo gubernationis Angelorum spectetur secun-

dum finem naturalem, sic eorum ordines distinguuntur secundum naturalia dona. Si verò secundum supernaturalem, sic eorum ordines distinguuntur inchoatiue per naturalia dona, completiue per dona gratiæ.

Secundam probat art. 7. Nam in ordinibus Angelicis duo possunt considerari, scilicet distinctio graduum & executio officiorum. Distinctio autem graduum est in Angelis, secundum differentiam gratiæ, & naturæ, & vtraque differentia semper in Angelis remanebit, quia semper suam naturam & gloriam retinebunt: executio autem officiorum Angelicorum aliquo modo remanebit post diem iudicii, & aliquo modo cessabit, & quidem cessabit munus perducendi aliquos ad finem: remanebit autem secundum quod conuenit in vltima assecutione finis, sicut etiam sunt alia officia militarium ordinum in pugna, alia in triumpho.

Tertiam habet art. 8. Nam ordines Angelorum distinguuntur, & secundum conditionem naturæ, qua ratione homines assumi non possunt ad ordines Angelorum, quia semper remanebit, naturarum distinctio, & secundum dona gratiæ, qua ratione homines assumi possunt ad ordines Angelorum, quia per gratiam possunt mereri tantam gloriam, vt Angelis æquantur, iuxta promissionem Christi, Lucæ 20. dicentis, Filios resurrectionis fore æquales Angelis in cœlis.

Resolutio III. Inter dæmones sunt ordines, & quædam prælatio, non tamen illuminatio.] Primum probatur à S. Doctor. 1. p. q. 190. artic. 1. quia etsi in dæmonibus non

S 5 repe

reperiantur gradus ordinum, si ordines considerentur quantum ad gratiam. & gloriam, secus res se habet, si ordines spectentur quantum ad naturam naturæque gradum, eò quòd naturalia in dæmonibus, remanserunt.

Secundum patet ex art. 2. quia cùm actio sequatur naturam rei, quorumcunque naturæ sunt ordinatæ, oportet etiam quod actiones, sibi inuicem ordinentur. Manifestum est autem ex dictis, quod dæmonum quidam naturali ordine sub aliis constituuntur; vnde & actiones eorum sub actionibus superiorum sunt, & hoc est, quod rationem prælationis facit, vt scilicet actio subditi subdatur actioni prælati: sic igitur ipsa naturalis dispositio dæmonum requirit; quòd sic inter homines damnatos, eò quòd naturam humanam æqualiter participant, vt colligi potest ex responsione ad 3.

Tertium ostenditur ex art. 3. quia illuminatio propriè est manifestatio veritatis, secundùm quod habet ordinem ad Deum, qui illuminat omnem intellectum; peruersitas autè dæmonum hoc habet, quod vnus nō intendit aliū ordinare ad Deū, sed magis ab ordine diuino abducere, & idè vnus dæmon alium non illuminat, quamuis cōceptum suum per modum locutionis ei intinquare possit.

Nota ex art. 4. Angelos bonos habere prælationem in malos, & ex se eos illuminare, manifestando eis aliquam veritatem ad Deum ordinatam; malos tamen non illuminari, quia talem veritatem non accipiunt cum ordine ad Deum, sed ad explendam prauam suam voluntatem.

Resol.

DE ANGELIS. CAP. XI. 419

Resolutio IV. Angeli administrant res corporeas.] Hoc patet in primis ex Scriptura, quæ Apoc. 7. 14. & 15. meminit Angelorum habentium potestatem supra elementa. 2. ex August. qui l. 83 questionum. quæst. 79. Vnaquæque, inquit, res visibilis in hoc mundo habet potestatem Angelicam sibi præpositam. 3. quia congruus ordo providentiæ diuinæ postulare videtur, ut inferiora per superiora gubernentur. Quod ita intelligendum est, ut Angeli non tantum præsint rebus istis inferioribus mediatur, mouendo cælos, sed etiam immediatur per se ipsos, habendo curam specierum creaturarum.

Nota 1. hoc non esse sic extendendũ, ut possint Angeli per se ipsos immediatur inducere formam aliquam substantialẽ in materiã, quia, ut colligitur ex S. Th. I. p. q. 110. ar. 2. per mutationẽ substantialẽ seu formalẽ fit compositũ cõstans ex materia & forma: at non potest Angelus per se immediatur facere tale compositum, cum ipse nõ sit compositus ex materia & forma; neque eiusmodi compositum in virtute sua contineat.

Nota 2. multò minùs posse Angelos propria virtute vera facere miracula; quia ut patet ex articulo 4. miraculum dicitur quod fit supra ordinem totius naturæ creatæ. At Angeli non possunt tale quid operari, cum ipsi sint intra naturæ ordinem: Quia tamen eadem virtute qua possunt se ipsos mouere, possunt corpora celerrimè à loco ad locum transferre, vel etiam impulsũ iis imprimere, hinc facillè possunt applicando actiua passiuũ, varias transmutationes insolitas, quæque nobis

miraculosæ appareant, efficere.

Resolutio V. Potest Angelus variis modis immutare hominem.] Probatum, nam in primis potest Angelus hominem illuminare, ut docet S. Th. 1. p. q. 111. art. 1. Quia scilicet hoc habet diuinæ providentiæ ordo, ut actionibus superiorum inferiora subdantur. Hæc autem illuminatio non ita fit ut Angelus producat speciem aliquam in intellectu hominis, aut illius lumen augeat, sed per signa aliqua externa oculis, vel auribus subiecta, aut per visiones imaginarias, commotione humorum, & spirituum in sensibus internis causatas.

Potest etiam Angelus immutare voluntatem hominis ex art. 2. non quidem immediate agendo in illam, sed per modum suadentis, proponendo objecta externa, excitando varias cogitationes in imaginatione, & commouendo passionem in appetitu sensitivo; ita tamen ut voluntas maneat semper libera ad consentiendum, vel resistendum passioni.

Tandem quod possit Angelus immutare imaginationem, aliosque sensus hominis, ut traditur art. 3. & 4. ea ratio suadet, quia talis immutatio potest causari ex locali motu spirituum, humorum, aliorumve corporum. At res materiales obediunt Angelis ad nutum quoad motum localem, ut supra dictum est.

CAPUT XII.

De missione, & custodia Angelorum, ac impugnatione demonum.

Resolutio I. Angeli à Deo mittuntur in ministerium.] Ita S. Th. 1. p. q. 118. art. 1. Et

DE ANGELIS. CAP. XII. 421

quidem quòd Angeli à Deo mittantur, probat, tum ex verbis illis Exodi 23. Ecce ego mittam Angelum meum qui præcedat te; tum quia Angelus ex imperio Dei de nouo applicatur ad aliquid agendum circa creaturam corpoream quam administrat, sicque ibi de nouo incipit esse. Quòd verò Angeli mittantur in ministerium probat, quia actio quam Angelus missus exercet, procedit à Deo sicut à principio, cuius nutu, & autoritate Angeli operantur, & in Deum reducitur sicut vltimum finem: qui autem operatur se habet vt instrumentum intelligens, quòd est idem ac minister.

Nota 1. Angelos propriè non esse ministros hominum, hoc enim denotat aliquam inferioritatem & subiectionem, quæ nequit Angelis competere respectu hominum: quare potius sunt eorum rectores, & custodes, quàm ministri.

Nota 2. iuxta 5. Doctorem art. 2. superiores Angelos nunquam ad exterius ministerium mitti, tum quia ordo Angelicæ missionis habet, vt inferiora per superiora administrantur: at non est ratio cur talis ordo prætermittatur, quia cum sit secundum dona gratiæ, non habet ordinem superiorem propter quæ prætermitti debeat: præsertim quia talis prætermissio, vt pote nobis ignota, nihil prodesset ad confirmationem nostræ fidei: tum quia nihil est ita magnum in ministeriis diuinis, quòd per inferiores ordines exerceri non possit, cum Archangelus Gabriel missus sit ad annunciandum Incarnationis mysterium, quòd inter ministeria diuina summum locum tenet.

Verum alij existimant, etiam superiores Angelos extraordinariè mitti, tum quia Apostolus Hebr. 1. Nonne, inquit, omnes sunt administra-

torij spiritus in ministerium missi, tum quia ex quorundam Patrum sententia, Michaël, & Gabriel quos missos esse cōstat, sunt ex superioribus ordinibus: tum deniq; quia cum ipse Filius Dei missus sit ad homines, cur negetur etiam supremos Angelos saltem ex graui causa, interdum ad eos mitti: vtrumque probabile.

Resolutio II. Homines custodiantur ab Angelis.] Ita S. Th. 1. p. q. 113. art. 1. quod probatur, tum ex illo Pl. 90. Angelis suis Deus mandauit de te: tum quia variabilia & mobilia, per immobilia & inuariabilia secundum rationem diuinæ prouidentiae mouentur, & regulantur, vt patet inductione: nam omnia corpora quæ mobilia sunt, per substantias immobiles & immateriales, & corpora inferiora per superiora, quæ sunt inuariabilia quoad substantiā reguntur: imò nos ipsi regulamur circa conclusiones, in quibus possumus diuersimodè opinari, per principia quæ inuariabiliter tenemus. Manifestum est autem quòd in rebus agendis, cogitatio & affectus hominis multipliciter variari, & deficere possunt à bono, & ideò necessarium fuit, quòd hominibus Angeli ad custodiam deputarentur, per quos, regularentur, & mouerentur ad bonum.

Nota 1. ex art. 2. singulos homines à singulis Angelis custodiri, quia cum homines non tantū sint incorruptibiles quoad speciem communem, sed etiam quantum ad proprias formas singulorum, prouidentia Dei comparatur ad singulos homines, sicut ad singula genera, vel species corruptibilium rerum: vnde sicut probabile est quòd diuersis speciebus rerum, diuersi Angeli eiusdem ordinis præficiuntur,

DE ANGELIS. CAP. XII. 423

ita rationabile est vt diuersis hominibus diuersi Angeli ad custodiam deputentur.

Nota 2 ex art. 4 nullum esse hominem qui careat Angelo custode, quia homo hic constitutus est quasi in quidam via qua debet tendere in patriam, in qua quidem via multa pericula interna, & externa imminet: & ideo sicut hominibus per viam non tutam ambulantibus dantur custodes, ita & cuilibet homini quoadiu viator est, custos Angelus deputatur; quando autem iam ad viam terminum peruenerit, non habebit custodem Angelum sed habebit in caelo Angelum conregnantem, in inferno daemone punientem.

Verum ab hac regula excipiendus est Christus, quia cum esset comprehensor, & Angelorum Dominus, non habebat Angelos custodientes, sed ministrantes. Non tamen beata Virgo etsi eximie sancta, quia beneficium custodiam respicit hominem vt viatorem, non vt iustum. Neque homines in statu innocentiae, propter pericula ab extrinseco ingruentia. Nec denique praesciti, qui sicut non destituuntur auxiliis sufficientibus, ita nec custodia Angelica.

Nota tandem praeter Angelos singularibus personis deputatos, alios esse qui regnis, prouinciis, ciuitatibus, & congregationibus praeficiuntur. Imò Pontifices, Reges, aliaque personae publicae praeter Angelum quem habent vt personae privatae, habent alium quo diriguntur in his quae spectant ad regimen multitudinis sibi commissae, vt fert communis Theologorum sententia.

Resolutio III. Angelus deputatur homini ad custodiam à natiuitate.] Ita S. Th. 1. p. q. 113. art. 5. quod probat, quia etsi beneficia quae dan-

tur homini diuinitus, ex eo quòd est Christianus incipiant à tempore baptismi, sicut perceptio Eucharistiæ, & alia huiusmodi: ea tamen quæ prouidentur homini à Deo quatenus habet naturam rationalem, ex tunc ei exhibentur, ex quo talem naturam accipit: at tale beneficium est custodia Angelorum, vt ex dictis patet, quare homo statim à natiuitate habet Angelum ad sui custodiam deputatum.

Nota 1. ex responsione ad 2. quòd etsi pueri mox nati non possint illuminari ab Angelo, ob defectum vsus rationis, officium tamen custodiæ in iis alios affectus habere potest, nempe arcere dæmones aliq; nocumenta tam corporalia, quàm spiritualia prohibere, & ex responsione ad 3. quòd puer quamdiu est in vtero, est veluti pars matris, sicut fructus pedens ab arbore est aliquid arboris, ac proinde tunc ab Angelo matris custoditur, sed in natiuitate quando sepatur à matre, Angelus ei ad custodiam deputatur.

Aliqui tamen oppositum docent, quia infans etiam in vtero est persona distincta à matre, in ordine ad beatitudinem. Vnde est capax peccati originalis, etsi mater sancta sit, & aliunde magis commendatur liberalitas Dei, quòd ex tunc habeat Angelum specialiter deputatum, qui illius curam gerat & impediatur ne dæmon aliquod nocumentum ei inferat.

Nota 2. ex art. 6. Angelum custodem nunquam totaliter deferere hominem, sed tantum secundum quid, quatenus non impedit ne interdum subdatur alicui tribulationi, vel in peccatu n. cadat Item ex art. 7. Angelos non dolere de malis eorum quos custodiunt, cum

DE ANGELIS. CAP. XII. 425

sint beati, eorumq; voluntas totaliter inhæreat ordini diuinæ iustitiæ Et ex art 8. inter Angelos bonos posse esse pugnam vel discordiam, quatenus nescientes quid Deus circa negotium aliquod decreuerit, interdum petunt pugnantia ex bono fine. Qua ratione Daniel. 10. fuit pugna inter principem regni Persarum, & Gabrielem, quatenus ille optabat ut Iudæi à captiuitate nondum liberarentur, quia sperabat plerosque gentiles ex eorum consuetudine conuertendos. Gabriël verò timens ne Iudæi Persarum exemplo ad idololatriam deficerent, orabat pro eorum liberatione à captiuitate.

Resolutio IV. Homines impugnantur à dæmonibus.] Ita S Th. 1. p. q. 114. art. 1. quod probat ex verbis illis ad Ephes. 6. Non est nobis colluctatio aduersus carnem & sanguinem, &c. Monet autem 1. talem impugnationem procedere ex ipsa malicia dæmonum, qui propter inuidiam profectum hominum impedire nituntur, & propter superbiam diuinæ potestatis similitudinem vsurpant, deputando sibi ministros determinatos ad hominum impugnationem. 2. ordinem dictæ impugnationis esse à Deo, qui ordinatè nouit malis vti ad bona ea ordinando. 3. ex parte bonorum Angelorum, tam ipsam custodiam, quam ordinem custodiæ reduci ad Deum, sicut ad primum auctorem.

Nota 1. ex art. 2. etsi Deus dicatur tentare hominem ut sciat, seu ut scire faciat, propriū tamen esse dæmonis tentare malo fine, ut nempe hominem decipiat, & in peccatum præcipitet: Vnde prior tentatio vocati solet probationis,

tionis, posterior verò seductionis: imò eadem tentatio hominis potest simul esse probationis; vrà Deo permittitur, & seductionis, vt à dæmone causatur, vt patet in tentatione beati Iob. Quin ipse dæmon modò Christum tentat, vt experimentum aliquod ex eò sumat, modò vt eum in peccatum inducat.

Nota 2. ex art. 3. quòd etsi dæmon indirectè sit causa omnium peccatorum quæ ab hominibus patrantur, quatenus causa fuit primi peccati, ex quo pronitas ad malum orta est: non tamè omnia directè oriuntur ex illius suggestionè, cum non semper homines tentet, & aliunde ipsa naturæ corruptio. imò vel sola arbitrij libertas in hominibus hñc degentibus, ad peccandum sufficiat, vt ex peccato primi Angeli apenè colligitur.

Nota 3. ex art. 4. posse Angelos efficere transformationes rerum corporalium, quæ per aliquas virtutes naturales fieri possunt, vt generari serpentes. & ranas ex putrefactionè, non autem illas quæ vires naturæ excedunt, sicut quòd corpus hominis mortuum reuiuifcat, aut corpus humanum mutetur in bestiale. Vnde si quando dæmones tale quid operari videntur, hoc fit secundum apparentiam tantum, idque vel ab interiori per immutationem phantasie, ita vt aliquid aliter videatur quàm sit, vel ab exteriori, si verbi causa, dæmon corpori humano circumponat corpus ex aère confectum, sub figura alicuius animalis, vt homo ex illius specie appareat.



LIBER VI.

DE GRATIA.

CAPVT I.

De necessitate gratiæ, ad assequendam cognitionem veritatum naturalium.

RESOLVTIO I. Potest homo in natura lapsa cum solo concursu Dei generali, cognoscere multas veritates speculatiuas ordinis naturalis, non tamen omnes collatiuè sumptas.] Prima pars probatur, quia cum homo in dicto statu polleat sensibus tam internis, quàm externis, itemque intellectu agente & possibili, nulla ratio est cur non possit propriis viribus, cum solo concursu generali & sine speciali gratiæ auxilio, multas veritates speculatiuas ordinis naturalis assequi, quales sunt quæ de Deo vt vno tradi solent, de quibus lib. i. actum est.

Dices, pendet à speciali Dei prouidentia, quod obiecta ita homini occurrant, vt eum in veram cognitionē, non in errorē inducant. Verum hoc sine fundamento asseritur, loquendo de singulis veritatibus naturalib⁹, perspicuū enim est supposito dono creationis & conseruationis, debitā esse homini talem prouidentiam, vt cum solo
con

concurſu generali, quam plures veritates naturales acquirere poſſit.

Secunda pars oſtenditur, quia etſi homo habeat ſufficientes vires, quantum eſt ex parte intellectus, ad veritates omnes ſpeculativas ordinis naturalis, etiam collectivè aſſequendas, cum tamen eæ ſint innumeræ, & plerumque intellectu difficiliſſimæ, fieri non poteſt quod in hocce naturæ ſtatu, variis curis & incommodis circumſepto, eas omnes collectivè ſumptas, ſine ſpeciali Dei auxilio, ſibi compareret.

Dices, homo naturaliter appetit omnes ſcientias, ergo poteſt viribus propriis eas omnes aſſequi, aliàs appetitus ille ſciendi *frustra* ipſi eſſet inditus. Reſpondeo diſtinguendo conſequentiam, poteſt viribus propriis omnes eas aſſequi ſecundum quid, ſeu quantum eſt ex ſe, concedo. Simpliciter & ſpectatis omnibus circumſtantiis, nego. Vnde ad probationem dico, ut talis appetitus non ſit fruſtraneus, ſatis eſſe quòd homo poſſit naturaliter aliam, & aliam ſubinde cognitionem aſſequi, quantum huius vitæ ratio patitur.

Reſolutio II. Poteſt homo in natura lapſa, cognoscere multas veritates morales ordinis naturalis ſine ſpeciali gratia, aut directione Dei, non tamen omnes.] Prima pars pater in primis ex Scriptura, ſiquidem Rom. 1. Apoſtolus ait, Philoſophos fuiſſe inexcufa- biles, quia cum cognoviſſent Deum, eum tamen non glorificaverunt. Nouerant ergo eum eſſe glorificandum, aliàs non peccaſſent eum non glorificando; quia ſicut peccatum quodli

DE GRATIA. CAP. I. 429

quodlibet est voluntarium, ita præsupponit iudicium aliquod de re facienda.

Secundò probatur ratione, quia negari non potest, quin multæ veritates morales sint valde proportionatæ lumini naturali nostri intellectus, quæ es sunt, verbi causa, parentes hîc & nunc esse honorandos, eleemosynam huic pauperi in necessitate constituto, esse erogandam. Aliunde verò certum est in earum cognitione non adeò graues semper occurrere difficultates, vt naturali industria superari non possint. Quidni ergo poterit intellectus noster propriis viribus, cum solo concursu ordinario, plurium eiusmodi veritatum cognitionem assequi?

Dices 1. ex Paulo 2. Cor. 3. Non sumus sufficientes cogitare aliquid ex nobis, quasi ex nobis, sed sufficientia nostra ex Deo est. Verùm hoc loco Apostolus loquitur de cogitationibus, quæ ad veram pietatem & salutem pertinent, vt explicat August. lib. de dono perseuerantiæ cap. 13. & aliàs. Quomodo etiam intelligenda sunt Concilia, & Patres qui simile quid dicunt.

Dices 2. Muri viri pij & sancti sæpe implorant auxilium diuinum, ad veritates morales cognoscendas, ergo agnoscunt se ad hoc eo indigere. Respondeo eos optimo consilio diuinum auxilium implorare, tum quia propter varias circumstantias occurrentes, difficile est sine peculiari directione Dei, rectè semper iudicare de rebus agendis in particulari; tum quia veritatum moralium cognitio non potest conducere ad salutem, sine speciali Dei auxilio.

Secundà

Secunda pars ostenditur, nam cum homo nequeat in natura lapsa, cognoscere omnes veritates speculatiuas, vt dictum est, multò minùs poterit cognoscere omnes practicas; eò quòd intellectus practicus, tum propter passionès appetitus sensitivi, tum propter varias occurrentes circumstantias, difficiliùs veritatem attingit, quàm speculatiuus.

Dices, homo cognoscit naturaliter omnia principia vniuersalia ad mores spectantia qualia sunt, Quod tibi fieri non vis, alteri ne feceris. Parentes sunt honorandi, &c. Ex his autem principiis facile est, vi ipsius luminis naturalis, deducere conclusionès particulares. Respondeo hoc verum esset in plerisque casibus, non raro tamen tot difficultates siue internæ siue externæ occurrunt, vt necessarium sit speciale aliquod auxilium Dei, ad rectum iudicium ferendum de agendis in particulari.

CAPVT II.

De necessitate gratiæ, ad bene operandum moraliter.

Resolutio I. Potest homo in natura lapsa bene operari moraliter. [Est de fide, contra recentiores hæreticos qui docent hominẽ in hoc statu nihil boni operari posse, imò omnia illius opera in se inquinata, & verè peccata esse. Refelluntur autem primo ex Scriptura, quæ modo ad bona opera nos cohortatur. Matth. 5. Sic luceat lux vestra coram hominibus, vt videat opera vestra bona; modo iustorum opera commodat, Matth. 26.

DE GRATIA. CAP. II. 431

Matth. 26. Quid moleſti eſtis huic mulieri opus enim bonum operata eſt in me.

Secundò ex Trid. ſeſſ. 6 Can. 25. vbi ita ſtatuitur. Si quis in quolibet bono opere iuſtum ſaltem venialiter peccare dixerit, aut quod intolerabilius eſt mortaliter, &c. anathema ſit.

Tertiò ratione, nam homo in natura lapſa habet principia neceſſaria ad rectam operationem, nempe intellectum quo nouit quid amplectendum, quid fugiendum ſit; & voluntatem quæ ſequitur iudicium intellectus, & amat vel auerſatur id quòd ipſi amandum, vel fugiendum proponitur; eſt etiam capax auxiliij diuini, ſi hoc ad benè operandum requiritur. Quidni igitur poterit actum aliquem bonum & honeſtum, aut propriis viribus, aut ſaltem per gratiam elicere?

Dices, Scripturam nobis aduerſari. Pf. 15. cùm dicitur, Non eſt qui faciat bonum, nō eſt uſque ad vnum. Et Iſa. 64. his verbis, Facti ſumus vt immundi omnes nos, & quaſi pannus meſtruatæ vniuerſæ iuſtitie noſtræ. Verùm hæc teſtimonia nihil cōcludunt, non primum, quia non debet intelligi de ſingulis actibus hominum, quaſi omnes mali ſint, ſed de perſonis ipſis; vt ſenſus ſit, pauciſſimos reperiri qui bonis operibus incumbant. Non ſecundum, quia eo loquendi modo vult Iſaias indicare, obſeruantias legales aliæque opera Iudæorum in ſpeciem bona, Deo valde exoſa fuiſſe, cō quòd multis eſſent contaminata ſceleribus.

Reſolutio II. Neque gratia ſanctificans, neque fides ad opus moraliter bonum eſt neceſſaria.)

necessaria.] Prima pars probatur. nam peccator potest bene operari moraliter, cum Scriptura peccatores hortetur ad eleemosynam, aliaque bona opera, multaque ipsis præcipiat, quæ haud dubiè sunt bona. Quare cum peccator careat gratia sanctificante, consequens est eiusmodi gratiam non esse ad bene operandum moraliter, necessariam.

Deinde etsi gratia sanctificans sit circumstantia necessaria, ut opus aliquod sit meritorium de condigno coram Deo; non tamen ut sit bonum intra honestatem moralem, aut etiam ut aliquod de congruo mereatur; aliàs dispositiones ad iustificationem non essent bonæ, aut de congruo meritoriz, quod dici non potest.

Tandem cum ex sententia communiori, nullum sit opus indifferens in individuo, si homo sine gratia sanctificante non posset bene operari, sequeretur omnia opera quæ ante iustificationem, seu quæ à peccatore fiunt, esse peccata, quod fidei repugnare constat ex Trident. sess. 6. can. 7.

Dices 1. Deus testatur Isaïæ 1. se odisse sacrificia & alia opera impiorum. Ne offeratis ultra (inquit) sacrificium frustra, incensum abominatio est mihi. Respondeo ex se bonum esse sacrificium Deo offerre, interdum tamen eiusmodi oblationem posse foedari ex malitia offerentis, & eatenus Deo displicere.

Dices ex August. lib. de gratia & libero arbitrio cap. 17. quod sit sine charitate (atque adeò sine gratia sanctificante) nullo modo fieri bene. Respondeo Augustinum non loqui de bono morali, quod vix meretur no-

men

DE GRATIA. CAP. II. 433

men boni, sed de bono simpliciter, quod scilicet vtile sit ad vitam æternam, quale non est nisi fiat ex charitate.

Secunda pars ostenditur, nam Scriptura aliquando excitat infideles ad bona opera, vt Daniel. 4. aliàs quædam eorum opera laudat, & præmio temporali afficit, vt patet Exodi 1. Paulus etiam Rom. 4. ait Gentiles fuisse inexcusabiles, quòd Deum non coluerint; poterant ergo eum honestè, & sine peccato colere, aliàs fuissent excusabiles.

Accedit ratio, nam potest sine dubio infidelis honorare parentes, dare eleemosynam pauperibus, &c. Hæc autem opera erunt bona moraliter, si fiant ex fine aliquo honesto, & rationi consentaneo, qualem infidelis per lumen naturale cognoscere, atque ad eò intendere potest: cùm hac in re nihil reperiri possit, quod superet illius vires, alioqui fide supernaturali destitutas. Quod si omnia opera infidelis essent mala, sequeretur virgente aliquo præcepto, verbi causa, erogandi eleemosynam, eum necessariò peccare, siue præceptum illud impleteret, siue non, quod certè affirmari non potest.

Dices 1. ex Paulo ad Rom. 14. Omne quod non est ex fide, peccatum est, opus infidelis non est ex fide, ergo peccatum est. Respondeo, Apostolum nò loqui de Fide Theologica, sed de credulitate qua credimus aliquid nobis esse licitum, quæ aliter vocari solet dictamen conscientie. Ait ergo illud peccatum esse, quod sit reclamante conscientia, ex quo vt patet, nihil contra prædicta colligitur.

Liber IV.

T

Dices

434. LIBER IV.

Dices 2. Aug. sæpè inculcat nullum esse opus bonum sine fide, in infidelibus nullam esse veram virtutem, &c. Respondeo eum loqui de opere quod simpliciter est bonum, seu in ordine ad vitam æternam, item de virtute Christiana quæ ad salutem conducit, vt ex lib. 4. contra Iulian, c. 3. satis intelligitur.

Dices 3. vt opus sit bonum, debet fieri bono fine, at infidelis idola colens non operatur bono fine, cum omnia opera sua in falsos Deos referat. Respondeo 1. hoc non procedere de infideli qui vnum verum Deum colit. 2. neq; de idololatra, quem non credibile est quidquid agit, in malum finem referre, & nunquam, verbi causa, honorare parentes, aut dare eleemosynam ex motiuo aliquo honesto, & rectæ rationi consentaneo.

Resolutio III. Potest homo in natura lapsa efficere opus aliquod moraliter bonum, cum solo concursu Dei generali, sine vilo speciali interioris gratiæ adiutorio.] Probat 1. ex Paulo Rom. 2. vbi ait, Gentes quæ legem non habent, naturaliter ea quæ legis sunt faciunt, id est, naturæ viribus¹, absque specialis gratiæ auxilio faciunt opera aliqua legis naturalis, quale est, verbi causa, præceptum de honorandis parentibus &c.

Probat 2. ex Conciliis quæ statuunt, hominem sine auxilio Spiritus sancti non posse credere, sperare, diligere, aut aliud quid facere, vt oportet ad salutem; hac enim limitatione non obscure innuunt, posse homines sine gratia prædicta opera facere modo aliquo bono, qui tamen ad salutem non sufficiat.

Proba

DE GRATIA. CAP. II. 435

Probatur 3. hac ratione, Nam vt causa secunda possit exire in aliquem actum, perspicuum est satis esse quod ex parte sua habeat vires sufficientes & non impeditas ad talem actum. At homo in natura lapsa habet principia sufficientia, & non impedita ad efficiendum opus aliquod moraliter bonum. Habet enim intellectum quo potest practicè iudicare, quid hic & nunc agendum, ex dictis cap. i. habet etiam voluntatem qua potest naturaliter velie, quod ipsi ab intellectu proponitur, cum in tali actu nihil supernaturale occurrat. Aliunde verò nullum, fingi potest impedimentum siue intrinsecum siue extrinsecum, quod semper, & in qualibet occasione obsit, ne prædictæ potentia in suos actus ferantur, adeoque per illas homo opus aliquod moraliter bonum eliciat.

Dices 1. verba illa Christi Ioan. 15. Sine me nihil potestis facere, indicant ad quodlibet opus bonum necessariam esse gratiam Christi. Respondeo hoc verum esse de quolibet opere supernaturali, seu per se vtili ad vitam æternam, non autem de quolibet opere moraliter tantum bono; aliàs ad eiusmodi opera necessaria esset vnio cum Christo per fidem, & charitatem, vt patet ex ipso textu, qui præter alia hæc continet; Qui manet in me, & ego in eo, hic fert fructum multum; quia sine me nihil potestis facere.

Dices 2. ex Concil. Arausico. 2. cap. 20. hominem nulla facere bona, nisi quæ Deus præstat vt faciat. Respondeo ibi agi contra Pelagionos, quatenus dicebant hominem posse propriis viribus naturalibus, absque speciali

T 2 gratia

gratia exequi omnia opera bona, quæ sunt necessaria ad salutem consequendam, quod nemo Catholicorum admittit.

Dices 3. Per opus moraliter bonum peccator se disponit ad gratiam, & remissionem peccatorum, ergo tale opus fieri non potest sine gratia, sequela patet, quia gratia est necessaria ad illud omne opus quod ad salutem conducit, ut dictum est. Respondeo, non omnia opera moraliter bona disponere propriè ad remissionem peccatorum, sed ea tantum quæ sunt ex gratiæ supernaturalis auxilio. Vnde etsi homo propriis viribus nequeat elicere opus morale, ut est dispositio ad gratiam, simpliciter tamen illud elicere potest, sub ratione boni moralis.

Dices 4. Pleraque opera moraliter bona fieri non possunt sine gratiæ auxilio, ut quæ dicuntur heroïca, ergo idem dicendum de omnibus virtutis acquisitæ operibus, cum sint eiusdem rationis. Negatur consequentia, cum enim inter moralia opera alia sint aliis longè difficiliora, non mirum est quòd gratiæ auxilium requiratur ad unum, non ad aliud. Vnde ex communiori sententia potest homo naturæ viribus leuiiores tentationes superare, non tamen difficiliore, sine speciali auxilio.

Dices 5. Magna est Dei gratia, quòd te constituat in iis circumstantiis, in quibus vider, te bene operaturum. Respondeo 1. vix credi posse, iure ipso creationis, & conseruationis nullas deberi homini circumstantias, in quibus vel semel sit bene moraliter operaturus. 2. eo dato, quòd homo eliciat
actum

DE GRATIA. CAP. III. 457

actum aliquem honestum, id ut summum referendum esse in beneficium aliquod extrinsecum, non autem in gratiam aliquam internam, concursui generali superadditam, quæ per se sit causa operis.

CAPVT III.

*De necessitate gratiæ, ad amandum Deum ut
natura auctorem.*

RESOLVTIO I. Potest homo in natura lapsa Deum aliquo modo diligere sine auxilio gratiæ.] Probatum 1. ex eo quod Concilia dum negant amorem Dei haberi posse sine gratia, non de quacumque illius dilectione loquuntur, sed de ea quæ sit ut oportet ad salutem.

Ita Arausic. 2. can. 25. & Trid. sess. 6. can. 3.

Probatum secundò ratione; nam homo per lumen naturale cognoscit Deum existere, eumque esse infinitè perfectum, & summè bonum; item se ab illo pendere quoad esse, & conseruari, atque adeò valde dignum esse qui ametur. Quidni ergo poterit hominis voluntatis propriis viribus, in aliqualem saltem Dei amorem prorumpere? Præsertim cum negari non possit, quin homines virtute aut ingenio præstantes, patentesque nostros & alios quibus beneficio aliquo obstricti sumus naturaliter diligamus.

Dices 1. nullum pietatis opus fieri potest sine gratia, sed quævis dilectio Dei est opus pietatis, ex Augustino epist. 29. ergo, &c. Respondeo, dilectionem aliquam esse opus pietatis tantum naturalis, ad quam non requi-

T 3 ritur

ritur gratia; aliam verò supernaturalis, de qua antecedens intelligendum est.

Dices 2. imperfectus Dei amor est dispositio ad perfectam charitatem, adeoque ad gratiam sanctificantem; at nulla talis dispositio haberi potest sine gratiæ auxilio. Respondeo maiorem falsam esse, loquendo de more imperfecto, qui in Deum ut naturæ auctorem tendit: ille enim est naturalis, ac proinde non potest propriè ad gratiam disponere.

Dices 3. omnis amor Dei vel est benevolentia, vel concupiscentia, posterior non est honestus, ac proinde de eo hic non agitur, prior verò est supernaturalis ordinis, adeoque haberi non potest sine gratiæ auxilio. Respondeo hic duo falsa supponi. 1. Amorem concupiscentia erga Deum non esse honestum, nam cum verè Deum sit bonum nostrum, & finis noster, amor quo ut talem eum diligimus, inordinatus esse nequit. 2. omnem amorem benevolentia erga Deum esse supernaturalem, oppositum enim sequenti resolutione probabitur.

Dices 4. Augustinum nobis aduersari epist. 107. cum ait, liberum arbitrium ad diligendum Deum primi peccati granditate perdidimus. Resp. sensum esse, nos per peccatum amissa charitate, consequenter amisisse facultatem seu potentiã ad diligendum Deum, ut oportet ad salutem.

Resolutio I I. Potest homo in natura lapsa, diligere Deum amore aliquo benevolentia, sine auxilio gratia.] Probatum quia si non potest, hoc est, quia omnis amor benevolentia erga Deum est supernaturalis, at hoc falsum

DE GRATIA. CAP. III. 439

falsum est, cum ipsa ratio naturalis superioris lumine minimè illustrata dicter, Deum à nobis ex beneuolentia amandum esse, vt pote inter res naturales maximè bonum & perfectum; Voluntas autem & intellectus sunt potentia inter se ira ordinata, vt quod iste naturaliter amplectendum esse iudicat, illa per se propriis viribus amplecti possit. Cùm ergo eiusmodi actus sit naturalis, nulla ratio est cur nequeat voluntas propriis viribus, in eum prorumpere.

Confirmatur, nam cum amor ille sit ordinis naturalis, voluntas secundum se est illi sufficienter proportionata, adeoque non requiritur auxilium gratia, vt principium necessarium ad producendum physicè talem actum. Aliunde verò non est gratia necessaria, tanquam principium extrinsecum remouens impedimenta, quae voluntatem alioqui potentem, à prædicto amore retardare possent; non enim semper occurrunt eiusmodi impedimenta, vt patet in eo simplici complacentia affectu, quo homo omnes perfectiones naturales quas habet.

Dices 1. amor amicitia, & amor beneuolentia idem sunt; at nulla est amicitia naturalis hominis ad Deum ex S. Thom. 2. 2. q. 25. art. 1. ergo nec beneuolentia, ac proinde Deus non potest diligere amore beneuolentia, sine gratia. Respondeo 1. maiorem falsam esse, cum amicitia includat amorem mutuum, non autem simplex beneuolentia, vt notat S. Doctor loco citato. 2. falsam item esse minorem; & contra S. Thomam ibidem, vt non obscurè ex eo colligitur, quia docet amicitiam

tiam fundari in aliqua communicatione , quare cum sit communicatio hominis ad Deum non modo quoad bona supernaturalia , sed etiam quoad naturalia , non tantum inter illos esse potest amicitia supernaturalis, sed etiam naturalis.

Dices 2. vnica est in Deo bonitas, adeoq; vnus tantum n rationis beneuolentia ad eum terminari potest, eo quod actus ab obiecto formali sumunt suam speciem. Est autem aliqua beneuolentia supernaturalis erga Deum, vt constat ex Scriptura, & Patribus, ergo nulla naturalis admitti debet. Respondeo ad terminandas varias species beneuolentiæ, satis esse quod Dei bonitas etsi vnica , apprehendatur vt potens communicare bona diuersorum ordinum, nempe naturalia, & supernaturalia.

Dices 3. amor beneuolentiæ est idem ac amor super omnia, quia amat soli Deo perfectionem, & bonitatem infinitam : atqui amor Dei super omnia nõ potest haberi sine auxilio gratiæ, ergo nec amor beneuolentiæ. Respondeo per amorẽ Dei super omnia vulgo non intelligi amorem illum beneuolentiæ qui tantum est affectiuus , sed obedientialem, qui præterquam quod Deo sincerè amat suam bonitatem infinitam , coniunctus est cum firmo proposito obediendi illius voluntati, omnique studio cauendi quæcunque ab ea tantisper auertere possunt.

Resolutio III. Non potest homo in naturalis lapsa , propriis viribus amare super omnia Deum, vt naturæ authorem.] Probat, nam ille dicitur amare Deum super omnia , qui per

DE GRATIA. CAP. III. 441

per absolutum decretum proponit illi in omnibus placere, omniaque illius præcepta quosunque tempore seruare, & peccata opposita fugere, ita vt si Deus præcisè vt author naturæ super omnia diligatur, in tali amore virtualiter includatur firmum & efficax propositum, seruandi totam legem naturalem, & cauendi omnia peccata mortalia illi repugnantia. Atqui non potest homo in natura lapsa, propriis viribus habere firmum & efficax propositum, seruandi longo tempore totam legem naturæ; cum talis observatio naturæ viribus sit impossibilis, vt cap. sequenti dicemus: ergo neque potest propriis viribus amare super omnia Deum, vt naturæ authorem, saltem actu absoluto, & de se efficaci, de quo tantum agimus.

Dices 1. Amor prædictus est ordinis naturalis, ergo naturæ viribus obtineri potest. Non sequitur, quia etsi amor ille non excedat vires physicas voluntatis humanæ, per se spectatæ, eas tamen superat si spectentur difficultates, sine gratia diuina insuperabiles, quæ nunc occurrunt in diuturna totius legis naturalis observatione, & fuga omnium peccatorum ipsi repugnantium. Hinc enim fit, Dei amorem perfectum, & super omnia, cum debeat includere firmam & absolutam voluntatem, seruandi longo tempore totam naturæ legem esse naturaliter impossibile, eo quod non potest voluntas suis viribus efficaciter velle facere id. quod per easdem vires, sine speciali auxilio facere non potest.

Dices 2. Potest homo in hoc statu creaturam aliquam super omnia diligere, ergo &

T 5

Deum,

totam naturæ legem longo tempore obseruet.

Dices 1. Deuter. 30. dicitur, mandatum diuinum non esse supra nos. Distinguo, non est supra nos auxilio diuino adiutos, concedo, tali auxilio destitutos, nego. Hinc intellige illud Eccl. 15. Si volueris mandata seruare, conseruabunt te, sensus enim est, si volueris per gratiam, quæ præsto est tibi.

Dices 2. Præcepta omnia legis naturalis sunt proportionata viribus liberi arbitrij, ergo possunt ab homine perfici sine gratia. Distinguo antecedens, sunt proportionata quoad ordinem, concedo, quoad eorum executionem; adhuc distingo, nam id verum est in natura integra, non in lapsa, qualis est iam, propter impedimenta occurrentia.

Dices 3. Potest homo sine gratia seruare vnum, aut alterum præceptum naturale, ergo & singula, ergo & omnia; quia non simul occurrunt, sed vnum post aliud. Respondeo à signo distributiuo ad collectiuum nullam esse consequentiam, vt patet, si quis colligeret hominem posse pedibus conficere centum milliaria, quia potest vnum, vel alterum.

Resolutio II. Potest homo in natura lapsa, cum diuino auxilio seruare omnia præcepta naturalia. Ira omnes Catholici contra recentiores hæreticos. Probat 1. ex Script. Matth. 11. Iugum enim meum suauis est, & onus meum leue. 1. Ioan. 5. Mandata eius graua non sunt.

Probat 2. ex Conciliis, Arausicanum 2. cap. ultimo statuit, omnes baptizatos Christo auxiliante posse & debere quæ ad salutem pertinent,

DE GRATIA. CAP. IV. 445

nent, adimplere. Et Trident. sess. 6. can. 18. Si quis, inquit, dixerit Dei præcepta homini etiam iustificato, & sub gratia constituto esse ad obseruandum impossibilia, anathema sit. Similia habent Patres passim.

Probat 3. ratione, nam homo tenetur legem diuinam seruare, ergo potest eam implere, saltem per gratiam, cum nemo teneatur ad impossibile. Aliàs certe Deus transgressores suæ legis grauitè plectens, iniustus esset & crudelis, si ea esset obseruatu impossibilis.

Dices, non posse obseruari præceptum illud, Non concupisces, quia eo prohibentur ipsi motus concupiscentiæ indeliberati, & rationem præuenientes; si quidem consensus deliberatus prohibetur præcepto. Non mœchaberis. Neque illud, Diliges Dominum Deum tuum ex toto corde tuo, vt colligitur ex Aug. l. de Spiritu & littera, c. 16.

Verùm ista facile diluantur. Primum quidem, quia præcepto, Non concupisces, non prohibentur tanquam mali ipsi motus concupiscentiæ, cum sint merè naturales & nullo modo voluntarij, sed ipse consensus internus in concupiscentiam, qui cum Dei auxilio vitari potest. Præcepto verò, Non mœchaberis, prohibetur fornicatio, vt opere expleta.

Secundum etiam refellitur, quia Augustinus non negat Deum in hac vita posse amari super omnia appretiatiuè, sed tantum posse ita diligere, vt affectus continuo in eum tendat, neque ab illo tantillum deuierit, creaturam aliquam inordinate amando; talis enim amor
solis

totam naturæ legem longo tempore obseruet.

Dices 1. Deuter. 30. dicitur, mandatum diuinum non esse supra nos. Distinguo, non est supra nos auxilio diuino adiutos, concedo, tali auxilio destitutos, nego. Hinc intellige illud Eccl. 15. Si volueris mandata seruare, conseruabunt te, sensus enim est, si volueris per gratiam, quæ præsto est tibi.

Dices 2. Præcepta omnia legis naturalis sunt proportionata viribus liberi arbitrij, ergo possunt ab homine perfici sine gratia. Distinguo antecedens, sunt proportionata quoad ordinem, concedo, quoad eorum executionem; adhuc distingo, nam id verum est in natura integra, non in lapsa, qualis est iam, propter impedimenta occurrentia.

Dices 3. Potest homo sine gratia seruare vnum, aut alterum præceptum naturale, ergo & singula, ergo & omnia; quia non simul occurrunt, sed vnum post aliud. Respondeo à signo distributiuo ad collectivum nullam esse consequentiam, ut patet, si quis colligeret hominem posse pedibus conficere centum milliaria, quia potest vnum, vel alterum.

Resolutio II. Potest homo in natura lapsa, cum diuino auxilio seruare omnia præcepta naturalia. Ita omnes Catholici contra recentiores hæreticos. Probat. 1. ex Script. Matth. 11. Iugum enim meum suauis est, & onus meum leue. 1. Ioan. 5. Mandata eius grauiora non sunt.

Probat. 2. ex Conciliis, Arausicanum 2. cap. ultimo statuit, omnes baptizatos Christo auxiliante posse & debere quæ ad salutem pertinent,

DE GRATIA. CAP. IV. 445

nent, adimplere. Et Trident. sess. 6. can. 18. Si quis, inquit, dixerit Dei præcepta homini etiam iustificato, & sub gratia constituto esse ad obseruandum impossibilia, anathema sit. Similia habent Patres passim.

Probatur 3. ratione, nam homo tenetur legem diuinam seruare, ergo potest eam implere, saltem per gratiam, cum nemo teneatur ad impossibile. Aliàs certe Deus transgressores suæ legis grauitè plectens, iniustus esset & crudelis, si ea esset obseruatu impossibilis.

Dices, non posse obseruari præceptum illud, Non concupisces, quia eo prohibentur ipsi motus concupiscentiæ indeliberati, & rationem præuenientes; si quidem consensus deliberatus prohibetur præcepto. Non mœchaberis. Neque illud, Diliges Dominum Deum tuum ex toto corde tuo, vt colligitur ex Aug. l. de Spiritu & littera, c. 16.

Verùm ista facile diluantur. Primum quidem, quia præcepto, Non concupisces, non prohibentur tanquam mali ipsi motus concupiscentiæ, cum sint merè naturales & nullo modo voluntarij, sed ipse consensus internus in concupiscentiam, qui cum Dei auxilio vitari potest. Præcepto verò, Non mœchaberis, prohibetur fornicatio, vt opere expleta.

Secundum etiam refellitur, quia Augustinus non negat Deum in hac vita posse amari super omnia appetitiuè, sed tantum posse ita diligì, vt affectus continuo in eum tendat, neque ab illo tantillum deuierit, creaturam aliquam inordinate amando; talis enim amor solis

totam naturæ legem longo tempore obseruet.

Dices 1. Deuter. 30. dicitur, mandatum diuinum non esse supra nos. Distinguo, non est supra nos auxilio diuino adiutos, concedo, tali auxilio destitutos, nego. Hinc intellige illud Eccl. 15. Si volueris mandata seruare, conseruabunt te, sensus enim est, si volueris per gratiam, quæ præsto est tibi.

Dices 2. Præcepta omnia legis naturalis sunt proportionata viribus liberi arbitrij, ergo possunt ab homine perfici sine gratia. Distinguo antecedens, sunt proportionata quoad ordinem, concedo, quoad eorum executionem; adhuc distinguo, nam id verum est in natura integra, non in lapsa, qualis est iam, propter impedimenta occurrentia.

Dices 3. Potest homo sine gratia seruare vnum, aut alterum præceptum naturale, ergo & singula, ergo & omnia; quia non simul occurrunt, sed vnum post aliud. Respondeo à signo distributiuo ad collectivum nullam esse consequentiam, vt patet, si quis colligeret hominem posse pedibus conficere centum milliaria, quia potest vnum, vel alterum.

Resolutio II. Potest homo in natura lapsa, cum diuino auxilio seruare omnia præcepta naturalia. Ita omnes Catholici contra recentiores hæreticos. Probat. 1. ex Script. Matth. 11. Iugum enim meum suauis est, & onus meum leue. 1. Ioan. 5. Mandata eius graua non sunt.

Probat. 2. ex Concilijs, Arausicanum 2. cap. ultimo statuit, omnes baptizatos Christo auxiliante posse & debere quæ ad salutem pertinent,

DE GRATIA. CAP. IV. 445

nent, adimplere. Et Trident. sess. 6. can. 18. Si quis, inquit, dixerit Dei præcepta homini etiam iustificato, & sub gratia constituto esse ad obseruandum impossibilia, anathema sit. Similia habent Patres passim.

Probatur 3. ratione, nam homo tenetur legem diuinam seruare, ergo potest eam implere, saltem per gratiam, cum nemo teneatur ad impossibile. Alias certe Deus transgressores suæ legis grauitè plectens, iniustus esset & crudelis, si ea esset obseruatu impossibilis.

Dices, non posse obseruari præceptum illud. Non concupisces, quia eo prohibentur ipsi motus concupiscentiæ indeliberati, & rationem præuenientes; si quidem consensus deliberatus prohibetur præcepto. Non mœchaberis. Neque illud, Diliges Dominum Deum tuum ex toto corde tuo, vt colligitur ex Aug. l. de Spiritu & littera, c. 16.

Verùm ista facile diluantur. Primum quidem, quia præcepto, Non concupisces, non prohibentur tanquam mali ipsi motus concupiscentiæ, cum sint merè naturales & nullo modo voluntarij, sed ipse consensus internus in concupiscentiam, qui cum Dei auxilio vitari potest. Præcepto verò, Non mœchaberis, prohibetur fornicatio, vt opere expleta.

Secundum etiam refellitur, quia Augustinus non negat Deum in hac vita posse amari super omnia appetitiuè, sed tantum posse ita diligì, vt affectus continuo in eum tendat, neque ab illo tantillum deuiet, creaturam aliquam inordinate amando; talis enim amor
solis

totam naturæ legem longo tempore obseruet.

Dices 1. Deuter. 30. dicitur, mandatum diuinum non esse supra nos. Distinguo, non est supra nos auxilio diuino adiutos, concedo, tali auxilio destitutos, nego. Hinc intellige illud Eccl. 15. Si volueris mandata seruare, conseruabunt te, sensus enim est, si volueris per gratiam, quæ præsto est tibi.

Dices 2. Præcepta omnia legis naturalis sunt proportionata viribus liberi arbitrij, ergo possunt ab homine perfici sine gratia. Distinguo antecedens, sunt proportionata quoad ordinem, concedo, quoad eorum executionem; adhuc distinguo, nam id verum est in natura integra, non in lapsa, qualis est iam, propter impedimenta occurrentia.

Dices 3. Potest homo sine gratia seruare vnum, aut alterum præceptum naturale, ergo & singula, ergo & omnia; quia non simul occurrunt, sed vnum post aliud. Respondeo à signo distributiuo ad collectivum nullam esse consequentiam, vt patet, si quis colligeret hominem posse pedibus conficere centum milliaria, quia potest vnum, vel alterum.

Resolutio II. Potest homo in natura lapsa, cum diuino auxilio seruare omnia præcepta naturalia. Ita omnes Catholici contra recentiores hæreticos. Probat. 1. ex Script. Matth. 11. Iugum enim meum suauis est, & onus meum leue. 1. Ioan. 5. Mandata eius graua non sunt.

Probat. 2. ex Conciliis, Arausicanum 2. cap. ultimo statuit, omnes baptizatos Christo auxiliante posse & debere quæ ad salutem pertinent,

DE GRATIA. CAP. IV. 445

nent, adimplere. Et Trident. sess. 6. can. 18. Si quis, inquit, dixerit Dei præcepta homini etiam iustificato, & sub gratia constituto esse ad observandum impossibilia, anathema sit. Similia habent Patres passim.

Probatur 3. ratione, nam homo tenetur legem diuinam seruare, ergo potest eam implere, saltem per gratiam, cum nemo teneatur ad impossibile. Aliàs certe Deus transgressores suæ legis grauitè plectens, iniustus esset & crudelis, si ea esset obseruatu impossibilis.

Dices, non posse obseruari præceptum illud. Non concupisces, quia eo prohibentur ipsi motus concupiscentiæ ineliberati, & rationem præuenientes; si quidem consensus deliberatus prohibetur præcepto. Non mœchaberis. Neque illud, Diliges Dominum Deum tuum ex toto corde tuo; vt colligitur ex Aug. l. de Spiritu & littera, c. 36.

Verùm ista facile diluantur. Primum quidem, quia præcepto, Non concupisces, non prohibentur tanquam mali ipsi motus concupiscentiæ, cum sint merè naturales & nullo modo voluntarij, sed ipse consensus internus in concupiscentiam, qui cum Dei auxilio vitari potest. Præcepto verò, Non mœchaberis, prohibetur fornicatio, vt opere expleta.

Secundum etiam refellitur, quia Augustinus non negat Deum in hac vita posse amari super omnia appetitiuè, sed tantum posse ita diligì, vt affectus continuo in eum tendat, neque ab illo tantillum deuier, creaturam aliquam inordinate amando; talis enim amor
solis

tiam fundari in aliqua communicatione , quare cum sit communicatio hominis ad Deum non modo quoad bona supernaturalia , sed etiam quoad naturalia , non tantum inter illos esse potest amicitia supernaturalis, sed etiam naturalis.

Dices 2. vnica est in Deo bonitas, adeoq; vnus tantum n rationis beneuolentia ad eum terminari potest, eò quòd actus ab obiecto formali sumunt suam speciem. Est autem aliqua beneuolentia supernaturalis erga Deum, vt constat ex Scriptura, & Patribus, ergo nulla naturalis admitti debet. Respondeo ad terminandas varias species beneuolentiæ, satis esse quod Dei bonitas etsi vnica , apprehendatur vt potens communicare bona diuersorum ordinum, nempe naturalia, & supernaturalia.

Dices 3. amor beneuolentiæ est idem ac amor super omnia, quia amat soli Deo perfectionem, & bonitatem infinitam : atqui amor Dei super omnia nō potest haberi sine auxilio gratiæ, ergo nec amor beneuolentiæ. Respondeo per amorē Dei super omnia vulgo non intelligi amorem illum beneuolentiæ qui tantum est affectiuus , sed obedientialem, qui præterquam quòd Deo sincerè amat suam bonitatem infinitam, coniunctus est cum firmo proposito obediendi illius voluntati, omnique studio cauendi quæcunque ab ea tantisper auertere possunt.

Resolutio III. Non potest homo in natura lapsa , propriis viribus amare super omnia Deum, vt naturæ authorem.] Probat, nam ille dicitur amare Deum super omnia , qui per

DE GRATIA. CAP. III. 441

per absolutum decretum proponit illi in omnibus placere, omniaque illius præcepta quosunque tempore seruare, & peccata opposita fugere, ita vt si Deus præcisè vt author naturæ super omnia diligatur, in tali amore virtualiter includatur firmum & efficax propositum, seruandi totam legem naturalem, & cauendi omnia peccata mortalia illi repugnantia. Atqui non potest homo in natura lapsa, propriis viribus habere firmum & efficax propositum, seruandi longo tempore totam legem naturæ; cum talis obseruatio naturæ viribus sit impossibilis, vt cap. sequenti dicemus: ergo neque potest propriis viribus amare super omnia Deum, vt naturæ authorem, saltem actu absoluto, & de se efficaci, de quo tantum agimus.

Dices 1. Amor prædictus est ordinis naturalis, ergo naturæ viribus obtineri potest. Non sequitur, quia etsi amor ille non excedat vires phyficas voluntatis humanæ, per se spectatæ, eas tamen superat si spectentur difficultates, sine gratia diuina insuperabiles, quæ nunc occurrunt in diuturna totius legis naturalis obseruatione, & fuga omnium peccatorum ipsi repugnantium. Hinc enim fit, Dei amorem perfectum, & super omnia, cum debeat includere firmam & absolutam voluntatem, seruandi longo tempore totam naturæ legem esse naturaliter impossibile, eo quod non potest voluntas suis viribus efficaciter velle facere id, quod per easdem vires, sine speciali auxilio facere non potest.

Dices 2. Potest homo in hoc statu creaturam aliquam super omnia diligere, ergo &

T 5

Deum,

Deum, præsertim cum habeat propensionem naturalem ad eum hoc modo amandum. Non sequitur, tum quia res sensibiles melius cognoscuntur, quàm Deus, atque adeò facilius amari possunt; tum quia amor Dei super omnia virtualiter includit observantiam omnium præceptorum naturalium, idque per longum tempus, in amore autem creaturæ nihil simile reperitur. Quare etsi homo lapsus habeat naturalem inclinationem ad Deum super omnia diligendum, ea est impedita propter appetitum sensitivum, & tentationes externas, adeoque non potest in actum reduci, sine speciali auxilio.

Dices 3. Potest nunc homo quod posset in pura natura, at tunc posset naturaliter Deum amare super omnia, quia haberet præceptum ita illum amandi, & tamen careret gratia. Resp. supposito quòd in statu puræ naturæ teneretur homo Deum amare super omnia, consequenter illi daretur auxilium aliquod ordinis naturalis, per quod eiusmodi præceptum exequi posset: hoc enim planè consentaneum esset suavi dispositioni diuinæ providentiæ, quæ nunquam deest in necessariis, & creaturas omnes siue rationales, siue irrationales, per media suis naturis proportionata, ad fines suos dirigit.

CAPUT IV.

De necessitate gratia, ad servanda præcepta naturalia.

RESOLUTIO I. Non potest homo lapsus servare longo tempore totam legem

DE GRATIA. CAP. IV. 443

gem naturalem, sine gratia.] Probat^{ur} 1. ex Scr. Nam Ezech. 36. Deus promittit se facturū (utique per auxilium gratiæ) ut in præceptis eius ambulemus. 2. ex Conciliis, & Patribus qui contra Pelagium ostendunt, totam legem diuinam non posse impleri sine gratia Dei.

Neque dicas eos loqui de lege diuina, ut etiam comprehendit præcepta supernaturalia ; agunt enim de impotentia quæ competit homini in natura lapsa, ad seruandam totam legem, quod non potest intelligi nisi de lege naturali; cum etiam in natura integra haberet homo ex se impotentiam ad præcepta supernaturalia. Non etiam dictæ impotentiae causam referunt in supernaturalitatem præceptorum, sed in fragilitatem ipsius hominis quæ præcipuè consistit in deordinatione appetitus sensitiui, illiusque procliuitate ad peccata legi naturali repugnantia.

Probat^{ur} 3. ratione, nam seruare longo tempore omnia præcepta legis naturalis & peccata omnia illi contraria vitare, hoc quidem est munus naturæ integræ, & quoad omnes suas potentias sanæ; quæq; nullam grauem difficultatem siue internam, siue externam patitur, per quam possit à bonorum operum exercitio retardari. Cum ergo in statu naturæ lapsæ, homo sit in deterius mutatus, & ægritudinem in facultatibus suis contraxerit, sentiatque aliam legem in membris suis, repugnantem legi mentis suæ, eumque captiuantem sub lege peccati, & aliunde variis occasionibus, & tentationibus ad malum pellatur, fieri non potest quod sine speciali auxilio,

totam naturæ legem longo tempore obseruet.

Dices 1. Deuter. 30. dicitur, mandatum diuinum non esse supra nos. Distinguo, non est supra nos auxilio diuino adiutos, concedo, tali auxilio destitutos, nego. Hinc intellige illud Eccl. 15. Si volueris mandata seruare, conseruabunt te, sensus enim est, si volueris per gratiam, quæ præsto est tibi.

Dices 2. Præcepta omnia legis naturalis sunt proportionata viribus liberi arbitrij, ergo possunt ab homine perfici sine gratia. Distinguo antecedens, sunt proportionata quoad ordinem, concedo, quoad eorum executionem; adhuc distinguo, nam id verum est in natura integra, non in lapsa, qualis est iam, propter impedimenta occurrentia.

Dices 3. Potest homo sine gratia seruare vnum, aut alterum præceptum naturale, ergo & singula, ergo & omnia; quia non simul occurrunt, sed vnum post aliud. Respondeo à signo distributiuo ad collectiuum nullam esse consequentiam, vt patet, si quis colligeret hominem posse pedibus conficere centum miliaria, quia potest vnum, vel alterum.

Resolutio II. Potest homo in natura lapsa, cum diuino auxilio seruare omnia præcepta naturalia. Ira omnes Catholici contra recentiores hæreticos. Probat. 1. ex Script. Matth. 11. Iugum enim meum suauis est, & onus meum leue. 1. Ioan. 5. Mandata eius graui non sunt.

Probat. 2. ex Conciliis, Arausicanum 2. cap. ultimo statuit, omnes baptizatos Christo auxiliante poss. & debere quæ ad salutem pertinent,

DE GRATIA. CAP. IV. 445

nent, adimplere. Et Trident. sess. 6. can. 18. Si quis, inquit, dixerit Dei præcepta homini etiam iustificato, & sub gratia constituto esse ad observandum impossibilia, anathema sit. Similia habent Patres passim.

Probat 3. ratione, nam homo tenetur legem diuinam seruare, ergo potest eam implere, saltem per gratiam, cum nemo teneatur ad impossibile. Alias certe Deus transgressores suæ legis grauitè plectens, iniustus esset & crudelis, si ea esset obseruatu impossibilis.

Dices, non posse obseruari præceptum illud, Non concupisces, quia eo prohibentur ipsi motus concupiscentiæ indeliberati, & rationem præuenientes; si quidem consensus deliberatus prohibetur præcepto. Non mœchaberis. Neque illud, Diliges Dominum Deum tuum ex toto corde tuo, vt colligitur ex Aug. l. de Spiritu & littera, c. 36.

Verum ista facile diluantur. Primum quidem, quia præcepto, Non concupisces, non prohibentur tanquam mali ipsi motus concupiscentiæ, cum sint merè naturales & nullo modo voluntarij, sed ipse consensus internus in concupiscentiam, qui cum Dei auxilio vitari potest. Præcepto verò, Non mœchaberis, prohibetur fornicatio, vt opere expleta.

Secundum etiam refellitur, quia Augustinus non negat Deum in hac vita posse amari super omnia appetitiuè, sed tantum posse ita diligere, vt affectus continuo in eum tendat, neque ab illo tantillum deuier, creaturam aliquam inordinate amando; talis enim amor
solis

solis beatis , qui clara Dei visione perpetuò fruuntur , saltem de lege ordinaria, non autem viatoribus, competit.

Quæres, quænam gratia requiratur , vt homo totam legem naturalem obseruare possit. Respondeo absolute loquendo, ad hoc sufficere auxilia actualia, neque requiri fidem , aut gratiam habituales , eò quòd tota lex naturalis perfici potest per actus eiusdem ordinis, ad quos non requiritur fides, aut gratia sanctificans, saltem ex natura rei, neque vlla ratio est, cur nequeat homo gratia, aut fide carens ; ita iuari à Deo vt totam illam legem diu obseruet. Ordinariè tamen diuturna legis naturæ obseruatio , non habet locum nisi in fidelibus, eò quod homines ex motiuis fidei sumunt vires ad debellandos demones, & concupiscentias frænandas, quibus facillè cedunt ij qui fide carent. Imò vix vnquam contingit, hominem gratia sanctificante destitutum, etsi alioqui fide præditus sit, præcepta omnia legis naturæ diu seruare ; quia cum iam à Deo auersus sit per peccatum in quo iacet, facillè illius præcepta contemnit & temptationibus occurrentibus consensum præbet.

Resolutio III. Non potest homo in natura lapsa, vitare omnia peccata venialia longo tempore, cum auxiliis ordinariis gratiæ , ex speciali tamen priuilegio potest.] Prima pars probatur . ex Script. Ioan. 1. Si dixerimus quia peccatum non habemus, ipsi nos seducimus. Iacob. 3. In multis offendimus omnes. At hæc intelliguntur etiam de iustis, qui non carent ordinariis gratiæ auxiliis.

Proba

DE GRATIA. CAP. IV. 447

Probatur 2. ex Conciliis: Mileuitanum cap. 5. dicit anathema illi qui prædicta Ioannis verba sic accipienda putauerit, vt ex humilitate dicendum sit nos habere peccatum, non quia ita vere sit. Et Trident. sess. 6. can. 23. hoc statuit, si quis dixerit hominem iustificatum, posse in tota vita peccata omnia etiam venialia vitare, nisi ex speciali priuilegio (quemadmodum de beata Virgine tenet Ecclesia) anathema sit; similia apud Patres videri possunt.

Probatur 3. ratione; nam gratia sanctificans cum ordinariis auxiliis, non sanat perfectè naturam humanam, non enim aufert rebellionem appetitus sensitiui aduersus rationem, nec inclinationem naturam ad malum, nec tentationes ab extrinseco ingruentes, nec denique alias difficultates quæ in exercitio bonorum operum occurrunt; quare fieri non potest, vt cum gratia ordinaria homo ita cautè viuat, vt longo tempore caueat omnia peccata venialia.

Secunda pars fuit definita in Tridentino loco citato, & patet ex sensu Ecclesiæ, quæ credit B. Virginem ab omni peccato veniali per speciale priuilegium fuisse immunem. Ratio autè est, quia quod non possumus ad longum tempus omnes culpas veniales fugere, hoc prouenit ex infirmitate nostrâ: præcipue ex pugna appetitus sensitiui, qui continuò concupiscit aduersus spiritum, & magnam rectè agendi difficultatem nobis ingerit. At Deus gratiæ suæ efficacitate potest nos sanare, & motus concupiscentiæ perfectè cohibere, ita vt numquam peccemus venialiter.

Ceterum,

Ceterum, excepta B. Virgine, nullus sanctorum ab omni culpa veniali in hoc mundo immunis fuit, cum neque ex Scriptura, neque ex Conciliis, aut Patribus talis exceptio colligi possit. Neque refert illud quod Ecclesia canit de Ioanne Baptista in hymno illius. Ne leui saltem maculare vitam, fame posses. Sensus enim est, cum maxime semper studio curasse, non tantum ut graua peccata fugeret, sed etiam leuissima: illius autem natiuitas celebratur, non quod ab omni peccato veniali immunis fuerit, sed quia in utero materno sanctificatus, & in gratia confirmatus fuit.

CAPVT V.

*De necessitate gratia, ad actus
supernaturales.*

Resolutio I. Non potest homo credere mysteria fidei, ut oportet ad salutem, sine gratia auxilio, etiam postquam sufficienter sunt proposita, & probatum ea à Deo esse reuelata.] Est de fide contra Pelagium, probaturque 1. ex sequentibus Scripturae locis Ioan. 6. Nemo potest ad me venire (scilicet per fidem, ut intelligitur ex verbis sequentibus) nisi Pater meus traxerit eum Ephes. 2. Gratia salui facti estis per fidem, & hoc non ex vobis, donum enim Dei est, Philip. 1. Vobis donatum est pro Christo, non solum ut in eum credatis. sed etiam ut pro illo patiamini.

Probatur 2. ex Conciliis. Arausic. 2. can. 25. statuit, per peccatum primi hominis ita
indeli

DE GRATIA. CAP. V. 449

inclinatum & attenuatum fuisse liberum arbitrium, ut nullus postea aut diligere Deum sicut oportet, aut credere in Deum possit, nisi gratia & misericordia diuina eum præuenierit. In Conc. autem Trid. sess. 6. can. 3. sic statuitur. Si quis dixerit sine præueniente Spiritus sancti inspiratione, atque eius adiutorio hominem credere, sperare, diligere, aut pœnitere posse sicut oportet, ut ei iustificationis gratia conferatur, anathema sit, Omitto Patres.

Probat^{ur} 3. ratione, nam intellectus noster nō potest sine gratiæ auxilio, edere assensum qui superat virtutem illius naturalem, talis est assensus fidei, siquidem intellectus noster nulli veritati facultate propria assentiri potest, nisi ea vel immediatè, vel mediatè per rationem naturalem patefiat; assensus autem fidei fundatur per se in sola autoritate Dei, & ad eam refertur, ut ad rationem formalem propter quam homo credit quæcunque ab Ecclesia ut à Deo reuelata proponuntur. Ergo ad eiusmodi assensum requiritur auxilium gratiæ. Confirmatur, nam certum est ex fide, hominem sine gratia nihil posse efficere, quod verè ad illius salutem conducat. Hoc autem falsum esset, si posset homo propriis viribus elicere assensum fidei, cum hic ad salutem planè sit necessarius.

Vbi aduerte non repugnare, quin possit homo naturæ viribus credere mysteria fidei assensu aliquo opinatiuo & humano, ut ex restrictione apposita in Conciliis citatis non obscurè intelligitur, ipsaque experientia satis ostendit in hæreticis, qui etsi fide infusa careant,

reant, assentiuntur quibusdam mysteriis, nimirum ex motivo aliquo humano, adeoque naturæ viribus Ratio quoque idem demonstrat, quia et si mysteria fidei sint obscura, & captum humanum longè superent, tamen debite proposita, variisque argumentis comprobata, valde credibilia redduntur, quo fit ut actu aliquo imperfecto, & naturaliter credi possint.

Resolutio II. Voluntas credendi, illiusque initium est ex speciali Dei auxilio.] Quod ut intelligas, Nota 1. ad assensum fidei non tantum prærequiri revelationem, & propositionem credendorum, sed etiam piam affectionem voluntatis, quæ intellectum inducat ad assentiendum mysteriis propositis Cum enim fidei propositio non sit evidens, intellectui necessitatem non infert, neque illius facultatem determinat; quare oportet ut præcedat voluntatis affectus à quo determinetur.

Nota 2. cum nihil sit volitum, quin præcognitum, hominem non posse velle credere, nisi prius per intellectum iudicauerit credendum esse, adeoque præcesserit hoc iudicium, credendum est, vel, expedit credere, aut quid simile. Atqui hoc iudicium dicitur initium voluntatis credendi, sicut voluntas credendi dicitur initium actus fidei, qui ex imperio illius fit; dico igitur & illam voluntatem, & hoc voluntatis initium esse ex Dei auxilio.

Prima pars est de fide, & probatur 1. auctoritate cum Concilij Arausic. 2. statuentis can. 5. ipsum credulitatis affectum esse ex gratiæ dono, & inspiratione Spiritus sancti;
tum

DE GRATIA. CAP. V. 451

rum Augustini qui libro de prædestinatione Sanctorum cap. 2. ait, Paulum ad fidem quam vastabat gratia potentiore fuisse conuersum, vt ex nolente fieret volens credere. Et cap. 8 eiusdem libri, Quid ergo oramus (inquit) pro nolentibus credere, nisi vt Deus in illis operetur & velle ?

Probatur 2. ratione, nam inter causam & effectum debet esse proportio, ita vt si effectus sit supernaturalis, causa item supernaturalis, esse debeat: atqui actus fidei est superturalis, & imperatur à voluntate credendi, adeoque est effectus illius. Ille igitur actus voluntatis quo homo vult credere, est supernaturalis, non secus atque ipse actus fidei; ac proinde non potest fieri sine speciali auxilio gratiæ.

Dices, Apostolus Rom. 7. Velle, inquit, adiacet mihi, perficere autem non inuenio, quibus verbis denotat voluntatem credendi esse à nobis, ipsam autem fidem à Deo. Respondeo & illud velle supponere gratiam, quia vt ait idem Apostolus Philipp. 2. Deus qui operatur in nobis velle, & perficere. Ait ergo, velle adiacet mihi, quia secundum gratiam hominis interioris condelectatur legi Dei; subiungit verò, perficere autem non inuenio, quia sentiebat aliam legem in membris suis legi mentis suæ repugnantem, & cum captiuum ducentem sub lege peccati.

Secunda pars suadetur, quia cum actus quo voluntas vult credere vt oportet ad salutem, sit supernaturalis, requiritur vt in intellectu præcedat illuminatio sufficiens ad talem affectum excitandum, eiq; proportionata, & consequenter

quenter quæ sit eiusdem ordinis, talis autem illuminatio nihil est aliud quàm vocatio interna, seu prima gratia auxilians qua homo excitatur, & præuenitur à Deo, ad bene agendum in ordine ad salutem æternam.

Resolutio III. Non potest homo sine speciali auxilio amare Deum, vt authorem gratiæ, siue amore beneuolentiæ, siue amore concupiscentiæ.] Prima pars probatur 1. nam amor ille est charitas, at charitatem esse, maximum Dei donum patet ex Paulo Rom 5. & Ephes. 6. Concilia etiam statuunt, hominem non posse habere charitatem, vel diligere Deum vt oportet, sine auxilio gratiæ I. a Milcitanū can 4. & Arausic. 2. æ Trident. locis resolutione prima citatis.

Probat. Nam cum actus speciem sumant ab obiectis formalibus in quæ tendunt, Deus autem vt gratiæ author, sit obiectum supernaturalis, consequenter amor beneuolentiæ, quo Deus sub eo respectu diligitur, est supernaturalis, & quod inde fit, non potest elici sine supernaturali gratiæ auxilio. Accedit quod talis amor est actus veræ pietatis, vidque per se, & ex vi proprii obiecti, nō autē ex relatione alicuius superioris actus imperantis, quomodo actus virtutum moralium opera pietatis esse possunt. Idem etiam actus est dispositio ad iustificationem, quæ & similia illi competere nequeunt, nisi ex gratiæ auxilio.

[Dices, Deus vt author gratiæ, voluntati nostræ repræsentatur sub maiori ratione boni; quàm vt author naturæ; ergo sub illa ratione facilius amari potest, atque adeo sine auxilio

DE GRATIA. CAP. V. 453

auxilio gratiæ. Non sequitur, voluntas enim tunc tantum facilius fertur in obiectum; sub maiori ratione boni propositum, quando tale obiectum viribus illius est proportionatum; quod hic non contingit.

Ex dictis collige, non posse hominem diligere Deum, ut gratiæ authorem, benevolentia imperfecta sine speciali auxilio, dictæ enim rationes etiam in tali amore proportionem seruata locum habent. Neque illa imperfectio impedit, quin actus sit supernaturalis ordinis; cum nequaquam opus sit, ut omnes actus ad eundem ordinem spectantes, summam in eo perfectionem habeant.

Secunda pars ostēditur, tum quia inter actum & obiectum debet esse proportio; atqui Deus ut auctor gratiæ, est obiectum supernaturale, ergo & amor concupiscentiæ, qui in illum sub ea ratione fertur, supernaturalis esse debet; tum quia amor concupiscentiæ; quo Deum diligimus ut bonum nostrum supernaturale, generat spem assequendi tale bonum. Hæc autem spes numeratur inter virtutes Theologicas, quæ communis iudicio sunt supernaturales; ergo & prædictus amor in ordine actuum supernaturalium collocandus est.

Dices, amor concupiscentiæ erga Deum, includit amorem amicitiae ad seipsum, amicitia autem ad seipsum est naturalis, ergo & amor concupiscentiæ quo Deus diligitur. Respondeo, benevolentiam in amore concupiscentiæ inclusam, esse tunc naturalem, quando bonum quod concupiscitur est naturale,
super

supernaturalem verò , quando bonum illud est supernaturale, vt hîc contingit.

Resolutio I V. Non potest homo seruare quoad substantiam, vllum præceptum affirmatiuum supernaturale de interno actu absque gratiæ auxilio.] Ratio est , quia præceptum affirmatiuum supernaturale datur de actibus fidei, spei, & charitatis, provt ad salutem conducunt ; illi autem actus sunt quoad substantiam supernaturales , vt ex hactenus dictis satis intelligi potest, breuiterque ostenditur, quia ille actus dicitur quoad substantiam supernaturalis , qui secundum se præcisè abstrahendo à modo quo, verbi causa, fit laudabiliter, & meritorie , & à qualibet circumstantia qua reddatur difficilior, adhuc superat naturæ vires; adeoque exigit principium supernaturale à quo producatur; quales esse, actus virtutum Theologicarum, constat ex præcedentibus resolutionibus. Non ergo possunt præcepta de illis actibus seruari quoad substantiam, absque auxilio gratiæ.

Confirmatur, nam quamuis gratis daremus, prædictos actus non esse quoad substantiam supernaturales, sed quoad modum duntaxat, non tamen posset homo seruare præceptum supernaturale quoad substantiam illius, absque supernaturali auxilio quia nimirum actus illi præcipiuntur , vt sunt necessarij ad salutem, adeoque modus eorum supernaturalis ad ipsam substantiam præcepti pertinet.

Ex his autem colligendum 1. resolutionem istam non tantum intelligi de omnibus præce

præceptis collectiue sumptis, sed etiam de singulis, idque quoad quemlibet illorum actum, ita ut non modo necessaria sit gratia, ad seruanda simul præcepta omnia fidei, spei, & charitatis, sed etiam ad exercendos singulos actus istarum virtutum qui sub præceptum cadunt; quia scilicet singuli sunt supernaturales quoad substantiam, adeoque per se vires naturales superant.

Collige 2. quod etsi præceptum eliciend. actus supernaturales aliquando non urgeat, si tamen quis velit tunc elicere actum, de se aptum ad præceptum implendum, si eo tempore obligaret, ad talem actum gratia est necessaria; quia scilicet est eiusdem rationis, & naturæ cum eo actu, quo præceptum tempore obligationis impletur.

Collige 3. quando præceptum supernaturale obligat, non posse vitari peccatum contra illud, absque auxilio gratiæ; nō enim vitatur peccatū contra præceptum affirmatiuum obligans, nisi fiat actus qui præcipitur; ille autem actus est supernaturalis, neque potest fieri sine gratia: ergo neque præceptum de tali actu seruari, adeoque nec culpa illi contraria vitari, sine auxilio gratiæ.

Resolutio V. Non potest homo siue proximè, siue remotè se disponere ad gratiam habitualem, sine auxilio gratiæ. } Prima pars probatur, tum quia dispositio proxima ad gratiam habitualement, consistit per se loquendo & extra Sacramentum, in actu contritionis perfectæ vel amoris Dei super omnia; atqui eiusmodi actus non possunt haberi sine speciali

speciali gratia, ex Trid. sess. 5. can. 3. tum quia, dispositio proxima debet esse proportionata formæ ad quam disponit, & eiusdem ordinis cum illa, gratia autem sanctificans est supernaturalis ordinis; tum denique quia dispositio proxima ad iustificationem est verus actus pietatis, & ad salutem propriè pertinet, ac proinde requirit gratiam.

Secunda pars ostenditur, quia initium iustificationis sumitur à remotis dispositionibus: quod autem tale initium sit opus gratiæ Dei probatur, tum ex dictis resol. 2. tum ex Arausic. 2. can. 25. statuente in omni bono opere Deum incipere, non autem nos; tum ex Trid. sess. 6. c. 5. ubi dicitur, exordium iustificationis in adultis sumi à gratia præueniente; tum ex rationibus quibus prior pars fuit probata, illæ enim ad istam proportionaliter applicari possunt.

Dices ex communi placito Theologorum, Facienti quod in se est Deus non denegat gratiam, ergo potest homo propriis viribus se ad gratiam sanctificantem saltem remotè disponere. Respondeo antecedens non posse intelligi, de faciente quod in se est, ex propriis viribus, quia sic ut summum efficere potest actum aliquem honestum naturalis ordinis, qui defectu proportionis ad formam supernaturalem disponere nequit. Sensus ergo est, facienti quod in se est ex gratiæ auxilio, Deum non denegare ulterio-
rem gratiam.

CAPVT VI.

De nonnullis actualis gratia diuisionibus.

Resolutio I. Celebris est diuisio gratia actualis in excitantem, & adiutantem. Ista sumitur ex Patribus, & Conciliis, ac speciatim ex Trident. sess. 6. c. 5. & 6. Gratia excitans effusius nonnunquam sumatur, proprie iuxta communem acceptionem, nihil aliud significat quam motionem quandam supernaturalem in animo hominis diuinitus excitatam, quae consistit in illustratione intellectus, & inspiratione voluntatis, seu in sancta cogitatione, & pio affectu, quibus Deus pulsatur cor hominis, illudque veluti dormiens excitat ad actum quandam supernaturalem, iuxta Apoc. Ego sto ad ostium, & pulso.

Vbi nota 1. quod quemadmodum vox illius qui dormientem excitat, profertur absque consensu dormientis, ita gratia excitans confertur homini absque illius consensu; non quod anima merè passivè se habeat ad illam excitationem, est enim actus quidam vitalis qui à potentia vitali necessariò profluere debet, sed quia etsi physicè, non tamen liberè ad eam concurrit.

Nota 2. ex probabiliori sententia, Deum per se immediatè, & non interuentu alicuius qualitatæ, aut motionis creatæ, pios illos motus in nobis excitare. Siquidem ex Conciliis, & Patribus, non alia videtur colligi gratia, nisi aut habitualis, quæ complectitur

Liber IV.

V gratiam

gratiam sanctificantem, & virtutes infusas ; aut actualis, quæ in actibus quibusdam indeliberatis constituitur, nempe in sancta cogitatione intellectus, & pro voluntatis affectu.

Dices, ergo gratia pendeat à natura quod est Pelagianum. Distinguo, nam si pendere à natura idem sit, ac pendere ab anima operante per modum naturæ seu necessario, & non liberè, conceditur ; si verò sensus sit, nos viribus naturæ posse in nobis eiusmodi motus excitare, negatur ; requiritur enim ut Deus in nobis eos excitet, non per virtutem aliquam creatam, & in anima receptam, sed per se immediate in illos influendo, per concursum quendam specialem, & supernaturalem à Pelagio nunquam admissum, ut patet ex l. i. c. 14.

Resolutio II. Gratia adiuuans communiter sumitur pro auxilio quodam actuali ordinis supernaturalis, quo voluntas eleuatur, & iuuatur ad eliciendos actus qui facultatem illius superant.] Dubium est autem, an gratia adiuuans actualis requiratur, non modo ad actus supernaturales qui fiunt sine habitu, sed etiam ad eos qui procedunt à potentia habitu supernaturali instructa.

Nonnulli affirmant, oppositum tamen magis placet, quia potentia habitu supernaturali instructa, habet vires sufficientes ad agendum supernaturaliter, sicut in naturalibus potentia habitu informata, est principium sufficiens actus naturalis. Ergo tunc non est necessaria gratia actualis adiuuans, ut sic, siquidem illa tantum requiritur, ut eleuet & iuuet

DE GRATIA. CAP. VI. 459

iuuet potentiam, ex se ad agendum impropor-
tionariam.

Dices, utrobique præter habitum requiri
motionem quandam actuale, & fluentem,
quæ vltimum complementum tribuat poten-
tiæ, siquidem potentia cum habitu est tantum
constituta in actu primo, actus autem secundus
est perfectior, & magis actualis quàm pri-
mus; quare potentia cum habitu, non est
principium sufficiens ad agendum, nisi per ali-
quid adueniens compleatur. Verùm hoc refel-
litur, tum quia ex communi sententia; in natu-
ralibus potentia habitu instructa habet vires
plusquam sufficientes ad agendum, cum non
modò possit actum simpliciter exercere, sed
etiam cum facilitate; tum quia potentia cum
illo complemento non erit in actu secundo
constituta, sed tantum in actu primo, adeoque
erit imperfectior actu secundo, & quod inde fit,
vltèrius aliquod complementum exiger.

Instabis, potentia quidem eleuata per ha-
bitum, habet virtutem effectiuam sufficientem,
qua verè possit agere, si velit, sed non tribui-
tur illi per solum habitum, vt actum velit, aliàs
quandiu habet habitum semper operaretur; re-
quiritur ergo auxilium adiuuans, quo ad agen-
dum moueatur. Sed contra, nam repugnat ali-
quem verè posse velle agere, & tamen carere
aliquo complemento potentiæ necessario ad
agendum, vt dicetur infra: si ergo potentia ha-
bitu instructa, est sufficiens vt verè possit age-
re, si velit, non requiritur auxilium aliquod ad-
iuvans, quo ad agendum impellatur.

V 2

Neque

Neque refert quòd non tribuatur potentiae per solum habitum, vt actu velit, hinc enim non sequitur, quod homo præter habitum debeat recipere auxilium aliquod, quo moueatur ad agendum, sed tantum quod ipse habitu iam instructus ponat actum secundum quod præstare potest cum concursu Dei simultaneo, qui nunquam deest.

Resolutio III. Gratia adiuuans non concurrat prius naturæ ad opus supernaturale, quàm liberum arbitrium, neque se habet propriè vt causa totalis respectu actus supernaturalis, sed vt causa partialis duntaxat. Prima pars probatur, nam prius natura concurrere ad effectum aliquem, aliud nihil est propriè loquendo, quàm prius natura attingere effectum, eumque producere. At non potest gratia adiuuans prius natura producere actum supernaturalem, quàm liberum arbitrium in eundem influat; siquidem in quocumque priori siue temporis, siue naturæ, actus ille est vitalis & liber, quod habere nequit sine concursu liberi arbitrij. Confirmatur, nam aliàs sequeretur esse actualem volitionem sine influxu ipsius voluntatis: item volitionem liberam inuitabiliter euenire, & non posse à voluntate impediti, cum ex hypothese prius quàm ipsa concurrat, producta sit.

Secunda pars ostenditur, nam illa vocari solet causa partialis alicuius effectus, quæ illum non producit nisi dependenter ab alia causa: atqui gratia adiuuans non producit actum supernaturalem, nisi dependenter à libero arbitrio: ergo est causa tantum partialis

DE GRATIA. CAP. VI. 461

trialis respectu illius. Neque refert quòd totus actus supernaturalis pendeat à gratia; non enim pendet ab ea totaliter, sed partialiter duntaxat: quia nequit illum producere nisi dependenter à concursu voluntatis; quare etsi dici possit causa totalis totalitate effectus, non tamen totalitate causæ de qua hîc agimus.

Dices 1. Augustinum libro de prædestinatione Sanctorum cap. 2. inuehi in nonnullos qui docebant, Deum & liberum arbitrium esse causas partiales actus supernaturalis fidei. Respondeo ibi reprehendi Semipelagianos, quia inter nos, & Deum ita partiebantur ut dicerent, initium fidei esse à nobis nulla gratia præuentis, incrementum verò à Deo. Hoc autem valde alienum est à quæstione quam tractamus.

Dices 2. causa partialis arguit vim agendi imperfectam; qualis Deo, aut gratiæ, tribui non potest. Respondeo antecedens falsum esse. non enim illa dicitur causa partialis, quæ habet virtutem agendi imperfectam, sed quæ exhibet actualem influxum se solo non sufficientem ad producendum effectum, qui proinde per concursum aliunde aduenientem perfici, & compleri possit. Licet autem non possimus Deo tribuere virtutem agendi limitatam, nil tamen vetat quòd influxus extrinsecus ab eo ortus, non cõtineat omnem perfectionẽ possibilem in ratione influxus. Et similiter etsi gratia in ratione gratiæ perfecta sit, nihil tamen vetat quod non habeat omnem perfectionem, quæ requiritur ad productionem actus intrinsecè vitalis.

V 3

Dices

Dices 5. in causis partialibus quælibet habet influxum, & conatum ita sibi proprium, ut neutra ab altera tanquam à causa propriè efficiente illum recipiat: At gratia adiuuans est causa adæquata faciens ut homo bene operetur, quare illa est causa totalis bonæ operationis. Respondeo negando minorem, nam gratia adiuuans ut sic, non mouet hominem ad agendum; sed illum iuuat in actuali operatione: Gratia verò excitans etsi hominem moueat ad agendum, non tamen illi imponit agendi necessitatem, ut fides docet, sed illi suas partes relinquit, ut se nimirum determinet ad opus pium, cum alioqui ab eo possit abstinere, si velit: quare non potest dici causa adæquata operationis, in sensu arguentium.

Resolutio IV. Alia est diuisio gratiæ actualis, in operantem, & cooperantem.] Ita colligitur ex Scriptura, Conciliis, & Patribus, quatenus sæpe aiunt, Deum in nobis, & nobiscum operari: priori enim loquendi modo indicatur gratia operans, posteriori cooperans: speciatiim verò notandum est illud Augustini libro de gratia & libero arbitrio cap. 17. cooperando perficit quod operando incipit, quoniam ipse ut velimus operatur incipiens, qui volentibus cooperatur perficiens. Et postea, ut ergo velimus sine nobis operatur, cum autem volumus, & sic volumus ut faciamus, nobiscum operatur.

Ex quibus Augustini verbis insurgit triplex dubitatio, prima, quo sensu ille dicat Deum operari in nobis, sine nobis ut velimus cum:

DE GRATIA CAP. VI. 463

cùm velle sit actus à voluntate nostra elicitus. Respondeo hoc non ita debere intelligi, vt voluntas nostra merè passiuè se habeat, ad motum illum in quo gratia operans consistit: cùm enim sit actus vitalis, à potentia vitali efficienter procedere debet. Sensus igitur est, gratiam operantem esse illam, qua Deus operatur in nobis vt velimus, non quidem sine nobis physicè operantibus, sed sine nobis moraliter seu liberè concurrentibus. Non enim illæ actiones nobis tribui solent, quæ fiunt sine libertate, quæque dicuntur actiones hominis: sed eæ duntaxat ad quas nos liberè determinamus, & quæ propriè actiones humanæ appellantur.

Secunda difficultas est, quomodo gratia operans distinguatur ab excitante. Respondeo non distingui realiter, sed tantum quoad voces, nam etiam excitans consistit in pia intellectus cogitatione, & motu voluntatis, qui actus fiunt in nobis sine nobis, quoniam Deus in nobis eos producit ante consensum nostrum liberum, etsi ad illos physicè, & vitaliter concurramus. Et hoc ipsum clarè colligitur ex verbis Augustini antea relatis, dum enim ait, ipse vt velimus operatur incipiens, ostendit initium salutis nostræ à gratia operante pendere. At certum est ex Concilio Trid. sess. 6. c. 5. initium salutis à gratia excitante procedere, ex quo sequitur, gratiam operantem ab excitante non distingui.

Tertia difficultas est, quodnam sit discrimen inter gratiam operantem, & cooperantem. Respondeo; idem esse discrimen inter gratias illas, ac inter gratiam excitantem, &

V 4 adiuuan

adiuuantem ; hæc enim gratiæ diuifio eum illa coincidit , vt ex dictis fatis manifestum relinquitur. Itaque ficut ex probabili fententia, eadem eft gratia excitans, & adiuuans ; ita illa eadem gratia qua Deus operatur in nobis vt velimus , quando vocationi confentimus, nobifcum cooperatur, adeoque fimul eft gratia operans , & cooperans, diuifio refpectu.

Si quis tamen cum aliis putet , gratiam excitantem iuuare tantum moraliter, dicendum eft eam realiter diftingui ab adiuuante , quæ caufalitatem realem & phyficam neceffario infert: eodemque modo gratia operans à cooperante diftinguenda eft.

Atque ex his collige quid dicendum fit de alia vulgari diuifione gratiæ actualis in præuenientem, & comitatem feu fubfequentem ; ea enim concidit cum præcedentibus : fiquidem gratia quæ nos excitat ad bonum & eatenus operatur in nobis fine nobis, eadem nos præuenit: Quæ verò nos iuuat in actuali operatione, nobifque cooperatur , eadem liberum noftrum confenfum cenfetur comitari. Vnde eadem eft gratia excitans, operans & præueniens ; eadem adiuuans, cooperans, & comitans , quæ etiam fubfequens appellatur , quia præuenientem fupponit.

CAPVT VII.

De præcipua diuifione gratiæ actualis in fufficientem & efficacem.

Refolutio -I. Datur gratia aliqua ad falutem fufficiens , cæque ab excitante,

DE GRATIA. CAP. VII. 465

te; & adiuuante in actu primo spectata, realiter indistincta.] Prima pars est de fide, probaturque 1. ex Scriptura in qua Deus sæpe conqueritur, quod peccatores ab ipso ad pœnitentiam vocati, conuerti noluerint. At non iustè quereretur de illis, nisi haberent auxilium sufficiens ad pœnitentiam agendam.

Probatur 2. ex Conciliis, Arausic. 2. can. 25. statuit, omnes baptizatos posse quæ ad salutem pertinent exequi, si velint. Et Trid. sess. 6. cap. 5. can. 4. docet dari hominibus gratiam, cum qua iustitiam consequi possent, nisi propria voluntate ei resisterent. At hæc est gratia sufficiens, etsi careat effectu.

Probatur 3. ratione, quia nisi homo qui non conuertitur haberet auxilium sufficiens ad cōuersionem, non illi vitio verteretur, quod non conuertatur, sicut enim non imputatur culpam quod quis ex ignorātia inuincibili aliquid omittat, ita nec ille culpandus est, qui ex impotentia non efficit id, quod ipsi præceptum est. Verum ista firmiora euadent ex dicendis resol. 3. ubi ostendemus nulli hominis denegari auxilium ad salutem sufficiens.

Secunda pars ostenditur, nam gratia illa dicitur sufficiens ad aliquem actum, quæ tribuit vires sufficientes ad illum eliciendum; at gratia excitans, saltē coniuncta cum adiuuante in actu primo spectata, si hæc ab illa realiter distinguitur, tribuit vires sufficētes ad eliciendos actus, ad quos proximè mouet, ea est verè sufficiens.

Notandum autem eam proportionem seruandam esse inter gratiam excitantem, &

sufficientem, ut quæ proximè excitat ad aliquem actum, det etiam vires proximè sufficientes ad eum eliciendum; quæ verò tantum mediatur & remotè ad aliquod opus excitat, non nisi mediatur & remotè vires ad illud exequendum conferat.

Resolutio II. Ea tantum gratia dicitur absolute, & verè sufficiens ad aliquam operationem, quæ sufficit non tantum ut homo dicatur utcumque posse operari, sed etiam ut actu operetur, si velit.] Est communis contra auctores physicæ prædeterminationis, qui volunt auxilium illud esse verè sufficiens ad operationem, quod tribuit posse operari, etsi necessario requiratur aliud auxilium realiter à sufficienti distinctum, ut quis actu operetur.

Probatur autem 1. quia cum potentia ordinatur ad operationem, & non nisi propter illam detur ex communissimo hominum sensu, & usu, ille non dicitur habere facultatem verè & proximè sufficientem ad aliquid agendum, qui caret principio aliquo prorsus necessario, ut actu operetur; sic enim homo, verbi causa, non aliter dicitur habere sufficientem, & proximam potestatem ad videndum, nisi quia habet quicquid requiritur ut actu videat, si videre velit. Illa igitur gratia sola dicenda est verè & proximè sufficiens ad conversionem, quæ non solum sufficit ut homo conuertere possit, sed etiam quæ sufficit ut actu, si velit, conuertatur, non expectato ullo alio complemento, ex parte ipsius gratiæ sufficientis, ad actualem operationem intrinsecè requisito.

Proba

DE GRATIA. CAP.VII. 467

Probat^{ur} 2. nam si gratia est duntaxat sufficiens ut homo possit utcumque bene operari, non autem ut bene operetur, sequitur eum qui talem præcisè habet gratiam, non teneri bene operari: ergo si non bene operetur, hoc illi ad culpam imputari non debet; quandoquidem auxilium quod habet, non confert illi vires sufficientes, ut bene operetur, sed ut possit bene operari duntaxat. Quis autem credat eum non esse obiurgandum; qui cum gratia sufficienti non bene operatus est.

Dices 1. ex August. l. de correptione & gratia c. 11. Primo homini datum est posse perseverare, non autem perseverare; ergo gratia sufficiens datur tantum ut homo possit operari, non autem ut actu operetur. Sed negatur consequentia, vult enim tantum Augustinus, primum hominem habuisse gratiam sufficientem ad actu perseverandum, non tamen actu perseverasse, idque non ex defectu ipsius gratiæ, sed ex mera hominis libertate, qui auxilio dato uti noluit.

Dices 2. homo iustus dicitur habere auxilium sufficiens ad perseverandum, ut docent Theologi ex Concilio Trident. sess. 6. cap. 13. & tamen ille non habet quidquid ad actu perseverandum præcisè requiritur ex parte principij, cum successu temporis alia, & alia auxilia ad perseverandum necessaria acquirat. Respondeo, iustum habere tantum auxilium remotè sufficiens ad perseverandum, nos autem hîc loquimur de gratia quæ proximè sit sufficiens ad aliquem actum, & contendimus

dimus eam talem esse debere, ut nihil illi desit ex parte principij, ad agendum.

Dices 3. ut homo actu credat, præter auxiliū sufficiens requiritur concursus supernaturalis ex parte Dei. Ergo absolutè potest auxilium dici sufficiens ad posse, etsi non sit sufficiens ad operari. Respondeo hanc obiectionem nullius esse momenti, quia ut gratia verè sit sufficiens ad opus aliquod, dicimus præter illam nihil requiri, quod sit prærequisitum ad operationem, tanquam principium illius, aut veluti complementum actus primi: non tamen negamus, quin sit requisitus concursus Dei, se tenens ex parte ipsius operationis, eique proportionatus.

Resolutio III. Parvulis omnibus paratum est auxilium sufficiens ad salutem, quantum est ex parte Dei, nul us etiam est adultus qui tali auxilio careat.] Prima pars probatur, tum quia Deus sincerè vult omnes homines saluos fieri, nulla est autem ratio cur parvuli à communi illo beneficio excludantur; tum quia Christus pro omnibus mortuus est, pro omnibus satisfacit, omnium est redemptor, omnium saluator, aut quoad efficaciam, aut saltem quoad sufficientiam. At quis dicat Christum pro parvulis mortuum non esse, neque esse eorum redemptorem, aut liberatorem? Tum denique quia Christus instituit Sacramentum Baptismi, in remedium peccati originalis, atque adeo pro iis omnibus qui tali peccato infecti sunt, ac maximè pro omnibus parvulis, quia cum rationis usu non possint, propriis actibus saluari non possunt. Omnes ergo parvuli, quantum

DE GRATIA. CAP. VII. 469

tum est ex parte Dei, paratum habent auxilium ad salutem sufficiens.

Dices, qui sincerè optat vt remedium aliquod alicui applicetur, debet cauere ne quid illius applicationem impediat. At Deus hoc non cauet in omnibus paruulis, verbi causa, in iis qui in vtero materno moriuntur, quibus nulla humana industria succurri potest. Respondeo maiorem veram esse de eo, qui vult voluntate consequente & efficaci, vt remedium aliquod adhibeatur, ille enim res ita debet disponere, vt de facto remedium applicetur. Secus dicendum, de eo qui tantum id vult, voluntate antecedente & inefficaci, qua ratione Deus vult salutem paruulorum, qui sine remedio intereunt; sufficit enim quòd ille res ordinet in finem & præparet media ad illum necessaria, quæ per se loquendo applicari possint.

Secunda pars suadetur 1. ex Scrip. quæ docet, Deum ad se homines inuitare, omnes illuminare, nolle mortem peccatoris, sed vt conuertatur & viuat, quæ & similia apertè denotant, Deum nulli aduito gratiam sufficientem ad salutem denegare. Quod etiam expressè tradit Chrys. homil. 7. in Ioan. Aug. l. 1. de Genesi contra Manichæos c. 3 alij plerique, quos breuitatis causa prætereò.

Probat 2. quia qui verè & ex animo desiderat alicui finem, illico paratus est ei suppeditare media ad illum finem assequendum necessaria, si ea aliunde haberi non possunt. Atqui Deus sincerè desiderat omnibus salutem, iuxta illud 2. ad Timoth. 1. Qui vult
omnes

omnes homines saluos fieri, ergo paratus est omnibus conferre media ad eiusmodi finem necessaria, præsertim cum hæc ipsi aliunde comparari nequeant.

Probatut 3. nam omnes homines rationis usu præditi, tenentur obseruare omnia præcepta contenta in decalogo; quod cum præstare non possint, saltem longo tempore, sine gratiæ auxilio, tenetur Deus illis conferre gratiam ad hoc sufficientem; aliàs deesset hominibus in necessariis ad salutem, quod ab ipsius bonitate, & promissionibus valde alienum est.

Dices 1. ex Paulo Ephes. 4. Gentiles alienatos esse à vita Dei per ignorantiam, propter cæcitatem cordis ipsorum, id est, propter peccata sua priuatos esse auxilio ad cognoscendum, & colendum Deum necessario. Verùm non ea est mens Apostoli, cum ipse alibi diserrè doceat, Gentiles esse inexcusabiles, eò quòd Deum non glorificauerint. Vult ergo solùm ostendere, infideles suis plerumque peccatis impedimentum apponere gratiæ vberiori, qua ad fidem, & iustificationem disponi possent.

Dices 2. ex Augustino in expositione quarundam propositionum epist. ad Rom. proposit. 62. Pharaonem adeò fuisse obduratum, vt obtemperare non posset; vnde sequitur eum non habuisse auxillum sufficiens ad obtemperandum. Respondeo verba Augustini sumenda esse in sensu composito, vt scilicet Pharao quatenus erat induratus aduersus motiones diuinas, non posset earum impulsum sequi; quod non impediatur
quia

DE GRATIA. CAP. VII. 471

quin simpliciter posset iis obedire, quia pravam illam animi obfirmationem ablicere poterat.

Dices 3. vel auxilium sufficiens distinguitur ab efficaci, vel non, si non distinguitur, ergo cum multi careant auxilio ad salutem efficaci, carent etiam sufficenti: Si distinguitur, ergo qui non habet auxilium efficax, non potest saluari, adeoque caret auxilio ad salutem necessario, & sufficenti; siquidem sine auxilio efficaci nullus de facto saluari potest. Respondeo auxilium sufficiens non distingui realiter, seu quoad entitatem, aut vim agendi ab efficaci, sed tantum moraliter, seu per ordinem ad operationem sequuturam, quare etsi quis non habeat auxilium efficax, quo de facto conuertatur, habet tamen sufficiens quò potest actu conuertri, si velit.

Resolutio IV. Gratia sufficiens ad conversionem non datur quouis tempore, est tamen semper omnibus parata ad vitandum nouum peccatum, quod sine illa vitari nequit.] Prima pars probatur, quia gratia sufficiens consistit saltem ex parte, in motibus indeliberatis gratiæ excitantis, seu præuenientis, vt supra dictum est; experientia autem testatur eiusmodi motus non semper nobis adesse, non enim continuo Deus mentem nostram sanctis cogitationibus illuminat affectumque accendit per bona desideria, ad poenitentiam de peccatis agendam: quare non quouis momento temporis, auxilium ad conversionem necessarium nobis tribuitur.

Dices 1.

Dices 1. Script. hortatur peccatores vt quàm celerrimè ad Deum conuertantur, ergo semper adest gratia sufficiens ad conuersionem. Non sequitur, quia Scriptura vult tantùm peccatores monere, vt inspirationes diuinas non neglant, & inutiles abire patiantur; sed potiùs earum motionem sequantur, quoties se iis pulsari aduerterint.

Dices 2. S. Thom. 3. parte quæst. 86. art. 3. pronunciat opinionem existimantium, hominem non poss: quan diu viuit, ad Deum per pœnitentiam conuerti, esse erroneam. Respondeo S. Doctorem non loqui de ea opinione quæ asserit, auxilium sufficiens ad conuersionem quouis momento non dari, sed de illa quæ docet, homines aliquos in hac vita adeò esse induratos, vt per auxilium gratiæ ad bonum flecti nequeant; hoc enim repugnat statui viatorum, quorum voluntas flexibilis est ad bonum & ad malum.

Secunda pars probatur, nam nisi homines haberent auxilium sufficiens & necessarium, ad vitandum nouum peccatum, non peccarent, cum nemo peccet in eo quod vitare nequit, vt docet August. li. 1. de peccatorum meritis & remissione, cap. 33. aliisque locis. Atqui homines etiam indurati & excæcati, peccant, quando liberè mandata diuina transgrediuntur, vt patet ex Iudæis, qui etsi essent indurati, Ioan. 12. peccarunt tamen, grauiter, quòd Christum non receperint, Ioan. 15. habent ergo auxilium sufficiens ad peccata vitanda.

Dices 1. Scriptura iubet nos orare, ne intremus

DE GRATIA. CAP. VII. 473

tremus in tentationem ; hoc autem esset superfluum , si semper adesset gratia sufficiens ad superandam tentationem. Respondeo id non esse superfluum, quia per auxilium remotè sufficiens, quod semper , dum tentamur , adest, possumus obtinere illud quod ad superandam tentationem, & peccatum vitandum proximè & immediatè sit sufficiens.

Dices 2. Non datur peccatori singulis momentis auxilium sufficiens ad conversionem ex dictis, ergo nec ad vitandum peccatum, sequela patet; quia cum teneatur conuertere, nisi conuertatur peccabit. Respondeo præceptum conversionis ad Deum non semper urgere, sed certis duntaxat temporibus; quociens autem talis obligatio incumbit, Deus tribuit peccatori auxilium sufficiens, quo possit conuertere si velit. Poterat hîc quæri an auxilium gratiæ detur omnibus æqualiter: verùm huius difficultatis resolutio negatiua satis constare potest ex l. i. vbi de prædestinatione.

Resolutio V. Admittenda est gratia quædam efficax, eaque quoad entitatem ab excitante realiter indistincta.] Prima pars est certa ex Scriptura, Conciliis, & Patribus, & facillè probatur; nam gratia efficax est illa qua Deus nos mouet efficaciter, seu ita vt effectus sequatur; at dubitari non potest, quin saepe ex motione gratiæ diuinæ effectus sequatur, cum innumera bona opera ex illius impulsu quotidie fiang; ergo certum & indubitatum est, dari quandam gratiam efficacem, quæcunque illa sit.

Secunda pars ostenditur ex Augustino, qui
de

de gratia efficaci sæpissime agit sub nomine vocationis, illuminationis, suasionis, suauitatis, aliisque similibus quæ ad gratiam excitantem pertinent. Libro de Spiritu & littera c. 34. visorum (inquit) suasionibus agit Deus vt velimus, & vt credamus. Et lib. de gratia & libero arbitrio c. 5. ait, vt Paulus de cœlo vocaretur, & tam magna & efficacissima vocatione conuerteretur, gratia Dei erat sola.

Accedit ratio, nam ea est propriè gratia efficax, quæ facit vt agamus: seu quæ ita nos impellit ad agendum, vt de facto sequatur operatio, siue effectus, at impellere ad agendum proprium est gratiæ excitantis, seu præuenientis.

Dices 1. potest contingere vt duo peccatores æquali gratia à Deo excitentur, & vnus eorum vocationi respondeat, alter minimè: qui autem consentit, habet aliquod auxilium quod alteri concessum non est, & hoc auxilium est efficax, quia actu efficit vt peccator consentiat: oportet ergo vt eiusmodi auxilium à gratia excitante distinctum sit. Respondeo cum qui consentit, non necessario habere aliquod auxilium præuium, distinctum à gratia excitante, sed satis esse quòd excitatus, & vocatus sit iis circumstantiis, in quibus illius conuersio est sequutura: hoc enim maximum est beneficium, quod alteri concessum non est. Dico præuium, nam consentiens habet auxilium in actu secundo adiuuans, quo alter caret.

Dices 2. Gratia excitans non eleuat voluntatem ad actus supernaturales, sed tantum

DE GRATIA. CAP. VII. 475

tum eam suauiter allicit, vt tales actus velit elicere, ergo ea præcisè non est gratia efficax: cùm istius munus sit eleuare potentiam ad opus bonum. Respondeo non sequi, proprium enim munus gratiæ efficacis est, impellere suauiter ad opus; efficientis verò seu adiuuantis eleuare potentiam ad actum supernaturalem, & cum ea ad illum intimè influere.

Dices 3. Illuminatio, vocatio, & suasio, potius ad litteram quàm ad spiritum pertinent, ergo gratia efficax in iis non consistit. Respondeo eam vocationem pettinere ad spiritum, qua intellectus interiùs illuminatur, & cor accenditur ad amorem boni; qua ratione gratia excitans in ea constituitur. Ea autem vocatio erit gratia efficax, si dicat ordinem ad consensum sequutum: siue ipsamet ad eiusmodi influxum realiter, & intimè influat siue non.

Resolutio VI. Etsi iuxta probabilem sententiam, gratia efficax realiter, & physicè voluntatem moueat & inclinet ad opus bonum; non tamen ad illud eam physicè prædeterminat.] Prima pars probatur, nam gratia efficax est motio quædam realis in animâ existens, eamque veluti per modum cuiusdam impetus impressi, ad opus bonum inclinans; quare sicut in rebus corporeis, impetus effectiuè & realiter ad motum localem concurrat, ita proportionè seruata imperus voluntati impressus ad motus spirituales, & supernaturales animæ realiter cooperari debet. Confirmatur, nam gratia efficax non minùs mouet voluntatem, quàm habitus illi
inhæ

inhærens, atqui habitus per modum causæ physicae, & realis mouet voluntatem ad opus; ergo idem de gratia efficaci sentiendum videtur.

Secunda pars est valde communis contra recentiores Thomistas, & probatur multipliciter, primò quia certum est ex fide, gratiam efficacem non nocere libertati, siue quoad potentiam, siue quoad usum; ac noceret libertati saltem quoad usum, si voluntatem physicè prædeterminaret ad vnum, vt patet ex dictis lib. I. cap. 18.

Secundò, quia certum est ex fide, hominem posse gratiam abiicere, eique dissentire, si velit; hoc enim expressè definitum est in Concilio Trident. sess. 6. c. 5. & can. 4. Ibi autem agitur de gratia efficaci, vt perspicuum est ex errore opposito qui damnatur; ergo de fide est hominem posse gratiam efficacem abiicere, eique dissentire si velit; ac quomodo potest talem gratiam abiicere, eique dissentire, si eâ posita necesse est vt consentiat, & impossibile vt ponat dissensum?

Tertiò, quia certum est ex fide, eum qui non conuertitur, adeoque qui caret gratia efficaci, posse conuerti, ac proinde habere auxilium sufficiens vt conuertantur, si velit. At hoc esset impossibile si fieri non potest vt homo ponat actum conuersionis sine motione prædeterminante, qua caret, quæque non est in potestate illius.

Quartò, quia certum est ex fide, Lutherum, & Calvinum errasse quantum ad vim ineluctabilem, quam tribuebant gratiæ efficaci, Siquidem quoad hoc in Concilio Tridentino

DE GRATIA. CAP. VII. 477

dentino damnati fuere. At non errassent, si gratia efficax habet vim physicè prædeterminandi voluntatem ad vnum, cum hæc prædeterminatio inducat antecedentem agendi necessitatem, adeoque sit planè ineluctabilis.

Dices 1. ex Scriptura non obscurè colligi, voluntatem nostram physicè prædeterminari per gratiam efficacem, ut cum dicitur Ezech. 36. Spiritum meum ponam in medio vestri, & faciam ut in præceptis meis ambuletis, & Isa. 46. Omne consilium meum stabit & omnis voluntas mea fiet. Et 1. Cor. 4. Quis est qui te discernit? Nam Deus efficaciter facit nos facere, quatenus physicè nos ad agendum prædeterminat, ac si huiusmodi prædeterminatione consilium illius facile poterit corruere, & qui conuertitur seipsum discernet ab eo qui non conuertitur. Respondeo ista omnia rectè posse intelligi, absque eo quòd Deus nobis agendi necessitatem imponat, ac proinde, etsi nos ad agendum minimè prædeterminet. Primum quidem, quia ex communi usu loquendi, potest aliquis suasionibus, aliisque modis similibus facere ut alius det elemosynam, aut aliud quid faciat: secundum verò, quia ut decretum Dei firmum sit, non opus est ut executioni manderetur per media prædeterminantia, sed sufficit quòd applicet media repudiabilia, quæ iuxta infallibilem Dei præscientiam effectum sint habitura. Tertium etiam, quia ut homo qui conuertitur, verè à Deo discernatur ab eo qui non conuertitur, & non ille seipsum discernat, sufficit

cit quòd Deus illi immiserit eam gratiam , per quam scibat eum conuertendum.

Dices 2. Gratiam physicè prædeterminantem habere fundamentum in Concil. Arausic. 2. can. 4. vbi statuitur Deum non expectare voluntatem nostram, vt à peccato purgemur , at illam expectaret , si ipse eam non prædeterminaret ad consensum. Respondeo , Deum non expectare voluntatem nostram in sensu Semi-pelagianorum, qui ibi damnantur, nempe antequam ipse gratia sua eam præuenerit: iam tamè præuentam expectare vt ipsa se ad consensum liberè determinet , non quidem sola, sed simul cum diuino auxilio, in ipsum consensum intimè influente.

Dices 3. multa esse in Augustino , quæ vix intelligi possunt, sine prædeterminatione physica; vt cum ait , Deum dare vires efficacissimas voluntati, nos trahere miris modis : occulta , & ineffabili potestate operari in cordibus humanis, bonam voluntatem, &c. Verùm ista nihil concludunt, nam vt supra vidimus, ipsa vocatio apud Augustinum interdum dicitur efficacissima , quia nimirum hominem mouet ad opera valde sublimia, & supernaturalia. Et etiam vocatur tractus , quia trahitur animus delectatione, amore , modisque similibus qui summam suauitatem ; nullam coactionem , aut necessitatem continent. Vnde quòd talibus mediis suauibus, & alioqui repudiabilibus, Deus quod intendit à voluntate creata infallibiliter obtineat, hoc certè maioris sapientiæ , & potentiæ opus est , quàm si id per gratiam physicè prædeterminantē, & prorsus ineluctabilem assequeretur.

Dices

DE GRATIA. CAP. VII. 479

Dices 4. Auxilium efficax habet efficaciam à se, non autem à voluntate creata; at hoc falsum esset, si eam non prædeterminaret ad actum: sic enim voluntas seipsam determinando, causa esset quòd gratia haberet effectum, adeoque esset efficax. Respondeo, quòd gratia sit efficax in actu primo, id nullo modo pender à voluntate; ab ea tamen quodammodo pender, quòd in actu secundo sit efficax, seu potius efficiens; quia se determinando ponit conditionem sine qua, gratia careret effectu.

Dices 5. Si gratia efficax non prædeterminat voluntatem ad actum, sed potius voluntas sine præuia determinatione agit si vult, non agit si non vult, ergo non gratia sibi subiicit voluntatem, sed voluntas sibi subiicit gratiam, quod repugnat Concilio Arausic. 2. c. 6. Respondeo hinc tantum sequi, gratiam efficacem subiici voluntati quoad usum, quod verissimum est, Neque hoc repugnat Concilio citato, ibi enim agitur contra Semipelagianos, quatenus ita subiungebant gratiam voluntati, ut vellent liberum arbitrium propriis viribus quærendo, pulsando, &c. posse aduocare gratiam; quòd valde à sententia quam defendimus, alienum est. Multæ aliæ obiectiones huc spectantes cum earum solutionibus, videri possunt in suaui concordia disp. 3.

Resolutio VII. Efficacia gratiæ consistit in certa congruitate, & contemperatione vocationis diuinæ cum libero arbitrio, qua posita, iuxta præscientiam Dei sequitur infallibiliter effectus.] Id patet 1. ex August. qu. non

non rarò talis congruitatis meminit , præsertim verò l. i. ad Simplicianum quæst. 1. ubi ita habet; Non volentis, nec currentis, sed misereris est Dei, qui hoc modo vocauit, quomodo aptum erat eis qui sequuti sunt vocationem: nam cuius miseretur, sic eum vocat quomodo scit ei congruere, vt vocantem non respuat. Et postea, verum ergo est, multi vocati, pauci electi, illi autem qui non congruebant, nec contemperabantur vocationi, non electi: quia non sequuti, quamvis vocati. Vide plura ibidem.

Probatur 2. Nam ex communi sententia, efficacia gratiæ constituenda est, aut in aliqua vi intrinseca prædeterminandi iphysicè voluntatem, aut in cooperatione voluntatis, aut in congruitate ipsius gratiæ cum voluntate, at primū supra reiectum est, secundum etiam refellitur, quia non ideò gratia est efficax, quia voluntas operatur, quin potius ideò voluntas operatur, quia gratia est efficax: quare efficacia gratiæ non potest formaliter sumi à cooperatione voluntatis, cum sit causa illius, eamque præcedat. Vnde August. agens de gratia efficaci, eam vocat altam, secretam, & secundum Dei propositum, atque à nullo duro corde respui, & ita agere sensum, vt accommodare faciat assensum; quæ & similia planè indicant, efficaciam gratiæ antecedere consensum voluntatis, eumque causare, ac proinde in eo non posse consistere. Reliquum igitur est vt tertium sit verum, cum non appareat in qua re alia gratiæ efficacia constitui possit.

Probatur 3. Nam cum difficile sit, rectè con-

DE GRATIA CAP. VII. 481

conciliare libertatem nostram, cum certitudine prædestinationis, & efficacia gratiæ, ille modus amplectendus est tanquam probabilior, qui ex vna parte libertati non officit, ex alia verò certitudini prædestinationis, & gratiæ efficacis sufficienter prospicit. Hoc autem rectè fiet si dicas, prædestinationem habere suum effectum, per auxilia quidem secundum se repudiabilia, ita tamen genio voluntatis accommodata, ut iuxta præscientiam Dei, effectum infallibiliter sint habitura.

Dices 1. Interdum contingit ut homo ex innata libertate, nolit efficere id quod sibi congruit, ergo efficacia gratiæ non consistit præcisè in tali congruitate, quia aliàs contingeret gratiam efficacem carere effectu, quod repugnat. Respondeo, omnia auxilia quantumvis congrua in actu primo, posse reiici, cum voluntatem non prædeterminent: nunquam tamen contingere, quòd homo de facto respuat illud auxilium quod ipsi ita congruit, ut iuxta infallibilem Dei præscientiam effectum sit habiturum.

Dices 2. vel potest homo conuerti siue auxilio congruo, vel non potest: si non potest, ergo illi tantum possunt conuerti, qui de facto conuertuntur, cum alij careant auxilio congruo. Si potest, supponamus quòd de facto conuertatur, tunc vel illius conuersio fiet sine gratia efficaci, quod dici non potest, vel certè dicendum erit gratiæ efficaciam non consistere in congruitate illa. Respondeo posse hominem, antecederet conuerti, etsi non habeat auxilium efficaciter.

congruum, non tamen consequenter, quia ex hypothesi quòd conuertetur, consequens erit eum fuisse vocatum eo modo quo iuxta præscientiam Dei ipsi congruum erat, vt vocantem non sperneret.

Dices 3. vel potest homo abiicere gratiam congruam, vel non potest, si non potest, tollitur libertas; si potest, ergo gratia efficax frustrari potest effectu suo, quod cum repugnet, dicendum est efficaciam gratiæ in congruitate non consistere. Respondeo posse hominem potestate antecedenti, reiicere gratiam congruam, non tamen potestate consequenti, quatenus fieri non potest, vt homo non consentiat ei gratiæ, cum iuxta præscientiam Dei est consensurus.

Dices 4. supponamus duos homines æquali gratia à Deo præuentos, tunc vel vterque consentiet, si nempe gratia sit congrua, vel vterque dissentiet, si congrua non sit; At hoc repugnat libertati, quia cum liberum illud sit, quod possitis omnibus ad agendum prærequisitis, potest agere vel non agere, necesse est vt vnus ex illis possit consentire, etsi alter non consentiat. Respondeo negando minorem, quia etsi cum gratia & physicè, & moraliter æquali vterque consentiat, aut vterque dissentiat; vterque tamen spectatâ gratiâ in actu primo, liber manet ad consentiendum, vel dissentiendum, proindèque etsi vnus consentiat, alter dissentire potest, quod ad libertatem sufficit.

CAPVT VIII.

*De existentia, & natura gratia
habitualis.*

Resolutio I. Præter gratias actuales, de quibus hætenus actum est, admittendum est donum aliquod gratiæ diuinitus infusum, quod post operationem in anima nostra habitualiter remanet.] Probatur 1. ex Scriptura, quatenus ait secundæ ad Timotheum capite primo & 1. Corinth. 3. Ioan. 14. Deum in nobis mansionem facere. At Deus non potest habitare, & permanere in hominibus, nisi per donum aliquod habituale & permanens. Consentiunt Patres quatenus de gratia sanctificante loquuntur, vt de pulchritudine quadam eximia, in anima habitualiter permanente.

Probatur 2. nam homo denominatur iustus non tantum quando actu operatur, sed etiam quando dormit, aut nihil actu agit. Ea autem denominatio non est extrinseca, sed intrinseca, & per gratiam inhærentem, quæ proinde debet esse habitualis.

Probatur 3. nam per Baptismum iustificantur non solum adulti, sed etiam infantes: hæc autem iustificatio cum sit vera & interna, fit per gratiam veram & internam; quæ cum nequeat esse actualis; quia infantes non sunt capaces vllius motionis actualis in

X 2

Deum,

Deum, in habitu aliquo aut qualitate permanente consistere debet.

Quæres, an prædicta resolutio sit de fide. Respondeo 1. ante Concilium Trident. eam non fuisse de fide, quia non satis euidenter continetur in Scriptura, & aliunde à nullo unquam Pontifice, aut Concilio fuit determinata tanquam ex fide certa, neque antiqui Scholastici reprobant ut hæreticam, sententiam Magistri Sententiarum affirmantis, charitatem habituales non esse aliquid creatum & inhærens animæ sed ipsam personam Spiritus sancti.

Respondeo 2. ex probabili sententia, iam post Concil. Trident. esse de fide siquidem multa ibi traduntur quæ non possunt intelligi, nisi de gratia habituali, ut quod sess. 6. cap. 7. legitur eos qui iustitiam Christianam acceperunt, debere eam seu primam stolam, candidam & immaculatam conseruare: & can. 32. Iustum per bona opera mereri augmentum gratiæ, aliæque id genus, quæ etsi expressè non agant de gratia habituali, habent tamen verba æquivalentia. Accedit quòd Catechismus eiusdem Concilij tractatu de Baptismo, declarat à Tridentina Synodo fuisse definitum, gratiam esse diuinam qualitatem in anima inhærentem; quod certè de actione aliqua intelligi non potest.

Resolutio II. Habitus gratiæ sanctificantis realiter à charitate distinguitur.] Probat-
tur 1. nam nulla apparet repugnantia, quare non possit Deus producere formam quandam sanctificantem, realiter ab habitu charitatis

DE GRATIA. CAP. VIII. 485

distinctam. Ergo fatendum est id ita factum esse, cum Concilia, & Patres plerumque agant de gratia, & virtutibus infusis tanquam de rebus distinctis; quando docent in justificatione infundi gratiam, & virtutes, aut quid simile.

Probatur 2. nam cum gratia naturam perficiat, ut in ordine naturæ ponimus formam substantialem, potentias agendi ab ea dependentes, ita in ordine supernaturali constituenda est forma aliqua primaria & veluti substantialis, à qua habitus operativi tanquam potentiæ aliqua ratione pendeant. Illud autem munus non potest competere charitati, quia cum sit in voluntate, supponit tanquam priores habitus qui intellectum perficiunt. Ergo dicendum est dari habitum quendam gratiæ distinctum à charitate, aliisque virtutibus infusis, per quem anima recipiat esse divinum, fiatque divinæ confors naturæ.

Dices 1. quidquid in Scriptura dicitur de gratia, dicitur etiam de charitate; ut quod per eam homines Filij Dei constituentur, & spiritualiter regenerentur, &c. ergo gratia, & charitas non distinguuntur realiter. Respond. 1. incertum esse, an prædicta intelligantur de charitate habituali, de qua tantum agimus, possunt enim commodè intelligi de actuali, eique tribui non ut formæ sed ut perfectissimæ dispositioni. 2. dato quod de habituali intelligatur, dicendum esse prædicta illi competere, non præcisè ratione sui, sed quatenus cū ipsa gratia habituali inseparabiliter est connexa. Atque hæc distinctio

X 3 applica

applicari potest ad alia multa, quæ ex Patribus afferri solent.

Dices 2. Concilium Tridentinum sess. 6. capit. 7. cum dixisset, unicam esse causam formalem nostræ iustificationis, paulò inferius docet nos iustificari, dum charitas diffunditur in cordibus nostris; ergo hæc est forma iustificans. Non sequitur, quia aliud est nos iustificari per charitatem, tanquam per formam sanctificantem.

Dices 3. non sunt multiplicanda etiam sine necessitate: at nulla est necessitas ponendi gratiam aliquam habitualement, ab ipsa charitate distinctam; siquidem nulla est supernaturalis operatio, quæ in alias virtutes infusas commodè referri non possit. Respondeo, etsi eo titulo non sit necessaria gratia, ab habitibus operatiuis distincta; alia tamen ex causa ponenda videtur, nempe ut hominem constituat in statu supernaturali, ex quadam congruitate præsupposito, ad habitus operatiuos eiusdem ordinis.

Resolutio III. Gratia habitualis ex natura sua augeri potest, idq; in infinitum, augetur autè de facto in omnibus per bona ipsorum opera, ac proinde possunt homines quandiu viuunt, vltiores in iustitia & sanctitate progressus facere.] Prima pars probatur 1. ex Script. Apoc. 22. Qui iustus est, iustificetur adhuc. & sanctus, sanctificetur adhuc. Eccli. 18. Ne verearis vsq; ad mortem iustificari, id est, in iustitia progressus facere. 2. ex Trid. sess. 6. cap. 10. vbi dicitur, Homines. iustificatos, in ipsa iustitia per Christi gratiam accepta, crescere, atq; magis iustificari.; ratione,
nam

DE GRATIA. CAP.VIII. 487

nam cum gratia sit qualitas quædam supernaturalis, nihil impedit quin possit intendi, est enim proprietas qualitatis posse intendi; & aliunde supernaturalitas non repugnat intensiori, cum actus supernaturales sint magis, & minus intensi.

Secunda pars ostenditur, quia si gratia non potest in infinitum augeri, hoc oritur vel ex parte Dei, vel ex parte ipsius gratiæ, vel ex parte subiecti in quo recipitur; non primum, quia Deus cum sit infinite potens, gratiam semper intendere potest: non secundum, quia gratia est quædam naturæ diuinæ participatio; hæc autem potest magis, ac magis, in infinitum participari: non tertium, quia anima recipit gratiam, per potentiam obedientialem passiuam, quæ nullum habet terminum.

Dices, si gratia augeri posset in infinitum, sequeretur dari posse gratiam maiorem gratia Christi. Respondeo, id non esse absurdum, spe-ctatâ absolutâ Dei potentiâ, & gratiâ Christi in ratione entis.

Tertia pars suadetur 1. nam cum Scriptura hortatur iustos ut amplius iustificentur, & in charitate crescant, satis indicat gratiæ augmentum fieri debere per bona ipsorum opera 2. nam in Concil. Trid. sess. 6. can. 24 sic statuitur, Si quis dixerit, iustitiam acceptam non conservari, atque etiam augeri coram Deo per bona opera, sed opera ipsa fructus solummodo & signa esse iustificationis acceptæ, non autem ipsius augendæ causam, anathema sit.

Vbi nota 1. de lege ordinaria gratiam non

X 4

augeri,

augeri, nisi iuxta proportionem meritorum: interdum tamen ex speciali privilegio contingere, ut Deus alicui conferat augmentum gratiæ, superans meritum boni operis. 2. prædicta intelligenda esse de augmento gratiæ, quod fit extra Sacramentum, & appellatur ex opere operantis; certum enim est in Sacramentis conferri gratiam, & augmentum illius ex opere operato, seu supra dispositionem suscipientis.

Quarta pars ex dictis concluditur; nam cum gratia possit in infinitum augeri, eaque augetur per bona opera, & homo quandiu est viator possit bene & meritorie operari, sequitur neminem esse adeo iustum, & sanctum qui ulteriores in gratia, & sanctitate progressus facere non possit. Atque hoc aperte denotat Scriptura, cum hortatur quemvis iustum & sanctum indiscriminatim, ut adhuc iustificetur & sanctificetur.

Resolutio IV. Gratia habitualis amitti potest non tamen de lege ordinaria minui.] Prima pars est definita in Concil. Trid. sess. 6. canone 23. his verbis, si quis hominem semel iustificatum dixerit amplius peccare non posse, neque gratiam amittere, atque ideo cum qui labitur & peccat, nunquam verè iustificatum fuisse, &c. Anathema sit. Ratio idem ostendit, quia homo in hoc vitæ statu, etsi gratia præditus sit; non videt clarè Deum ut est summum bonum, ac proinde non ei immobiliter adhæret; sed potest ad arbitrium, aliquod bonum apparens illi antepondere, & sic peccando mortaliter gratiam habitualement amittere.

Ne

DE GRATIA. CAP. VIII. 489

Ne autem quis putet, gratiam sola infidelitate amitti, ut volunt hæretici, notanda est illa altera definitio eiusdem Concilij quæ habetur canone 27. in hæc verba, Si quis dixerit, nullum esse mortale peccatum, nisi infidelitatis; aut nullo alio quatumvis graui, & enormi præterquam infidelitatis peccato, semel acceptam gratiam amitti, anathema sit. Et ratio est, quia quodlibet peccatum mortale grauissimè Deum offendit; cum ipsi vilissimam creaturam præferat: quare hominem amicitia diuina, adeoque gratia sanctificante indignum constituit.

Si quæras quomodo peccatum mortale expellat gratiam. Respondeo primò, eam non expellere efficienter physicè, quia sic deberet producere formam aliquam positiuam cum gratia impossibilem, quod non fit; quia peccatum nullam formam positiuam producere potest, præter habitum quendam vitiosum; At habitus vitiosus non habet repugnantiam cum gratia, neque eam formaliter ab amina expellit, ut patet in plerisque iustis, qui prauis habitibus affecti sunt.

Respondeo 2. eam expellere moraliter seu demeritoriè, quia ut ante dictum est, mortaliter peccans grauiter Deum offendit, & inhonorat eò quòd ab illo aueritur, & conuertitur ad creaturam, tanquam ad vltimum finem; quare meritò amittit ius quod habebat ad hæreditatem cœlestem, tanquam filius Dei adoptiuus, & consequenter spoliatur gratia sanctificante, in qua tale ius fundatum erat.

X 5 Secun

Secunda pars ostenditur, quia si gratia habitualis de lege ordinaria minui potest, hoc fit per peccata venialia, bona siquidem opera eam augent, peccata verò mortalia eam totaliter destruunt. At peccata venialia non habent vim minuendi gratiam, tum quia, neque illi repugnant, cum ex lege communi existere possint, in subiecto gratiâ valde intensâ ornatâ; neque merentur diminutionem illius, cum probabile non sit, Deum propter leuiora hæc peccata iustum velle priuare augmento gloriæ essentialis, ut certè priuaret, si propterea gratiam illius habitualem minueret; tum quia si gratia habitualis per peccata venialia remitteretur, tot eiusmodi peccata committi possent, ut tota tandem gratia euanesceret.

Dices 1. quantitatem gratiæ quæ deperditur per peccatum veniale, esse adeò exiguam, ut nunquam perueniatur ad vltimum gradum. Sed contra, nam contingere potest, ut gratia in aliquo sit valde remissâ, & ille quotidie innumera peccata venialia committat; quidni ergo poterit hic homo, etiam vltimum gratiæ gradum deperdere?

Dices 2. etsi perueniatur ad gradum vltimū cum per peccatū veniale non posse aboleri, quia peccatū illud non iam veniale, sed mortale esset, eò quòd mortem afferret animæ. At neq; hoc placet, quis enim credat in eo casu, verbū otiosum fore peccatum mortale, propter nocumentum nullo modo intentum, aut præuisum, sed inuincibiliter ignoratum? Aliàs sequeretur, omnia iustorum peccata esse mortalia, quia cum nesciant

DE GRATIA. CAP. IX. 491

nesciant an gratia quam habent , per vnum peccatum de se veniale possit tota destrui, quotiescunque ex aduertentia vel leuiter peccarent, exponerent se periculo amittendi totam gratiam , & consequenter peccandi mortaliter : vnde singula eorum peccata quantumvis de se leuia, propter eiusmodi periculum essent mortalia.

C A P. V T I X.

De causis , & dispositionibus gratia habitualis.

Resolutio I. Deus solus est causa efficiens principalis gratiæ, & nulla est aut esse potest creatura adeo perfecta , quæ sit causa principalis illius.] In primis quod Deus sit causa principalis gratiæ, nimis apertum est, quod verò solus Deus de facto sit causa principalis illius , pater, tum ex illo Iob. 14. *Quis potest facere mundum de immundo conceptum semine?* nonne tu qui solus es? tum quia nullum assignari potest agens creatum , in cuius virtute gratia habitualis contineatur, vt à fortiori ex iam dicendis intelligetur.

Tandem quod neque de potentia absoluta , possit gratia pendere à re aliqua creata , vt à causa principali , sic ostenditur ; nam vel agens illud per potentiam sibi connaturalem , haberet vim producendi gratiam , vel per facultatem aut qualitatem minimè connaturalem à Deo sibi infusam. At neutrum dici potest , non primum , quia sic deberet

deret dari substantia aliqua supernaturalis, quod fieri non potest, ut l. 1. c. 7. ostendimus: non etiā secundum, quia qualitas illa deberet esse perfectior gratia, quod quomodo fieri possit satis intelligi non potest, cum non videatur possibilis aliqua qualitas, quæ perfectius participet naturam diuinam, quā ipsa gratia habitualis, cuius ea vis est, ut hominem constituat filium Dei adoptiuum, eique det ius ad beatitudinem omnium perfectissimam, quæ in clara Dei visione consistit.

Ex his collige, Deum non tantum esse causam generalem gratiæ, sed etiam particularem; quatenus ipse solus, sine consortio alterius causæ principalis eam producit. Imò cum nullum agens præter Deum, possit concurrere ut causa principalis ad productionem gratiæ, hinc etiam Deus dici debet causa particularis illius, potiori titulo quā dicatur causa particularis eorum effectuum quos solus producit, cum tamen ex se inter agentia creata causam aliquam efficientem habere possent.

Porro etsi nulla sit, aut esse possit causa principalis gratiæ præter Deum, non tamen repugnat in rebus creatis reperiri causas instrumentales illius, saltem morales, sic enim Sacramenta nouæ legis concurrunt ad nostram iustificationem, tanquam instrumenta illius, ut patet ex tract. de Sacramentis Christi etiam humanitas habebat quendam influxum instrumentalem ad productionem gratiæ, ut ex dictis lib. 2. cap. 17. manifestum est.

Resolu

DE GRATIA. CAP. IX. 493

Resolutio II. Gratia habitualis non creatur, sed educitur è subiecto, nempe ex ipsa substantia animæ.] Prima pars probatur, nam creatio propriè est actio qua res fit ex nihilo, id est, ex nullo præiacente subiecto, materialiter concurrente ad talem productionem; atqui productio gratiæ non ita fit ex nihilo, quia cum gratia sit accidens, ea producitur dependenter ab anima, tanquam à subiecto materialiter concurrente ad illius productionem. Confirmatur, nam si gratia produceretur per creationem, ea vi sua subsisteret per se; quemadmodum anima rationalis per se subsistit, eo ipsò quòd illius productio est creatio.

Dices 1. gratia est nobilior anima rationali, ergo creatur non secus ac illa. Respondeo non sequi, quia cum anima sit substantia, nobiliorem essendi modum habet quàm quodcumque accidens.

Dices 2. ex communi usu loquendi, homines dicuntur creati secundum gratiam, ergo gratia creatur. Respondeo hoc debere intelligi de creatione impropriè, seu moraliter sumpta, ut gratia creati dicatur, non quòd fiat nullo præsupposito subiecto, sed quia confertur sine præcedentibus meritis propriè dictis; sicut etiam interdum dicitur infundi, quia extrinsecus aduenit.

Secunda pars ostenditur, quia duobus tantum modis forma aliqua produci potest, vel independenter à subiecto, adeoque per creationem; vel dependenter à subiecto, ac proinde per educationem. At gratia non producitur per creationem, ut ostensum est;

est; ergo per veram educationem produci debet.

Dices 1. gratia non continetur in potentia animæ, cum hæc sit naturalis, illa supernaturalis; ergo ex illa educi non potest. Respondeo gratiam non contineri in potentia naturali animæ, sed in obedientiali, ac proinde posse saltem à Deo ex ea educi.

Dices 2 anima rationalis est imperfectior gratia, ergo hæc non potest ex illa educi. Non sequitur, forma enim substantialis educitur ex materia, etsi hæc illa sit ignobilior. Et ratio est, quia causalitas materiæ erga formam, non est ut eam perficiat, sed ut ab ea perficiatur.

Tertia pars suadetur, nam cum gratia habitualis hominem ad esse diuinum eleuet, congruum est, ut in ipsa animæ essentia constitutatur, quemadmodum habitus operatiui recipiuntur in ipsis potentiis animæ operatiuis, ut sic debita proportio inter esse naturale, & supernaturale seruetur. Confirmatur, nam gratia est naturâ prior habitibus operatiuis, cum hi ab illa pendeant tanquam proprietates quædam moraliter ei debitæ; ergo æquum est ut illi competat subiectuum, quod sit natura prius subiecto habituum.

Dices, dispositio est in eodem subiecto, in quo est forma ad quam disponit; sed gratia est dispositio ad gloriam, & gloria est in potentiis animæ; ergo etiam gratia in illis existit. Respondeo maiorem esse veram de dispositione naturali & physica, non autem de morali, seu quæ solum ex ordina-
tione

DE GRATIA. CAP. VIII. 495

tione diuina ad formam aliquam disponit, qualis est gratia habitualis respectu gloriæ.

Resolutio III. Gratia habitualis non requirit dispositiones physicas, sed morales, easque multiplices.] Prima pars probatur, nam gratia primum locum obtinet inter habitus & qualitates supernaturales, quatenus per se loquendo omnes consequuntur gratiam, tanquam proprietates illius, ergo nulla qualitas potest assignari, quæ sit dispositio physica ad gratiam; ea enim ut sic necessario gratiam in subiecto præcederet. Deinde illa dispositio deberet esse qualitas supernaturalis, ad illam autem non requireretur aliqua præuia dispositio physica, ne daretur progressus in infinitum; quare neque ad gratiam habitualementalem talis aliqua dispositio admittenda est.

Secunda pars ostenditur, nam Scriptura sæpe hortatur peccatores ad conuersionem, aliosque actus sub quorum conditione promittit illis peccatorum suorum remissionem, quod signum est eiusmodi actus esse in illis dispositiones ad gratiam. Fauet ratio, æquum enim est ut qui liberè à Deo recessit peccando, liberè ad eum reuertatur, ut peccati remissionem obtineat.

Porro illi actus non tantum sunt morales quoad entitatem, quatenus scilicet sunt liberi sed etiam quantum ad causalitatem, seu quatenus disponunt ad gratiam; cum non semper concurrant ad iustificationem, ut patet in paruulis rationis usu carentibus & quando concurrunt ut in adultis, ij sunt actus

actus fidei , spei , & charitatis qui ex se nullam habent connexionem physicam cum gratia.

Tertia pars suadetur, nam in primis fides est necessaria ad salutem, cum sine illa impossibile sit placere Deo, ut testatur Paul. Hebræ. i. i. Nomine autem fidei non intelligitur fides illa Calvinistica, qua quis certò credit peccata omnia sibi esse remissa; ob Christi merita, cum enim talis remissio nulli à Deo reuelata sit; non potest esse obiectum fidei Christianæ, & ad salutem necessariæ. Neque refert illud ex Symbolo Apost. Credo remissionem peccatorum, sensus enim est, in Ecclesia Catholica vigere potestatem remittendi peccata, quod aliud est.

Itaque fides necessaria ad iustificationem est illa, qua credimus mysteria quæ nobis fide diuina credenda proponuntur, ut colligitur ex Scriptura sacra, speciatim verò ex verbis illis Marci vult. Prædicate Euangelium omni creaturæ, qui crediderit (Euangelium scilicet) & baptizatus fuerit, saluus erit. Et ratio idem ostendit, quia fides ad iustificationem necessaria, non est alia quàm quæ ad salutem requiritur; Hæc autem est illa qua mysteriis à Deo reuelatis assentimur, ut liquet ex verbis illis Athanasij in Symbolo; Hæc est fides Catholica quam nisi quisque fideliter firmiterque crediderit, saluus esse non poterit.

Præterea ad iustificationem ordinariè requiritur timor diuinæ iustitiæ, qui ex fide oritur; homo enim credens Deum esse iustum in vindicandis peccatis, timet diuinum iudicium,

DE GRATIA. CAP. IX. 497

cium, & ad emendationem vitæ eo timore provocatur. Huius autem timoris necessitas commendatur, tum in aliis Scripturæ locis, tum Eccli. 1. his verbis, Qui sine timore est, non poterit iustificari.

Rursus ad iustificationem ordinariè necessaria est spes diuinæ misericordiæ, vt patet ex illo Rom 8. Spe salui facti sumus, & rectè docet Ambr. lib. 1. de Pœnitentia c. 1. his verbis, Nemo potest bene agere pœnitentiam, nisi qui sperauerit indulgentiam. Et ratio est, quia qui considerat peccata sua, & credit digna esse supplicio, nec moueretur ad iustificationem, nisi spem diuinæ misericordiæ conciperet. Potest tamen Deus extraordinariè mouere aliquem immediate post actum fidei, ad actum perfectum amoris Dei, qui est vltima dispositio ad gratiam, absque actu formali timoris Dei aut spei.

Denique dilectio Dei, est dispositio ad iustitiam, vt intelligitur ex illo Lucæ 7. Remittuntur ei peccata multa, quoniam dilexit multum; & quia non censetur diligere Deum, nisi qui vult omnia illius mandata seruare, & peccata opposita fugere, hinc tandem propositum seruandi mandata & peccata fugiendi, ad iustificationem requiritur.

Resolutio IV. Dispositio vltima ad gratiam sanctificantem non procedit effectiue ab ipsis habitibus gratiam comitantibus, sed ab auxilio quodam actuali diuinitus immisso.] Probat. 1. nam id quod disponit subiectum ad formam aliquam recipiendam, ita vt hæc ex illo educatur, non potest effectiue ab illa forma pendere; siqui-

dem talis dispositio debet priùs natura existere, quàm existat forma illa ad quam subiectum præparat, sicque repugnat quòd effectiuè ab illa dependeat. Cum ergo dispositio vltima verè animam præparet, vt gratiam habitualement recipiat, non quomocunque, sed ita vt gratia ex illa educatur, consequens est dispositionem illam non posse à gratia habituali, aut ab habitibus supernaturalibus cum ea infusis effectiuè pendere.

Probatur 2. Nam vltima dispositio ad gratiam habitualement effectiuè procedit à gratia excitante & adiuuante, vt patet ex Concilio Trid. sess. 6. c. 5. ergo non procedit ab ipsis habitibus gratiæ; sequela patet, quia per gratiam actualem liberum arbitrium sufficienter constituitur in actu primo ad operandum supernaturaliter, sine vllius habitus consortio, vt c. 6. ostensum est.

Dices 1. Deus efficere solet id quod magis congruit naturis rerum, sed magis consentaneum est naturæ actus supernaturalis, vt producat per habitum supernaturalem; quàm secus, ergo ita fieri dicendum est. Respondeo minorem veram esse de actu qui fit, postquam habitus productus est; falsam autem de actu qui subiectum disponit, vt in eo producat habitus.

Dices 2. Vltima dispositio ad gratiam est de condigno meritoria primæ gloriæ, ergo procedit ab eadem gratia. Non sequitur, quia etsi actus ille non procedat effectiuè à gratia habituali, ab ea tamen superueniente veluti formatur, & dignitatem quandam moralem

DE GRATIA. CAP. IX. 499

moralem accipit, ratione cuius sit dignus vita æterna. & ad eam acceptatur.

Dices 3. si contritio non procedit effectivè à gratia habituali sed illi in priori naturæ supponitur, sequitur remissionem peccatorum fieri in anima priùs natura quàm illi gratia infundatur; siquidem contritio ipsa habet vim formaliter expellendi peccata, cum animam ab iis perfectè auertat. Negatur id sequi, licet enim contritio, sit perfecta dispositio ad expulsionem peccatorum: non tamen vi sua expellit formaliter, ut dicemus cap. sequenti.

Hic nota ad maiorem dictorum intelligentiam, eodem instanti temporis quo vltima dispositio existit, gratiam habitualement infundi; hoc enim est proprium vltimæ dispositionis ut eam forma consequatur, cum nulla ratio sit cur productio formæ ulterius differri debeat; & aliunde Deus qui est fidelissimus in implendis promissis, gratiam homini promiserit sub conditione talis dispositionis. Vnde etsi actus vltimo disponens ad gratiam sanctificantem, ut sic sit illa prior naturæ ordine, quia est causa illius: si tamen spectetur ut à gratia, in posteriori signo rationis infusa, formatur, & valorem accipit, sub eo respectu est gratia posterior naturæ ordine.

Resolutio V. Non potest homo certò scire, certitudine fidei diuinæ se iustum esse, potest tamen certitudinem quandam moralem habere de sua iustitia.] Prima pars est de fide, definita in Conc. Trident. sess. 6 cap. 9. & can. 14. contra Lutherum, & Calvini-

num.

pum. Probatum autem primò ex verbis illis Eccles. 9. Sunt iusti atque sapientes & opera eorum in manu Dei, & tamen nescit homo, scilicet iustus; utrum odio, vel amore dignus sit, sed omnia in futurum seruantur incerta, eò quòd omnia æquè eueniant iusto, & impio. Et ex 1. Cor. 4. ubi Paulus, Neque meipsum (inquit) iudico, nihil enim mihi conscius sum: sed non in hoc iustificatus sum, qui autem iudicat me, Dominus est. Ex quibus verbis constat, quamvis aliquis nullius peccati conscientiam habeat: non propterea eum iustum esse coram Dei iudicio: quia nimirum ut ait Basilius Constitution. Monastic. cap. 2. cum multis in rebus offendamus Deum, maiorem tamen offensorem partem ne intelligimus quid m.

Probatum 2. nam illud tantum fide diuina credimus, quod immediatè, & in se à Deo reuelatum est; sed quòd iste aut ille particularis homo sit iustus, nullibi in Scriptura, aut alijs sufficienter à Deo reuelatum est. ergo, &c. Neque dicas hanc specialem reuelationem contineri æquiualem in promissionibus; generalibus; siquidem in his promissionibus continentur quædam conditiones ad iustificationem necessariæ, nimirum illæ de quibus antè dictum est: nemo autem certus esse potest fide diuina, se eiusmodi conditiones apposuisse.

Secunda pars ostenditur, quia etsi ordinariè homines iusti non habeant nisi probabilitatem aliquam coniecturalem, & cum actuali

DE GRATIA. CAP. IX. 501

actuali formidine coniunctam , de sua iustitia: non tamen repugnat quin viri perfectiores moraliter sint certi de sua iustitia ita vt de ea actu non formident, saltem vt plurimum , sed suauis quadam pace .& securitate conscientiae perfruantur. Hoc enim vel ipsa experientia in plerisque viris sanctis ostendit , & ratio id ipsum suadet , quia cum satis constet non stare per Deum, quin homo iustus sit, ipsique gratus , si quis gratiae auxiliis magno studio cooperatur, mandata omnia diuina sedulo , diuque obseruat, & peccata omnia etiam leuissima fugit, ille merito certus esse potest moraliter , seu citra vllam actualem formidinem , de sua iustitia.

Quamquam tamen illa certitudo tanta non est , de lege ordinaria , vt omnem formidinem etiam possibilem excludat ; quia cum non sumatur ex reuelatione diuina , aut ex rei euidencia, non est talis simpliciter vt ei falsum subesse nequeat. Imò interdum contingit , vt viri sanctiores minus sint certi de sua iustitia magisque formident, vt patet in Hilarione qui , referente Hieronymo , morti proximus in hæc verba prorupit. Egrederere quid times? Egrederere anima mea, quid dubitas? septuaginta propè annis Deo seruisti, & mortem times?

Dices 1. ex Paulo ad Rom. 8. Ipse spiritus testimonium reddit spiritui nostro, quod sumus filij Dei. Respondeo, Spiritum sanctum illud testari, quando vt oportet clamamus, Abba Pater : at non est certum ex fide,

fide, an apponamus conditionem his verbis
subintellectam.

Dices 2. Plerique Patres non obscure indi-
cant, homines posse esse certos de sua iustitia.
Respondeo eos non loqui de certitudine fidei,
sed de coniecturali, aut morali, quam nos admit-
timus.

Dices 3. Quando pœnitens absolvitur, certò
debet credere, verba à Sacerdote prolata esse
vera, adeòq; remissa sibi esse peccata, Respondeo
pœnitentem debere credere, se à Sacerdote fuisse
absolutum, ex hypothesi quòd ille verè sit
Sacerdos, & habuerit intentionem eum absol-
uendi, & ipse adhibuerit quæcunque sunt neces-
saria ad debitam confessionem; at ista omnia
certò constare non possunt, vti perspicuum est.

C A P V T X.

De effectu formali gratiæ, seu de iustificatione.

Resolutio I. Homo est formaliter iustus
per formam gratiæ ipsi intrinsecam, per
quam verè ipsius peccata tolluntur] Prima pars
est definita in Concil. Trid. sess. 6. cap. 7. contra
recentiores hæreticos qui affirmant, hominem
esse iustum, non per iusticiam ipsi inhærentem,
sed per iusticiam Christi ipsi à Deo misericor-
diter imputatam. Probatur autem primo ex
Paulo ad Rom. 5. vbi ait, quòd sicut per inob-
edientiam vnius hominis peccatores constitu-
ti sunt multi, ita per vnius obedientiam iusti
con

DE GRATIA. CAP. X. 103

constituentur multi : sed ita per primum hominem peccatores constituti sumus , vt vera iniustitia in nobis inhæreat ; ergo per Christum ita iusti constituimur vt vera & intrinseca iustitia nobis insit. Idem ex aliis plerisque locis colligitur.

Probatur 2. ex Augustino qui in ea verba Ps. 98. Iustitiam & iudicium in Iacob, &c. Verè, inquit, exaltate, bene exaltate, laudemus & exaltemus illum qui fecit ipsam iustitiam quam habemus, ipse in nobis fecit. Quis enim in nobis fecit iustitiam, nisi qui nos iustificauit ? Nos ergo impij, ille iustificator, quando & ipsam iustitiam ipse in nobis fecit, qua illi placeamus. Similia habent alij Patres.

Probatur 3. Nam homo iustificatus verè iustus est, vt patet ex Scriptura, & Patribus ; at non potest dici verè iustus, per iustitiam aliquam extrinsecam, sed tantum per internam ipsius animæ inhærentem ; sicut non potest quis verè dici albus, per albedinē existentē in alio, sed per eam duntaxat quæ ipsi inest. Aut ergo dicendum est hominem, etiam postquam iustificatus est, non esse verè iustum, aut certè ita denominari per veram aliquam iustitiam intrinsecam.

Confirmatur, nam ex sententia hæreticorum, in iustificatione hominum peccata verè non tolluntur, sed tantum reguntur per iustitiam Christi ipsis imputatam, ne in iudicio Dei appareant : Vnde fit vt homo verè sit peccator, immundus & iniustus ; fieri autem nequit, vt qui talis est, per iustitiam alterius ipsi imputatam iustus appelletur ;
denomi

denominatio enim potius est sumenda ab iniustitia quæ ipsi intrinseca est, quam à iustitia illi extrinseca.

Dices 1. ex Paulo 1. Cor. 1. Christum factum esse nobis sapientiam à Deo , & iustificationem, & sanctificationem, & redemptionem. Respondeo Apostolum nihil aliud velle , quàm Christum factum esse nobis iustificatorem, redemptorem, &c. seu causam & authorem veræ iustitiæ, & redemptionis.

Dices 2. eos Christo iniuriam inferre , qui aliam sibi præter Christi iustitiam arrogent. Respondeo hoc verum esse , si quis sibi tribuat iustitiam aliquam, quæ à Christi iustitia non fluxerit , falsum autem si totam suam iustitiam & sanctitatem , in iustitiam & merita Christi referat.

Secunda pars sequitur ex dictis , quia cum homo post iustificationem verè iustus sit per iustitiam internam , non possit autem eo modo esse iustus, nisi peccata illius verè deleta sint , consequens est in iustificatione peccata verè tolli, ita ut ampliùs non remaneant quoad aliquam rationem culpæ. Vnde Scriptura ait peccata deleri, proiici, abluì, tolli, dissolui, exhaustiri, &c. quibus loquendi modis aperte indicat, ea post iustificationem non remanere.

Et sapè si peccata non tollerentur , sed semper remanerent , non esset in Ecclesia donum remissionis peccatorum , contra illud ex Symb. Apost. Credo remissionem peccatorum , & illud Ioan. 18. Quorum remiseritis peccata , remittuntur eis. Quare Concil.

DE GRATIA. CAP. X. 505

cil. Trident. sess. 5. in decreto de peccato originali parag. ult. damnat eos qui dicunt, per gratiam quæ in Baptismo confertur, non tolli totum id quod in peccato originali veram, & propriam rationem habet peccati, sed illud tantum radi, aut non imputari. Idem autem dicendum est ob paritatem rationis de peccatis mortalibus, ut etiam intelligi potest ex iis quæ de iustificatione habentur sess. 6. c. 4. & 7.

Dices Prophetam Psalmo. 31. eos pronunciare beatos, quorum tecta sunt peccata. Respondeo cum apertè loqui, ut patet ex verbis antecedentibus, de peccatis remissis, quæ proinde dicuntur tecta, eodem sensu quo aliàs dicitur Deus iniquitatum præteritarum non recordari, aut post tergum proicere omnia peccata; quia scilicet cum planè remissa sint, Deus ea amplius non videt ad vindictam de iis sumendam.

Resolutio II. Renouatio interna quæ fit per gratiam, est mutatio aliquo modo distincta à remissione peccatorum, & quodammodo connaturaliter cum ea coniuncta.] Prima pars probatur, quia potest interdum reperiri renouatio interna per gratiam, sine remissione peccatorum, ut patet in modo quo Angeli, & primi parentes initio iustificati fuere; ergo inter illas mutationes est aliqua distinctio. Confirmatur, nam ubi sunt termini distincti, ibi sunt mutationes distinctæ; at infusio gratiæ est mutatio à priuatione gratiæ, ad esse gratiæ; remissio vero peccati, mutatio ab esse peccati, ad non esse illius.

Liber IV.

Y

Dices,

Dices, quilibet effectus formalis exigit suam causam formalem, ergo si ibi sunt duæ mutationes, non erit vna tantum causa formalis iustificationis contra Tridentinum, sess. 6. cap. 7. Respondeo antecedens falsum esse de duobus effectibus formalibus subordinatis, quorum vnus est positivus, alter priuativus; idem enim calor qui expellit frigus, facit formaliter subiectum calidum, & simul non frigidum.

Secunda pars ostenditur, quia gratia etsi non præcisè vt est talis entitas physica, tamen spectata iuxta varios effectus morales, quos ex statuto Dei, congruenter ad suam naturam adiunctos habet, dicit quandam naturalem repugnantiam cum peccato mortali; quatenus gratia constituit hominem filium Dei adoptivum, hæredem regni cœlestis, amicum Dei, iustum, sanctum, &c. peccatum verò è contrà illum constituit filium diaboli, reum æternæ pœnæ, & consequenter iure regni cœlestis orbatum; item Dei inimicum, iniustum, immundum, &c. Hinc autem sequitur, infusionem gratiæ esse mutationem quodammodo connaturaliter coniunctam, cum remissione peccatorum.

Quo loco Aduerte 1. inter infusionem gratiæ, & remissionem peccati non intercedere tempus, sed vtramque mutationem simul peragi, ita vt eodem momento quo homo gratiam recipit, illius peccata quoad culpam deleantur. Hoc satis colligitur ex iam dictis, ac prætereà ostenditur, quia aliàs sequeretur hominem simul esse in statu gratiæ

DE GRATIA. CAP. X. 507

tiæ , & peccati , quod repugnat saltem de lege ordinaria.

Aduerte 2. Infusionem gratiæ esse priorem natura expulsiōe peccati, in genere causæ formalis, eò quòd gratia peccatum expe lit , expulsiōem verò peccati dici posse priorem infusione gratiæ , in genere causæ materialis & dispositiuæ , quia cūm peccatum impediāt receptionem gratiæ , illius expulsiō subiectum quodammodo disponit ad gratiam recipiendam.

Resolutio III. Nullus actus quantumuis perfectus est causa formalis iustificationis.]
 Probat̃ur 1. quia actus cōtritionis, amoris Dei, aliq̃ue iustificationem antecedentes sunt quædam dispositiones ad eam necessariae, vt dictum est cap. 9. ergo nullus ex iis actibus est causa formalis iustificationis : sequela patet , quia sicut dispositio non disponit ad seipsam , sed ad formam distinctam ; ita non disponit ad effectum suum formalem, sed ad effectum alterius.

Probat̃ur 2. nam iustificatio est beneficium distinctum ab actu contritionis, & consequenter à quouis alio actu : ergo non est effectus formalis illius. Antecedens colligitur tum ex verbis illis Petri Actor. 3. Pœnitimini ; & conuertimini vt deleantur peccata vestra , tum ex illis Prophetæ Ps. 32. Dixi , confitebor aduersum me iniustitiam meam Domino , & tu remisisti impietatem peccati, mei; sequela ostenditur, quia qui dat causam formalem, necessario confert effectum formalem , cūm vnum non possit esse sine alio.

Y 2

Proba

Probat 3. nam in iustificatione gratia habitualis infunditur, eaque habet sufficientem vim formaliter expellendi peccata, ergo frustra dicis actum aliquem esse causam formalem iustificationis, & remissionis peccatorum. Confirmatur, nam ex Trident. sess. 6. cap. 7. remissio peccatorum fit in homine, per voluntariam susceptionem gratiæ, & donorum; Deus solus est causa efficiens iustificationis, vnica duntaxat est causa illius formalis, ac tandem Baptismo renati debent acceptam iustitiam conseruare candidam, & immaculatam vt eam perferant ante tribunal Christi. Quæ & similia stare non possent, si contritio aliûsve actus esset causa formalis iustificationis.

Dices 1. ex Scriptura, & Patribus, constat charitatem actualem esse perfectam iustitiam & sanctitatem, contritionem animam sanare, Deoque reconciliare, &c. Respondeo 1. Patres vt plurimum loqui de charitate habituali. 2. etsi de actuali agant, non debere ita intelligi vt velint, charitatem esse formam iustificantem, sed tantum causam materiale, seu dispositiuam, quatenus perfectè disponit ad gratiam, qua peccata remittuntur. Et idem dic de contritione actuali.

Dices 1. ex Trident. sess. 6. cap. 14. poenam æternam vel Sacramento, vel Sacramenti voto remitti vnà cum culpa: hoc autem votum includitur in contritione, vt tradit idem Concilium sess. 14. cap. 4. ergo contritio habet vim formaliter remittendi peccata. Verùm nulla est consequentia, aliàs æquè conclu

DE GRATIA. CAP. X. 509

concluderes , ipsum Sacramentum formaliter iustificare & peccata remittere , quod tamen apertè falsum est. Itaque peccata remittuntur per Sacramentum, & per votum illius ; per Sacramentum , vt per causam efficientem moralem ; per votum verò in contritione inclusum, vt per optimam dispositionem, qua posita infallibiliter peccata remittuntur.

Dices 3. visio beatifica habet vim formaliter expellendi peccata, quia cum summa fœlicitate non potest esse miseria aliqua, maximè miseria peccati; ergo idem dicendum de actu charitatis, quia est perfecta auersio à peccato, & conuersio ad Deum. Respondeo antecedens negari posse, & ad illius probationem dicendum, aliquam miseriam consistere posse cum, beatitudine, quæ non absolutè, sed tantum essentialiter completa est, vt si monoculus, aut claudus videret Deum.

Dices 4. qui amat Deum super omnia ad eum perfectissimè conuertitur, eique formaliter adhæret; ergo per illum amorem formaliter tollitur peccatum, quod formaliter est auersio à Deo. Non sequitur, quia illa conuersio non est satisfactoria de condigno, pro iniuria diuina, propter improprietatem quæ est inter personam satisfaciendam, & læsam, vt lib. 2. dictum.

Resolutio I V Peccatum mortale de potentia absoluta remitti potest; sine vlla physica mutatione peccatoris.] Probatur, quia si necessaria esset mutatio physica, ea deberet fieri per actum aut per habitum; at neutrum

Y 3 dici

dici potest, non primum, quia actus non prærequiritur ad expunctionem peccati, nisi ut quædam dispositio illius; at potest Deus absolute conferre formam aliquam, sine præuia dispositione ad illam, præsertim si talis dispositio non sit nisi moralis ut hic contingit.

Non etiam secundum; quia etsi gratia habitualis naturaliter habeat quandam repugnantiam cum peccato mortali, non tamen tale peccatum est formaliter privatio gratiæ habitualis, ut patet; tum qui homo constitutus in puris naturalibus peccare posset, neque tunc priuaretur gratia habituali, tum quia potest Deus iustum priuare gratia habituali, cum tamen nequeat esse author peccati, ut esset, si peccatum in ea privatione consisteret. Quare nulla est ratio cur non possit peccatum tolli, etsi gratia sanctificans non infundatur.

Probat 2. Nam peccatum essentialiter spectatum est macula quædam moralis, ex actu præcedenti in anima habitualiter remanens; ergo non requiritur absolute ad remissionem illius, nisi mutatio moralis. Vnde non requiritur mutatio vlla physica in peccatore, siue per actus ab eo elicitos, siue per habitus gratiæ infusos, sed sola condonatio Dei ad talem effectum erit sufficiens. Quemadmodum ad remissionem iniuriæ inter homines, satis est quod læsus eam condonet, etsi qui læsus ipse nullo modo physice mutetur.

Dices 1. Peccatum remitti non potest, quandiu homo manet conuersus ad creaturam, & auersus à Deo. At semper auersus
erit

DE GRATIA. CAP. X. § 11

erit à Deo, nisi mutetur, hæcque mutatio saltem actum aliquem exigit. Respondeo sufficere mutationem moralem, quæ per solam Dei condonationem fieri potest, ut iam homo non dicatur auersus à Deo.

Dices 2. si peccatum remitti potest sine actu, aut habitu, sequitur illud posse remitti per solam non imputationem, quæ est hæreticorum sententia damnata in Concil. Trident. sess. 6. cap. 7. & can. 1. Respondeo hæreticos loqui de facto, & de non imputatione peccati remanentis, & verè non remissi; nos autem agimus de possibili, & de vera remissione qua peccatum tollatur.

Resolutio V. De potentia absoluta gratia habitualis potest simul esse in eodem subiecto cum peccato mortali, siue actuali, siue habituali.] Prior pars probatur, tum quia quando homo actu peccat, gratia non potest desinere in eo esse nisi per subtractionem concursus diuini; at potest Deus absolutè non denegare suum concursum gratiæ, tum quia peccatum actuale est aliquid positium, & non priuatio gratiæ, quare nulla ratio est cur diuinitus simul cum gratia conseruari non possit.

Posterior pars ex dictis colligitur, nam si dum homo actu peccat, potest Deus in eo conseruare gratiam, quare idem non poterit post transactum actuale peccatum? Eo vel maxime quia peccatum habituale non tam est Deo iniuriosum, quàm actuale, eò quòd actuale est per se & directè voluntarium, habituale verò per denominationem ab actuali, duntaxat.

Dices 1. in eo casu idem homo simul esset iustus & iniustus, Deo gratus & ingratus, quod planè implicat. Respondeo assumptum falsum esse, nam ut quis dicatur iustus non sufficit qualiscumque iustitia, sed ea tantum quæ coniuncta est cum expulsiōe omnis iniustitiæ: sicut etiam ut quis Deo gratus censeatur, necesse est ut nihil in se habeat, per quod exosus sit. In dicta ergo hypothēsi homo esset simpliciter iniustus, & Deo exosus, iustus verò, & Deo gratus secundum quid.

Dices 2. amicitia & inimicitia non possunt esse simul respectu eiusdem, atqui gratia est amicitia inter nos & Deum, peccatum verò inimicitia, ergo, &c. Respondeo minorem non esse veram in sensu formali, sed tantum quatenus gratia est signum amicitiae Dei erga nos, peccatum verò ex se prouocat inimicitiam Dei in nos; at non repugnat quòd iniurij simus erga aliquem; & quòd ille nos aliquo afficiat beneficio.

Dices 3. repugnat quòd aliquis simul sit beatus, & damnatus, ergo & quod simul sit in gratia, & in peccato constitutus. Respondeo non sequi, nam beatitudo dicit formaliter exclusionem omnis miseriae, & poenae, illius praesertim quæ ad statum damnatorum pertinet; at non ita gratia habitualis dicit formaliter exclusionem peccati aut vice versa. Quare si aliquis haberet simul gratiam, & peccatum, ad prouidentiam diuinam spectaret impedire, ne in eo moreretur.

Dices 4. non potest esse causa formalis sine

DE GRATIA. CAP. XI. § 13

ne effectu formali, ergo si gratia potest esse cum peccato, sequitur eam non esse causam formalem remissionis peccatorum. Respondeo hinc tantum sequi, gratiam præcisè quoad suam entitatem spectatam, non esse causam formalem remissionis peccatorum, sed tantum spectatam ut habet quosdam effectus morales; cum peccato impossibiles.

CAPVT XI.

De conditionibus ad meritum necessariis.

Resolutio I. Datum vnum aliquod hominis meritum apud Deum, consistens in aliquo actu libero, quique ex auxilio gratiæ procedat.] Prima pars probatur euidenter ex Script. quæ aliquando operibus humanis meritum tribuit, ut cum Eccli. 16. dicitur. Misericordia facit unicuique locum secundum meritum operum suorum. Aliàs docet iustorum operibus respondere mercedem apud Deum, ut patet ex verbis illis Matth. 5. Gaudete & exultate quoniam merces vestra copiosa est in cælis: at merces respondet meritis. Hæc porro intellige de operibus bonis & honestis, cum mala pœnam mereantur non præmium.

Neque dicas cū hæreticis, hinc merita Christi obliuari: hoc enim falsum est, quin potius sicut illustratur potentia Dei, ex eo quod rebus creatis potestatem agendi dederit, ita illustrantur merita Christi quatenus ex iis virtus merendi præmia æterna in nos profluxit.

Y §

Secunda

Secunda pars ostenditur, tum ex Eccli. 31. vbi dicitur bona iusti stabilita esse in Domino, quia potuit transgredi & non est transgressus; facere mala & non fecit; tum ex vulgari illo Hieronymi testimonio lib. 2. contra Iovinianum, Liberi arbitrij nos condidit Deus, nec ad vitia, nec ad virtutes necessitate trahimur; alioqui vbi necessitas, nec corona, nec damnatio est; tum quia qui meretur præmium, aliquid suum dat, at non nisi opus liberum est hominis, cum in alia dominium non habeat; tum denique quia sicut nemo puniri solet pro malo quod vitare non potuit: ita nec præmiari pro bono quod ex necessitate patrauit.

Vbi nota 1. etsi non nisi actiones liberæ possint acceptari ad meritum vitæ æternæ, non liberæ tamen posse acceptari ad vitam æternam: ut patet in morte Innocentium, quam Deus acceptauit ad gloriam martyribus debitam.

Nota 2. non esse necessariam ad meritum libertatem quoad specificationem inter bonum & malum, sed sufficere libertatem quoad exercitium actus, & quoad specificationem inter diuersa bona, ut patet exemplo Christi qui liberè agebat, etsi peccare non posset.

Tertia pars ostenditur, tum ex verbis illis Christi Ioan. 15. Sine me nihil potestis facere, id est, ut explicant Patres, sine meo auxilio nihil potestis operari, quod ad vitam æternam conducat. Tum quia Conciliorum, & Patrum communis vox est, omnia nostra merita esse Dei dona cuiusque gratia præue

DE GRATIA. CAP. XI. 515

præueniri: tum denique quia gratiam actualem generatim necessariam esse ad opera pietatis, ex supradictis de necessitate gratiæ perspicuum relinquitur.

Dices 1. qui dederit potum aquæ frigidæ, non perdet mercedem. Matth. 10. at hoc fieri potest sine auxilio gratiæ. Respondeo ibi agi de eo qui potum aquæ dederit discipulo, in quantum discipulo, adeoque ex affectu erga Christum, ut ex Marci 9. clariùs intelligi potest.

Dices 2. homo meretur seruando præcepta, at si non omnia, aliqua saltem præcepta seruari possunt sine auxilio gratiæ. Respondeo hominem mereri seruando præcepta, si adsint conditiones ad meritum necessariæ, quarum vna est ut opus fiat ex gratiæ auxilio. Aliàs similiter concludi posset, ad meritum non requiri gratiam sanctificantem, cum sine illa quædam præcepta seruari possint.

Resolutio II. Ad meritum non requiritur ut sit opus à charitate elicitum, vel imperatum.] Prior pars probatur 1. tum quia Scriptura generatim tribuit meritum bonis iustorum operibus; ut cum 1. Cor. 3. dicitur: Vnusquisque propriam mercedem accipiet, secundum suum laborem. Et Hebr. 6. Non est iniustus Deus, ut obliuiscatur operis vestri. Immerito autem hæc & similia quis restringet ad actus ex sola charitate procedentes.

Secundò quia Concil. Trident. sess. 6. cap. 16. statuit, nihil ipsis iustificatis amplius deesse, quominùs illis operibus quæ in Deo

sunt facta diuinæ legi satisfecisse, & vitam æternam verè promeruisse censeantur. Dici autem non potest, hæc verba intelligi de solis actibus charitatis, cum etiam actus aliarum virtutum ad satisfaciendum diuinæ legi sint necessarii.

Posterior pars ex priori colligitur, nam Scriptura, & Concilium agunt de bonis operibus iusti factis ex Christi auxilio, & per quæ præcepta diuina seruantur: Ista autem non possunt verificari, de solis operibus à charitate elicitis, vel imperatis, cum alia pleraque oriuntur ex gratiæ auxilio, & per ea præcepta diuina seruentur.

Dices 1. Scriptura indicat alia opera non mereri, nisi quatenus oriuntur ex charitate; ut cum promittit mercedem tribuenti discipulo potum aquæ, ex charitate Christi. Respondeo elemosynam quæ fit ex charitate Christi, esse valde meritoriam; non tamen requiri ut sit meritoria, quod fiat ex tali charitate, sed satis esse quòd cum illa fiat.

Dices 2. ut opus sit meritorium debet referri in Deum, ut in finem supernaturalem; at nequit habere eiusmodi relationem, nisi ex charitate fiat. Respondeo minorem falsam esse, nam quemadmodum res quæ à Deo procedunt ut authore naturæ, ad eundem redeunt ut ad finem naturalem; ita cum in homine præter charitatem, sint varij actus supernaturales, qui consequenter à Deo ut authore supernaturali procedunt, dicendum est eiusmodi actus ex se, & sine relatione alterius virtutis, ad Deum ut ad finem supernaturalem tendere.

Reso.

DE GRATIA. CAP. XI. 517

Resolutio III. Ad proprium meritum requiritur ex parte operantis, gratia sanctificans, & status viatoris] Prima pars probatur, tum ex illo Pauli 1. Cor. 13. Charitatem autem si non habuero, nihil sum; & ad Galat. 5. In Christo Iesu neque circumcisio aliquid valet, neque præputium, sed fides quæ per charitatem operatur

Tum ex Concil. Trid. sess. 6. c. 16. vbi multipliciter indicatur, non nisi opera iusti esse meritoria, vt cum in ipso capitis titulo meritum vocatur fructus iustificationis & postea in discursu, cum dicitur, vitam æternam esse mercedem, bonis operibus filiorum Dei reddendam. Quibus consensanea passim tradunt Patres, quorum verba prætereo.

1. Tum quia valor operis non tantum sumitur à conditione, & natura ipsius operis, sed etiam à circumstantia personæ operantis, vt patet experientia & in Christi operibus lib. 2. observauimus. Quare vt homo gloriam æternam, condignè mereatur non sufficit quòd opus habeat quandam proportionem cum tali præmio, sed etiam requiritur vt ipse ad statum supernaturalem euehatur, quod fit per gratiam sanctificantem. Accedit quòd cum homo in hoc statu carens gratia versetur in peccato, ac proinde sit exosus Deo, fieri nequit vt gloriam æternam apud illum de condigno mereatur. Maxime quia eo ipso deberet mereri remissionem peccati, ipsamque gratiam sanctificantem, quod tamen esse impossibile constat ex Conc. Trid. sess. 6. cap. 8.

Secunda

Secunda pars colligitur ex variis Scripturæ testimoniis, addita Patrum, & Theologorum expositione, ut cum dicitur Eccles. 11. Si ceciderit lignum ad austrum, aut ad aquilonem, in quocunque loco ceciderit, ibi erit. ad Timoth. 5. Omnes nos oportet manifestari ante tribunal Christi, ut referat unusquisque prout gessit in corpore suo, siue bonum, siue malum. Et ad Gal. 6. cum tempus habemus operemur bonum ad omnes, &c.

Ratio autem sumi debet ex ordinatione Dei, qui non aliis quàm viatoribus promisit præmium, cum enim multa opera non viatorum possint esse bona, libera, & supernaturalia; nulla est ratio cur ea non sint meritoria, nisi quia Deus nullum præmiu mpromisit eiusmodi operibus.

Nota ut quis mereatur, non sufficere quòd sit viator, seu quòd adhuc ad terminum viæ non peruenierit, sed præterea requiri, ut hîc viuat conditione mortali. Quod addo, ex communiori sententia propter Enoch, & Eliam, qui etsi mortui non sint, sed translati, cum tamen non viuant conditione mortali, verisimile est eos extra statum merendi constitutos esse, ne alioqui dicere cogamur, eos tandem ad gloriam quandam immensam, meritis propè infinitis respondentem aliquando esse euehendos.

Resolutio IV. Etsi opera hominis iusti habeant ex se quandam condignitatem cum præmio, non tamen propriè illud de condigno merentur, sine aliqua promissione, aut pacto

DE GRATIA. CAP. XI. 519

pacto Dei.] Prima pars probatur, quia opera meritoria iusti sunt supernaturalia, & procedunt à filio Dei adoptiuo; quare habent proportionem quandam cum præmio supernaturali gloriæ æternæ, quæ est hæreditas filiorum Dei.

Secunda pars ostenditur, tum qui meretur aliquid de condigno, acquirit verum ius ad habendum præmium: at non potest homo verum aliquod ius acquirere in gloriam æternam, sine promissione Dei, sicut nequit operarius laborans in vinea patrisfamilias, habere ius ad obtinendam mercedem ex bonis illius, nisi promissio aliqua, aut pactum inter illos intercesserit, tum quia nequidem ipsa Christi opera fuisse meritoria citra promissionem Dei aliàs cum ea ex se haberent valorem; & dignitatem infinitam, Christus omnibus hominibus de facto obtinisset immensam gratiam & gloriam: tum denique, quia cum opera multa existentium in purgatorio, & in cœlo habeant conditiones ad verum meritum necessarias, dicendum est rationem cur non mereantur de facto, non aliam esse quàm, quia Deus non promisit præmium aliquod pro eiusmodi operibus.

Dices 1. Peccatum mortale pœnam æternam mereretur, etsi peccatum non accedat: ergo & bonum opus meretur gloriam, etsi non adsit promissio. Respondeo non sequi, & ratio discriminis est, quia in posteriori casu homo acquirit ius ad bona diuina, non in priori.

Dices 2. si ad meritum necessaria est promissio, non potuerunt antiqui Patres accipere

pere gratiam ex Christi meritis, cum nondum esset Christus cui fieret promissio. Respondeo non sequi, nam sicut meritum Christi mouere potuit, et si nondum existeret nisi in prauisione Dei, ita et si nondum essent conditiones ad illud necessariae.

Dices, 3. Promissio Dei est extrinseca operi, quare non facit ut sit meritorium, sicut neque ut sit bonum. Respondeo promissionem non tribuere operi dignitatem, ipsam tamen rationem meriti in eo complere, quatenus facit ut operans habeat ius in præmium, quod aliàs non haberet.

CAPVT XII.

De premiis quæ cadunt sub meritum.

Resolutio I. Non potest peccator mereri, de condigno gratiam sanctificantem, potest tamen eam mereri de congruo.] Prima pars probatur, tum ex verbis illis Concilij Trident. sess. 6. cap. 8. Gratis iustificari à Deo dicimur quia nihil eorum quæ iustificationem præcedunt, siue fides, siue opera, ipsam iustificationis gratiam promeretur.

Tum quia si peccator de condigno mereatur gratiam, hoc fit per dispositiones ad illam; at eiusmodi dispositiones ad id non sufficiunt, cum illæ, vel sint remotæ vel proximæ; & priores, tempore præcedant gratiam, ac proinde sint opera hominis Deo exossi, qui nihil apud eum condignè mereri potest

DE GRATIA CAP. XII. 521

test ex supra dictis : posteriores verò etsi non tempore, saltem natura antecedant gratiam, sicque sint actus peccatoris, & inimici Dei meriti incapaces.

Dices, cum in eodem instanti reali vltima dispositio informetur à gratia, ea poterit ut sic mereri aliquid de condigno Verum quicq. i. de hoc sit, non sequitur actum illum mereri de facto eam gratiam qua formatur; cum de lege ordinaria principium meriti non cadat sub meritum. Vnde etiam collige peccatorem non mereri de condigno remissionem peccatorum, cum hæc non fiat nisi per gratiam sanctificantem.

Secunda pars ostenditur, nam cum per actum contritionis, vel amoris Dei super omnia peccator se optimo modo disponat ad consequendam gratiam, & ad emergendum è statu peccati, hoc sufficit, ut Deus etsi non ex aliqua obligatione, tamen ex congruitate & decencia, teneatur illi gratiam infundere: sicut decens est ut homo valde diues pauperem iuuet, qui mediis licitis ad honestum statum è quo deiectus est, redire conatur. Et hoc confirmari potest ex Patribus, qui passim peccatoribus poenitentibus tribuunt aliquod meritum, respectu remissionis peccatorum: id enim intelligendum est de merito congruo, cum de condigno strictè sumpto explicari non possit.

Dices, gratia sanctificans gratis tribuitur ex antedictis: ergo non ex merito. Respondeo non sequi agendo de merito congruo, quia cum hoc non indicat obligationem, cum liberali & gratuita donatione consistere

-re

re potest, ut ex allato exemplo faciliè intelligitur.

Neque dicas Deum teneri facere quidquid decens est, hoc enim falsum esse vel ex eo constat, quia si Deus saluaret omnes homines, aut crearet alios mundos, hoc per se loquendo valde decens esset: neutrum tamen facit, quia suppetunt causæ nobis ignotæ, cur id non faciat.

Resolutio II. Iustus potest mereri de condigno augmentum gratiæ sanctificantis, idque per actus etiam habitu gratiæ remissiores.] Prima pars probatur, tum ex Concil. Trid. sess. 6. can. 12. ubi anathema dicitur ei qui negauerit, iustificatum bonis operibus mereri augmentum gratiæ, &c. tum quia opus hominis iusti potest habere omnes conditiones ad meritum de condigno necessarias, nempe libertatem, honestatem, & alias de quibus supra.

Secunda pars ostenditur primò ex Trident. iam citato, quod agit generatim de bonis operibus iusti, quæ ab eo per Dei gratiam, & Christi meritum fiunt: at opera charitatis habitu remissiora sunt bona, fiuntque per Dei gratiam & Christi meritum.

Deinde meritum de condigno fundatur in dignitate specifica & substantiali operis: quæ petenda est ex ordine ad obiectum illius: ex intensione verò in se spectata, sumi potest tantum quidam accidentarius valor operis: quòd autem actus sit intensior, aut remissior habitu charitatis; hoc planè impertinens est ad dignitatem moralem ipsius actus: alias
sequere

DE GRATIA. CAP. XII. 523

sequeretur actum ut quatuor, esse meritorium in habente gratiam ut tria, actum verò ut novem, nihil mereri in habente gratiam ut decem, quod certè ridiculū.

Nota 1. Etsi habitus naturales, vel acquisiti non augeantur nisi per actus intensiores supernaturales tamen augeri actus remissiores: & ratio discriminis est, quia actus naturales concurrunt physicè ad productionem, & augmentum habituum naturalium: actus verò supernaturales non nisi moraliter, & meritoriè ad productionem, & augmentum supernaturalium, movendo Deum ut eos in nobis producat, vel augeat.

Nota 2. augmentum gratiæ respondens actibus remissis, tribui homini statim in hac vita, Deus enim fidelis est in servandis promissis, quare cum promiserit iusto augmentum gratiæ, ex hypothese quòd benè operetur, nulla ratio est, cur tali conditione posita, præmium promissum in aliud tempus differat, præsertim cum tunc iustus illius capax sit.

Ac multò minùs credibile est quod aliqui dicunt, iustum mereri quidem augmentum gratiæ, & gloriæ per actus habitu remissiores, nūquam tamen illud recipere, nisi per actum intensiorem ad hoc se disponat: sic enim, ut alia præteream, sequeretur eum qui post totam vitam in flagitiis actam, ad Deum converteretur per unicum actum charitatis ut 6. fore æquè essentialiter beatum, ac illum qui cum unico charitatis actu intenso, ut 6. innumeros alios actus

actus bonos cuiuscunque generis, sed remissiores edidisset.

Resolutio III. Propriè loquendo non potest iustus mereri de condigno, aut etiam de congruo perseverantiam] Prior pars probatur, nam hic per perseverantiam intelligimus auxilia omnia prævenientia, & comitantia per quæ iustus perseverat in gratia diuina, usque ad finem vitæ, quæque à puncto iustificationis illi tribuuntur. At quòd nequeat iustus omnia illa auxilia condignè mereri patet, tum quia ut mereatur debet habere auxilium efficax præuium ad opus meritorium, quodque sit causa illius; quare tale auxilium de lege saltem ordinaria mereri non potest; tum quia etsi præuentus sit tali auxilio, non potest de condigno mereri reliqua, quia aliàs iam certus esset de sua perseverantia, neque ab ea vnquam excidere posset, quantumcunque illius vita protraheretur quòd tamen admitti non potest.

Posterior pars ostenditur nam etiam ad meritum de congruo prærequiritur auxilium efficax, quod proinde sub illud cadere non potest quare cum perseverantia ut à nobis iam accipitur, complectatur omnia auxilia quæ tribuuntur iusto ab instanti iustificationis; repugnat quòd iustus per opera quæ post adeptam iustitiam elicit, eam vel de congruo mereatur.

Dices Augustinum oppositum docere lib. de Dòno perseverantiæ cap. 6. cum ait; hoc ergo Dei donum [scilicet perseverantiam] suppliciter emereri potest. Respondeo Augustinum non loqui de perseverantia in dicto rigore,

DE GRATIA. CAP. XII. 525

rigore, sed tantum velle, hominem iustum præuentum iam auxiliis gratiæ, posse de cætero mereri ex congruitate, alia auxilia ad perseuerandum necessaria.

Quod adhuc non ita intelligi debet, ut iustus per vnum, aut alterum actum bonum mereatur de congruo omnia auxilia, quæ ad perseuerandum toto, eoque diuturno vitæ tempore sunt necessaria; sed ita ut per aliquem actum bonum possit impetrare auxilium ad alium actum, & per hunc ad tertium, sicque deinceps usque ad finem vitæ. Ille enim modus obtinendi perseuerantiam successiue, & veluti per partes, ut & magis ordinarius est, ita minus patet iis incommodis quæ contra alium virgeri possunt.

Resolutio I V. Etsi iustus non possit de condigno mereri reparationem post lapsum, ex probabili tamen sententia potest eam interdum mereri de congruo. Prior pars Probat, tum quia ex dictis, non potest iustus condignè mereri ne cadat: ergo multò minus ut resurgat post lapsum: tum quia non potest iustus mereri reparationem post lapsum, nisi per opera bona, quæ exercet, quandiu iustus est: illa autem opera omnia superueniente peccato lethali mortificantur, ut loquuntur Theologi, ita ut quandiu status ille durat, non habeant proximè ius iustitiæ erga Deum. Quare sicut iustus non potest mereri de condigno ut Deus illi conferat gloriam, etsi postea in peccatum labatur: ita neque quòd tunc eum in suam amicitiam recipiat.

Posterior pars ostenditur, quia interdum accipit

accidit ut iustus, post longam in exercitio bonorum operum perseverantiam, graui aliqua tentatione deuictus cadat in peccatum mortale: tunc autem est valde credibile, Deum ob tot præcedentia hominis merita moueri, ad conferendam illi gratiam efficacem, per quam à peccato resurgat. Confirmatur, nam ut plurimum eiusmodi homines à peccato suo resurgunt, adeoque recipiunt auxilium efficax ad conuersionem, citius quàm alij, cuius discriminis ratio ex eorum meritis antecedentibus non incongruè sumi potest.

Nota hanc doctrinam non debere extendi ad omnes qui à peccato resurgunt: cum plerique post adeptam gratiam faciliè in peccata ruant, & bona opera quæ ante lapsum exercent, non tanti momenti sint ut Deum, vel ex congruo moueant ad conferenda illis auxilia gratiæ, per quæ à peccato resurgant.

Verùm quòd nullus possit sibi etiam de congruo, mereri reparationem post lapsum, ea ratione à fortiori probatur: quia nequidem iustus potest alteri in peccato esistenti mereri primam gratiam, propter impedimentum peccati. Respondeo, hanc suppositionem negari posse; cum omnes communiter sentiant, viros sanctos pro peccatoribus orantes, iis obtinere gratiam per quam conuertantur: dictumque illud Augustini in omnium ore versetur, nisi orasset Stephanus, Ecclesia Paulum non haberet.

Resolutio V. Probabile est posse hominem mereri de condigno primam gloriam,

DE GRATIA. CAP. XII. 527

tiam, per actum illum quo extra Sacramentum ultimatè ad gratiam habitualement disponitur.] Probatur 1. quia etsi eiusmodi actus spectatus ut naturâ antecedit gratiam habitualement, non possit esse de condigno meritorius, quia sic est opus peccatoris: ut tamen in sequenti signo naturæ coniunctus est cum gratia sanctificante, & ab ea formatus, nil vetat quin de condigno mereamur primam gloriam: cum sit actus liber, honestus, supernaturalis, & hominis iam Deo grati, &c.

Probatur 2. quia aliàs sequeretur: nullum beatum totam gloriam ex meritis consequi: quod sane quicquid dicant aliqui, non valde cohæret cum Concil. Trident. sess. 6. can. 32 statuente, iustificatum bonis operibus mereri augmentum gratiæ, vitam æternam, & augmentum gloriæ: ubi per vitam æternam, quam distinguit ab augmento gloriæ, non nisi ipsam primam gloriam essentialem intelligere potest. Sequela ostenditur, quia omnium consensu homo non meretur primam gloriam, per actus antecedentes, aut sublequentes iustificationem.

Dices 1. homo non meretur primam gratiam habitualement, ergo nec primam gloriam illi respondentem. Non sequitur, quia non repugnat quòd gloria debeatur homini, & titulo hæreditatis propter gratiam, & titulo meriti propter opus bonum.

Dices 2. quando iustus accipit ex merito augmentum gratiæ, non propterea opus illius fit magis meritorium: ergo similiter actus

actus contritionis per gratiam aduenientem non augetur in ratione meriti. Verùm non est par ratio, quia in priori casu actus iusti supponit gratiam sanctificantem, à qua suam dignitatem accepit, in posteriori verò gratia sanctificans non præcessit: quare non mirum est, quod ea quæ aduenit opus ipsum dignificet in ordine ad primam gloriam. Et hæc de Idea Theologiæ speculatiuæ, ad maiorem Iesu Christi, Virginisque Deiparæ gloriam, satis. Superest vt illud vsurpamus ex Aug. in fine librorum de Trinitate.

*Domine Deus vnus, Deus Trinitas, quæcun-
que dixi in his libris de tuo, agnoscant.
& tui: si qua de meo, & tu ignosce, & tui.
Amen.*

FINIS.



INDEX

LIBRORVM

ET CAPITVM

huius Ideæ.

LIBER I.

DE DEO.

Cap. I. **D**E existentia Dei. pag. 17

II. **D**E Attributis diuinis
in genere. 24

III. De Simplicitate Dei. 30

IV. De Perfectione , & Bonitate
Dei. 34

V. De Infinitate , & immensitate
Dei. 38

VI. De immutabilitate , & eternitate
Dei. 44

VII. De Possibilitate visionis Dei , &
de lumine ad eam requisito. 49

VIII. De his quæ spectant ad obiectum
visionis Dei. 55

IX. De Perfectione visionis Dei. 64

Z

Index Capitulorum.

- X. De Scientia Dei , illiusque obiecto. 70
- XI. De modo quo Deus res cognoscit, maximè contigenter futuras. 78
- XII. De coherentia scientia diuina cum libertate , aliisque ad eam spectantibus. 86
- XIII. De Scientia conditionata , seu media. 91
- XIV. De voluntate diuina. 98
- XV. De libertate voluntatis diuinae 106
- XVI. De quibusdam aliis ad voluntatem Dei spectantibus. 116
- XVII. De variis affectibus , & virtutibus diuinae volitionis. 123
- XVIII. De Providentia diuina , & Prædeterminatione Physica. 131
- XIX. De Prædestinatione. 144
- XX. De electione, & reprobatione. 150

LIBER

LIBER II.

DE CHRISTO,

VBI,

De Myſteriis Trinitatis, & Incarnationis differitur.

Cap. I. **D**E proceſſionibus diuinis.
pagin. 167

II. De Relationibus diuinis. 179

III. De Perſonis diuinis in genere 188.

IV. De perſona Patris. 201

V. De Perſona Filij. 204

VI. De Perſona Spiritus ſancti. 211

VII. De notionibus diuinis. 220

VIII. De equalitate, & miſſione perſonarum diuinarum. 227

IX. De exiſtentia Incarnationis. 233

X. De neceſſitate Incarnationis. 238

XI. De ſubſtantia Incarnationis. 250

XII. De utroque extremo unionis hypoſtatica, ut ea de facto perfecta eſt.
pagin. 263

XIII. De nonnullis que circa unionem
2 2 hypoſta

Index Capitum.

<i>hypostaticam de possibili conside-</i>	
<i>rari possunt.</i>	272
XIV. De causis Incarnationis.	283
XV. De Gratia Christi.	297
XVI. De Scientia Christi.	309
XVII. De voluntate, & meritis Chri-	
sti.	318
XVIII. De potentia, & subiectione	
Christi.	324
XIX. De quibusdam officiis.	335
XX. De Filiatione, predestinatione, &	
adoratione Christi.	342
Appendix. De communicatione Idio-	
matum, seu de modo loquendi in	
materia.	351

LIBER

LIBER III.

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici.
375

V. De modo cognitionis Angelorum.
384

VI. De voluntate, & amore Angelo-
rum. 388

VII. De gratia, & gloria Angelorum.
393

VIII. De peccato demonum. 399

IX. De pœna demonum. 407

X. De illuminatione, & locutione An-
gelorum. 412

XI. De ordinatione, & potestate An-
gelorum. 415

XII. De missione, & custodia Angelo-
rum, ac impugnatione demonum.

420

LIBER

Index Capitulorum.

<i>hypostaticam de possibili considerari possunt.</i>	272
XIV. <i>De causis Incarnationis.</i>	283
XV. <i>De Gratia Christi.</i>	297
XVI. <i>De Scientia Christi.</i>	309
XVII. <i>De voluntate, & meritis Christi.</i>	318
XVIII. <i>De potentia, & subiectione Christi.</i>	324
XIX. <i>De quibusdam officiis.</i>	335
XX. <i>De Filiatione, predestinatione, & adoratione Christi.</i>	342
Appendix. <i>De communicatione Idiomatum, seu de modo loquendi in materia.</i>	351

LIBER

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici
375

V. De modo cognitionis Angelorum
384

VI. De voluntate, & amore Angelorum.
388

VII. De gratia, & gloria Angelorum
393

VIII. De peccato demonum. 399

IX. De pœna demonum. 407

X. De illuminatione, & locutione An-
gelorum. 412

XI. De ordinatione, & potestate An-
gelorum. 417

XII. De
ri

Index Caputum.

<i>hypostaticam de possibili consid</i>	
<i>rari possunt.</i>	27
XIV. <i>De causis Incarnationis.</i>	28
XV. <i>De Gratia Christi.</i>	29
XVI. <i>De Scientia Christi.</i>	30
XVII. <i>De voluntate, & meritis Ch</i>	
<i>sti.</i>	31
XVIII. <i>De potentia, & subiectio</i>	
<i>Christi.</i>	32
XIX. <i>De quibusdam officiis.</i>	33
XX. <i>De Filiatione, predestinatione,</i>	
<i>adoratione Christi.</i>	34
Appendix. <i>De communicatione Id</i>	
<i>matum, seu de modo loquendi</i>	
<i>materia.</i>	35

LIBER III.

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici.
375

V. De modo cognitionis Angelorum.
384

VI. De voluntate, & amore Angelo-
rum. 389

VII. De gratia, & gloria Ange-
lorum. 393

VIII. De peccato demonum

IX. De pœna demonum.

X. De illuminatione, &
gelorum.

XI. De ordinatione, &
gelorum.

XII. De missione

Index Capitum.

<i>hypostaticam de possibili conside-</i> <i>rari possunt.</i>	272
XIV. <i>De causis Incarnationis.</i>	283
XV. <i>De Gratia Christi.</i>	297
XVI. <i>De Scientia Christi.</i>	309
XVII. <i>De voluntate, & meritis Chri-</i> <i>sti.</i>	318
XVIII. <i>De potentia, & subiectione</i> <i>Christi.</i>	324
XIX. <i>De quibusdam officiis.</i>	335
XX. <i>De Filiatione, predestinatione, &</i> <i>adoratione Christi.</i>	342
Appendix. <i>De communicatione Idio-</i> <i>matum, seu de modo loquendi in</i> <i>materia.</i>	351

LIBER III.

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici.
375

V. De modo cognitionis Angelorum.
384

VI. De voluntate, & amore Anglo-
rum. 388

VII. De gratia, & gloria Angelorum.
393

VIII. De peccato demonum. 399

IX. De demonum. 407

X. De actione, & locutione An-
gelorum. 412

De potestate An-

gelorum
et demonum.

LIBER

Index Capitulorum.

hypostaticam de possibili considerari possunt. 272

XIV. De causis Incarnationis. 283

XV. De Gratia Christi. 297

XVI. De Scientia Christi. 309

XVII. De voluntate, & meritis Christi. 318

XVIII. De potentia, & subiectione Christi. 324

XIX. De quibusdam officiis. 335

XX. De Filiatione, prædestinatione, & adoratione Christi. 342

Appendix. De communicatione Idiomatum, seu de modo loquendi in materia. 351

LIBER III.

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici.
375

V. De modo cognitionis Angelorum.
384

VI. De voluntate, & amore Angelo-
rum. 388

VII. De gratia, & gloria Angelorum.
393

VIII. De peccato demonum. 399

IX. demonum. 407

X. tione, & locutione An-
412

notestate An-

415

lia Angelo-
demonum.

LIBER

Index Capitulorum.

X. De Scientia Dei , illiusque obiecto.	70
XI. De modo quo Deus res cognoscit, maxime contingenter futuras.	78
XII. De coherencia scientia diuina cum libertate , aliisque ad eam spectantibus.	86
XIII. De Scientia conditionata , seu media.	91
XIV. De voluntate diuina.	98
XV. De libertate voluntatis diuinae	106
XVI. De quibusdam aliis ad voluntatem Dei spectantibus.	116
XVII. De variis affectibus , & virtutibus diuinae volitionis.	121
XVIII. De Providentia diuina , & Prædeterminatione Physica.	131
XIX. De Prædestinatione.	144
XX. De electione, & reprobatione.	150

LIBER

LIBER II.

DE CHRISTO,

VBI,

De Myſteriis Trinitatis, & Incarnati-
onis differitur.

Cap. I. **D**E proceſſionibus diuinis.
pagin. 167

II. De Relationibus diuinis. 179

III. De Perſonis diuinis in genere 188.

IV. De perſona Patris. 201

V. De Perſona Filij. 204

VI. De Perſona Spiritus ſancti. 211

VII. De notionibus diuinis. 220

VIII. De aequalitate, & miſſione per-
ſonarum diuinarum. 227

IX. De exiſtencia Incarnationis. 233

X. De neceſſitate Incarnationis. 238

XI. De ſubſtantia Incarnationis. 250

XII. De utroque extremo unionis hypo-
ſtica, ut ea de facto perfecta eſt.

pagin. 263

XIII. De nonnullis qua circa unionem

Z 2 hypocha

Index Capitem.

<i>hypostaticam de possibili conside-</i> <i>rari possunt.</i>	272
XIV. <i>De causis Incarnationis.</i>	283
XV. <i>De Gratia Christi.</i>	297
XVI. <i>De Scientia Christi.</i>	309
XVII. <i>De voluntate, & meritis Chri-</i> <i>sti.</i>	318
XVIII. <i>De potentia, & subiectione</i> <i>Christi.</i>	324
XIX. <i>De quibusdam officiis.</i>	335
XX. <i>De Filiatione, predestinatione, &</i> <i>adoratione Christi.</i>	342
Appendix. <i>De communicatione Idio-</i> <i>matum, seu de modo loquendi in</i> <i>materia.</i>	351

LIBER

LIBER III.

DE ANGELIS

Cap. I. **D**E substantia Angelorum
secundum se. 355

II. De substantia Angelorum in ordi-
ne ad corporalia. 363

III. De iis quæ spectant ad intellectum
Angelorum. 371

IV. De obiecto intellectus Angelici.
375

V. De modo cognitionis Angelorum.
384

VI. De voluntate, & amore Angelo-
rum. 388

VII. De gratia, & gloria Angelorum.
393

VIII. De peccato demonum. 399

IX. De poena demonum. 407

X. De illuminatione, & locutione An-
gelorum. 412

XI. De ordinatione, & potestate An-
gelorum. 415

XII. De missione, & custodia Angelo-
rum, ac impugnatione demonum.

420

LIBER

LIBER IV.

DE GRATIA.

- Cap. I. **D**E necessitate gratia, ad assequendam cognitionem veritatum naturalium. 427
- II. De necessitate gratia ad bene operandum moraliter. 430
- III. De necessitate gratia ad amandum Deum ut natura authorem. 437
- IV. De necessitate gratia ad servanda precepta naturalia. 442
- V. De necessitate gratia ad actus supernaturales. 448
- VI. De nonnullis actualis gratia divisionibus 457
- VII. De principia divisione gratia actualis in sufficientem, & efficacem. 464
- VIII. De existentia, & natura gratia habitualis. 483
- IX. De causis, & dispositionibus gratia habitualis. 491
- X. De effectu formali gratia, seu de iustificatione. 502
- XI. De conditionibus ad meritum necessariis. 513
- XII. De premiis quae cadunt sub meritum. 520

FINIS.

